

POGGII
BRACCIOLINI
FLORENTINI
HISTORIÆ
DE VARIETATE FORTUNÆ
LIBRI QUATUOR.

EX MS. CODICE BIBLIOTHECÆ OTTOBONIANÆ
nunc primum editi, & Notis illustrati

A DOMINICO GEORGIO.

Accedunt ejusd. Poggii Epistole LVII. quæ nunquam antea prodierunt.

Omnia a JOANNE OLIVA RHODIGINO vulgata.



LUTETIÆ PARISIORUM,

Typis ANTONII URBANI COUSTELIER, Serenissimi
Aurclianensium Ducis, Typographi.

M. DCC. X XIII.

CUM PRIVILEGIO REGIS.





SERENISSIMO PRINCIPI
ARMANDO GASTONI
DE ROHAN
DE SOUBISE,
S. R. E. CARDINALI,

EPISCOPO ET PRINCIPI ARGENTORATensi;

Alsatiae Landgravio, S. R. I. Principi,

Magno Franciae Eleemosynario

J. OLIVA RHODIGINUS.



*BI primum, SERENISSIME
PRINCEPS, mihi non valde eru-
dito homini, sed eruditionis doctri-
naeque amantiſſimo, aditum in fa-
miliam tuam ultro aperiendum
eſſe cenſuiſti, ſingulari hac tua benignitate tam*

ā ij

præclare mecum actum putavi, ut satis uberem
hactenus in studiis traducta vite fructum me
percepisse judicaverim, eamque consecutum for-
tunam, quæ ad reliquum ætatis mea tempus
honeste transigendum nulla amplior atque op-
portunior optanda mihi esse in posterum videat-
ur. Qui vero tanta laudis, quantæ doctissimus
quisque abunde contentus sit, rationem ac vim
omnem agnosco, certâ quadam sollicitudine à
perfecta sortis mea suavitate abesse cogor, cum
recens meus in præstantissimam hanc Urbem
adventus, & mens, verendâ Imperii sede ac
Maiestate, incredibili frequentia Populi, mi-
râ publicorum operum magnificentia, cuncta-
rumque rerum novitate, distracta, nihil me
excogitare sinant, unde mea erga CELSITU-
DINEM TUAM reverentia omnibus, ut par-
est, innotescat. Ad hac pariter, ne quid de meo
proferens, nimis cito celebritatem nominis au-
cuper, tenuissima facultatis mea conscientia
accedit, & incredibilis virorum in omni ar-
tium disciplinarumque genere excellentium
multitudo. Perpendenti certe sæcunda hac tot il-
lustribus exemplis tempora, & hanc Urbem po-
tentissimi Regni principem, in qua nunquam
plura ab ipsis artificibus limata politè opera,

EPISTOLA.

V

nec uberiora ab eruditissimis viris literarum monumenta, eleganter, graviter, sapienterque elaborata sunt, visa sunt mihi non semel, quæ Velleius Paterculus de Athenis, eadem paulum deflexa ad hanc Urbem posse referri, hujus scilicet gentis corpora separata esse in alias civitates, cujusque verò clari operis capacia ingenia solis Parisiensium muris inclusa. Sed quamvis, quæ tua est perspecta omnibus humanitas, hanc meam loci & temporis excusationem benignè sis accepturus, tamen in hoc ipso, in quo me excusatione dignum arbitraris, sentio inesse aliquid, unde vehementius perturber, novam scilicet egregia tue in me voluntatis accessionem, quæ stimulis acrioribus inciter, ut qualicumque conatu ad aliquod observantia genus tibi exhibendum necessariò deveniam.

Qua quidem in re, PRINCEPS SERENISSIME, cum nihil aliunde suppetat, non debes, ut spero, ferre graviter, si celeberrimi Oratoris sententiam amplectar, quæ admonemur, templa Divæ consecranda esse, Egregios autem Viros librorum dedicatione honestandos. In promptu enim est mihi Poggii Florentini opus de Varietate Fortunæ, nunquam antea vulgatum, illustratumque selectis atque eruditis amici mei No-

tis, spectato Nomini tuo eò securius à me inscribendum, quòd hac historia a toto literatorum ordine valde expetitur, quòdque, cum hac omnia non a mea, sed ab aliorum industria profecta sint, gravissimum tuum iudicium maiori cum dignitate sustinebunt. Nam quoties simile aliquid TUÆ CŒLSITUDINI dicandum est, non modo cogitare debemus illud a nobis tibi offerri Principi, cuius Gens ex supremis Britannia orta Dominis, & multiplici cum summis Regibus cognatione & affinitate coniuncta a tot sæculis decoratur; sed attendere præterea oportet, lucubrationes nostras Tibi offerri, iudici omnium disciplinarum acutissimo, qui gloriam ex literarum patrocinio comparatam magno tuo animo minorem reputans, ea etiam cuncta, per qua eruditissimi homines inclarescere consueverunt, eodem animo complexus es. Hinc Thuanam Bibliothecam, ubi quodlibet ferme volumen præstantiâ editionis quovis pretio æstimandum sit, magno sumptu abs te coemptam, libris in dies singulos ex omnibus Terrarum partibus advectis, ita instructam amplificatamque videmus, ut eam inter totius Europa celeberrimas merito adnumerare liceat. Porro si qui se totos ad ea con-

ferre studia solent, quæ non privata solum jucunditatis, sed etiam utilitatis publice fructum in se continent, ii perfecta commendatione dignam sapientiam quasisse dicuntur; cuinam justius quam tibi, CARDINALIS AMPLISSIME, hoc absolute laudationis genus tribuendum sit, profecto non video. Ubi enim in politioribus artibus diu versatus es, tantamque eloquentiam adeptus, quantam qui in hanc pulcherrimam exercitationem totam ætatem impenderit, nobilissimam deinde partem & dignitati tue gravissimam elegisti, in qua excelleres; Theologicam nempe, Ecclesiasticamque doctrinam, ut populos tua custodia creditos pie sanctæque regeres, ac religionem sapienter interpretando, totum Apostolica Ecclesia corpus unum, & a quavis contagione tutum & incolumem servares. Ad hoc autem obtinendum quidnam abs te prætermissum est, quod officio tuo, quod singularis tue erga sanctam Sedem pietati necessarium atque opportunum judicaveris? Tu voce, tu scriptis, quæ puris & sinceris sanctorum Patrum dogmatibus referta sunt, communi concordia studuisti: Tu, tanquam aliquo sublato signo, agmini eorum, qui Religionem integram & salvam vellent, strenue con-

stanterque praeiuvisti, multis item auctor persuasorque, ut resipiscerent, ut quae Tu, quae alii tui similes, eadem cuperent, atque sentirent. Praeterea, ut omnibus non vaga, non errans, sed stabilis ac certa de doctrina catholica opinio constaret, hieme saeviente, Romam sunt a te suscepta itinera: densa nive obruta, gelu aspera, ardua ascensu, & sitiis iniquitate vel a robustissimis formidanda Alpes superata: neglectum rigidum & grave calum, & injuriosa tempestas pertinaciter elusa, majore animi firmitate quam corporis, quod immensis contentionibus pro tanta causa exhaustis debilitatum, cruciatumque dolebamus. Roma vero in Apostolicis Comitibus de novo Pontifice creando convocatis, ubi de illo amplissimo ordine nemo fuit unus, qui non se adventu tuo latissimum, placido isto ingenio, ac mira sermonis suavitatem delinitum captumque declararet, ita te semper gessisti, ut, de tanto Successore deligendo, universo sacro Senatui tua potissimum sententia probaretur. Dum enim, pro ardenti suo quisque erga Romanam Ecclesiam studio gravem, sapientem, incorruptis moribus praeclitum, Christo denique dignum Pontificem exquirunt, Tu Innocentium XIII. aliis veluti digito designasti,

gnasti, nec, nisi eo declarato unquam conquievisti, quippe qui scires, Eum, cujus Genti summi Pontificatus dignitas familiarissima fuit, summas item omnes ad eandem optime sustinendam à sanctissimis suis majoribus tanquam per manus traditas accepisse virtutes. Nimirum hac tua cogitatio fuit, tua certissima opinio, tua etiam victoria: ut dubitare debeat nemo, quin curas tuas, facta, consilia cum sacrosancta Sedis bono, incremento, & tranquillitate perpetuò fuerint conjunctissima. Jure igitur, quoad in urbe Catholicorum Sacrorum Domina commoratus es, Beatissimo Patri fuisti acceptus & carus, jure carus Purpuratis Viris, & cunctis, quos ut presentiam tuam magnopere recreatos ornatosque audiebamus, ita discessum tuum quam agre tulerint, sit ipsa Roma testis, atque adeo testis Italia, nomen tuum adhuc cum insolita benevolentia significatione non repetens modo, sed etiam desiderans. Non minus certe Tui desiderium mihi reliquisses, nisi de me uno Romam tecum adducto, felicissime statuisses; ad quem certe major ex benignitate ista tua honoris fructus, quam usus ex tenui mea ingenii facultate ad TUAM CELSITUDINEM sit perventurus. Et tamen, SERE-

NISSIME PRINCEPS, *ut de eximio tuo in me nihil dicam beneficio, quod gratà semper, quoad vivam, recolam memoria, hæc tua merita & plurima & maxima, apud nos & apud posteros admirationem habitura, nunquam cessas officii tui partibus ita tribuere, ut nullam ex his laudem tibi vindices. Sed noli, quaeso, cum insignis tua bonitatis damno videri modestus; & patere, nos unà cum illis, qui te hic & alibi noverunt, palam profiteri, Te, dum eaolvebas animo, dum exequebaris, dum perficiebas, obsecutum fuisse nature tue, quântum ad illa pro Catholica Ecclesia ex animo gerenda, tum ad bene de universo humano genere merendum semper incenderis. Hinc credo abs te laboriosissimum esse vitæ genus institutum, perpetuoque retentum; hinc domum tuam summis infimisque audiendis semper patentem, nullâ à te vel defatigato, non dicam, ira in te nunquam cadentis, sed ne minimi quidem tediî indice expressâ vocè; nec innata benignitati & patientiâ prius factò fine, quam alii se tibi sueque commendandi sibi modum imponant. Itaque nunquam non vidimus singula temporis momenta in maximarum rerum tractatione assumpta, animi remissionibus assignata nulla*

adhuc vidimus; cum ne illa quidem intervalla sint libera, quibus domo exeundum est, amantissimum Patronum suum in cubiculis, in atrio, in scalis, in porticu effusâ pauperum turbâ circumstante, imò sæpius impediēte, quam appellas explicatissimâ fronte, de ejus manibus libellos supplices excipiens, mitis, patiens, semperque misericors. Non est autem nostri istius ingenii immortales tuas predicare virtutes, quæ, cum tam illustres sint, tam omnibus testata atque cognita, meliùs quàm qualibet commemoratione nostra, suâ per seipsa celebritate erumpunt, & omnes in sui admirationem trahunt. Quare, PRINCEPS SERENISSIME, ad me ipsum orationem convertam, cui, quoniam in Domo tua tam præclaris ac religiosis institutis referta, prospero quodam fato meo versari contigit, in id tota cura intendenda est, ut, si minus ad tantorum ornamentorum exempla vitam componere licebit, saltem illa à moribus tuis omni ex parte non discrepet. Quæ igitur sunt propria natura tuæ, animi, atque sapientiæ, vix cuiquam imitanda, ea tibi felicia, constantia, & perpetua enixe precabor. In quibus vero vigilantia, laboris, studii, atque industria documenta nobis tradere

non desinis, hac ita velim assequi, ut, quod plurimum atque honestissimum tuâ mihi benignitate otium conceditur, earum artium, quibus ipse maxime oblectaris, assiduâ tractatione consumam. Quemadmodum enim nihil habet gloria tua majus, quàm ut ea prestes, de quibus exaquandis ceteri, prater te unum, desperent; ita nihil habebit fortuna mea illustrius, quàm quasdam ex tuis innumeris virtutibus seligere, in quibus amulandis diu noctuque cogitatione defixus, optimo ac beneficentissimo Principi non videar plane esse dissimilis.





JOANNES OLIVA
RHODIGINUS
AD LECTOREM.



ULGANTI mihi hanc Poggii
Bracciolini Historiam, unà cum
Epistolis, quotquot reperiri Ro-
mæ potuerunt, illud opportune
venit in mentem, primum pau-
ca quædam monere de Codice unde hæc de-
sumpta sint; tum, quomodo in meas ma-
nus inciderint, referre breviter, ac postremo
ea mandare literis, quibus & hujus editio-
nis, & facti mei ratio aperte atque ingenue
omnibus constare possit. Ac, ne longior in-
stituatur sermo, à Bibliothecæ Germanicæ
auctore initium ducendum est. Ille enim,
dum ea quæ variis in regionibus, bona-
rum artium reliquorumque studiorum cau-
sâ, erudite excogitantur, exposuit, nobis si-
gnificat D. Barnstorffium Gottingensis civi-
tatis Archiatrum, hujus historię *de Varieta-
te Fortuna* exemplar habere anno 1450. Flo-

rentiæ exaratum. Hæc verò universa , quæ nunc in lucem prodeunt , accepta referenda sunt Eminentissimo Principi P E T R O O R T O - B O N O , qui amorem literarum , magnificenti-
 am , ac cetera præclara animi ornamenta cum amplissima dignitate conjungens , benigne permisit , ut describerentur è codice , qui una cum aliis plurimis in Bibliotheca tanto-
 pere linguis eruditorum hominum celebrata , asservatur. Provinciam hanc primus susce-
 perat Leonardus Adamus Præfectus Biblio-
 thecæ lectissimæ J O S E P H I R E N A T I I M P E -
 R I A L I S Cardinalis præstantissimi , qui , ut Phi-
 lippi à Turre laudati viri honorificentissimis
 verbis à me laudetur , *cum magnas virtutes , &
 excelsas undequaque dotes in censu animi nu-
 meret , rem quoque literariam patrimonium
 suum fecit.* Adamo autem sublato è vivis ,
 Dominicus Georgius , qui ei successit , extre-
 mam huic operi manum non imposuit so-
 lum , sed etiam eâ , quâ præstat , eruditione
 ac doctrinâ rerum , notas adjecit , de qui-
 bus in sua ipse Præfatione. Hæc igitur ab
 eo ita absoluta & perpolita cum essent , quod
 eâ mente dico , ne quis existimet velle me
 ullam ex alieno labore laudem decerpe-

* In Præfat. ad
 Monumenta ve-
 teris Auzii.

re , tradidit mihi Lutetiam proficiscenti , ut in Urbe hac ad hæc opportunissima vulgarentur. In quo quidem nihil admodum laboravi. Ubi enim SERENISSIMUS MEUS PRINCEPS hac de re certior est à me factus , præcepitque animo hujus libri editionem duobus Cardinalibus sibi amicissimis acceptam fore , cunctis illico in se receptis oneribus , hanc Historiam emitti in publicum jussit , magno cum fructu rei literariæ , Italique nominis dignitate. Ceterum si Otobonianus codex & Barnstorffianus , aut quivis alius in promptu hîc fuisset , non est dubitandum , quin singula singulis conferentes rectius alicubi Poggii textum sanavissemus. Etenim tum in Historia , tum in Epistolis quædam sic implexa visa sunt , quædam ita manca , ut germanum Auctoris sensum assequi difficile fuerit. Qua quidem in re , cùm meis conjecturis non satis fiderem , consulere placuit DD. Abbatem de Boyssi , Bernardum Monetam , & Michaëlem Brochard è Collegio Mazarinæo , viros certe acri judicio , & doctrinæ non vulgaris laude in republica literaria conspicuos , qui , ne quid in Poggii textu immutaretur , suas

xvj P R Æ F A T I O.

ipſi vel emendationes vel notas margini apponi voluerunt.

Lib. 1. *Hiſtoire de l'arietate*
Fortuna, p. 36.

Illud porro ſum maxime admiratus, quod Poggius, qui, ut ait, multos Tamberlani milites noverat, verum hujus Imperatoris ignoraverit nomen, & eadem pariter quæ in numeri pene ſcriptores, narraverit de Bajazethe, *carvea in modum ſeræ incluſo*. Cherefeddin Ali Tamberlano æqualis peculiarem de rebus ab eo præclare geſtis hiftoriam tam accurate ac fideliter ſcripſit, ut illis omnibus, qui in hoc campo decurrerunt, cunctorum Orientalium judicio, palmam eripuerit. Hic eum appellat *Timur-Bec*, & hoc pacto appellat D. Petit de la Croix inſignis quondam linguarum Chriſtianiffimi Regis Interpres, qui jam pridem hoc opus in Gallicum & Perſico ſermone convertit, licet anno duntaxat præterito in lucem editum ſit. In Præfatione, quam huic Hiſtoriæ præfixit, quæ contra Timur-Bec in ſexcentis libris eadem ſemper cantilenâ repetita legimus, ea aut rerum fabuloſarum narratoribus tribuuntur, aut ſcriptoribus Turcicis, qui ſemper ejus nomini victoriisſque obſtrepuere. Præterquamquod enim ex furtis ac cædibus in viis publicis perpetratis

* Hiſtoire de Timur-Bec connu ſous le nom du grand Tamerlan, écrite en Perſan par Cherefeddin Ali Auteur contemporain, traduite en François par M. Petit de la Croix. Paris 1722. to. 4. 12

perpetratis suam cum primùm famam consecutum dictitaverunt, quò magis ridiculum facerent, finxere claudum, sagittâ in illum, dum raperet arietes, à pastore quodam intorta: qua de causâ verbum *Bec*, quo (Princeps) significatur, in *lenc* (claudus) inverterunt, quod propter scriptionem & pronuntiationem invertere facile potuerunt, loco Timur-Bec, *Timur-lenc* usurpantes. Ex hac officina Tamerlani, & Tamberlani nomen in Europa confectum exiisse credendum est. Quod vero spectat ad Bajazetem prælio superatum captumque, quamvis, catenis injectis, ad Timur-Bec fuerit adductus, nullam tamen ibi de cavea ferrea mentionem fieri constat. Imo, ubi ille Bajazetem in tam perduto ac misero rerum statu conspexit, ex tanta ejus calamitate gravissime affectus, ad misericordiam & clementiam converso animo, ut, solutis manibus, magnaue cum reverentia ad se adduceretur, imperavit. Obviam insuper ivit in tabernaculum ingredienti, quem sibi assidere jussum, benevole amanterque allocutus est. Mitto dona plurima & maxima, quibus Bajazetem unâ cum filiis cumulavit: mitto Natoliæ, quam an-

tea tenuerat, principatum illi assignatum. Dolor utique, quem ex ejus morte acerbissimum hausit, & consilium, quæ amiserat, omnia eidem, & majore cum accessione rerum, restituendi, satis superque demonstrat, summum hunc Imperatorem ab omni crudelitate in Bajazetem exercenda omnino abhoruisse. Hæc ex Cherefeddino atque ex ejus interprete, ad quos Lectorem mitto.

Denique, ut in Notis dictum est pleraque falsa esse, quæ Poggius de Jacobo Comite Marchiæ narravit, ita hîc addendum videtur, Gallicos Historicos cum laude de hoc Principe meminisse, ejus magnanimitatem, innumeratque virtutes extollentes. Hic, cum se regno Neapolitano abdicavisset, uxoremque Joannam reliquisset, in Comitatum Burgundiæ confugiens, in cœnobio Bisuntino, quod Franciscanorum appellatur, nomen dedit. Oliverius de Marchia & Sammarthani fratres cetera suppeditabunt. Sed de his satis.

Memoires de
Messire Oli-
vier de la Mar-
che. Memoire
Genealogi-
que de la Mai-
son de France.



DOMINICI
GEORGII
PRÆFATIO.



QUANTUM ornamenti ac dignitatis bonis Atibus accedat ex eorum industria ac labore, qui in celebriorum virorum lucubrationibus eruendis, vulgandisque operam navant, nemo certe inficias ierit, nisi à Musis sit proffus alienus, & Literas ipsas odisse videatur. Quotus enim quisque ignorat uberrimum fructum, qui ex his percipitur, si in lucem proferantur? Et, ut consulto præteream summam hanc eximiamque utilitatem, nullus non videt calamitatem maximam, aut ex deperditis, aut ex pulvere squallorequè obsitis gravissimorum Scriptorum ingenii monumentis, Rei Literariæ importatam. Hinc fit, ut magnopere lætandum sit, si qui omni operantur in conquirendis, quæ latent, scrip-

tis, iis præsertim, quæ lucem maximam
afferre historiæ possunt. In hanc profecto
laudem, grandi cum sænore, nostra patrum,
que memoria, incubuerunt viri plerique so-
lertissimi, inter quos Poggius noster jure
primas tenere potest; deinde, à seculo xv i.
ad nostra usque tempora, Henricus Canisius,
Petrus Pithæus, Jacobus Gretserus, Jacobus
Sirmondus, & alii sexcenti, inter quos ma-
xime eminent, ex doctissima Congregatione
Monachorum Benedictinorum S. Mauri in
Galliis, Hugo Menardus, Lucas Acherius,
Joannes Mabillonius, Bernardus Montfau-
conius, & , omnium postremi, Edmundus
Martene, & Ursinus Durand, qui anno 1717.
Parisiis novum Anecdotorum Thesaurum in
quinque Tomos distributum publici juris
fecerunt, in quem præclaram quandam Con-
ciliorum, Sanctorum Patrum, Chronico-
rum, Epistolarum, Diplomatum, Summo-
rum Pontificum, & Imperatorum suppel-
lectilem hætenus incompertam congesse-
runt. Neque vero difficile esset horum dili-
gentiam in Italia quoque imitari, copia re-
rum, quæ in Tabulariis, Bibliothecis ac
Musæis ubique latent. Sed nescio quo fato

fiat, ut hanc gloriam aliis invidere debeamus. Verùm inter Italos etiã huic labori enixe vacare cœperat, paucis ab hinc annis, juvenis acutissimi ingenii & summæ spei Leonardus Adamus, Præfectus Bibliothecæ Eminentissimi Cardinalis Imperialis, qui conquistas plurimas Libanii Sophistæ ineditas Orationes & Epistolas, & cum optimæ notæ codicibus collatas, summo cum studio ac diligentia typis committere, & vulgare meditabatur. Inventis præterea, inter codices Bibliothecæ Ottobonianæ, *quatuor Poggii Florentini de Varietate Fortune libris*, multisque ejusdem Epistolis ineditis, totum hoc opus in lucem emittere statuerat. At, primo libro vix exscripto, immaturo fato, ingentique Reipublicæ Literariæ damno, è vivis est ereptus. Ne tamen præclara hæc Poggii monumenta in tenebris amplius jacerent, ipso in primis Cardinali Ottobono favente, Eminentissimus Cardinalis Imperialis, qui, inter ceteras animi dotes, hanc etiã ad immortalis sibi nominis famam comparandam est assecutus, ut ad fovendas Literas, Literatosque homines natus potissimum videatur, hanc provinciam

mihi decevit, ac jussit, ut hos libros notis quibusdam & animadversionibus, ubi opus esset, pro viribus illustrarem, cum omnes è re publica fore dicerent, si ederentur.

Interim operæ pretium esset, de Poggii ipsius vita, studiis & rebus gestis nonnulla attingere. Sed, cum hanc Spartam uberri-
me primum exornaverint Auctores Diarii Li-
teratorum Italiæ, tom. 9. 19. & 23. deinde V.
C. Joannes Baptista Recanatus, Patricius Ve-
netus, diligentissime vitam Poggii scripserit,
dum omnium primus Historiam Florenti-
nam à Poggio Latinè exaratam, in lucem
emitteret Venetiis anno 1715. omnem de
eo dicendi materiem exhauferunt. Licèt er-
go multa de illius Vita scriptisque in Ad-
versaria conjecissem, ne tamen crambem
coctam, ut aiunt, recoquere viderer, rem
totam abjeci, & de hac historia dumtaxat
aliquid præfari constitui. Illud in primis a-
nimadversione dignum judico, viris cetero-
quin Historiæ Literariæ peritissimis horum
librorum notitiam compertam vix fuisse.
Nam Gerardo Joanni Vossio pene ignoti
fuere, qui libro 3. de Historicis Latinis,

cap. 5. pag. 549. scripsit: *Vide an Poggii Liber de Varietate Fortuna non historicus sit: sane plusculas historias inde adducit Felinus libro de Regibus Sicilia & Aragonia.* Ignoravit Vossius, num hoc opus in plures divisum esset libros, an unum tantum complecteretur. Certe Felinus Sandæus, qui temporibus Alexandri VI. floruit, cuique Epitomen de Sicilia & Apulia Regibus dicavit, & in lucem emisit an. 1495. passim meminit librorum *de Varietate Fortuna*, quos à Poggio scriptos Nicolao V. Romano Pontifice, initio primi capitis tradit. Hinc corrigas Marquardum Freherum, qui eam Felini Epitomen à se primùm an. 1611. vulgatam scripsit, in editione quam is eodem anno Hanovix curavit. Præterea Conradus Gesnerus multa Poggii opera recensens, inter ea opus *de Varietate Fortuna* enumerat, idemque ex eo innuit Jacobus Gaddius de Scriptoribus non Ecclesiasticis, tom. 2. pag. 215. ubi fusè illustrium de Poggio virorum judicia profert.

Neque verò silentio prætereundum duximus, immerito a nonnullis Scriptoribus Anglis versionem Xenophontis de Pædia Cy-

ri è Græca in Latinam linguam Poggio abjudicari, inter quos sunt *Twinus* (a) & *Burtonus* (b) eamdem Joanni Fræ Anglo adscribentes, quorum sententias multis argumentis ac testimoniis cum refellant Auctores Diarii (c) Veneti, ex ipsis quoque Poggii verbis in Præfatione huius de Varietate Fortunæ Historiæ, novo firmissimo monumento refelli posse apparet. Ubi enim Nicolai V. laudes celebravit, quòd optime de Literis mereretur, & ad scribendum eum sæpe esset cohortatus, hæc addit: *Solus certe effecisti, ut Xenophontem ad nostros traducerem, qui est de institutione Cyri.* Qua sane auctoritate nemo non videt hanc gloriam non esse tribuendam Joanni Fræ Guarini auditori: qua de re etiam *Vossius* (d) dubitare videtur. Scripsit autem *Antonius Panormita*, (e) *Alphonfi Aragonum Regis* suasu, in id opus animum Poggium intendisse; cui sententiæ, quæ supra verba attulimus, aperte adversantur. Et Poggius ipse in proœmio *Cyri-pædiæ* ad eundem *Alphonsum Regem*, eo se consilio adductum præfatur, quòd, cum multi suæ ætatis docti viri magnam honoris & gloriæ laudem in

(a) Lib. 3.
Antiquar. Acad. Oxon.

(b) Hist. linguæ Græcæ. pag. 55.

(c) Tom. 9.
pag. 472.

(d) De Scriptoribus Latinis, pag. 548.
(e) In vita Alphonfi Aragonum Regis.

Græcis Scriptoribus Latinè interpretandis sint consecuti, ita in hujusmodi studiorum genere se exercere instituisse sola gloriæ cupiditate, & è re fore judicasse, si eum libellum Regi, Cyri maximè imitatori, dicaret. Quæ cum ita sint, liquidò constat deceptum esse Joannem Albertum Fabricium, (e) qui tunc primùm Cyripædiam à Francisco Philelpho latinitate donatam, & hanc eandem Italicè redditam à Jacobo Poggii filio putavit. Philelphus enim dudum post Poggii mortem suam Cyri versionem elaboravit, & Paulo II. Romano Pontifici eam inscripsit; quod quidem ipsius Epistolarum testimonio licet intelligere (e). Nec minus erratum video à quibusdam in catalogo operum Poggii contexendo. Michaël Pocciantius de Scriptoribus Florentinis, cum de Poggio meminit, illius opera recensens; enumerat libellum *de Officio Principis* ad Julium II. & opus *de Auctoritate & Potestate Pontificis*, quæ profecto à Poggio sunt ableganda. Nam præterquamquod quadraginta & amplius annis ante Julii II. Pontificatum Poggius obiit, libelli *de Officio Principis* auctor est Joannes

(a) Biblioth.
Græcæ Tom.
2. p. 72.

(b) Philelphus lib. 29.
epistolarum,
pag. 100. 108.
& lib. 30. pag.
111.

Poggii filius, ut præ se fert editio Romana per *Joannem de Besiken* anni MCCCCCIV. die XXIX. Decembris, sedente Julio II. Pontifice Maximo, anno ejus primo: quam ego editionem in Vaticana Bibliotheca vidi. Libelli de *Potestate Pontificis* auctorem agnoscunt omnes Joannem Franciscum alterum ex Poggii filiis, quod ex ipsius libri titulo apparet. Pocciantii lapsum imitatus est etiam Antonius Possevinus (a) in Apparatu sacro, qui ipsum catalogum Pocciantii exscripsisse videtur. Adde quod, cum recenscat libros de *Varietate Fortune*, pro *varietate*, *veritate* scripsit. In eisdem ferme errores prolabitur Guillelmus Cave de Scriptoribus Ecclesiasticis, in Poggio. Danda tamen iis venia est, qui, in adscribendis Poggio seniori operibus, errarunt. Nam id factum est, propterea quod filii etiam multa scripserunt, & patris monumenta vulgarunt: siquidem Jacobus Italicam reddidit historiam Florentinam, eamque in lucem emisit an. 1476. transtulit etiam libellum de Institutione Cyri, qui primum prodiiit sine loco & anno in 4^o deinde editus est Tusculani an. 1527. in 8^o.

Quod vero spectat ad hujus operis ti-

(a) Tom. 2.
pag. 292.

P R Æ F A T I O. xxvij

tulum, cum Poggius prospexisset instabiles
& caducas esse res humanas, idque mul-
tis diversorum temporum exemplis evince-
ret, meritò eidem titulum *de Varietate
Fortuna* apposuit, & justì voluminis histo-
riam de hoc argumenti genere conscripsit,
& circa annum 1430. absolvit. Hanc au-
tem sibi animo proposuit scribendi for-
mam, sive rei speciem, ut nimirum libro
primo, ex priscis Romanæ magnificentia ru-
deribus, veluti firmissimo argumento, for-
tunæ vices significari contendat. Secundo
ac tertio libro, multorum Regum, Princi-
pum, virorumque bello & genere illustrium
exemplis, quos maximè fortuna jactavit,
rem persequitur. Quartus verò continet ele-
gantem totius Indiæ, finitimorumque in ea
regione populorum descriptionem, quam
à Nicolao de Comitibus cive Veneto, qui
tum ex iis oris venerat, Florentiæ hausit.
Hic porro liber separatim prodit circa an-
num 1492. sub titulo *India recognita*, seu
de Varietate Fortuna, forte quòd ex historia
de Varietate Fortuna decerptus esset. Hæc
autem editio, Joannis Baptistæ Ramusii ætate,
rarissima habebatur, ut in Præfatione libri

quarti dicemus. Initium quoque libri primi inter Poggii opera edita legitur sub hoc titulo: *de Fortuna Varietate Urbis Roma, & de ruina ejusdem Descriptio*: quam quidem Descriptionem, cum eadem Epigraphæ, nuper etiam edidit Albertus Henricus de Sallengre, in novo Thesauro Antiquitatum Romanarum, tom. 1. col. 497. Codex noster multo plura, eaque emendatiora continet, quam in edita Descriptione leguntur. Nunc vero paucis de codice hujus operis agamus. Is venusto charactere conscriptus est, vivo adhuc ipso Poggio, cum in calce ejusdem hæclegerim: *Liber ultimus explicit anno 1450.* ex quo intelligimus absolutum circa hæc tempora fuisse, & per eadem exscriptum. Hæc præfari libuit ad hanc historiam, quam viris eruditis ipsa rei novitate non injucundam fore speramus.

Notæ, quas addidimus, laudem non quarunt, sed veniam poscunt. Tuum erit, humane Lector, benignè omnia interpretari ac labori nostro favere.

Digitized by Google

APPROBATIO.

DE mandato illustrissimi Regionum Sigillorum Custodis,
exemplar manuscriptum, cui titulus, *Poggii Bracciolini
Florentini de Varietate Fortune, libri quatuor, cum notis & 57.
Epistolis*, perlegi, probavi, dignumque censui, quod in lu-
cem prodeat, & prælo committatur. Datum Parisiis die ter-
tia anni novi 1723.

MOREAU DE MAUTOUR.

P O G G I I
B R A C C I O L I N I
F L O R E N T I N I
H I S T O R I Æ
D E V A R I E T A T E F O R T U N Æ
L I B R I Q U A T U O R .

P O G G I I
B R A C C I O L I N I
F L O R E N T I N I
H I S T O R I Æ
D E V A R I E T A T E F O R T U N Æ
L I B R I P R I M I
P R O Æ M I U M
A D N I C O L A U M P A P A M V. *



U L T A quondam pace ac bello præclara ante
Ninum Assyriorum Regem fuisse arbitror, quæ
scriptorum inopiâ, nulla ad nos eorum traducta
cognitione, vetustas absumpsit. Feliciora postmo-
dum extitere sæcula, quorum res lumen literarum na-
stæ, splendorem suum ad posteros transfuderunt. Magnam igitur
utilitatem asserre mortalibus Historia cense-
ri debet, & pluri-
mi æstimanda, cujus beneficio tum dicta, tum facta supe-
riorum haudquaquam oblivione hominum sepulta, ad hæc
usque tempora magna ex parte propagata sunt. Hæc una di-

* Nicolao V. Summo Pontifici, literarum restitutori, cui Poggius a secre-
tis fuit, hanc de varietate fortune histo-
riam dicavit, ut & Diodori Siculi, &
Xenophontis latinam interpretationem.

ligens custos, & fida præteritorum memoria dicenda est: hæc sola illustrium virorum facta virtutesque nostro in conspectu ad imitandum proponit: hæc detestatur vitia, & docet vitanda: hujus ope præterita representantur nobis, & quæ vetustas solet delere, reddit tanquam recentia. Nullus quippe præcas, & ab ætate nostra remoras excellentium virorum gestas res nosset, nisi literarum monumentis, & historiæ munere in luce hominum versarentur. Accessit enim ad earum memoriam scribentium labor & industria, quæ illa ab interitu vindicarent. Si qua vero commendatione historia digna est, hæc nostra est profecto, in qua fortunæ instabilis favor describitur, & in evertendis, quæ extulit, pervicacia. Appetunt sane omnes ferme hæc quæ videntur ampla & speciosa fortunæ dona, inque eis potiundis tantum studii operæque impertiuntur, ut virtute atque omni bonarum artium cura posthabita, veluti cæci sequantur ea, quæ ludicra & fallacia esse multorum exempla docuerunt. Quò igitur inanis multorum ambitio, atque insana dominandi cupido paulum comprimatur, statui-mus his mandare libris plures variosque insperatos casus, quos fortunæ ludus palam statuit hominibus notandos. Parcius enim, ut arbitramur, qui hæc legerint, se credent arbitrio fortunæ; cum inspexerint quam multis, quos in sublimi veluti personatos collocavit, parum fida fuerit illius fides: sed omnium quæ nobis natura indidit, nihil melius sapientiâ, nihil virtute præstantius, in qua nullum, cum supra eam sit, imperium fortuna possidet. At vero cum potentes rerum illius favoribus inflati, virtutem aspernari plurimum soleant, minimique eam facere, fortunæ theatrum ingressi præclara sui favoris spectacula vulgo præbent. Illa enim, quos fovit, suo jure utens, primum dejecit, tum eorum stultitiam detegit; detracta enim basi, in qua illos in sublimi conspiciendos tanquam in scena mimos alienis ornatos vestibus locarat, reddidit ridiculos, ac spernendos, qui tum suam demum fateri dementia coguntur, ubi respiciendi locus non datur, & quibus per omnem vitam usi sunt, mala consilia improbare. Tunc adulatores culpantur, & multorum detrahentium emeca-

tita fides. Hanc vero historiam, cum videatur ei contermina libro, qui est a me olim de Principum infelicitate, in tuo vero nomine (a) editus, consentaneum duxi tibi eidem homini, sed alio nomine, quum in suprema sis omnium dignitate, loco munusculi dicare. Plurimum quidem me tibi debere profiteor, qui semper tuis cohortationibus ad scribendum impulisti; solus certe effecisti ut Xenophontem (b) ad nostros traducerem, qui est de institutione Cyri, in quo, si quid satis legentibus feci, tibi acceptum debet referri, meis laboribus auctori. Licet autem extra fortunæ arbitrium omnipotens Deus hanc tantam Pontificatus esse majestatem voluerit, tamen propter illa, quæ Pontifices Romani possident, fortunæ juri subdita, vidimus eorum quosdam, de quibus in nostris meminimus libris, fortunæ impetu jactatos. Novi in te summam esse rerum omnium, tum quæ ad Religionem nostram, tum quæ ad bene beateque vivendum spectant, singularem doctrinam summæ prudentiæ conjunctam; ea vero te esse sapientia, ut omnes fortunæ vires consilio & ingenio queas superare: sed multò te cautiorem præstabunt præteritorum casus & exempla, in quibus fortunæ violentia grassata est. Accipe igitur hos, oro, a me benevolo animo liberos, quorum primus imperii, urbisque stragem continet, & quæ in ea priscorum superextent ædificiorum reliquiæ; tum quid sit fortuna, disseritur, & (c) Teucrorum Imperatoris describitur captivitas. Secundo exempla multorum, quos ejus varietas hac ætate nostra afflixit usque ad Martini Pontificis obitum recensentur. Tertius illa complectitur, quæ tu-

(a) *In suo vero nomine.* Libellum de infelicitate Principum, inter Poggii opera edit. Basileens. an. 1538. pag. 390. hic indicat Poggius, quem Nicolao V. adhuc in minori fortuna viventi inscripsit.

(b) *Xenophontem.* Poggius omnium primus Xenophontem e græca in latinam linguam vertit.

(c) *Teucrorum.* Utitur Poggius semper hac voce pro *Turcis*. Idem quoque in multis Eugenii IV. literis ac diplo-

matibus legitur. Aeneas Silvius in Europa Helmsladii 1690. pag. 231. improbat morem eorum, qui *Turcos Teucrorum* nomine appellabant, quod *Turci* Trojam a Teucris possessam, nunc teneant. Vide Norisium initio primi capitis de Cenotaphiis Pisani. Franciscus Philadelphus episc. ult. libri octavi ad Carolum VII. Francorum Regem: *As hoc tempore, inquit, pro Teucris & Trojæ Turciam videmus appellari.*

4 HISTORIÆ DE VARIETATE

lere Eugenii tempora usque ad initium tui Pontificatûs. Ad-
ditur his Quartus de Indis, Æthiopibusque, continens non-
nulla, quæ grata fore lectoribus arbitramur. Horum lectio-
nem librorum nequaquam censeo aspernandam; nam te ad-
monere poterunt, quamvis sis præstans omnibus animi in-
geniique dotibus, tutissimum esse, ea modice tentare at-
que agere, in quibus plus fortuna quàm ratio aut consilium
possit. Illud autem memineris velim, quamvis satis præsidii
præmiique in virtute positum sapientes scribant; tamen, ut
viribus sustentaculo est opus ad ferendos uberiores fructus,
ita & ingenia externis præsidiis, quibus cura & negotio va-
cua scribendi exercitiò vacent, egere. Sed pessimum ma-
lorum omnium rectissime a sapientibus viris ingratitude ap-
pellatur, quæ maxime in habitaculis principum versari solet,
homines certe ex arce rationis dejicit, nulloque boni viri
officio uti sinit. Id vitium, cum semper horrueris veluti per-
niciosam pestem, certus sum, te nequaquam aliorum cul-
pam esse imitaturum.



LIBER

PRIMUS.



UPER cum Pontifex Martinus, paulo ante quam (a) diem suum obiret, ab urbe in agrum Tusculanum secessisset valetudinis gratiâ, nos autem effemus negotiis curisque publicis vacui, visebamus sæpe deserta urbis, Antonius Luscus (b) vir clarissimus, egoque, admirantes animo, tum ob veterem collapsorum ædificiorum magnitudinem & vastas urbis antiquæ ruinas, tum ob tanti imperii ingentem stragem, stupendam profecto ac deplorandam fortunæ varietatem. Quum autem conscendissemus aliquando Capitolinum collem, Antonius obequitando paulum fessus, cum quierem appeteret, descendentes ex equis consedimus in ipsis Tarpeia arcis ruinis, pone ingens portæ cujusdam, ut puto, templi marmoreum limen, plurimastque passim con fractas columnas, unde magna ex parte profectus urbis patet. Hic Antonius, cum aliquantum huc illuc oculos circumtulisset, suspirans stupentique similis: O quan-

(a) *Antequam diem suum obiret.* Illud animadvertendum duximus, initium hujus libri primi editum legi inter Poggii opera Basilæ impreßa, pag. 131. & additum in titulo fuisse *de Fortunæ varietate urbis Romæ, & de ruina ejusdem descriptio*, quæ perducitur usque ad ea verba, in quibus M. Antonii Antii Lupi sepulchri locus designatur: extrema verba sunt, cum inscriptione egregia rerum ab se gestarum, quæ tribus prægrandibus saxis, altero super alterum cassatis; ibique finis descriptioni urbis imponitur, quæ cum ab hujus libri initio sumpta sint, non aliam esse descriptionem ruinarum urbis, quam

librorum de varietate fortunæ initium clare perspicitur. Videtur porro huc liber inceptus circa finem anni 1430. cum X. Kalendas Martii, & ut est in ejus inscriptione sepulchrali, die XX. Februarii anni 1431. Pontifex Martinus diem suum obierit.

(b) *Antonius Luscus*, qui fuit a secretis Martini V. quique a Poggio passim doctissimus atque amicissimus appellatur. Ejus prudentiam atque eloquentiam laudat, lib. 5. Hist. Florent. p. 211. novæ editionis Venetæ: Luscus fuit patria Vicentinus, nobili familia ortus, quæ nostris etiam temporibus floret.

A iij

tum, inquit, Poggi, hæc capitolia ab illis distant, quæ no-
ster Maro cecinit,

(a) *Aurea nunc, olim silvestribus horrida dumis.*

* Editi ha-
bent, ut quod.

* perperam in
editis additur
Aeneas.

Ut quidem * is versus merito possit converti: Aurea quon-
dam, nunc squallida spinetis vepribusque referta. Venit in
mentem (b) Marii illius *, per quem olim urbis imperium
stetit, quem pulsum patria, profugum atque egentem, quum
in Africam appulisset, supra Carthaginis ruinas insedisse fe-
runt, admirantem sui & Carthaginis vicem, simulque fortu-
nam utriusque conferentem, addubitantemque utrius fortu-
næ majus spectaculum extitisset. Ego vero immensam hujus
urbis stragem nulli alteri possum conferre, ita cæterarum
omnium, vel quas natura tulit rerum, vel quas manus ho-
minum conflagavit, hæc una exsuperat calamitatem. Evolvās
licet historias omnes, omnia scriptorum monumenta per-
traçtes, omnes gestarum rerum annales scruteris, nulla
unquam exempla mutationis suæ majora fortuna protu-
lit, quàm urbem Romam, pulcherrimam olim ac magni-
ficentissimam omnium, quæ aut fuere, aut futuræ sunt, &
ab Luciano (c) doctissimo Græco auctore, cum ad ami-
cum suum scriberet Romam videre cupientem, non urbem,
sed quasi quandam cæli partem appellatam. Quo magis dictum
mirabile est & acerbum aspectu, adeo speciem formamque
ipsius immutasse fortunæ crudelitatem, ut nunc omni decore
nudata, prostrata jaceat instar gigantis cadaveris corrupti,
atque undique exesi: descendendum quippe est hanc urbem tot
quondam illustrium virorum atque imperatorum foetam, tot
belli ducum, tot principum excellentissimorum altricem, tot

(a) *Aurea nunc.* Virgil. *Æneid.* l. 8.
v. 348.

(b) *Venit in mentem Marii illius.* Hæc
ex Velleii Paterculi lib. 2^o Historiæ Ro-
mænæ deprompta, qui Marii calamita-
tem misertus, cum ille, inquit *Cartha-
ginem efficiens, illa inuens Marium, alter
alteri posset esse solatio.* Quo etiam allu-
dens Lucanus cecinit lib. 2^o vers. 91.

Solatio sati
*Carthago, Marisque tulit, pariterque ja-
centes*

Ignovere Deis.

(c) *Ab Luciano doctissimo.* In edit. Ba-
sil. inapte Litio. Difficile tamen in Lu-
ciano aliquid ejusmodi invenias. Unde
hæc decepta sunt, divinare non li-
cuit.

tantarumque virtutum parentem, tot bonarum artium procreatricem, ex qua rei militaris disciplina, morum sanctimonia & vitæ, sanctiones legum, virtutum omnium exempla & bene vivendi ratio defluerunt, quondam rerum dominam, nunc per fortunæ omnia vertentis iniquitatem, non solum imperio majestateque sua spoliata, sed addictam vilissimæ servituti, deformem, abjectam, sola ruina præteritam dignitatem ac magnitudinem ostentantem. Missa facimus ablatum imperium, distracta regna, provincias amissas, in quibus dandis atque auferendis prope jure suo fortuna principatum exercet. Illud majorem in modum lugendum videtur, libidinem ejus intra urbis mœnia grassam adeo in illa diruenda atque evertenda funditus sævisse, ut, si quis reviviscat ex priscis illis antiquæ urbis civibus, alios homines intueri, aliam se longe urbem incolere assereret, ita ejus specie & ipso solo subversis, ut nihil fere recognoscat, quod priorem urbem repræsentet. Et quidem commutantur regna, transferuntur imperia, desciscunt nationes, populi (varia est enim mens hominum semper nova appetentium) ad fortunæ nutum commoventur, ut haud insuetum videatur, hæc illius arbitrio parere. At vero ædificia hæc urbis, tum publica, tum privata, quæ cum ipsa immortalitate videbantur cettatura, partim penitus extincta, partim collapsa atque eversa, relictis admodum paucis, quæ priscam magnitudinem servant, supra fortunæ vires esse credebantur. Stupenda quippe vis est ac varietas fortunæ, quæ etiam ipsas ædificiorum moles, quas extra fatum illarum conditores existimabant, funditus demolita, nihil fere ex tantis rebus reliqui fecit. Quid enim majus orbis vidit unquam, quàm tot ædificia urbis, templa, porticus, thermas, theatra, aquæductus, portus manufactos, palatia fato suo absumpta, & ex tanta rerum magnificarum copia nihil aut parum ferme superesse? Tum ego: Merito, inquam, admiraris, Antoni, fortunæ injuriam in hac urbium parente tam fœde vexanda excitatam, quam ipse quotidie inspiciendi causâ perlustrans non mirari solum, sed etiam queri cogor, nihil fere inter-

8 HISTORIÆ DE VARIETATE

grum, paucas admodum reliquias ex prisca illa urbe, & eas temelas ac corruptas apparere. Nam ex omnibus aut publicis aut privatis operibus liberæ quondam civitatis, interrupta quedam & ea parva vestigia visuntur. Extant in Capitolio fornices duplici ordine novis inserti ædificiis, publici nunc salis receptaculum, in quibus* scriptum est literis vetustissimis, atque adeo humore salis exesis, Q. Lutatium Q. F. (a) & Q. Catulum Coss. substructionem & tabularium de suo faciundum* coeravisse, opus ipsa vetustate venerandum: sepulchrum quoque Capitolium juxta C. Poblilio, (b) quo ipse posterique ejus inferrentur, virtutis honorisque causa Senatûs consulto jussuque Populi datum. Item pons supra Tiberim, quo itur in intulam, vetustissimi operis, quem L. Fabricium (c) C. F. curatorem viarum faciundum coeravisse epigramma testatur, & * M. F. Cos. approbasse. Arcus insuper supra viam inter Aventinum montem & ripam Tiberis ex lapide Tiburtino, quem ex literis incisilis constat, P. Lentulum Scipionem (d) & T. Quintium Crispinum ex S. C. faciundum curasse, atque approbavisse. Sunt & monumenta quedam prisca quæ hodie Cimbron (e) appellant; templum

* In edit. Basil. sculpsim.

* Sic in MS. nostro pro coeravisse.

* Deest MAR. CVM LOL. LIVM.

(a) Q. Lutatium. Hæc inscriptio ita legitur apud Gruterum pag. CLXX. num. 6. edit. Commelin.

Q. LVTATIVS. Q. F.
Q. N. CATVLVS. COS.
SVBSTRVCTIONEM ET
TABVLARIVM. EX. S. C.
FACIVND. CVRAV.

Nardinus in Roma Antiqua lib. 5. cap. 13. pro EX: S. C. faciundum CVRAV. habet S. S. faciendum COERAVIT. Poggins imitatus est verbum *coeravit*, ex Epigrammate describens. Locum hunc veterum Romanorum temporibus. Tabularium publicum, Poggins ætate salis receptaculum, Paulus V. instauravit, alibi sal custodiendum statuens.

(b) C. Poblilio. Vide Grut. pag. CCCCLV. num. 1. Hæc inscriptio nunc extat ad macellum carporum: sed olim fuisse extra mœnia contendit Nardinus lib. 4. cap.

ultimo, quod comprobatur pariter Olaus Borrichius de Antiqua urbis Romanæ facie cap. 9. cā nimirum statuta lege, ne cui locus sepulturæ in urbe esset, nisi ex peculiari & raro privilegio.

(c) L. Fabricium C. F. &c. cum in Poggini textu mutila sit inscriptio, eandem dabimus ex Grut. pag. CLX. num. 3. fideliter descriptam.

L. FABRICIVS. C. F. CVR. VIAR.
FACIVNDVM. COERAVIT.
IDEMQVE
PROBAVIT.

Q. LEPIDVS. M. F. M.
I.OLLIVS. M. F. COS. EX
S. C. PROBAVERVNT.

(d) P. Lentulum Scipionem. Vide Gruterum pag. CLXXXVII. num. 4. Hæc Arcus nostra tempestate non extat.

(e) Cimbron appellant, &c. Bina illa trophæa Maru ob devictos ab se Cimbrâs et cetera inter templa S. Eulæi & ex

ex manubiis (a) Cimbricis à C. Mario factum, in quo adhuc ejus trophæa conspiciuntur. Adjiciunt & Pyramidem prope Portam Ostiensem mœnibus urbis insertam, nobile sepulchrum C. Cestii (b) VII. viri epulonum, quod opus absolutum ex Testamento Ponthi Clamelæ diebus cccxxx. literæ in eo incisæ referunt. Quo magis miror, integro adhuc epigrammate, doctissimum virum Franciscum Petrarcham in quadam sua epistola scribere, id esse sepulchrum Remi; credo, securum vulgi opinionem, non magni fecisse epigramma perquirere fructicetis contestum, in quo legendo, qui postmodum secuti sunt, minore cum doctrina majorem diligentiam præbuerunt. In hoc laudo, inquit Antonius, curam & diligentiam tuam, Poggi, qui ista tum publicorum, tum privatorum operum epigrammata intra urbem & foris quoque multis in locis conquista atque in parvum volumen coacta, literarum studiosis legendas tradidisti. Utrumque id ceteri accipiant, inquam, ad utilitatem certe communem diligenter omnia, nonnulla vero inter virgulta & rubos latentia ex tenebris eruens, ut aliis paterent, ad verbum integra expressi: ut si, quod sæpe vidimus, ea Romani everterint, saltem titulorum extet memoria. * Hæc sola ex tam multis nondum servitute oppressæ civitatis ornamentis, fortunæ injuria, ad nostram ætatem usque perdurant. Quid loquar de sequentium temporum, in quæ similis clades pervasit, ædifi-

* In edit. Basil. Hæc sola igitur.

S. Juliani in Esquilino, sua ætate extitisse, Poggius narrat. Etiam Cimbricum hic locus dictus. Ad Georgium Fabricium in sua urbis Romæ descriptione. Extrat in Gravii Thesoro Antiquitatum Romanarum, tom. 3. pag. 449.

(a) Ex manubiis Cimbricis. Celf. Citradinus scribit se primum detexisse illa trophæa Marii non fuisse, sed Domitiani, cum sub eorum altero hanc inscriptionem legerit,

IMP. DOM.	AVG
GER	PER
CRE	IIB

Confer Nardinum lib. 4. cap. 2.

(b) C. Cestii. In editione Basiliensi

mendose legitur Cestii. Inscriptionem C. Cestii videre potes apud Romanæ urbis antiquitatum collectores; sed uberius de ea egit Octavius Falconerius peculiaris dissertatione, quam habes Italicam, in calce Romæ antiquæ Famiani Nardini, & Latinam apud Gravium tom. 4. Antiquit. colum. 1463. ubi eorum resellit errores, qui male eam inscriptionem legerunt, profertque ibi suam de eadem sententiam, in qua quidem re Poggium etiam deceptum fuisse fatendum est; nam perperam legit ex Testamento Ponthi Clamelæ; sed legendum

PONTI P. F.	CLA. MELAE
HEREDIS.	ET. POTHIL

B

ciorum magnificentia? Plurima & præstantissima memorantur per varios Imperatores, privatosque tunc civitatis Principes magno sumptu constructa, tum ad publicum, tum ad privatum usum. Gloriarî solitus erat Divus Augustus ^(a) urbem se marmoream reddere, quam lateritiam acceperisset: cujus ^(b) suavis quum gener Agrippa, Asinius Pollio, Plancus, Cornelius Balbus, reliquique amici eam variis operibus exornassent, ipse etiam suo nomine nonnulla addidisset, præter Pantheum ^(c) cum porticu, cujus tectum, trabes, & tigna ænea ^(d) pro ligneis habet, M. Agrippæ opus insigne, & fornicem ^(e) ex Tiburtino lapide minime conspicuum inter Palatium & Tiberim, in quo Divi Augusti nomen est sculptum; cætera demolientis fortunæ sævitiam subierunt. Erat civitas referta templis, delubris, ædibus deorum dearumque, quos cives superstitioni dediti colebant: ex his paucorum vestigia supersunt. Templi Pacis ^(f) conspicui, quondam a Divo Vespasiano constructi, tres tantum arcus super ingentem reliquorum, qui sex erant, ruinam eminent ferme integri; ex

* Edit. Baf.
ærea.

(a) *Divus Augustus.* Suetonius in Augusti. cap. 27.

(b) *Cuius suavis quum gener Agrippa, Asinius Pollio.* Meminit Suetonius item in Aug. cap. 29. de operibus publicis ab huius præclaris viris extructis, his verbis: *Mulæque a multis extructa sunt, sicut a Marcio Philippo ædes Herculis Musarum, a L. Cornificio ædes Diane, ab Asinio Pollione atrium Liberatoris, a Minatio Planco ædes Saturni, a Cornelio Balbo theatrum, a Statilio Taurio Amphitheatrum, a M. vero Agrippa complura & egregia.* Huc spectant Poggii verba.

(c) *Præter Pantheum.* Pantheon tertio M. Agrippæ consulatu conditum est, qui incidit in annum urbis 727. Declarat id inscriptio superposita ipsi ædi, quam leges cum altera subiecta a Septimio Severo, cum est restitutum; & apud Gruterum pag. 1. n. 1. & apud Donatum l. 3. cap. 16.

(d) *Ænea pro ligneis.* Urbanus VIII. anno 1627. tabulas eas ex ære conflatas

sustulit, ut altari majori Basilicæ Principis Apostolorum columnas adderet, & tormenta bellica pro Arce S. Angeli instrueret, ligneis impositis. De ænearum tabularum structura legendus Donatus lib. 3. cap. 16. ut vulgi error auferatur, existimans eas æneas trabes fuisse. Torrigius de cryptis Vaticanis part. 2. p. 143. scribit pondus hujus æris fuisse librarum 450251.

(e) *Et fornicem.* Innuit cloacam maximam, quam Agrippa sub Augusto refluavit.

(f) *Templi Pacis conspicui quondam a D. Vespasiano constructi.* Suetonius in Vespasiano cap. 9. & Josephus l. 7. de bello Judaico cap. 24. celebre hoc templum memorant, in quod congestæ fuerant innumeræ divitiæ. Fulmine noctu tactum conflagrante scribit Herodianus in Commodo: nonnulla scitu digna de hoc templo tradunt Nardinus l. 3. c. 12. & Donatus l. 3. c. 4.

pluribus vero miræ magnitudinis, unam tantum stare vides marmoream (a) columnam, reliquis tum disiectis, tum inter templi ruinas sepultis. Erat pone, Capitolium versus; Romuli templum, (b) cujus pars muri vetustissima quadralapide nunc quoque mirandam speciem sui præbet, hodie Cosmæ & Damiano consecratum. Huic proximum fuit Antonini, divæque Faustinae (c) templum, nunc Beato Laurentio dicatum; cujus porticus plures marmoreæ columnæ rufam effugerunt. Castoris (d) insuper & Pollucis ædes contiguæ loco edito in via sacra, altera Occidentem, altera Orientem versus (hodie *Mariam novam* appellant) inclytus quondam cogendi Senatûs locus, majori ex parte collapsæ parvis vestigiis hærent, in quas me sæpissime conféro, revocans, stupore quodam oppressus, animum ad ea tempora, quum ibi senatoriæ sententiæ dicerentur, & aut L. Crassum mihi, aut Hortensium, aut Ciceronem orantem proponens. * Extat & Vestæ templum (e) juxta Tiberis ripam ad initium montis Aventini rotundum ac patens undique nullo muro, frequentibus tantum suffultum columnis, id posteri Martyri Stephano dedicarunt. Ædis Minervæ (f) portio con-

* Edit. Bas.
Erat Dæa.

(a) ——— *Marmoream columnam.* Hanc columnam Paulus V. ad S. Mariam Majorem anno 1619. transtulit, eique B. Virginis statuum imposuit. De ea dissertationem edidit Joseph Castallo, quam habes apud Grævium tom. 4. col. 1849.

(b) *Romuli templum.* Hic sane Romuli templum extitisse omnes fere auctores sunt; hujus ædis iconem eleganter delineatam una cum vestigiis templi Pacis, atque aliis urbis Romæ reliquiis videre potes in tom. 3. *Antiquit. Roman.* fol. 665.

(c) *Antonini, divæque Faustinae templum.* De hoc Nardinus l. 3. c. 12. Donatus & alii.

(d) *Castoris insuper & Pollucis ædes.* Duas diversis locis Castori dicatas fuisse ædes tradunt antiquarii scriptores, alteram in Circo Flaminio, de qua meminit VITRUVIUS l. 4. c. 7. alteram collocat POMPONIUS LÆTUS de *Roman. Antiquit.* prope

parvum Fontem in fine Romani Fori. De his consule Donatum l. 2. c. 17. & alios. Hoc unum monebo, falli hoc in loco Poggium, dum putat ibi Castoris & Pollucis templum fuisse, ubi Nardinus h. 3. cap. 12. Veneris & Romæ templum collocat.

(e) *Extat Væstæ templum.* Væstæ quoque ædem illam adjudicavit Blondus Instauratæ Romæ l. 2. cui adscripti sunt antiquarii fere omnes: ab his Nardinus dissentit, qui Volupæ Dææ sacellum fuisse scripsit l. 7. c. 3.

(f) *Ædis Minervæ portio.* Ergo Poggii ætate, Minervæ templi & porticus reliquæ cernebantur. De templo Minervæ posito, ubi nunc Ordinis Prædicatorum Cænobium, inter omnes antiquarios convenit. Nec opus est recensere varia variis in locis Romanæ urbis Minervæ templa excitata; nullumque verbum faciam de Minerva Medica, Chalcedica,

spicitur, ubi nunc domus est Prædicatorum, unde & loco *Minervæ* est inditum nomen, juxtaque eam porticus ingens rudibus oppressa, quam nuper ad saxa in usum calcis perquirenda, effossa humo, multis prostratis ad terram columnis * prospexi. Prope porticum *Minervæ*, statua est (a) recubantis, cujus caput integra effigie, tantæque magnitudinis, ut signa omnia urbis excedat; quidam, ad plantandas arbores scro-
 * faciens, detexit. Ad hoc visendum cum plures in dies magis concurrerent, strepitum adeuntium, fastidiumque pertæsus horti patronus, congesta humo texit. *Capitolio* contigua forum versus superest porticus ædis *Concordiæ*, (b) quam, cum primum ad urbem accessi, vidi fere integram, opere marmoreo admodum specioso; Romani postmodum, ad calcem, ædem totam & porticus partem, disjectis columnis, sunt demoliti. In porticu adhuc literæ sunt S. P. Q. R. incendio consumptam restituisse. Ex adverso ædes erat *Telluris* (c) cujus nulla extant vestigia, *Salvatorem in Tellure*

* Edit. Basl.
conspexi.

* Mendose in
editis *Capitolio*.

Aventina, Copta, Capitolina: omnia hæc trita sunt. Addam tantum *Ænæ* Sylvii epigramma a V. C. Joanne Mabillonio e codice Regine Suec. descriptum, in quo conqueritur de Romanis, quod ex vetustis monumentis & marmoribus tunc calcem conflarent. Extat in museo Italico to. I. p. 97.

Oblectas me, Roma, tuas spectare ruinas,

Ex cujus lapsu gloria prælia potes.

Sed tuus hic populus muris defossa vetustis,

Calcis in obsequium marmora dura coquit.

Impia ter centum si sic gens egeris annos,

Nullum hinc indicium nobilitatis erit.

(a) Statua est. Hanc statuam fuisse Nili simulacrum licet conjicere ex his quæ habet Flaminius Vacca de Urbe Roma, editus in Diario Italico a P. Bernardo Montfaucon; scribit enim item Flaminius p. 246. se a patre suo edidisse, in vico prope *Minervam* extitisse duas statuas, quarum altera Nili, altera *Tiberis* simulacrum referebat, illam vero in Vaticanis ædibus ad Palatium vulgo dictum *Di Belvedere* fuisse positam, quæ ibi etiamnum conspicitur. Vera

esse possunt quæ de humo super eam injecta scribit Poggius; inde vero effossa in Vaticanas ædes deducta est: quod quidem a patre Flaminio Vacca potuit haurire.

(b) *Concordiæ*. Animadversione dignum est quod de æde *Concordiæ* hic tradit Poggius, nimirum se, cum primum ad urbem accessisset, integram scire vidisse, quam postmodum dirutam, disjectisque columnis sua ætate etiam scribit. Eodem loci statuit hanc ædem Donatus lib. 2. c. 12. Quamquam diversa sentiat Nardinus lib. 3. c. 16.

(c) *Ex adverso erat ædes Telluris*. Non convenis inter urbis antiquitatum scriptores ubi potissimum hujus Dææ templum fuerit. Donatus lib. 3. c. 6. incertum esse scribit ex testimoniis veterum, ubi sit potissimum statuendum, & putat ultra amphitheatrum modico clivo versus *Divi Petri* ad Vincula templum fuisse. Nardinus lib. 3. cap. 14. ante *Palladis* ædem collocat ex ædis SS. Martyrum *Gordiani* & *Crescenciani*. Poggius eam statuit e conspectu ædis *Concordiæ*, quem

hodie vocant, pro *Tellure Tellumen* corrupto verbo dicentes. Placet quibusdam, neque abest a vero conjectura fuisse Saturni (a) templum juxta forum, Prisci ærarium vocabant, nunc Adriano Pontifici sacratum. Stat ad hanc diem nobilis porticus ædis Mercurii, (b) eam religio nostra ad Angelum Michaellem transtulit, ubi nunc est piscatorium forum. Templum Apollinis (c) in Vaticano juxta basilicam Beati Petri translatum in Dei cultum, servavit Religio nostra. Cernitur in radicibus Tarpejæ arcis, Aventinum versus, ædes vetustissima unica testudine ex lapide Tiburtino, quam nostri sanctum Nicolaum (d) in Statera appellant, quod nonnullos monet ut existiment id Jovis Statoris templum fuisse, motos verbi similitudine, quod procul a vero abest. Nam in radicibus Palatini montis id templum votum arque ædificatum Livius* refert. Junonis Lucinæ (e) ædis nihil, præter nominis memoriam, conservatum est, ubi Ecclesiam ædificaverunt nostri, Laurentio Martyri, quam Lucinam cognominant. Ther.

Lib. I. cap. 12.

fane locum vulgari vocabulo *Salvatorem* in *Tellume*, quod emendatius est quam *salutorem* in *Tellucie*, ut habent editi omnes, appellabant: quare longe distat ab eo, in quo Donatus & Nardinus statuerunt.

(a) *Saturni*. In hanc sententiam circa situm hujus ædis propendit Fabricius c. 9. Verum plura diversis temporibus Saturno templa fuisse dicata satis liquet: qua de re Donatus l. 2. c. 14. Allucinetur Poggius, dum scribit Adriano Pontifici templum consecratum; nam hujus nominis Adriano Martyri, non Pontifici, votum est.

(b) *Ædis Mercurii*. Eodem loci, quo innuit Poggius, Mercurii ædem existisse affirmat Fabricius cap. 9.

(c) *Templum Apollinis in Vaticano*. Quod ad locum hujus ædis attinet, Fabricius cap. 9. eam statuit juxta viam triumphalem, ubi nunc S. Petronille templum est. Marlianus vero lib. 5. Topographiz urbis cap. 21. scribit eos, qui tradidere ædem Apollinis, ubi nunc D. Petronille

templum est, extitisse, nullo scriptore idoneo niti. Petrus Manlius editus à Boslandiani operis Continuatoribus, initio tom. 7. Junii mensis pag. 40. scribit infra Palatium Neronis fuisse templum Apollinis, ubi erat sua ætate D. Petronille templum, ante quod erat Basilica S. Angeli dicta in Vaticano.

(d) *Sanctum Nicolaum in Statera*. In editis legitur *Michaellem*; sed nunc templa, quæ hoc nomine appellantur, non extant. Censuit Franciscus Albertinus lib. secundo de mirabilibus novæ & veteris Romæ, ubi templum erat S. Nicolai in Statera, fuisse Jovis Statoris ædem.

(e) *Junonis Lucinæ*. Marlianus lib. 5. cap. 6. (in Thesuro Antiquit. Rom.) Junonis Lucinæ templum hic collocat. Ugonius de Stationibus Urbis, stat. 24. hæc de re scriptores inter se dissentire tradit, quorum aliqui putant huic templo additum nomen in *Lucina*, quod Sixtus III. precibus Lucinæ piæ mulieris hoc templum ædificaverit, unde in *Lucina* eidem cognomentum manserit.

B iij]

* In omnibus
Ammiani e-
dit. deest ple-
bis.

mas publicas (a) septem fuisse accepimus (*lavaera* * *plebis in modum* (b) *Provinciarum*, ut Ammianus Marcellinus refert, *extructa*) quæ ita a priori facie commutatae sunt, omni decore amissa, ut nihil sit quod affirmare queas alicui certo usui deputatum. Diocletiani (c) & item Severi Antonini, servato ad hanc diem conditorum nomine, permaximè vestigia & ceteris incorruptiora, majorem in modum aspicientes movent; non sine admiratione quadam quid sibi voluerit ad tam vilem usum tanta ædificiorum moles, tot tantarumque columnarum, tam varii generis marmorum apparatus. Constantinæ (d) in colle Quirinali sitæ reliquias suas haud pares superioribus ostendunt. Constantini id esse opus testis est * epigramma, in quo Petronium Perperennam urbis præfectum illas reparasse legimus. Alexandri (e) Severi thermas scimus fuisse prope M. Agrippæ Pantheum, quarum plu-

* Edit. Basil.
habet *testimo-
nia est.*

(a) *Thermas publicas septem.* An Thermarum publicarum septem tantum fuerint, ut ait Poggius, an plures, ut crediderim, non est a me disputandum, cum earum definitum numerum legerim neque apud Baccium, neque apud alios. Cuiam verò obscurum est, eas ad infinitum numerum auctas?

(b) *In modum provinciarum extructa.* In editione Basiliensis verba hæc: *in modum provinciarum, ut Ammianus Marcellinus refert, extructa* desiderantur. Ammiani locus legitur lib. 16. pag. 131. editionis Hadriani Valesii, qui putat in hunc modum Ammianum non fuisse locutum sed loco provinciarum, scripsisse *posuerunt*.

(c) *Diocletiani.* De his extat inscriptio in ipsis thermis, quam legere poteris etiam apud Donatum lib. 3. c. 19. in fine. Illud animadvertendum hoc loci diximus, non significari a Poggio sua ætate Diocletianas thermas in sacrum locum fuisse convertas; sed *movere*, ait, *aspicientes quid sibi voluerit ad tam tæm usum tanta ædificiorum moles.* Ad eas Thermas S. Cyriaci Ecclesiam fuisse, ex prescorum testimoniis colligitur, nimirum ex synodo Romana sub Symmacho, ubi mentio fit Epiphani presbyteri titulo S. Cy-

riaci in Thermis, & in alio Concilio Romano sub eodem Symmacho, & sub S. Gregorio, & ex epistola 22 lib. 9. Ugonius in 24. statione tradit in hac ep. sub scriptos legi *Atentium & Probinum presbyteros.* Memoria lapsus est, cum solus Probinus presbyter tituli S. Cyriaci legatur. Hoc Divi Cyriaci templum Poggii temporibus ætate potuit, cum eadem, quæ Poggii tempestate, vivens Flavius Blondus affirmet lib. 1^o Instauratæ Urbis in fin. p. 242. *præ dictum fuisse*; sed de his confer eundem Ugonium. Illud ergo certum est Pium P. IV. easdem thermas D. Genitrici Virgini Mariæ Angelorum dicte dicasse, easque Carthusianis Monachis donasse. Severi nomen, quod hic Poggius tribuit Caracallæ, nunquam vel in monumentis veteribus, vel apud scriptores legimus.

(d) *Constantinæ.* Thermarum Constantinarum epigrammata leges apud Gruterum pag. CIXXVII. & apud Donatum in calce capitis 19.

(e) *Alexandri Severi.* Alexandrinæ Thermas prope Neronianas fuisse ædificatas liquet ex Lampidio in vita Severi: non procul a Pantheo esse potuerunt.

ra extant, & præclara vestigia. Domitianas, (*) quarum per-
 pauca rudera conspiciuntur, fuisse in iis locis, ubi nunc Syl-
 vestri Ecclesia est, scriptum in vita Pontificum adverti. Re-
 liquarum obscura oblivio nihil certi nobis reliquit, ne ad
 conjecturam quidem, quibus in locis fuerint, adeo atas lon-
 ginquæ nomen earum obliteravit, quamvis tanta impensa,
 tanto robore * ædificatas. Legisse memini in Martyrum libris
 quum * Diocletianæ (b) fabricarentur, qui fuit fidei nostræ
 hostis acerrimus, centum & quadraginta Christianorum mil-
 lia ad id opus pluribus annis in modum * servitutis addicta.
 Arcus triumphales, quot fuerint numero, nequaquam me-
 moriæ, quod sciam, proditum habemus; sed pro multitudi-
 ne Imperatorum, cæterorumque ad quorum gloriam consti-
 tuebantur, plurimos fuisse crediderim. Extant salvis titulis
 Septimii Severi, T. Vespasiani, Constantinique fere integri:
 pars Nervæ Trajani (c) quædam præcipui operis residet juxta
 Comitium, in qua sculptæ literæ Trajani arcum fuisse dicunt.
 Duo sunt insuper via Flaminia, titulo in altero penitus dele-
 to, in altero corrupto, quorum eum, qui est prope Lau-
 rentium in Lucina, ubi plura signa marmorea insunt, vulgo
 ob victoriam trium Civitatum, prout antiquum epigramma
 seniores se legisse referebant, *Tripolim* (d) hodie quoque Ar-

* Hoc ver-
 bum defendi
 non potest, nisi
 addatur *con-*
struxerunt, aut aliquid
 simile.

* Edit. Basil.
Diocletiano, &
 rectius, ut hoc
 nomen res-
 pondeat rela-
 tivo *qui*.

* Edit. Basil.
servitus.

(a) *Domitianas*. Hoc eodem loci Do-
 mitianæ thermæ statuuntur a Donato
 l. 3. c. 19. quamquam Nardinus lib. 6. c.
 10. quicquam se legisse affirmet thermas
 a Domitiano extructas.

(b) *Diocletianæ*. Sic in MS. sed le-
 gerem *cum a Diocletiano thermæ fabrica-*
rentur. Porro Christianos milites ad opus
 thermarum esse damnatos, affirmat etiam
 ex act. Martyrum Cardinalis Baronius
 ex an. 298. Annot. t. 2. qui tamen ho-
 rum ingentem numerum non recenset.

(c) *Nervæ Trajani*. Dio in Nervæ vi-
 ta scribit hunc arcum in ejus foro fuisse
 ædificatum: videtur Arcus in nummis ejus-
 dem Imperatoris, quos eleganti icone
 excusos videre poteris apud Donat. in
 calce c. 24. l. 2. Forte erat palatium Ner-
 væ, cum extet Romæ in Epistylis co-

lumnarum Palatii Nervæ in foro ipsius
 hæc inscriptio, quæ est apud Gruterum
 pag. 185. *Imp. Nervæ Cæsar Trib. potest.*
III. Imp. II. Cum vero prope forum
 Trajani Arcus fuisse dicatur, non bene
 conveniret cum Poggio, qui eundem jux-
 ta Comitium statuit. Porro Comitium
 prope forum fuisse contendit Donat. cap.
 18. l. 2.

(d) *Tripolim hodie quoque appellant*,
 Marlian. l. 5. c. 6. sua etiam ætate di-
 ctum fuisse *Tripoli* nomine, qui Domi-
 tiano Arcus dicatus fuerat, tradit; col-
 locarque ad Divi Sylvestri ædem, sed ju-
 re arguitur erroris in notis ad eundem
 locum, & statuitur ibi Claudii Arcum
 extitisse, idque comprobati videbis apud
 Donatum & Nardinum. Fulvius sua æra-
 te dictum ait Arcum *Trophæi*, vel *Tripo-*

cum appellant: alterius nomen (perpaucae enim literae super extant, & antiquae cælaturae tabulae quaedam e marmore, quas saepe miror infaniam demolientium effugisse) penitus obsolevit. Est alter praeterea Gallieno (a) Principi dicatus, prout superscriptio indicat, via Nomentana; legi quoque titulum ejus Arcus, quem, devictis Judæis, & Hierosolymis deleris, Tito Vespasiano (b) in Circo maximo, ubi nunchorti sunt, gentilitas dicavit. Ductus aquarum novem fuisse refert Julius Frontinus (quem libellum ipse paulo ante reperi (c) absconsum abditumque in Monasterio Cassinensi) Appiam, Anienem veterem, Martiam, Tepulam, Juliam, Virginem, Alstetiam, Claudiam, Anienem novam, adeo sumptuoso opere & structura mirabili, ut idem Julius (d) qui a divo Nerva curatorem aquarum se factum scribit, Ægypti Pyramidibus censeat æquandos. Anio (e) novus a milliario LXXII. Claudia ultra milliarium quadragesimum quartum, Mar-

ti a Victoria trium urbium. Verum nulli nunc dubium est, quin Arcus iste, qui dictus est etiam *Portugalliae* a proximis ædibus, quas Cardinalis de *Portugallia* dictus incolebat, sit dicatus ab Imperatore Antonino Faustinae uxori suae, & ejusdem apotheosim significet. Hunc eundem Arcum Alexander VII. ut viam latam splendidiorem & augustiorem redderet, adhibita magna diligentia, ne itarum, signa & anaglypha infringentur, ad ædes Capitolinas transtulit, addita eodem loci, memoriae retinendae causâ, inscriptione. Alter Arcus fortasse fuit, qui Domitiano adscribebatur, de quo meminit Fulvius, & extitisse in via Flaminia, suaeque ætate dirutum fuisse scribit. Hunc Ferruciûs, in notis ad eundem Fulvium, *Claudii* esse existimavit, in quam sententiam descendit etiam Nardinus l. 6. c. 9. qui cum statuit ad Plateam *Sciæra* vulgo dictam.

(a) *Gallieno*. In ea Esquilini parte, quae ad Caelum montem vergit, ad D. Viti statuitur Gallieni Arcus a Marliano l. 4. c. 15. Fabricio c. 14. Donat l. 3. c. 10.

(b) *T. Vespasiano in Circo maximo*. Pog-

gii ætate etiam titulus illius inscriptionis legebatur, quam suis temporibus fuisse effossam scribunt Faunus & Marlianus c. 8. l. 3. Eam leges inter cæteras apud Gruterum p. CCXLIV. n. 6. Dubitatum est a viris eruditis, num vera, an supposititia esset hæc inscriptio, cum in ea nazvi quidam ad historiam pertinentes detecti fuerint, & nusquam Romæ reperiatur: sed cum in antiquissima Inscriptionum collectione legatur apud Anonymum editum a Mabillonio t. 4. *Analector.* p. 491. ex codice ante annos octingentos scripto, suspicio omnis de ejus falsitate sublata esse videtur.

(c) *Reperi in Monasterio Cassinensi*. Egregium testimonium inventi a Poggio Julii Frontini. Hinc vero corrigenda est edita descriptio, in qua loco *Anienis* ceteris & *novi* legitur *Amenis*.

(d) *Frontinus l. 1. de aquz ductibus*.

(e) *Anio novus*. Hæc eadem de deductione aquarum habet Frontinus initio lib. 1. Estat inscriptio Claudii Imperatoris ad portam Prænestinam vulgo *majorem* dictam apud Gruterum pag. 6. n. CLXXVI.

tia a milliario trigesimo sexto, & opere arcuato partim excisis, partim effossis, qui intercedebant, montibus in urbem deducebantur. Sola ex his Virgo (a) hodie in urbem fluit, quæ a milliario octavo conspicitur; cæteræ intermissæ, collapsæque sunt; nonnullis solo æquatis, amissæque non solum forma, sed etiam dignoscendi conjectura. Videntur reliquæ omnium magnificentissimi aquæductus, qui a Divo Claudio in urbem ad Cælium usque montem perductus est, unde & *Cali-montanum* nominabant, & a L. Septimio Severo, & a M. Aurelio Antonino Pio, cum vetustate collapsus & corruptus plurifariam esset, a solo, ut refert sculptum in marmorea tabula epigramma, (b) restitutus. Theatris atque amphitheatris urbs referta erat ad ludos populis edendos. Ingens pulcherrimumque omnium fuisse dicunt, quod est media fere urbe (c) ex lapide Tiburtino, opus Divi Vespasiani, *Coliseum* vulgo appellatum, atque ob stultitiam Romanorum, majori ex parte ad calcem deletum. Alterius portio est inter Tarpeium collem Tiberimque, ubi ad præsens macellum patet, quod olim C. Julium Cæsarem (d) destinasse scribunt. Ex adverso, via intermedia, sunt plures columnæ marmoreæ, pars porticus templi, ut aiunt, Jovis, cujus portio

(a) *Virgo Iudæ*. Cum dilaberetur, restituta est a Nicolao V. Sixto IV. & Pio IV. ea dicta vulgo di *Trovi*. Lucas Patet uberem de aqua Virgine lucubrationem scripsit. De restituta aqua Virgine a Nicolao V. legitur in fracto marmore iuxta ipsum fontem inscriptio, quam cum refert Ciceronius in ejus vita, hic etiam haud prætermittendam duximus: ea est vero in hac verba: *Nicolaus P. Pontifex Maximus, post illustratam insignibus monumentis urbem, ductum aqua Virginis vetustate collapsum sua impensa in splendorem cultum restitui ornatque mandavit anno Domini J. C. MCCCC LIII. Pontificatus sui P. II.* Fabrettus in dissertatione de aquæ ductibus censet modo distare circiter decimo ab urbe lapide ad viam Collarinam illius originem, quanquam revera Frontinus octavo tan-

tum abesse scribat. Inscripção in porta Prænestina indicat Anicnem ductam esse LXII. ab urbe lapide, sicut Claudia XLV. Nota Poggii tempore hunc solum aquæ Virginis fontem in urbe extitisse. De aquis in urbem influentibus Manutius in *Quæstis* per epistolam, quem tamen reprehendit Fabrettus in laudata dissertatione n° 14.

(b) *Epigramma*. Hanc Claudie aquæ inscriptionem habes apud Gruterum p. CLXXXVII. 3. In editione Basileensi legitur a *salutis* refert sculptum in marmorea tabula referente nescio quid magis incepte.

(c) *In media fere urbe*. De amphitheatri situ idem scribit Suetonius in *Vespasiano*, cap. 9.

(d) *C. Julium Cæsarem destinasse*. Fortasse innuit theatrum Marcelli ab Augusto ædificatum. *Sueton. in Cæsare c. 44.*

rotunda novis ædificiis, interius vero hortulis est occupata. Tertium ^(a) ex latere coſto juxta Eccleſiam, quam *Hiernſalem* appellant, his novis inſitum mœniis partem efficit ambitus murorum urbis. Eſt & locus ingens, plebis receptaculum (hodie *Agonem* ^(b) appellant) ad venationes & ſpectacula editus, in quo & hodie quoque Romani quotannis ludos licet inſulſe quosdam exercent. Circi maximi, ^(c) celeberrimi quondam ſpectaculi, nunc hortis deputatus locus, in quo & obeliſcum ingentem, & Arcum triumphalem T. Veſpaſiani ^(d) fuiſſe legimus: parum quid viſu reliquit vetuſtas. Pars theatri ^(e) Pompeii haud procul ab eo, quem *Campum Florum* appellant, ſuperextat, etiam ipſa privatis ædificiis occupata. Id ut credam, literæ quædam ^(f) adducunt, effoſſis nuper marmoribus, quæ in ejus collapſa porticu columnis inmixta reperta ſunt, inciſæ. Alteræ, epigrammate effracſo, genium theatri a quodam Præſecto urbis inſtauratum ſerunt, alteræ a Symmacho urbis Præſecto Honorio Auguſto dicatur: vulgo antea theatrum Pompeii dicebatur: ſed Romanorum inſcitia falſa pro veris affirmantium detrahebat verbis fidem. Sepulcra tum civium, tum imperatorum miro opere per-

(a) *Tertium ex latere coſto.* Mendum eſt in editis, cum legatur *carſa pro coſto*, quo in loco ab antiquariis ſtatuitur amphitheatrum Caſtrenſe. Nardinus l. 4. c. 2. Olaus Borrichius de antiqua urbis facie c. 17.

(b) *Hodie Agonem.* Circum agonalem designat in eo loco, cui hodie corrupto vocabulo *Piazza Navona* nomen eſt. Noſtris temporibus nullus ibi ludus exercetur. Tantum menſe Auguſto, diebus feſtis, platea illa celeberrimi fontis in medio extructi aquis irrigata, Romanis rheda veſtis ad frigus captandum in eo loco deambulare permiſſum eſt. De ludis Agonis, qui Poggii ætate inſulſe in hæc platea ſicbant, conſule Statuta Romæ pag. 186. edita in eâ urbe an. 1580 in fol.

(c) Omnia verba hæc *Circi maximi* uſque ad *ſepulcra tum civium, tum imperatorum* in edit. Baſil. deſiderantur.

(d) *Titus Veſpaſiani fuiſſe legimus.* Pu-

tat Poggius alterum Titi Arcum triumphalem prope Circum Maximum fuiſſe. Duos obeliſcos in Circo Maximo extiſſe tradunt antiquarii; alterum ab Auguſto, alterum a Conſtantino adveſtum, qui a Sixto V. ad Baſilicam Lateranensem tranſlatus eſt.

(e) *Pars theatri Pompeii.* Antiquarii omnes in eodem loco, qui campus Floræ hodie dicitur, theatrum Pompeii fuiſſe cenſent. Nardinus lib. 6. c. 3. ſcribit auguſtius & latius fuiſſe, quam Palatium Urſinorum. De hoc theatro habet antiquorum teſtimonia apud Donatum l. 3. c. 8. Nardinum citato loco, Marlium l. 5. cap. 10.

(f) *Literæ quædam.* Non ſcitur apud Gruterum, neque apud alios inſcriptionum collectores ea epigrammata inſerere, quæ legiſſe ex marmoribus eo loci effoſſis reſert Poggius. Verum ejusdem fragmentum extat apud Anonymum editum a

multa hystoriæ tradunt: Mausoleum (a) a Divo Augusto in quo & conditus fuit, inter Flaminiam viam & Tiberis ripam constructum, duobusque ornatum obeliscis: & Divi Hadriani (b) ac Divæ Sabinæ molem in primis conspicuam juxta pontem, quem suo quoque nomini dicavit; alterum disiectum vineis occupatur, licet locus in morem collis editus conditoris (*Augusta* enim appellatur) nomen servet; alterum, quod *Castrum Angeli* vulgo dicunt magna ex parte Romanorum injuria, licet adhuc titulus supra portam extet integer, disturbavit, quod certe funditus evertissent, id enim publice decreverant, si eorum * manibus pervia, absumptis grandibus faxis, reliqua moles extitisset. Trajani, & item Divi Antonini Pii de coelo tacta Cochleæ Columnæ (c) marmoreæ speciosa sepulchra, in quibus conditorum gesta sculpta sunt, multos magnitudine sua ad spectaculum trahunt. Prior ex parte titulum servat: alterius nullæ resident literæ. Juxta viam Appiam, ad secundum lapidem, integrum vidi sepulchrum Q. Cæcilie Metellæ, (d) opus egregium, & id ipsum tot sæculis intactum, ad calcem

* Edit. Baf.
natibus.

Mabillonio in Analeſt. t. 4. pag. 497 Ea autem eſt hujusmodi DD. NN. *Arcadius & Honorius perpetui Augg. Theatrum Pompeii exteriore ambitu, magna etiam interiori circumſe circumſiſum, ſubduellus & excitatis invice. . .*

(a) *Mausoleum D. Auguſti.* Mendose in vulgatis eſt *Mauſoleum*, deinde *Flammæ* loco *Flaminie* viz. De eo extat teſtimonium Suetonii in Aug. Taciti l. 3^a Annal. Alterum ex duobus obeliſcis, quibus ornatum erat Mausoleum, advenit ad ædem Liberianam Sixtus V; alter obrutus extructis ſupra domibus, nunc etiam jacet.

(b) *Divi Hadriani & Divæ Sabinæ molem.* Moles Hadriani nulli non patet fuiſſe, quæ caſtrum ſ. *Angeli* nuncupatur. Eam in Regione IX. collocat Pancirol. in deſcriptione urbis Romæ. Narratione fere huic ſimili utitur Marſianus l. V. cap. 22. qui reſtat etiam ſua ætate legi inibi titulum L. HÆLIO CÆſ. DIVI HADRIANI AUG. F. COS. II.

F. De eo meminit Dio in vita Hadriani. Equeſtribus ſtatuis ornatum fuiſſe ſua ætate Procopius ſcribit. Aſylum extitit Romanis Pontificibus variis temporibus cum ſævitia Romanorum vexarentur, ut videre eſt apud Donatum l. 4. c. 7. ubi habes etiam, cur mutato nomine S. *Angeli* Arx dicta ſit.

(c) *Cochleæ Columnæ.* De columnis Trajani & Antonini luculentas diſſertationes ſcripſere Joannes Petrus Bellorius de Antonina, & Raphael Fabrettus & Petrus Ciacconius de Trajana. Cum columna Antonini *Citæria* vulgo appellata, juſſu Clementis XI. Pontificis Maximi anno ejus Pontificatus II. effoſſa fuiſſet, de ea peculiari diſſertatione uberime egit V. C. Joannes Vignolius quæ edita eſt Romæ anno 1705.

(d) *Q. Cæcilie Metellæ.* Marſianus etiam c. 27. l. 5. ſolum titulum hujus ſepulchri exteris ornamentis evertiſſe, ſuperuiſſe ſup xvo tradit.

postea majori ex parte exterminatum. Illud quoque via Ostiensis, secundo milliario, juxta Tiberim adhuc integrum manet M. Antonii Lupi (a) cum inscriptione egregia rerum a se gestarum, quod tribus tantum prægrandibus saxis altero super alterum positus * constat. Pyramis (b) est præterea in Vaticano grandis operis, instar molis, omni ornatu ablato. Quid referant obeliscos, quos magno cum labore & sumptu ex Ægypto advectos Plinius * meminit. Unum tantum urbs retinet, qui est in Vaticano (c) a C. Cæsare Caligula positus Divo Augusto, & Divo Tiberio sacer. Vidi alterum paulo minorem variis animalium, aviumque figuris, quibus prisca Ægyptii propter uterentur, jacentem in Hyppodromo via Appia quatuor frustis con fractum. Sunt & aliorum particula quædam erectæ, altera in Capitolio, altera in Regione quæ hodie *Pinea* appellatur, reliquis non solum contritis, sed omni insuper memoria deletis. Hoc videbitur levius fortasse, sed me maxime movet, quod his sub jiciam, ex innumeris ferme Colossis, statuisque tum marmoreis, tum æneis (nam argenteas atque aureas minime miror fuisse constatas) viris illustribus ob virtutem positus, ut omittam varia signa voluptatis atque artis causa publice ad spectaculum collocata, marmoreas

* Hactenus descriptio ruinarum urbis Romæ ut extat in edit. Basil. Quæ sequuntur omnia sunt incerta.

* I. 36. c. 9. 10.

(a) M. Antonii Antii Lupi. Extat inscriptio apud Gruterum p. 356. n°. 1°.

(b) Pyramis in Vaticano grandis operis. De hac Pyramide mentio fit apud Anonymum de mirabilibus Romæ editum a Bernardo Monfauconio in Diario Italico p. 283. In Nannachia, inquit, est sepulchrum Romuli, quod vocatur Meda, quæ fuit miro lapide tabulata, ex quibus saltum est pervenientem Paradisi & gradum S. Petri: habuit circa se plateam Tiburtinam XX. pedum cum cloaca & foras suo. De ea Nardinus l. 7. c. 13. scribit mentionem factam à Blondo, Fulvio, Marliano. Brevis fuerat, inquit Nardinus, in via hodierna, inter Hadriani molem & Basilicam D. Petri, prope S. Maria transpennina eadem: diruta est ab Alexandro VI. ut etiam illam in rellum dirigeret. Turrigius de Cryptis Vaticanis par. 2. scribit eam extitisse prope pontem

S. Angeli, ubi nunc fons est à Paulo V. pro aqua deducenda in eam regionem constitutus.

(c) Unum tantum qui est in Vaticano, jacentem in Hyppodromo via Appia. Eo loci Caracallæ Circum fuisse Nardinus tradit l. 3. c. 3. in quo erutus fuit obeliscus qui in Platea Agonali erectus est anno 1649. ab Innocentio X. Porro is Circus fuit, ubi Cæsaris Prætoriana erant: perperam cum Kircherus in via Ardeatina statuit in dissertatione de Obelisco Pamphilo. Similia fere de Obelisco habet Blondus l. 1°. instauratæ Romæ. Hujus enim, ubi Poggii ætate jacuisse Obeliscus omnes, & non nisi quædam eorumdem fragmenta tunc erecta fuisse constat. Uberrime de Obelisco Michael Mercatus, Kircherus, Bellortus, Donatus, Nardinus, & alii plurimi.

quinque tantum (a), quatuor in Constantini Thermis; duas stantes pone equos, Phidix & Praxitelis (b) opus; duas recubantes; quintam in foro Martis; statuam quæ hodie Martis fori nomen tenet; atque æneam solam equestrem (c) deauratam, quæ est ad Basilicam Lateranensem Septimio Severo dicatam, tantum videmus superesse: ut partem maximam stragis urbis, si quis numerum advertat, hoc solum fuisse fateatur. Id vero gravissimum & haud parva cum admiratione recensendum, hunc Capitolii collem, caput quondam Romani Imperii, atque orbis terrarum arcem, quem omnes Reges ac Principes tremebant, in quem triumphantes tot Imperatores ascenderunt, donis ac spoliis tot tantarumque gentium ornatum, florentemque, ac universo orbi spectandum adeo desolatum atque eversum, & a priori illo statu immutatum, ut vineæ in Senatorum subsellia successerint, stercore ac purgamentorum receptaculum factum. Respice ad Palatinum montem, & ibi fortunam incusa, quæ domum a Nerone post incensam urbem totius orbis spoliis confectam, atque absumptis Imperii viribus ornatam, quam silvæ, lacus, obelisci, porticus, colossi, theatra varii coloris marmorea admirandam videntibus reddebant, ita prostravit, ut nulla rei cujusquam effigies superextet, quam aliquid certum, præter vasta rudera queas dicere. Cæteros urbis colles perlustra, omnia vacua ædificiis, ruinis, vineis oppleta conspicias. Forum jure dicundo, ferendis legibus, plebe ad concionem advocanda celeberrimum urbis locum, & juxta Comitium creandis magistratibus insigne, deserta squallente malignitate fortunæ, alterum porcorum, bubalorumque diversorium, alterum ferendis oleribus cultum. Extat tamen Comitii portio quædam murorum insigni structura, in quibus adhuc duo signa mar-

(a) *Marmoreas quinq. tantum.* Mirum est, quæ hic scribit de paucitate statuarum, quæ suo tempore viscebantur.

(b) *Phidix & Praxitelis.* Putabantur etiam tum vini ad thermas Constantini positi equi, opus esse Phidix & Praxitelis, ut habet etiam Blondus l. 2. urbis instauratæ n. 19. Hanc autem sententiam de Phidia & Praxitele horum equo-

rum auctionibus, dispungit Donatus l. 3. c. XV.

(c) *Æneam equestrem deauratam, quæ est ad Basilicam Lateranensem.* Falli fortasse potuit Poggius, dum putavit hanc statuam ad Lateranum positam, dicatam Septimio Severo. Eam Paulus III. in Capitolium transtulit & eruditorum omnium calculo constat esse M. Aurclii.

morea togata in summo collocata resident. Est etiam murorum fabrica admodum insignis, quem locum S. Basilium vocant, haud longe ab Trajani columna cochlea, ubi forum Trajani (a) fuisse, ut credam, Ammianus Marcellinus monet, cujus structuram singularem sub omni cœlo fuisse tradit, & in ejus medio atrii equum æneum magnitudine insigni: hodie quoque illius etiam desolati magnificentia multum eminet cæteris, in qua & nunc supersunt reliquæ nobilis porticûs ingentibus columnis subnixæ. Nihil tota urbe præclarior fuit ponte (b) quo C. Caligula Capitolium Palatio conjunxit. At ex eo sex tantum marmoreæ columnæ, tres ad Capitolii, & item tres ad Palatii radices visuntur. Servavit Religio nostra locum in foro dicatum Martiæ Martyri, quem quondam sacrarium Senatûs (c) Theodosii tempore fuisse, literæ incisæ significant, ubi adhuc tabulis marmoreis antiquæ cælaturæ parietes undique exornantur. Quid jam querar, quod etiam stuporem recensenti mihi affert, urbis mœnia ita multiplici clade afflicta, ita a fundamentis eruta, ut ne dum locus eorum pristinus, sed ne vestigium quidem ullum aspiciatur omni veterum murorum sublata memoria? Nam ea quæ cernis lateritia, nova sunt & post octingentesimum annum, deletis prioribus, primum ab Hadriano inchoata (d) collatis ab Etruriæ populis centum auri pondo, tum a Gregorio uno, & item altero Pontificibus perfecta, unde & diversorum Pontificum

(a) *Ubi forum Trajani.* In medio fori columnam fuisse tradit etiam Donatus, ubi habes Ammiani locum l. 2. c. 24. Verum prope D. Basilii templum reliquias esse fori Nervæ arbitratu Nardinus l. 3. c. 14.

(b) *Ponte quo.* De eo ponte a Caio confectio meminit Suetonius in ejus vita c. 12. vide Donatum l. 2. c. 18.

(c) *Sacrarium Senatûs.* Marlianus l. 3. c. 3. refert integram inscriptionem sub Theodosio & Arcadio positam, sed dubitatur num eodem loci fuerit secretarium Senatûs propter effossam inscriptionem sub rupe Tarpeia, quam habes in notis ad allatum caput Marliani. Sex tantum co-

lumnæ. Tres columnas ad radices Palatii, reliquias Comirii esse scribit Nardin. l. 5. c. 8. quæ vero ad radices Capitolii, reliquæ sunt templi Jovis Tonantis. Olaus Borrich. c. 10. col. 1517. t. 4. antiquit. Roman. De hoc loco non dubitat Nardin l. 5. c. 8. ubi eruditorum non leves auctoritates innuit.

(d) *Primum ab Hadriano.* De resecris inlaurariis a Romanis Pontificibus mœnibus urbis agit Donatus l. 1. c. 14. ubi rectius quam Poggius, tum primum parari materiem pro muris urbis inlaurandis ex Anastasio, a Sisinnio excerptam tradit, quod perfectit aliqua ex parte Gregorius II.

opus variam reddidit murorum formam. Antiqua mœnia ex quadrato lapide, post incensam a Gallis urbem, consummata Livius tradit. (a) Dionysius Halicarnassæus XVI. millibus passuum scribit patere murorum ambitum, quos ita infertos privatis ædificiis refert, ut raris in locis internosci mœnia aut discerni possent. Livius quoque vulgo privatis ædificiis conjuncta ea esse scribit, quo minus mirandum est, dissipatis ædificiis, & mœnia esse deleta. Horum ambitus murorum eam partem, quam Leo Pontifex in Vaticano mœnibus cinxit, excipio: haud decem millia passuum (b) protenditur. Hunc ego diligentissime sum dimensus, annumeratis turribus ad quamque portam, ac spatio inter singulas notato. Turres (c) sunt numero trecentæ septuaginta novem. Portas triginta septem fuisse Plinius testis est, hodie tredecim tantum usus servavit; quarum pars trans-Tiberina tres continet, Portuensem, Aureliam, & Cassiam: tres in usu esse desierunt, muro obductæ: earum duæ antiquæ sunt structuræ, quarum alterius inter Ostiensem &, ut dicitur, Appiam, quam multis de causis Capenam fuisse reor, portas, sicut in Ostiensi, literæ Arcadium (d) & Honorium, muros, portas & turres urbis instaurasse, sunt documento: altera inter portam Latinam atque Afinariam literis caret: tertia inter Tiburtinam est, & quæ hodie dicitur S. Agnetis, Nomentana. Adjicitur his quarta etiam haud procul ab ea, Nomentanam versus, exterius mœnibus contigua, a qua ducitur murus amplioris ambitus

(a) *Livius tradit.* Decad. 1. l. 5. & 6. de urbis magnitudine disputationem accuratam inquit Donatus l. 1. passum, quo loci testimonia Dionysii & Plinii ad examen revocat, contra ea quæ de urbis mœnibus in medium attulit Onuphrius Panvinius in descriptione urbis Romæ.

(b) *Haud decem millia passuum.* Consonat cum his, quæ tradit Marlianus, & Blondus, qui ad 13. M. passus protendunt: curiosum est, quod hic scribit de dimensis à se mœnibus urbis Isaacus Vossius dissertationem edidit de antiqua urbis magnitudine, quam habes 4°. t. antiquit. Rom. col. 1498. Porro Vossius initio test-

tatur hunc urbis ambitum, quem modocetnimus, paulo plusquam undecim miliaria conficere. Apud eos omnes qui de urbe scripserunt, muros urbis restitutos fuisse à Bellisario & Variete legitur, in quam rem erat luculentum Procopii testimonium l. 3. de bello Gothico-Italico.

(c) *Turres.* Cutiosa enumeratio Turrium ut & apud Anonym. de inscriptionibus urbis t. 4. analesc. Mabillon. qui Turres 383. recenset.

(d) *Inscriptionem refert Panvinius in descriptione urbis, ubi de amplitudine Pomæni agit.*

per quingentos passus : ut plane suspicer etiam post priscorum murorum ruinam , eorum ambitum aliquando ab ea parte imminutum. Portas antiqui operis tres tantum cis Tiberim in usu antiquitas servavit , (a) Prænestinam , quæ *major* vulgo dicitur , Tiburtinam (hanc *S. Laurentii* appellant) ac Nomentanam. Reliquæ omnes recentioris sunt ædificii. In Tiburtina Divum Augustum rivos aquarum omnium refecisse , M. Aurelium Antoninum Pium aquam Martiam excisis & perforatis montibus restituisse , & Vespasianum rivum aquæ Martiæ , qui in usu desierat , refecisse ; in Prænestina vero Ti. Claudium aquam Claudiam & Anienem novam in urbem perduxisse , & eas post modum Vespasianum , ac deinde Titum filium urbi restituisse , (c) literæ portis incisæ memoriæ produnt. A Flaminia porta murus , qui est ad eam , quæ dicitur *Pinciana* ad ducentos & sexaginta passus , quoniam priscis constat ædificiis , turribus deficit. Muros , qui nunc sunt , non esse antiquos argumentis monstratur ; nam pluribus in locis publica privataque ædificia , sacella quoque complectuntur , & fundamenta quandoque veteribus ruinis superædificata sunt. A porta quidem Prænestina longo spatio aquæductus Divi Claudii pro muro habetur ; inter Tiburtinam & Nomentanam murus ad mille amplius passus circumducitur supra publicum quadratum ædificium (*Piscinam* moderni vocant) cujus ex tribus partibus testudines pulcherrimæ apparent variis coloribus pictæ. A porta Flaminia ad Tiberim sacellum mœnibus continetur ; conspiciuntur & multis in locis fenestræ , portæque privatorum refarcitæ , quæ pro mœnibus sumpserunt. Sunt præterea muri fragiles ac putridi , ut , nullo impellente , labantur , quorum structura ex variis marmorum contritorum ac regularum frustis conglutinata est. Vidi ego partem murorum collapsam , in qua licet conspiceretur ex variis collectitiisque lapidibus , mar-

(a) *Prænestinam* , quæ *major* vulgo. Inscriptionem jam indicavimus apud Gruterum.

(b) Pius IV. antiquam portam Nomentanam sustulit & aliam eodem loci

ampliores erexit , quæ nunc etiam ab ejus nomine *Pia* dicitur.

(c) Has inscriptiones profert Aldus Junior in disceptatione de aquis veteribus in urbem diffluentibus.

morum quôque fragmentis materiem ædificandi sumptam; exterius interiusque ob decorem lateribus politis, in modum testarum, mœnia ornata. Prisca vero ædificia ita compacta sunt, ut, ne viribus quidem hominum, disturbari absque summo labore queant. Non est insuper unica ædificandi ratio, sed multis in locis varia; ut plane constet nec uno tempore, neque ab eodem Architecto muros factos. Hæc de urbis mœnibus, quoniam ea a multis antiquiora existimantur, dixisse velim. Reliquit præterea fortunæ negligentia partem speciosissimæ porticûs inter M. Agrippæ templum (a) & collem Quirinalem, ejus auctor & nomen incertum est. Tum Antonius: Equidem, inquit, quum pristinam Romani Imperii amplitudinem præsentibus rebus comparo, cumque hanc tantam interiorem urbis stragem, calamitatemque mente pervolvo, haud scio majorem ne imperium prostratum, an urbs eversa fortunæ sævitiam sint experta. Utriusque certe ruinæ exemplo, rerum omnium externarum summum arbitrium penes eam esse palam fecit, quas dandi, & cum libeat, auferendi, jns habere videatur. Hic ego: Multa, inquam, Antoni, & audiui & legi de hac fortuna ejusque potestate ab Historicis, Poëtis, Oratoribus, & Philosophis scripta: multo plura sermone hominum celebrantur, omnia fere humana ditioni fortunæ subji-cientium. Nam Imperatores, Reges, Principes, nobiles, ignobiles, vulgus ipsum, ita de fortuna sentiunt, ut eam supra se stare & actus suos regere arbitrentur, veluti vitæ nostræ attricem, quam secundam exoptant, adversam execrantur, & cum quid prosperum accidit, fortunam laudant, cum quid ad-versi, illius statim iniquitatem accusant; adeoque hæc opinio inolevit, ut ab ea divitias atque opes * largiri, honores atque imperia tradi, filios servari, eademque eripi putent; neque huic opinioni vulgo tantum creditur, sed doctissimorum quoque & sapientissimorum virorum voces ac sententiæ astipulan-tur. Poëta noster omnipotentem scribit fortunam; *Salustius

* Malè largiri;
melius concedi.

De bello Ca:
tilinæ.

(a) M. Agrippæ templum & collem Quirinalem. De hac porticu nullum nunc ve-stigium extat.

eam omni in re dominari asserit; Titus Livius (a) hanc omni in re, sed maxime in bellicas res potentem dicit. Hoc idem & Cæsar scripsit. Ipse Cicero in libris Officiorum, ubi Philosophorum more loquitur, magnam vim esse fortunæ ait ad res vel prosperas vel adversas. Idem Tragœdi quoque & reliqui rerum scriptores sentiunt; quos, ne sim molestior, prætereo. Romani certe, æde ei dicata (b) sacrisque institutis, ut Deam coluere, aliquam profecto maiorem causam ac cælestem esse fortunam arbitrati. Rem ergo adeo decantatam, & ultra vires nostras existimatam fere ab omnibus, * animum ne quendam, an exanime quid putes, an vulgi inane somnium, si tibi com- modum est, posteaquam confedimus atque otiosi sumus, majorem in modum abs te scire desidero. Nam, ut eam quid- dam divinius, imminens humanis rebus concedam, doctissi- morum hominum verba, & unus omnium consensus impel- lunt. Ut vero nomen inane ab stultitia hominum confictum, culpam sui, fortunæ vitio tribuentium, & religio nostra & ratio ipsa extra omnem fortunam posita persuadent. Pergratum igitur certe mihi feceris, si, quid de ea sentias, explicaris. Diffi- cile sane opus requiris, inquit Antonius, & meo ingenio impar. Quodque magis cogitatione complecti, quàm verbis exequi queam. Nam omnes docti atque indocti pariter affirmant esse fortunam; quid vero ea sit perpauci tradunt, quo magis addu- bitare cogor certam sententiam ferre. Aristoteles quidem, cu- jus singulare atque excellens acumen ingenii nihil inexplora- tum reliquit, solus fere ex antiquis, quos legerim, fortunam definivit; nam, cum in Physicis de causis rerum differeret *, fortunam *causam accidentem* dixit iis rebus, quas agendas sus- ceperis; has causas infinitas esse vult, & incertam esse for- tunam, idque fortuna fieri, quod nobis agentibus præter pro- positum eveniat, præterque cogitatum; veluti si quis, qui mercandi causâ ad forum venerit, reperiat inperato quem- piam, qui ei debitum solvat. Quem e nostris secutus Tho-

* * Legendum
fortasse anima-
tum ne quid-
dam, an.

* l. 2. Meta-
physicor.

(a) Titus Livius lib. 9. cap. 17. ait:
*Fortuna per omnia humana, maxime in res
bellicas potent.*

(b) *Æde ei dicata.* Varia Fortunæ di-
cata templa à Romanis exstiter, de qui-
bus vide Donatum lib. 3. c. 11.

mas * Aquinas vir doctrina excellens & disputando acutissimus asserit contingere aliquid a fortuna, quum bonum aliquid eveniat homini præter intentionem, ut quum agrum colens, thesaurum inveniat, eumque esse fortunatum, qui sibi utile quid eligat, cujus causam ignoret, eodemque modo infortunatum, qui malum aliquod assequatur insperatum, ut, cum agrum fodiens invenerit nocivum serpentem: utriusque vero fortunæ causam refert ad superiora corpora, ut, quamvis aliquid eveniat præter intentionem hominis, id tamen prodeat dispositione superna ad id inclinante nos, licet inscios, ex quo aliquid vel commodi vel incommodi sit nobis futurum. Addit quoque ea esse fortunæ bona, quæ nobis eveniant præter intentum. His ferme verbis ab Aristotele & Thoma legi definitam esse fortunam, quæ nisi tibi faciant satis, non est quod aliorum opinionem perquiras. Nam aut huic sententiæ acquiescunt, aut ea afferunt in quibus hæreses magis. Tum ego, quid ceteri, inquam, sentiant, ignoro: hæc pace tua dixerim, quæ retulisti, minime a me probantur. Non sum adeo temerarius, ut Aristotelis Philosophorum principis, Thomæque opinioni velim contrahere, aut eorum scripta audeam refellere, quorum auctoritas ab omnibus comprobatur: verum, quoniam cujusque libera est sentiendi, quod velit, facultas, ut disputando tempus teramus, nimis angustis, ut mihi videtur, finibus uterque eorum fortunam conclusit, neque eam quam prædicat opinio communis hominum, sed aliam quandam descripsit. Est enim profecto aliud quiddam, quam definiatur ab istis hoc quod appellatur vulgo fortuna, longe lateque extra metas ab eis constitutas exercens imperium suum, de qua citius addubitare possum, quam certam sententiam proferre. Nam cum mecum ipse cogito, quid hi, quos modo retulimus, quid alii præterea sentiant, quatenus fortunam rerum potentem faciant, quantum ei summum arbitrium in homines tribuant, non accidens quidpiam præter intentionem, sed firmum quid ac stabile, diuque in multis rebus ante præmeditatum videtur; neque ut accidens hære & sequi alterum, sed veluti ducem dominamque & ducere

* In Commentar. ad I.
2. Metaphysicor. Aristot.

alia & eis præesse. Nulli hominum magis unquam, quam Magno Alexandro fortunam indulgisse constat, si quidem tredecim annis continuo illius beneficio usus est, cui si magister ejus dixisset, inopinanti & præter ejus intentionem fuisse fortunam, profecto illius sententiam risisset. Nam cum Græciam, deinde Asiam aggressus est, cum bellum adversus Darium suscepit, non ex improviso, aut præter intentum fortuna indulgit, sed victoriam quærenti, optanti & votis omnibus concupiscenti; id enim propositi sui fuit, ut Darium superaret; ideo bellum suscepit, ut victoria potiretur; spei plenus, vincendi cupiditate ductus, pugnam inibat; cui si fortunæ adfuit indulgentia, non præter spem aut ejus intentionem accidit, sed diu ante animo & mente concepta. Nam si fortunam adversam sperasset, nequaquam corpus suum tot periculis objecisset. Ideo tot rerum subiit difficultates, tot adiit vitæ discrimina, ut cæteris imperaret. In quo si fortunæ favor affulsit, non id præter intentum ejus fuit, sed olim diuque præmeditatum. Cæsius Julius Cæsar, (a) cui maxime post Alexandrum fortuna favit, quum eam se ducem sequi palam jactaret, scriberetque eam tum omnibus in rebus, tum vero in bello plurimum posse, vincendi spe Galliam adortus est, victoriam sibi procul dubio despondens, cujus causa bellum gerebat; hanc non inopinatam aut præter intentionem, sed præmeditam diuque prævisam adeptus est; hanc * bellorum periculis intentus, non insperato, sed optato cogitatoque est beneficio fortunæ usus. Eadem fortuna proposita erat contra patriam arma capienti, cum dixit primo ad exercitum sine imperatore, tum ad imperatorem sine exercitu se profecturum. Utrumque speravit favente fortuna, non præter cogitatum, sed studio consilioque bellicæ artis, quæ non accidentia quædam sunt, sed quæ ipsi nobis diligentia & prudentia comparamus: neque, si quid ad victoriam consequendam improvisum accidit, ideo victoria improvisa. Navem frumento onustam mercator e portu solvit eò

* Libentius
in hanc.

(a) Cæsar. Cæsar de bello Gallico, l. 1. *Quantos afferat usus cognosci potuit.*
6. c. 34. *Hic quantum in bello fortuna posuit.*

ubi novit annonæ caritatem, filius vento secundo, qui leviter flabat; ideoque sperans in portum quamprimum se perventurum. Usus validiore vento citius quam putarat, pervenit, frumento quanti voluit, vendit, incolumis rediit; huic profecto, qui & celerrime iter confecit, & caro vendidit, ut superioribus, dicemus fuisse fortunam; sed non Aristotelicam, cum omnes certo consilio suscepto, nihil in sperato, nihil præter intentionem sint consecuti. Itaque, neque qua fidebat Alexander, neque quam sequebatur Cæsar veluti certam ducem, neque quam sperabat mercator, apparet eam esse fortunam, quam describunt Aristoteles & Thomas noster; sed existimatur esse major & ordinatior quædam divina vis volvens ac versans res humanas pro libidine, nihil a se firmum, nihil tutum præbens. Cicero, quum de laudibus imperatoris ad populum loqueretur, de fortuna se timide dicturum, tanquam de potestate Deorum testatur, quam summis viris ad res bene gerendas dicit adesse. *Est*, inquit, profecto quibusdam summis viris quædam ad amplitudinem & gloriam, & ad res bene gerendas divinitus adjuncta fortuna. In oratione quoque pro M. Marcello: *Maixmam vero gloriæ partem quasi suo jure fortuna sibi vindicat, & quidquid est prospere gestum, id pene omne ducit suum*; & deinde subdit: *Quin etiam illa ipsa humanarum rerum domina fortuna*. Quibus verbis certum quid, & a ratione profectum, fortunam putavit, quæ non casu aut de improvviso nobis assisteret, sed a Deo data esset summis viris. In epistolis vero ad Atticum, quanti fortunam faceret, cognosco; ait enim: * *Sed talia, ut omne consilium in fortuna positum esse videatur*; & alibi: *Sed hæc fortuna viderit, quoniam ratio non gubernas*. Alia quoque in epistola: *Sed hæc fors viderit, ea quæ in talibus rebus plusquam ratio potest*. His & aliis pluribus, quæ de fortuna scribuntur a nostris, omnes adducuntur ut credant, fortunam majus aliquid esse & supra Aristotelis definitionem, qua blandiente, suis commodis, adversante, maximis calamitatibus afficiamur. Seneca vero, cujus habetur maxima sapientia inter Latinos, multum præ cæteris

* Pro lege Manilia.

* L. 14. ep. 17.

* L. 16. ep. 4. ibi vero legitur: quoniam consilio non multum uti licet.

attribuit fortunæ, quam tanti facit omnibus suis libris, ut hæc quæ vocantur bona externa, quæ ut dari, ita auferri possunt, velit illius arbitrio subiecta, divitias, opes, dignitates, liberos, corpus ipsum, denique nihil omnino excipiens præter animum, quem negat subditum esse fortunæ: ait enim quodam in loco:

* Seneca l. de Consolat. ad Marciam, cap. 10.

*In regnum * fortune, & quidem durum atque invictum pervenimus, illius arbitrio digna atque indigna passuri. Corporibus nostris impotenter, contumeliose, crudeliter, abutitur: alios ignibus perures; alios per incerta nudos maria jactabit; alios morborum variis generibus emaceratos, diu inter vitam mortem-*

* Litteras non scripsit Seneca ad Paulinum, Luciliam repone; in epistolis enim Senecæ ad hunc scriptis, multa de fortuna disputantur. Extat Senecæ liber unus ad Paulinum de brevitate vitæ, ubi nihil ejusmodi.

*que medios derinebit. Idem ad * Paulinum scribens a fortuna impulsus se, cedentemque a Cæsare sustentatum. Alio in loco, se nunquam fortunæ credidisse, ait, etiam cum pacem agere videretur, atque ea omnia, quæ in eum indulgentissime contulerat, pecuniam, honores, gratiam eo loco posuisse, unde sine metu posset repetere. Alibi quoque dicit: Qui multa agit, sæpe fortunæ potestatem sui facit, quam tutissimum raro experiri. Addit etiam, Deum bonis viris assignasse fortunam, cum qua exerceantur; eam omnium judicio iniquissimam rerum æstimatricem appellans, quæ, cum hominem suis muneribus referferit, soleat aliò transferre, quæ condonasse videatur. Philosophus doctissimus Theophrastus tantum fortunæ tribuit, ut scripserit in Callistene suo, ut refert Cicero, vitam hominum a fortuna, non a sapientia regi: Livius quoque in suis libris potentem nostrarum rerum fortunam facit: Optimum visum est, inquit, rem committere fortunæ. Cum vero Magnum Alexandrum (2) Romanis comparat, ita scribit: Ut plurimum in bello polere videntur militum copia & virtus, ingenia imperatorum, fortuna per omnia humana, maxime in res bellicas potens, tanquam ea quæ sola victoriam in bellis largiatur. Disputatur tamen a Seneca, & quidem omnibus suis ferme libris supra fortunam sapientem esse, in quem nihil illa possit, cum ab ea nisi quod dederit, queat eripi; sed quum*

Tuscul. quæst. lib. 5.

(2) Magnum Alexandrum. Livius l. 9. decad. 1. c. 17. 18.

non dederit virtutem, quæ propria est sapientis possessio, nihil in eum posse fortunam. Hoc mihi, pace Senecæ dixerim (loquar enim libere quod sentio) non videtur recte concludi. Nam primum fatetur multis opus esse ad vitam sapienti arbitrio fortunæ subditis; deinde, cum sapiens homo sit, is autem ex animo constet & corpore, quæ separata etiam sapientis auferant nomen, fortunæ autem casibus sapientis corpus subji-ciatur, siquidem lapsu equi crus potest frangi, videtur & in sapientem cadere posse fortuna, qui si forti, si æquo animo illius ferat injurias, si uri secarique se magno animo patitur, nihilominus illa in eo, quod sibi vindicat, jus suum exercebit, & si cruciabitur corpus, animus quoque quo corpus viget, poenam sentiet. Ita non sapiens, sed sapientis virtus ac ratio erunt extra tela fortunæ. Alterius, inquit Antonius, hoc est disputationis, & in eo magna Stoicis est cum reliquis Philosophis contentio. Veruntamen, ut ad definitionem fortunæ redeamus, quidquid ea sit, si tibi Aristoteles non placet, addamus aliam haud repugnantem Theologis nostris, dicamusque nihil aliud fortunam esse, quam divinæ nutum voluntatis singula aut permittentis aut imperantis fieri, & ita disponentis cuncta quæ fiunt, ut, quæ prodire a fortuna existimantur, summi Dei dispositio efficiat certa ratione, quæ præsit humanis rebus. Seneca vero tuus, etsi plurimi æstimet fortunam, multumque illi tribuat, tamen quid ea sit, minime tradit, neque id suis verbis, licet sæpius fortunæ nomen usurpet, potest percipi. Atqui, inquam, quod utilius nobis fuit, omiſſa definiendi solertia, docet nos, si ineundum nobis sit cum illa certamen, si cominus pugnandum, quomodo simus acie superiores, tradens arma, quibus tecti ac præmuniti illius tela refringamus. Quod si item Aristoteli placuisset, melius de vita hominum meritis meo judicio fuisset. Quid enim sitienti confert ad extinguendam sitim, noscere quid sit potus; aut esurienti ad sedandam famem, quid sit cibus? Ille mihi ad vitæ præsidium proderit, qui vinum porrexit, aut panem, non qui docuerit, vinum esse aquam e terra stillatam, aut panem, cibum ex farina & aqua concoctum. Si ad ædificandam domum subsidium

* Forasse do-
cet & præci-
pit.

petiero, non tu mihi satisfacias, si narres quod ea sit opus ex recto & parietibus confectum; sed si ligna, calcem, lapides subministras. Itaque semper ego M. Tullii officiorum libros utilitate prætuli Ethicis Aristotelis, ad vitæ nostræ institutionem. Alter virtutum tradit definitiones, quid hæc sint, quot-ve in partes dividantur, perquirens; alter virtutes ipsas in aciem atque in campum deducit, in exercitio collocat, tanquam loquentes & præcipientes facit; rectam vivendi viam * dat & præcepta, quid quæque virtus permittat, quid prohibeat, quatenus quid liceat, quid deceat, quod sit officium boni viri; denique ita ad certam normam dirigit actus nostros, ut nos quasi in certa possessione virtutum collocare videatur. Hunc invidetur Seneca non est profecutus definitionum fortunæ subtilitates; at imbuat nos optimis præceptis ad ejus impetus tum evitandos, tum ferendos: admonet spernenda esse illius beneficia, eaque magis timenda, quo longius excesserint modum: nihil cum illa commercii habendum, dona sua aut respuenda, aut sine cura tenenda, eam postremo esse sapientia inferiorum. Multa præterea docet quibus tutiores simus adversus fortunæ vires. Nam expavescimus omnes timemusque hanc doctissimorum virorum vocibus celebrem & opinione communi, ita ut ab ea regi, agique res nostræ purentur, tanquam supra nos dominium exercente. Et Aristoteles, inquit Antonius, & Tullius Senecaque, ac cæteri viri sapientissimi, varia doctrina erudientes hominum vitam, optime de nobis meriti sunt; sed Aristotelis acutissima ac præstantissima in omnibus eruditio fuit, qui cum intelligeret, nisi qua de re definitio præcesserit, de ea recte disputari non posse. In Physicis autem, quum de rerum causis quæreret, fortunam vero inter causas collocaret, de ea evitanda aut præcavenda nullus fuit differendi locus. Sed si Aristotelem accipis, siue quid sublimius excellentiusque fortunam arbitrari mavis, certe quidquid eam dixeris, præesse mihi videtur rebus humanis, quas pro libidine vel extollit, vel dejicit. Hæc imperia largiri, regna donare, eadem quoque auferre existimatur, summa infimis commutans, nullique tantum de se spondens, quin tantundem minetur se illi ablatum

tūram. In quo certe rerum abutitur recto iudicio, nullum neque virtutum, neque vitiorum servans discrimen, excellentis virtutis atque ingenii viros negligit ac pessundat, ut plurimum bonis infesta; unde & Tragædus viris fortibus eam invidere dixit, & Seneca quoque in libro de Providentia, ubi queritur, *quid ita, si providentia mundus agatur, multa bonis viris accidant mala?* scribit Deum bonis viris, ut optimi evadant, fortunam cum qua exerceantur, assignare, tanquam bonis semper adversam; stultis vero atque insanis nullo negotio, nulla doctrina, nullo consilio præditis eam adulari, eos quandoque ad summa rerum fastigia trahere, quos antea in vulgus tanquam stolidos asinos notari videbamus; qui, ut animal est tardum, stupidum, iners, desidiosum, capite grandi ac præduro, ita, quum ad stultitiam additur indulgentia beneficiumque fortunæ, haud indigne humanum corpus asini fingitur cervice. Soleo queri sæpius fortunæ temeritatem adeo nonnullis favere, ut, quos clientes recusarim, aliquando conspiciam mihi esse patronos. Eos tamen ipsos (credo ut risum hominibus moveret) dejectos ab ipsa vidimus post-modum, mæstos ac sordidatos. Est, inquam, ut dicis, Antoni, tum summa fortunæ iniquitas iudiciumque perversum, tum frequens commutatio, ut res mortalium ad ejus voluntatem circumagi videantur nullo ordine ductæ; hunc elevat, illum premit, nunc nimios honores impertitur, nunc afficit ignominia; cui regnum tribuit, eundem in carcerem tradit; quem in alto gradu spectandum dederat, hunc mutata facie in imo collocavit cum dedecore conspiciendum. Quamobrem, si tibi commodum esset, vellem ut de ipsius commutabilitate, qua innumeros pene homines, ut de civitatibus sileam, quassavit, paucis colloqueremur. Nam paulo altius a primis usque historiis repetitâ memoriâ, multa mutationis, varietatisque ejus occurrunt exempla illorum, quos plurimis a se beneficiis ornatos variis cladibus afflixit. Missa facio antiquiora, Cræsum Lydiæ Regem laqueo pendentem, Cyrum Regem Persarum muliebrem sævitiam experitum, Darium insuper, reliquosque ab Alexandro belle su-

baſtos atque interemptos Reges. Quot Romanorum armis regno pulſi, quot capti in vinculis periere? Syphaci, Jugurtæque, Numidiæ Regibus captis bello Romamque perductis, turpis vitæ exitus fuit, ſi quidem alter Tibure in carcere periit, alter ex Saxo Tarpeio dejectus eſt. Perſeus Mæcedonum Rex acie victus, poſtquam Paulli Æmilii triumphantis curram præceſſit, rege indignum vitæ finem ſortitus eſt. Mithridatem potentiſſimum Aſiæ Regem, poſt quadraginta annos, quibus vario Marte cum Romanis bellum geſſerat, ad ignominioſum (diademate enim pro laqueo vitam finivit) interitum compulſit. Urbes quoque, Carthago, Numantia, Corinthus, plurimæque præterea a Romanis deletæ, fortunæ ſavitiæ ſunt expertæ. Exterorum exempla prætermittamus, inquit Antonius, neque, ſi fortunæ varietatibus immorari libet, eas extra hanc unam urbem requiramus, reſertam tum ſuo caſu, qui eſt omnium maximus, tum clarorum virorum exemplis, qui procul dubio ſunt vel magnis regibus æquandi. Adſunt tibi Camillus, Africanus ſuperior, Marius, Sylla, Carbo, Sertorius, Cinnæ, Pompeius, Cæſar, Cicero, Lepidus, Marcus Antonius, variis fortunæ caſibus jaſtati. Adſunt Imperatorum plurimi, quibus eadem fortuna imperium orbis dedit & abſtulit, quorum pars major ferro, quam morbo, periit. Dies me deſiceret, ſi omnia recensere vellem illuſtrium virorum exempla, in quibus fortunæ licentia verſata eſt; reſerti enim ſunt libri ejuſmodi hitoriis, quas memoriæ poſteriorum mandavit antiquitas. Erat ſcriptorum magna copia, qui ſuorum temporum res geſtas interire non patiebantur, quiſque eas extollebat atque ornabat dictis, ut libentius legerentur; quo factum eſt ut notiora ſint nobis, quæ priſca tempora tulerunt, quam quæ noſtra ætate acta ſunt; deſunt enim qui lumen afferant rebus geſtis, quæ relictæ in tenebris obſoleſcunt; pereuntque etiam digniſſima quæ literis mandentur. Atqui, inquam, merentur nonnulli noſtræ ætatis Reges ac Principes, ut eorum fama ac nomen in obſcuro lateat, nihil de ſe niſi in contumeliam ſcribi merita; quotus enī

quisque reperitur, qui virum doctum aut eloquentem secum habere, aut quicquam de se literis commendari velit? Fatuis ut plurimum, vel adulatoribus delectantur, vel eis qui aliquem quæstum portent, his aures aulæque principum patent, doctrinæ aut virtuti via seclusa est, nullus doctis viris locus, nullus honor habetur, nullum literis præmium, nulla gratia. Neque vero mirandum, virtutem apud eos sordescere, qui ipsi nullo resplendent lumine virtutis. Ita suo accidit merito, si eorum fama unà cum corpore terra obruitur, scriptisque doctorum hominum posteritati minime commendantur. Verum est hoc, quod sentis, inquit Antonius: raro favent ingenijs Principes nostri, neque de se quid cæteri sentiant, admodum curant, dummodo suæ voluntati satis possint facere. Attamen, si non illorum gloriæ, saltem nostræ favere debemus, neque quid illis libeat, sed quid nos deceat, advertendum puro. Quapropter hortor, quicumque potest, id munus sumere, ut saltem ætatem hanc scribendo complectatur; non enim defunt historiæ dignæ quæ posteris tradantur, sed scriptorum facultas, qui rerum magnitudinem scriptis æquent, & respondeant rebus gestis. Nam licet antiquiora illa habeantur præclara, quippe quæ tanti æstiman- tur, quantum illis nobilia ingenia decoris atque amplitudinis attulerunt, tamen sæculum hoc nostrum nonnulla in utram- que partem exempla fortunæ prodidit, præcis illis, neque magnitudine neque gloriâ, postponenda, quibus quoniam lumen scribentium defuit, jacent in tenebris, neque in ore hominum versantur. Describit Herodotus, quem Patrem historiæ vocat Tullius, Diodorus quoque Siculus, & item e nostris Justinus, res olim gestas Ægyptiorum, Assyriorum, reliquarumque gentium, in quibus multa fabellis, quam historiis similiora esse videntur; & an vera incertum, quippe non litteris tradita (nondum ea tempora scriptores animalium, insueto literarum usu, tulerant) sed tantum memoriæ hominum, quæ ipsa persæpe labitur, commendata. At ea postmodum illustrata verborum sententiarumque ornamentis tanta in luce versantur, ut legentes summo opere

alliciant ad ea cognoscenda, quæ etiam minus vera fuisse existimentur, tantaque his fides adhibita, quanta est scriptoris auctoritas & eloquentia. Nos autem jamdudum scriptoribus caruimus, quorum inopiâ nostrorum temporum gesta, magnifica sane & egregia nonnulla, in oblivionem perpetuam labuntur. Neque enim is sum, qui præteritorum memoriâ præsentium oblitus, adeo antiquitati faveam, ut ex ea totus pendens omnino contemnâ ætatis nostræ viros, nihilque in ea factum judicem etiam cum illis prioribus conferendum, in quo non scribentis ingenium elucesceret. Quid enim antiqui annales attulerunt nobis, vel militum numero, vel robore exercitus, vel disciplina militaris, vel rerum gestarum gloriâ ac varietate præferendum, si vera fateamur, * Tambellano, sic enim vulgus appellat, olim imperatori Asiæ potentissimo, quem quondam privatum virum adeo secundæ fortunæ studium erexit, ut magnæ parti orbis imperaret. Primum variis artibus inter suos (Parthus enim vir magni animi & prudens fuit) imperio potitus, Scythas, Parthos, Persas, Iberos, exactis illorum regibus, suæ ditionis fecit. Tum egressus Persarum fines, Medos superavit atque Armenios; transito enim Euphrate cum quadringentis millibus equitum, * sex peditum, Mesopotamiam omnem, inde Asiam inferiorem ingressus, regem omnium potentissimum * Morattum nomine (sic enim vulgo dicunt) cum quadringentis equitum millibus, & magnis peditum copiis fines suos tutantem, apud superiores Armenios prælio subactum devicit, * regem ipsum, ducentis millibus hominum interfectis, vivum cepit, caveaque in modum feræ inclusum, per omnem Asiam circumtulit, egregium admirandumque spectaculum fortunæ. Castra ejus in modum urbis habebantur, statuto cuique arti loco, atque ita in partes suas distributis exercitiis, ut omnia in promptu essent ad vitæ usum necessaria. Non castra, sed urbem quandam ingredi se putabant, qui eò vel merces vel commercium deferebant. Summa semper rerum copia in castris, cum nullus esset latrociniis locus tutoque omnia compor-

* Alii est
Tamberlano.

* Sic in Mss.
legendum, sex-
centis millibus.
* Bajazetem
intelligit.

* prope An-
goriam in Ga-
lacia, an. Chri-
sti 1402.

tarentur, nulla unquam seditio, nullus tumultus inter milites fuit, adversam fortunam nunquam est expertus, ab Tanai flumine universam Asiam Syriamque populatus est. Tum Smyrnis, Antiochia, Sebastia, Damasco, multisque præterea validissimis atque opulentissimis urbibus vi captis ac direptis, Ægyptum ingredi parantem vastæ solitudines & deserta loca averterunt, virum belli artibus insignem, ad ea que maxime obeunda promptum, quæ ardua ac dura cæteris videbantur. Damasco capta, cum arcis antiquæ expugnatio difficilior esset, constructa e regione altera, quæ antiquam altitudine superabat, vicepit, licet multa cum suorum cæde. Mores & vitam ejus qui tradunt (ipse enim novi, qui fuisse in ejus castris) Annibali pene similem ferunt: severus admodum fuit, maximeque latrocinia exosus. Querebat tanquam virtutis opus quibuscum bellum gereret: deletis regibus ac tyrannis permultis, vastatis pluribus provinciis, onustum devictarum gentium spoliis exercitum ad Parthos (ibi enim regia erat) reduxit, conditamque ab eo civitatem, quam *Marcantem* (a) appellant, & varii generis captivis replevit, & hostium spoliis exornavit. Insignis igitur duorum potentissimorum orbis imperatorum, alterius victoria, alterius calamitas, maxima fortunæ tum secundæ tum adversæ documenta, quoniam literarum monumentis carent, pene ex hominum memoria cecidere. At vero, si ea aliquod excellens ingenium nacta essent, æternam memoriam consequerentur. Certe nos plus propter recentem rerum magnitudinem oblectarent, quam quæ priscorum solertia magis ex dicendi ubertate, quam quod ita compertum haberet, expressit. Neque enim intelligo qua in re illa gestis Alexandri aut Xerxis Dariique, vel imperio, vel exercitus magnitudine, vel gloriâ bellorum, cederent, quorum stultitiam multis voluminibus antiquitas decantavit. Ea quidem historia præclara est, quæ continet gravitatem difficultatemque bellorum, in qua narrantur castra metata, instructæ acies, militum mul-

[a] *Marcantem*, Apud Geographos est *Samarand* dicta, Tamerlani regia *Marcanda* urbs *Bactrianæ* caput, vulgo fuit.

titudo ac robur, imperatorum virtus, deleti exercitus, reges devicti, peragrata subactaque provinciæ, expugnatae urbes, imperia quærita, quorum huic ad summi imperatoris laudem & gloriam nihil defuit. Nunquam, cum toties acie pugnasset, non victoriam reportavit: castris semper tutissimum elegit locum: acie instructa omnibus copiis sæpe conflixit: plures hostium exercitus ad internecionem fudit ac delevit: Scythas, Persas, Medos, Armenios, Arabas, Assyriam Asiamque subjecit: Reges multos prælio fufos fugatosque prostravit, delevit, cepit: urbes multas præfidiis & naturâ loci munitas, vi militum expugnavit, nihilque ei defuit quod in summo imperatore requiratur; ut quidem dolendum sit illum in ea tempora incidisse, in quibus sopita jaceret tam late evagata bello & pace virtus. Sed ad fortunæ varietatem revertamur, quam profecto maximam proximorum regum fata ostenderunt; quorum * alter ex tenui censu summum imperium & felicem exitum; alter ex Rege amplissimo, silvestri pro bellua cavea constrictus, miserabilem viæ finem sortitus est. Hanc etiam fortunæ sortem conspiceret licet in regibus Ægypti, quos omnes ex servitio ad regnum perducit; nam servi emptitii & quidem alienigenæ ex barbaris nationibus, apud eos, variis sub provinciarum præfectis, qui equestres copias pro facultatibus nutriunt, militiam discunt, populis per desuetudinem armorum desidia confectis, ex quibus per ordines præfecti creantur: hi, rege defuncto, inter se de regno armis decernunt: ita in demortui locum, qui armis præstat, sufficitur. Quo fit ut multis haud diu regno frui licuerit, vel dejectis a fastigio rerum, vel gladio peremptis. Hoc pacto perraro ad heredem imperium transfertur. Nuper quidam ex eis filium puernum uni ex amicis, thesauro, quem in filii tutelam comparaverat, relicto, moriens commendavit. At is auro potitus, cum pupilli nomine regnum vi cepisset, occiso puero solus regnat, neque multo post per insidias præfecti regnum affectantis trucidatur. Ita semper peregrinis arbitrio fortunæ victoriâ fretis id regnum

* Tamberlanus, seu *Tamerlanus*, filius pauperis fuit, deinde Tartarorum imperator. Obiit an. circiter 1406.

patet. Eadem fortunæ immutatio imperium Tartarorum (hos superiores Thracas Scythasque præci vocant) versat; paulo namque antea sorte varia jactatum est, cum octo ferme annis septem duces, qui varils in locis imperium arripuerant, inter se dimicantes bello victi occubuerint. Horum armis gesta, si literis essent prædita, maxima enim multarum gentium cæde acciderunt, præclara nobis suæ instabilitatis documenta fortuna reliquisset. Quin tu, inquam, Antoni, omitte barbaros, quorum cognitio paulo difficilior, & ad nostros redi, exempla quorum nota admodum ante oculos obversantur, magnam testantia fortunæ varietatem. Multa quidem tenes auditu percepta, multorum ipse testis es, quibus ætate nostra parum fidam se præbuit fortuna. Horum ego utilem notitiam duco, si quis ante oculos expositam intueri voluerit insidam illius societatem, eos ipsos maxime, qui se totos illi dicaverant, deferentis. Faciam, inquit ille; nam isthuc mea tendebat oratio; neque vero altius repetam, quam quæ memoriâ contineantur, ne quid fabulosum huic nostro sermoni insertum putes. Sed utrum Italorum exemplis contenti sumus, an externa desideras? Utraque, inquam, censeo; nam nostratium minora atque ignobiliora efficit in tam parvo terrarum tractu dominantium multitudo: externa, tum regionum latitudine, tum magnitudine Regum, illustriora redduntur, in quibus narrantis facultas laudem aliquam possit consequi, non secus quam in multis antiquis, quæ ipsa per se ampla scribentium ars & copia reddidit ampliora. Recte sentis, inquit Antonius; nam plura suppetunt vulgaris humanorum casuum exempla, quæ efferrî in lucem mererentur, sed ea non certo temporum ordine, tanquam contexatur historia, a me dicentur, sed passim prout quodque fortunæ opus conspiciendum se dabit, in quod oratio infurgat.

HISTORIÆ

DE FORTUNÆ VARIETATE

LIBER SECUNDUS.



ORDIAMUR igitur ab eo primum, cujus fortunæ conversio maxime vulgata est, memoriâ adhuc recenti. Regnum Angliæ, (a) quod Britanniam antiqui vocitarunt, & opulentum (vellus enim aureum, quod olim Colchos habuisse fertur, illò traductum constar) & prapotens armis, quippe quod solum jamdudum Gallorum potentiam reprimat ac contundat. In eam, Britannis olim invicem dissidentibus, Angli (ea Germaniæ natio est ad occidentem versâ) ab uno ex regulis, tres quidem erant acciti, quum

(a) Quæ hic tradit Poggius de Anglorum origine, referuntur etiam a Camdeno, & Polydoro Vergilio in historiis, quas de Britannia conscripserunt, sed uberius legi possunt apud Robertum Sheringamum Cantabrigiensem, qui de Anglorum origine accuratam elegantemque discepcionem edidit; verum in hisce argumentis, ut principia urbium augustiora fiant, fabulosa multa ac futilia traduntur. Polydorus Vergilius scribit libro octavo in fine, Anglorum adventum in Britanniam contigisse anno Christi 450. duce Hengisto, eorumque Regem primum Cerdicium fuisse: incepit regnare anno Christi 521. ab eorum adventu LXXI. Ex his ergo quæ tradit Polydorus, liquet conferendam esse Anglorum in Britanniam migrationem circa ann. 450. non ultra sexcentissimum, ut hic Poggius habet. Bedam

quoque deceptum esse Histor. Gent. Anglor. lib. 1^o. cap. 15. & in Chronico ejusdem gentis, in assignando adventum Anglorum sub Marciano, animadvertit Pagi in Critica Baron. ad an. 449. n^o. 21. ubi etiam observat perperam a librariorum in cit. cap. scriptum esse anno CCCCIX. loco CCCCLXIX, quem expresse assignat Beda in Chronico. Cæterum contendit Pagi hoc loci scriptores Anglos fere omnes uno consensu, puta Ethelwerdum lib. 1^o Malmesburiensem de Regibus cap. 1^o. & alios hujus notæ scriptores, in Britanniam Anglorum adventum ad an. 449. consignare. Tutius de Saxorum, Anglorum & Getarum adventu in Britanniam agit Sheringamus cap. 12. discepcionis, ex his enim tribus populis Angliæ Regnum conflatum est.

Britannis

omnia armis obtinuissent, Britannos in suum nomen ditique-
nemque redegerunt paulo ultra sexcentesium annum. Angu-
li duo mare versus, qui ad meridiem spectant, adhuc linguam
priscam servant, cæteris in Germanicum sermonem conce-
dentibus, quo & hodie utuntur. Insula est præ cæteris argen-
to atque auro abundans, viris cum ad omnia, tum vero præ-
cipue ad belli munera egregiis, de cujus amplitudine con-
stans inter omnes fama est nulli regnorum potentiâ & vir-
tute cedere, auctoritate quidem inter Christianos, post Gal-
los (nam hi propter defensos sæpius Romanos Pontifices,
fidemque nostram & regni vires, primum vindicant sibi lo-
cum) cæteris præstant. In eo, nuper defuncto patre, successit
Eduardo avo (a) Richardus adolescens, liberalis magis quam
prudentis aut magni animi. Is pubes factus, firmatâ cum Re-
ge Francorum, quem antea pater victum acie ceperat, pace,
filiâque ejus cum ingenti dote in matrimonium sumptâ, re-
stitutis quoque, accepto auro, oppidis munitissimis de Gal-
lis dudum captis, firmasse regni opes videbatur. Securus re-
rum, & ab externis bellis tutus, ob eam rem ad constituen-
di regni curam conversus, nihil sibi antiquius duxit, quam
ut illud per opus pacis, undequaque ex Gallia contracto au-
ro, opulentissimum redderet; satius esse arbitratus, uno re-
gno contentum (quippe uni homini satis amplum dicere so-
lebat) pacem agere cum Gallorum gente, quam propter cu-
piditatem regni ampliandi externis implicatum curis, seque
cæterosque bellorum molestiâ afficere. Ita ad insulæ commo-
da, cultumque totus incumbens, ne per occasionem quie-
tis divitias cumulare putaretur, regium palatium, cuius par-
tem opus magnificum, absolvit, magno sumptu ædificandum
curavit. Duas fecit expeditiones; alteram adversus Scotos (b)

(a) *Eduardo avo Richardus.* Regnare
cepit Richardus II. anno Christi M.
CCC. LXXVII. ut habet Polyd. Vergi-
lius initio libri 20. qui res ejus gestas
accurate scribit. Vvalingham. in Richar-
do II. pag. 245. refert an. Christi 1381.
fuisse quartum regni Richardi II. Anno
1384. duxit uxorem Annam Vvincellai

Romanorum Imperatoris filiam.

(b) De expeditione Richardi adversus
Scotos agit Vergilius libro 20. Joannes
Leslæus de rebus gestis Scotorum lib.
7. hanc expeditionem attingens, Richar-
dum impicitatis flagitia perpetrasse scri-
bit, ob eversa monasteria & absumptas
incendio S. Egidii ædes.

conterminos regni, fines suos incurfantes, quorum agris populatis, pluribus oppidis vi captis, victorem exercitum reduxit; alteram sibi fatalem in Hibernos, gentem feram indomitamque & sæpius desciscientem. Nihil ei deerat quod secundus vitæ cursus in quemquam largâ manu conferret. Regnum præpotens fortunâ, ætatem floridam integramque natura dederat, additâ corporis specie decorâ ac præstanti; nam humanitatem comitatemque, quæ populo placent, summam in eo fuisse ferunt, prudentiam quantam per ætatem poterat. Delectabatur frequentibus conviviis, & regio apparatu supra cæterorum morem usus est, quod maxime regem decet; superiores vero excessit summâ in omnes liberalitate, cujus duo exempla paucis retulisse minime pigebit in opprobrium reliquorum. Erat ei solemne convivium, in quo abacis compluribus auro argentoque instructis, duo aurea vasa dono Duci Bituricensi destinata præ cæteris eminebant. Hæc equestris ordinis viri duo haud magnis opibus conspicui, defixis ad ea oculis, sibi tantundem cedere voto optabant, id suarum fortunarum terminum statuentes. Hos quum superveniens aspexisset Rex, postquam percontatus quid colloquerentur, vota eorum, nulli scilicet apud se deinceps, si eis potirentur, divitiarum cupiditati locum fore, cognovit; minime moram in se futuram asseruit, quin divites fierent, ac vasis traditis, deinde, ne domum deferrentur, redemptis, quanti ea appensa erant (id duodecim millium aureorum fuit) annumerari iussit, ut, quod est difficillimum, duo haudquaquam magnâ re contenti divitiis modum imponerent. Magna fuit hæc liberalitas regia, meritaque quæ priscis exemplis inseratur; sed haud inferior quæ sequitur. Dies erat futurus Natalis Domini celeberrimus omnium totius anni apud Anglos. In eo, ut, * se astante, Episcopum Aqueensem (a)

* Mutila hæc periodus, nisi addas *sacrum faceret.*

(a) *Episcopum Aqueensem*, vulgo, *Aqcs*, sub Auliciensis Metropoli constituta invenitur. Is erat Petrus de Bosco dictus II. promotus ad Episcopatum an. 1397. testantibus Sammarthanis fratribus in Episcopis Aqueensibus; & subinde a Boni-

facio I X. in Angliam destinatus, de quo deque dono Richardi meminit Vvallingham. in Richardo II. pag. 356. his verbis ad annum 1398. *eo tempore venit in Angliam Domini Pope Nuntius Petrus de Bosco Aqueensis Episcopus ad commendandum*

Legatum Pontificis Bonifacii ad se missum cum rogasset, Cappellam regiam altareque, ut tum maxime consuevit, suo cultu ornare iussit. Tum Sacris peractis, ac ministris locum, ne quid efferretur, obfirmare iussis, Episcopo, quem manu apprehenderat, omnem ornatum apparatusque, aurum, argentum, vestes dono dedit, indignum esse dictitans, Pontificis Legatum alienis, non suis ornamentis tam insigni die celebrem fuisse. His atque ejusmodi rebus clarus, cum gloriâ regnique magnificentiâ floreret, fortuna, tanquam beneficiorum suorum pœniteret, subito conversa est. Erat ei patruus gravis natus, multique præterea Principes proximi sanguine viri ad omnia insignes, qui olim videntes se spretos, Regis adolescentiam malis usam consiliis præter modum effervercentem, & nimiam licentiam compresserunt, judicio damnatis iis, qui adolescentis animum variis voluptatibus pellectum devinxerant. Hoc altius cordi Regis insedit quam quisquam suspicari potuit. Itaque post acceptam uxorem, quum in tuto omnia viderentur, rerumque omnium solus arbiter esset, exulcerata a nonnullis, qui lateri adhærentes propriis commodis, ut sit, studebant, præteritorum memoriâ, in patruum grandem natu (a) multosque præterea sui generis graves viros manus injecit, ac per causam tentati quondam adversus se regni morte affecit. Fratrem patruelem Henricum magni (b) animi consiliique Principem indigne in exilium compulsi; inde haud multo post in Hiberniam, proximam regno insulam, valido cum exercitu validiore classe profectus, quum audisset Henricum, (c) (is enim a multis pro-

Regem, ut permitteret ligatos suos provisiones acquirere de manu Papa, & revocaret statutum editum contra provisiones, & illud Breve. Quare impedit, multaque similia: sed quod minus obtinuit de suo negotio, rex accumulavit suo maris, donans ei jocalia magni pretii & valoris.

(a) *In patruum grandem natu, Thomam scilicet Gloucestriæ Ducem. De hac cæde a Richardo perpetrata vide Vvallingham. ad 1397. pag. 353. quem hoc loco ad amissum sequi videtur Poggius.*

(b) *Fratrem patruelem Henricum. Henricum Ducem Herefordiæ, quem in Gallia exulare iussit ad sexennium. hæreditate patris fraudavit & bonis spoliavit Richardus.*

(c) *Cum audisset Henricum. Hæc eadem habes etiam apud Vvallingham, & Vergilium lib. 20. p. 421. Vvallingham. scribit ad an. 1399. Richardi deditio- nem in manus Henrici contigisse die 20. Augusti ejusdem anni 1399. qui primum bonis spoliatus, deinde Londini in*

ceribus per insolentiam regis ad ulciscendam suorum mortem, propriamque injuriam evocatus erat) revertisse novas res molientem, nihil utilius ratus, quam opprimere quanto-cius nascentem flammam, relicto exercitu, cum unica nave mature rediit, occursurus fratri quamprimum, teneris adhuc primordiis rerum. Quem cum parato exercitu (jam enim magna regni portio rerum novarum cupida ab se desciverat) offendisset, ipse haud procul, coacto tumultuario milite, consedit. Sed paulatim a suis, qui in adversarii castra fortunam sequentes conveniebant, destitutus, cum paucis in munitionum naturâ oppidum confugit: obseſſo cum nemo auxilium ferret, deditione ultro factâ, adversario se permisit. Ab eo productus in concionem, quum regno veluti inutilis & gubernaculo tantæ molis renunciaſſet, Henricus vero dictus * omnium consensu eſſet, in liberam custodiam traditur, ac demum quum plures in diem novi motus orirentur, partim rem probantibus, ut vulgo fit, cum suo quisque commodo consulit, partim improbantibus, in obscurum carcerem conjectus fame, (a) nam genus mortis occultum fuit, absumptum tradunt. Miseranda quippe mortalium conditio est fortunæ malignitati subiecta. Quis enim sibi quicquam ab ea tutum putet, cum legerit regem quondam tanto auro atque argento, tam vario apparatu superbum, tot populis, tanto exercitu fidenter, summis fortunæ muneribus functum, curus aula multa hominum millia saginabat, frequentibus conviviiis instructa, ad id miseræ compulsus, ut, negato cibo, stramentis, (nam ea mandere solitum ob esuriam fama tulit) pro epulis uteretur, &, quod iniquissimum mortis est genus, inediâ interiret? Exrollat, inquam, priscorum res quicquam, ut libet: hujus regis (b) fortunam nulla certe antiquo-

* Rex.

carcerem detrusus, regno cedere coactus est, depositionis sententiâ damnatus.

(a) Fame, nam genus mortis occultum fuit. Vvallsingh. ad an. 1400. hæc habet: Richardus quondam rex Angliæ, cum audisset hæc infortunia, mente confectus, semet ipsam extinxit inedia voluntaria, ni sciretur,

clausique diem extremam apud Castrum de Ponte-fractis, die Sancti Valentini, nimirum die 14. Februarii anno 1400.

(b) Hujus regis fortunam. In hunc ferme modum de adversa hujus regis fortuna rem conficit Virgilius lib. 10. pag. 426. Ea tempestate, inquit, nunc

rum tragœdia superat vel varietate rerum, vel regni magnitudine. Est *Troas* apud eos præclara inter omnes, at ea est magis poëtarum fabulis, quam rebus gestis decora, cum nullius opis regnum nunc tanti habeatur, quantum est ab Homeri ingenio confictum. Est, ut dicis, inquit Antonius, & illa reor sæcula felicia, quibus divina poëtarum ingenia sortiri contigit tantâ scribendi arte, ut & turpia pro honestis, & admodum tenuia pro amplissimis legantur. Nos vero, nudo sermone, nullo decore adhibito, percurramus præsentia, ut, si qui forsân unquam poterunt, habeant ad dicendum, unde veluti quædam sumant argumenta. Sequitur memorabilis a fortuna clades Francorum regis, & regni, & quidem acerbior superiore; nam illa regem tantum * avertit, hæc calamitatem regiam, regni vastitate cumulavit. Francorum (a) regnum paulo ultra nongentesimum annum initium cepit, siquidem Franci ex Germania profecti Galliam variis sub ducibus occuparunt. Primo Coloniam Agrippinam, tum Treverim captas diripuerunt, Aurelianis deinde potiti, sedem sibi, ubi nunc Parisius (b) est (Lutetia antea vocabatur) subactis propinquis gentibus, & Romanis pulsis ducibus, elegerunt. Clodovæus (c) primus ex eis Christianus factus, Ala-

* Rectius *avertit*.

hoc profecto exemplum editum est, quod illis qui alibi præfati, documento in perpetuum esse potest, ut Henricus ad regnum vocaretur, ac tanta haberet hominum studia, qui de ipso regno adipiscendo forsitan antehac nequidem somniarant &c. adeo semper mortali futura meliora putantes, præsentia minus probant.

(a) Francorum regnum paulo ultra nongentesimum annum initium cepit. Hic errare Poggius in consignando initium regni Francici, & ab ejusdem vero exordio non paucis, sed centenis pliusquam annis deflectere, nemo non videt, quamquam ego putarim scriptum fortasse fuisse quadringentesimum loco nongentesimi. Initium regni Francorum sub Pharamundo eorum rege sumitur ab an. Christi 417. ut ostendit Carolus Cointius in annalibus Francorum ad eum annum, nec ab eo dissentit Hadrianus Valesius iterum Francicarum lib. 3. pag.

118. licet, si Prospero in Chronico si-dendum sit, ad an. 420. Pharamundi regis inauguratio sit protrahenda; sed pugnantia scribere in assignandis annis, eodem loci Valesius innot. Hæc ad Poggii correctionem dicta sufficiant.

(b) *Ubi nunc Parisius est.* Scribit Hadrianus Valesius lib. 6. rerum Francicarum Clodovæum Lutetiam potitum, & loci amenitate captum, eam ubi beati regni sedem delegit, & alios etiam reges ibidem sedes fixisse, quæ rei enarrat ad an. 508. ut omitamus Gregorium Turonensem, & alios auctores.

(c) *Clodovæus primus ex eis Christianus factus.* Sacrum Baptismatis lavacrum suscepit Rhemis Clodovæus a Sancto Remigio Rhemensi Episcopo, an. Christi 496. die Christi Donni Natali sacra, ut habet Cointius ad hunc annum; ubi

männis & Burgundionibus, qui & ipsi in Gallia antea novæ gentes confederant, devictis, regni opes admodum auxil. Multi deinceps reges usque ad Carolum Magnum, qui Romano imperio potitus, plurimum gloriæ regno attulit. Inde Francorum reges, & regni nomen ob res gestas præclarum habetur atque illustre, tantâ fortunâ, tantâ rerum amplitudine, ut ad id regnum jamdudum primæ partes inter Christianos consensu omnium delatæ sint. Multa ab illius regibus tum erga defensam abs se nostram fidem, tum erga Pontifices Romanos, tum erga populi Christiani pacem decora facinora extiterunt. Inde in diversa regna veluti in colonias reges missi, quorum opera egregia virtusque & bello & pace enituit, inde multa præsidia laborantibus impartita, inde principum dissidentium sumpta arbitria, inde pacis fœdera discordibus data. Adeo vero Francorum nomen insigne quondam rebus gestis fuit apud barbaras gentes, quibus pro fide bellum intrulerunt, ut hodie quoque penes eos Christiani (a) omnes communi verbo *Franci* appellantur. Itaque præcipuum Christianorum id regnum semper habitum est, a quo non solum repulsa est vis Infidelium, sed bello etiam sæpius lacerata: raro externo, præterquam ab Anglis, bello tentati, ipsi potius bellum cæteris indixerunt. Reges sortiti præclaros ac sapientes præter Carolum VI. nuper defunctum, cum quo & fortuna ita commutata est, ut pene ad interuersionem regnum redactum sit. Is adolescentior, robustus ac manu promptus fuit, magis militari habitu, quam regio. Is * auctoritatem pontificiam redolet usus. Undevigesimum ætatis annum (b) agens, subactis magna strage, qua ad xxx.

* Mutila periodus, nec ita facile sananda. Id forte dictum malignè.

fusus hanc Epocham vindicat adversus cum veteres, tum recentiores rerum Francicarum scriptores.

(a) Christiani omnes communi verbo *Franci* appellantur. Tantam sibi famam apud omnes Franci pepererunt, cum ad vindicanda e manibus infidelium, quæ detinebantur sacra loca, accensis studiis & animis pro Christi fide tuenda,

profecti sunt, hortante primum Urbano II. in Concilio Claramontano habito an. 1095. ut ex eo natum crediderim apud Orientales potissimum, Francorum nomine Christianos designari.

(b) Undevigesimum ætatis annum agens. Natus est Carolus VI. an. 1368. ex monumentis publicis Parisiensibus, apud Joannem Juvenalem Ursinum pag.

hominum millia occubuerunt, Flamingis, cum in Britanniam (a) quæ nunc appellatur (antea Veneti vocati) partem regni maritimam arma vertisset, iter cum exercitu faciens, repente amens factus, omnium quæ secutæ sunt calamitatum causam præbuit. Nam cum summa rerum per infaniam regis ad patruos fratremque rediisset, isque priores sibi post regem partes per aliorum contemptum sumpsisset, orta, ut sit, ubi plures eminere volunt, simultas tandem ad cædem erupit. Nam Duce Aurelianensi (b) (is frater regis, apud quem rerum omnium arbitrium stabat, & ob id paulo insolentius fortunæ beneficio utebatur,) operâ Ducis Burgundix fratris sui patruelis, noctu, dum a cœna rediret, interempto, discordia principum animos subiit, partim pœnam sceleris flagitantium, partim tutantium auctorem tanti mali. Inde ad arma ventum est, scisso in partes regno, bellumque plusquam civile coëptum, in quo ad extrema odia sævitum est. Tum cades exercituum, & intestina populorum, versis in sese armis, clades subsecuta, tanto partium studio, ut nullum genus sævitix victis abfuerit. Non sanæ mentis Regem, qui vicerant, sæpius enim varia partium fortuna fuit, tanquam statuum circumferebant ad ostentationem plebis. Quidquid agebatur, auctoritate regiâ fieri dicebatur. Multi damnati, plures bonis everfi, extremo quidam supplicio affecti; ita majori pene ira atque odio, quam viribus suis & opibus confraeto regno, diutius certatum. Major subinde calamitas a re-

§ 30. & apud le Laboureur pag. 4. tom. 1. Pugna cum Flandris ad Rosbecam contigit an. 1382. ut Ursinius & le Laboureur in historia Caroli VI. ad hunc annum testantur: quare dum hæc clades accidit, Carolus non decimum annum, sed decimum quartum agebat annum. De hac pugna vide Paulum Æmilius in vita Caroli VI.

(a) Cum in Britanniam. Hujus in Britannix ducem expeditionis causa fuit, grave vulnus a Craone Clifflonio Magistro equitum inflictum: quamobrem cum exilio damnatus & bonis Crao spoliatus esset, ad Britannix Ducem

confugit, a quo cum benigne esset acceptus, adeo in Ducem ipsum excanduit rex, ut bellum ei inferret, tantoque exarsit hujus belli studio, ut impos mentis evaderet. Hæc contingere, isdem testantibus scriptoribus, anno 1392.

(b) Nam duce Aurelianensi. Hujus rei integram seriem habes apud Ursinium ad an. 1407. & le Laboureur; nam eodem anno hoc fratricidium perpetratum est. Æmilius etiam hæc in Carolo VI. ad hunc annum perceret, quamquam Ludovicum Aurelianensem, Audacis, non Caroli regis fratrem appellat.

ge Angliæ ^(a) ea tempestate clarissimo Principe accidit, qui regnum Francorum sui juris esse dicitans, traducto in Galliam exercitum, omnia eade incendiisque absumens, plurimas urbes partim vi expugnavit, partim deditioe, interque eas Parisium regni caput cepit. Provinciâ Normanuia omni in potestatem redactâ duobus præliis, in quibus ad XX. millia ex Gallis ceciderunt, omne regni robur contrivit, adeo immutatâ rerum facie, ut, qui dudum florentis regni cultum meminisset, non contineret a lachrymis, quum occurrerent oculis exinanitâ abactâ præda urbes, deleta oppida, absumptæ penitus villæ, agri vastati, populatæ regiones, & vacua arva cultoribus. Sed, ut nihil tantis calamitatibus defuisse videatur, defuncto rege, prioris Ducis mors Burgundiæ Ducis cade, qui & ipse ^(b) ferro, inficio adolescente rege, postea periiit, cumlata est, multorum sanguine eorum, qui ejus facinoris auctores fuerant, expiata. Ita tum civili, atque intestinâ discordiâ, in qua genus omne crudelitatis invaluit, tum bello externo, regni opes majori ex parte conciderunt. Quanta hoc in loco fortunæ mutatio æstimanda est, quæ regnum florentissimum tam variâ ac diutinâ clade confecit! Primum regi mentem eripuit, quod ipsum deterius est, quàm si aut telo occidisset, aut esset bello captus; nulla est enim durius conditio, quàm insipienti servire, mors ejus vitâ est optabilior: deinde vitam ^(c) longam infano dedit, nequis subrogaretur, qui posset cogere imperio dissidentes, aut certe rem consilio regere: tum autem regiam stirpem domesticâ cade, & sanguine polluit: postmodum regis inscitia, re omnium in-

(a) *A rege Angliæ.* Henricus V. Angliæ rex. anno 1415. circa idus Augusti in Normaniam trajiciens, ingenti exercitu comparato, cladem & vastitatem Gallis intulit, de quibus Urfinius & le Labourcur ad hunc annum.

(b) *Qui ex ipso ferro, inficio adolescente rege.* In conspectu Delphini, non defuncto sed vivente adhuc Carolo VI. interfecit est Burgundus Dux ad *Monasterium Senonum*, anno 1419. sed quomodo id acciderit, satis non constare, & varie re-

ferri tradunt Urfinius ad an. 1419. & le Labourcur; hic enim, non ignaro sed mandante ipso Delphino, interfecit scribit.

(c) *Deinde vitam longam infano dedit.* Longa sane ejus dementia fuit, cum ad an. 1422. vitam protraxerit, & in furorem incidit an. 1392. si Poggio credimus; sed identidem resipuit, & ad bonam mentem rediit, Urfinius in illius vita scribit.

felicissima

qui solus eo tempore rem pulcherrimam ausus, dignus certe regio nomine, arma Saracenis intulerat, & quem omnes nostri Reges opibus ac magnitudine imperii superabant, unus eos magnitudine animi anteibat. Haud diu tamen fraternam eadem inultam tulit; nam captus a Januensibus^(a) bello, quod ad ulciscendam acceptam injuriam moverant, Januamque perductus, parte regni multatus est. Sed quid nomini Christiano indignius, quid contumeliosius ætas nostra paucis ante annis vidit, quam Janum^(b) ejusdem insulæ Regem a Saracenis bello captum, atque in vincla coniectum? Nam quum Soldanus, qui nuncupatur Ægypti Rex, exercitum adversus eum pararet, videns se fore bello imparem, ad externa auxilia confugit, missis ad Pontificem Martinum, & item ad plures Christianorum Reges, nuntiis, qui monerent, quanto in discrimine insula versaretur; si succumberet infidelibus, magno id detrimento Christianis fore: sed subsidia ab omnibus denegata. Itaque Catalanorum quinque triremibus, ac paucis præterea onerariis navibus, simul & equestri manu, pedes-tribusque copiis variis ex oris ac gentibus dato stipendio

pium, integerrimum appellat. In gentis Urbani V. apud Bosquetum eadem ferme, quæ hic Poggius, de Petri nece referuntur ad annum 1369. his verbis: *Petrus insuper Rex Cyprî supra sapius nominatus, qui ultra omnes Reges, & Principes suos contemporaneos ad recuperationem & acquisitionem terra sanctæ aspiraverat, & ad hoc alios multos incitaverat & induxerat, pro viribusque infideles multimodè expugnaverat, totus etiam bonus, virtuosus & animosus, velut alter iustus Abel, vel Joseph innocens, per operationem & machinationem fratrum suorum suis malitiose & crudeliter interemptus.*

(a) Nam captus a Januensibus bello. Causam belli hujus prætexerunt Genuenses, quod, cum post necem Petri regis Cyprî, cui Petrus filius puer successerat, ob honorem imponendi diadematis capiti novi regis, Veneti & Genuenses inter se decertarent, patruus regis Venetorum ad hunc honorem prætulcrit: ex

quo ortum est bellum, & cædes Genuensium perpetrata. Primum Damianus Cataneus, deinde Petrus Fulgosius ingenti comparatâ classe in Cyprum missus, qui anno 1373. captâ Salaminâ, compulso in angulum quemdam Rege, proceribus, & Jacobo Lusiniâno captis, de nonnullis supplicium sumpsit. Tandem omnia Regi certis conditionibus restituta sunt, & fama pulsa detenta. *Folieta histor. Genuensis lib. V. 111. p. 146. Sabellic. decad. 1. lib. 5. colum. 1374. edit. Basileens. Stephanus Lusiniânus histor. Reg. Cyprî. Jacobus patruelis perductus Genuam anno 1374. detrusus est in turrim promontorii Phari, deinde pace partâ in Cyprum perductus. Joannes vero alter patruelis, hortatu reginæ atque consilio, quæ Petri uxor fuerat, interfecit est anno 1375. ut habet Loredanus lib. V. 111.*

(b) Janum ejusdem insulæ regem. Hæc eadem, quæ de Jano scribit Poggius,

contractis. * Cæterum Saracenis magnâ classe adversantibus, quum Catalani primi, deinde reliquæ naves diffugissent, in terram turâ absque aliquo certamine copias exposuerunt, quibus occurrens majoris animi quam consilii Rex, cæteris prælium detrectantibus, in aciem descendit. Commissâ pugnâ, hostibus ad primum congressum, seu dolo, seu timore fugientibus, relictis reliquis, cum receptui canendum censerent, dum incautius hostes persequitur, circumventus capitur magnâ suorum cæde, atque interfecto, qui eum sequebatur, fratre: hinc suorum fuga foeda per agros sparsim, qua fors quemcumque tulit, & strages hominum facta est. Saraceni victores Nicosiam urbem vacuum defensoribus intrant diripiuntque, neque ætati, neque sexui parcentes: inde, quum universam insulam pervagantes nullo labore spoliaissent, omnis generis prædâ in navibus imposita, domum redeunt, captivum secum adduxere. Persolutâ postmodum grandi pecuniâ, addito etiam annuo tributo, datis item obsidibus, in regnum rediit. Maxima profecto ignominia accessit populo Christiano ex hac Regis calamitate; turpissimum quippe est genus hominum imbelli, natum ad servitutem, quos more pecorum majores nostri rucidare consueverunt, adeo nostrâ culpâ invaluisse, ut ultro nos laceßere, & bellum inferre audeant. Minime miror, inquam, nos contemptui haberi à Barbaris, armisque superari. Reipublicæ nostræ continuum variis sub principibus bellum gerunt ad tutandam libertatem; Reges vero habemus vel stultos, vel pueros, aut eos, quos nulla ejusmodi cura pertingat, quorum cupido atque ambitio pusilla quidem, & a vecordia profecta, non hostium fidei, sed Christianorum sanguine crassatur. At vero Italia, quæ quondam universis nationibus ac gentibus imperavit, plures in partes scissa, armis in se ipsam convertis, suis ipsa viribus conficitur. Regnum vero Neapolitanum, cujus aliquando Reges summum splendorem Italæ at-

* Derst, se
ad defensio-
nem parat, at
aliquid simile.

confirmant ea, quæ a Raynaldo ad dem haud levem addit hæc rei gestæ
annum 1436. n°. 24. scribuntur ex Æneâ a Poggio enarratio habita.
Sylvio, & m. Diario Veneto, quibus si-

tulerunt, sub mulieris ^(a) umbra delitescit, omni sua dignitate amissâ. Tum Antonius, percommode, inquit, huius regni mentio cecidit, multiplicem fortunam sæpius in suis regibus experti. Origo ejus ignota multis, ut fortunæ commutatio magis quorundam exemplis eluceat, paulo altius repetenda est. Civitas ^(b) Neapolitana, paulo ultra trecentessimum annum, neque regia sedes, neque in eis oris regnum, aut regium nomen ullum erat. A supero mari Græci Imperatores, ab infero nostri, & ipsi inter se dissidentes, imperabant. Gubernabantur regiones variis sub Ducibus, qui & ipsi Imperatoribus parebant. Hi cum sæpius inter se conflingerent, supervenientes Robertus ^(c) & Richardus Normanni, minuendæ multitudinis causâ, domo in Apuliam profecti, dum bellantibus invicem Italiam opem ferunt, & gloriam & opes auxere. Nonaginta ^(d) ferme annis Normanni magna

(a) *Sub mulieris umbra.* Nimirum Joannæ 11.

(b) *Civitas Neapolitana.* Hæc verba usque ad alia ipsi Imperatoribus parebant, transcripsit & in suam contulit de regibus Apuliz & Siciliz epitomen Felinus Sandeus. De Rogerio Siciliz Comite, primo apud eos rege multa satis nota, & literis consignata habemus. Porro Neapolitanæ urbis originem, amplitudinemque ad vetustiora tempora esse referendam, testantur publici operis antiqua monumenta, quæ de re vide Capacium histor. Neapolit. lib. I. pag. 13. & seqq.

(c) *Robertus & Richardus Normanni.* Quæ de Normannorum in Italiam adventu, atque Neapolitani regni origine traduntur a variis scriptoribus, quorum seriem texere hic longum esset, collégit libello Gallico idiomate conscripto novissime P. Buserius; & ante eum Andreas Duchesne antiquos scriptores omnes Normannorum in unum volumen congesti, ediditque Lutetiz Parisiorum an. 1619. Fallitur hic profecto Poggins, dum scribit Robertum ac Richardum fuisse primos ex Normannis, qui in Apuliam profecti sint; nam primus fuit Anscetillus de Quadrellis cum suis fratribus. Porro Richardus I.

fuit Comes Averzæ, & Robertus Comes Apuliz, de quibus mox.

(d) *Nonaginta ferme anni.* Quo primum tempore Normannorum in Italiam adventus contigerit, variæ fuerunt jamdudum eruditorum sententiæ, cum multi ex recentioribus etiam cum contulerint ad an. M. II. Novissime veto Antonius Pagius, & post eum Gabriel Nicolinus, qui de acquisitionibus Normannorum librum exaravit, hanc epocham hæcenus male collocatam esse contendit, statuitque, ex poemate Guillelmi Apulienfis de rebus in Italia a Normannis gestis, eorum primum adventum ad ann. 1016. esse conferendum. Certe causâ Normannorum in Italiam adventus fuit peregrinatio eorum Normannorum, qui Religionis ergo Hierosolymam profecturi, Salernum, ad Guaimarum Principem, diverterunt, cui ad comprimendos Saracenos magno auxilio eâ occasione fuerunt, a quo præmiis affecti, & apud se ut manerent rogatos, tandem missis legatis, Normannos invitavit. Hi porro in auxilium adversus Græcos a Melo Barii domino acciti, duce Osmundo Drengotio, una cum aliis fratribus Asclitino, Biterico, & Daudio, multas de iis victorias retulere, & exinde in

cum laude diversis præsidibus cum militassent, tandem du-
cem sibi præficiunt Tristanum, ^(a) cognomento Cistellum;
dum in Ducis Salernitani præsidii esset. Huic, veneno quem
occiderat, defuncto, successit Ranno ^(b) qui Averfam urbem
condidit: post hunc Carolus ^(c) Capuæ Princeps, quem Jor-
danus ^(d) filius, & Richardus nepos secuti sunt: deinceps ex

Italia pedem fixere. Cum verò anno
septimo Atenulphi Abbatis montis Cas-
sini, ut narrat Ostiensis lib. 2. cap. 37.
Apulia a Normannis expugnari coëpta sit,
cumque Atenulphi ordinatio peracta
fuerit anno 1011. sequitur anno 1018.
Apuliam a Normannis expugnari coep-
tam Melo duce. Verum Pagius citato
loco deceptum esse Ostiensem, & qui
cum secuti sunt, demonstrat ex narra-
tione Guillelmi Apulienfis, qui non ex
itinere Hierosolymitano, sed ex Gar-
gano monte eos ad Guaimarum accessisse
colligit. Quare adventus eorum in Ita-
liam confensus est ad an. 1016. &
prima in Græcos irruptio in annum se-
quentem 1017. mensis Maio, qua de re
consentiunt Lupus Protospatha, & Ano-
nymus Barenfis in Chronicis. Non levis
momenti est ad Pagii sententiam con-
firmendam, quod ille animadvertit ex
Chronico Casaurienfi, seu Piscariensi,
apud Dacherium tom. V. in quo ad an.
1016. refertur expugnatio Apuliz a
Normannis coëpta, Melo duce. Obscura
profecto multa esse, quæ per idem tem-
pus ad res Siculas spectant, nemo est
qui dubitet. In Chronico Siciliz novissi-
me a P. Martene vulgato, tom. 3. Anec-
dot. col. 8. Roberti, Richardi, Hum-
fredi Normannorum adventus in Apu-
liam signatur ad an. 1018. in Siciliam
vero profectos scribitur an. 1060. Apud
Neapolitanos scriptores multa profus
incerta de Normannis, pro monimen-
torum inopia, referuntur.

(a) *Tristanum cognomento Cistellum.* Le-
ge *Tursinum cognomento Scitellum*, qui
cum Arnolino & Ranulfo in Italiam
primus profectus est. Ducangius in notis
ad Nicephorum Bryennium pag. 207.

(b) *Ranno.* Rannulphus Normanno-

rum dux. Hunc Averfam condidisse per-
hibet Guillelmus Apulienfis. De hoc
Rannulpho multò plura refert Camillus
Peregrinus in *Steminate Principum Ca-
puæ*, ubi de Alkillitino meminit, qui
Comitem Capuæ cum facit anno 1030.
obitisse refert anno 1047. Verum Aver-
sa condita fuit circa ann. 1021.

(c) *Carolus Capuæ Princeps.* Non licuit
hunc Carolum apud ullum e scriptori-
bus, qui de Principibus Capuanis ver-
ba faciunt, reperire. Jordanus autem,
quem filium Caroli appellat, apud Osti-
ensem, in Chronico Cassinensi lib. 3.
cap. 45. & 46. est filius Richardi Prin-
cipis Salernitani, qui sane apud Sum-
montium in hist. Neapolit. lib. 1^a. alter
Jordanus est, quem juniorem licet ap-
pellare, & natum a Richardo Roberti
Capuani Principis filio tradit. Nam
Jordanus senior Capuanus Princeps
obiit, ut est apud Ostiensem lib. 4.
cap. 10. an. 1090. relinquens Richar-
dum filium. Alter vero Jordanus moritur
an. 1127. cui successit Robertus filius,
ut ait Ostiensis lib. 4. cap. 96. Profecto
suspiciari non desino, quin aut mendum
in textum irreperit, aut fortasse etiam
lapsus sit Poggius, ita ut pro *Carolo*
scribendum sit *Richardus*. Non desuere
cum sequiorum sæculorum, tum nostræ
ætatis scriptores, qui Comitum, Princi-
pumque Capuanorum catalogum con-
texerent, quos tamen & diligentia &
exquisitiori doctrinâ vixit Camillus Pe-
regrius in sua de Longobardorum Prin-
cipum historia, in qua habes tabulam
accuratam & Comitum & Principum
Capuæ urbis, inter quos nusquam
Carolus legitur.

(d) *Quem Jordanus filius & Richardus
nepos.* Jordanus Princeps Capuæ fuit

Altavilla ^(a) filius Princeps Normannorum factus, ac Neapolitani Comitis Nazonis prodicione occisus, successorem fratrem habuit Humfredum, ^(b) qui, cum universam sibi Apuliam subegisset, filium Roberto fratri ^(c) quem propter astutiam *Viscardum* cognominabant, moriens tuendum dedit. Is ^(d) nepotis viribus usus, Calabriam Siciliamque quum filii subdidisset, Græciam Africamque bello laceffivit. Defuncto ^(e) fi-

cum patre ab an. 1058. deinde Dux Cajetæ ab an. 1063. & post patrem Princeps & Dux ab an. 1078. Postremo cum filio Richardo 11. ab anno 1081. ad ann. 1090. quo obiit, & in Monasterio Cassinensi est conditus. Petrus Diaconus lib. 4. cap. 10. Lupus Protospata ad an. 1090. Peregrinus in Stemmate.

(a) *Desineps ex Altavilla filius Princeps Normannorum factus.* Drogo filius Tancredi de Altavilla, quem a Vvasone Comite Neapolitano interfectum prodit Vvilelmus Gemeticensis lib. 7. Gaufridus Malaterra lib. 1. n°. 13. histior. cap. 80. Peremptus est an. 1047. Quem Poggius Nazonem appellat, scriptores rerum Normannicarum apud Duchesne Vvasonem & Gazouem vocant.

(b) *Successorem fratrem habuit Humfredum.* Hic etiam filius Tancredi post fratris necem Ducatum Apuliz tenuit: obiisse porro anno 1056. in Chronico scribit Lupus Protospata ad hunc annum, quo loco animadvertit Camillus Peregrinus in notis ad Protospatam pag. 85. quandoque Umfredam feminina deflexione vocari, atq. ita scribi in Chronico, idque etiam passim occurrere in antiquis chartulis. Leo Ostiensis lib. 3. cap. 16. hunc Ducem esse appellatum perhibet, cum Rhegium est captum, sed id esse intelligendum de solemnī inauguratione bene notat ibidem Peregrinus. Profecto mirari subit, cur Humfredum in stemmate Principum Normannorum Peregrinus prætermiserit.

(c) *Filium Roberto fratri, quem propter astutiam Viscardum cognominabat.* Filius ejus Abailardus vocabatur, de quo

eadem quæ Poggius, habet Vvilelmus Gemeticensis lib. 7. Porro de cognomine indito Roberto, hæc recinit Vvill. Apul. lib. 2. cujus carmina libet hic apponere: *Robertus qui magnanimâ virtute priores Transcendens fratres*

Cognomen Guiscardus erat, quia calliditatis Non Cicero tanta fuit, aut versutus Ulysses.

Et paulo post:

*. . . . Robertus & ingeniosus .
Semper celsa petens, & laudis amans &
honoris :*

*Si coningebat, sibi palmam vel arte vel armis
Æquus ducebat, quia quod virtutis saepe
Non explere potest, explet versutia mentis.*

(d) *Is nepotis viribus usus, Calabriam.* De rebus gestis Roberti nihil intercessit aliquid huc asserre; satis est innuere, uberrime descriptas esse a Gaufrido Malaterra, & Guillelmo Apulienfi. Suscepit quidem Comitatum Apuliz tutelæ nomine an. 1056. & ditionem Rhegium usque produxit, dimissâque ob consanguinitatem primâ uxore Alberadâ, duxit Sikelgaitam sororem Gisulfi Salernitani Principis: demum an. 1085. obiit.

(e) *Defuncto filius ex secunda uxore.* Filius Roberti Rogerius successor, natus erat ex Sikelgaita seu Sichelgauta, in Ducatu Apuliz, appellatusque est hujus nominis primus, præterito Boamundo priore natu ex Alberada. Obiit Rogerius an. 1111. 8. Kal. Martii. De eo fuscè agunt Petrus Diaconus lib. 4. cap. 40. Falco Beneventan. Romuald. Salernitanus, Anonym. Cassinensis. Uxorem habuit Alam nomine, filiam Roberti Frisii Comitis Flandriz. Malaterra lib. 4. cap. 10. & 26.

lius ex secunda uxore Rogerus successit, quo (a) & filiis mortuis, Rogerus patruelis Rogerii Comititis Siciliæ, Viscardi fratris filius, solus imperium tenuit. Hic (b) per dissensionem Honorii & Anacleti Pontificum, quum Anacleto hæssisset, Rex ab eo primus Siciliæ & Regni Neapolitani factus est a nativitate Salvatoris anno 1130. dux strenuus & potens armis, qui & ipse in Africam classe transiens, Tripolim Tunisiæque vi cepit, & multas præterea urbes in littoribus suas. Hinc ad Guillelmum regnum pervenit; multi inde Reges usque ad Robertum Joannæ Reginæ patrem variâ fortunâ extiterunt. Joanna (c) paternum regnum, nullâ virili prole supersistere,

(a) *Quo ex filiis mortuis Rogerus patruelis.* Nimirum vitâ functo Guillelmo Duce, qui sine filiis obiit anno 1126. ut habet ad hunc annum Ordericus Vitalis histor. lib. 12. Verum quod attinet ad annum mortalem Guillelmi, Falco Beneventanus in suo Chronico scribit Guillelmum obiisse an. 1127. in quam sententiam descendit Peregrinus in stemmate Principum Normannorum, propterea quod in Chronico Salernitano anni 17. ejus principatus notantur, sibi que suffragari ait Petrum Diaconum lib. 4. cap. 96. Sed cum Petrus eo loco scribat Guillelmum annos fere sexdecim gessisse Ducatum, haud facile iis persuadebit, quos in suam sententiam velit pertrahere. Præterea non liquet ex Petro Diacono, num Rogerus I. obiit anno 1111. nam videtur potius ex eo colligi, quod anno 1110. decesserit, pro qua sententia & Ducangius in notis ad lib. 14. hist. Annæ Comnenæ. Ut ut sit, lubens amplector Peregrini sententiam, quæ obiisse Guillelmum contendit an. 1127. propterea quod aperte id tradunt Falco in Chronico ad hunc annum, & Romualdus Salernitanus, pariter in Chronico ad hunc annum. Successit Rogerius Siciliæ Comes, Dux Apuliæ, & tandem Rex: hic erat filius Rogerii Comititis Siciliæ, fratris Roberti Guiscardii. Petrus Diaconus lib. 4. cap. 96.

(b) *Hic per dissensionem Honorii & Anacleti Pontificum, quum Anacleto hæssisset.*

Errasse hic Poggium, dum Anacletum, seu Petrum Leonis, intrusum Pontificem, de ea dignitate cum Honorio decertasse scribit. Felinus Sandeus, in epitome de Siciliæ & Apuliæ Regibus, demonstrat. Petrus Leonis revera, mortuo Honorio an. 1130. post electionem Gregorii Diaconi Cardinalis S. Angeli, cui nomen Innocentii II. inditum a Schismaticis, in Pontificem inauguratur, ut & multis monumentis a Baronio allatis ad an. 1130. & ex Petro Diacono lib. 4. cap. 97. liquet. Adhæsit autem Rogerius Siciliæ Comes Anacleto Pseudo-Pontifici, a quo electus in regem Siciliæ est an. 1130. ut apparet ex allato capite Petri Diaconi. & ex Chronico Falconis Beneventani, e cujus testimonio Peregrinus in castigationibus ad eundem Falconem id contigisse scribit, die nativitatis Domini nostri Jesu Christi, Panormi, vixisseque Rogerium usque ad annum 1154. Cum vere a Papa Schismatico regiam coronam obtinuisse, eam ob causam D. Bernardus multis in locis Rogerium tyrannum, & usurpatorem coronæ regie appellat, ep. 127. & alibi.

(c) *Joanna paternum Regnum.* De rebus gestis Joannæ I. multa habes apud rerum Neapolitanarum scriptores, quos, si libet, consulta. Andream Regem morte affectit: contigit Andream mortis anno 1345. decimo quinto Kaland. Octobris.

sola tenuit, summâ omnium voluntate. Ea cum Andream (prolem regiam) virum suum, ex Hungaria in regnum ascivisset, odio oborto, turpi morte affecit. Paulo post Hungaris ad ulciscendum tam atrox facinus excitis, regno excedens Florentiam primum ob antiquum cum eis jus amicitiae, inde in Provinciam confugit. Mox in regnum, abeuntibus Hungaris, restituta est, fortunam secundam ad extremam usque ætatem experta. Regnum tenuit summâ pace, supra prudentiam muliebrem, adeo ut nullo unquam sub Rege floruerit magis. Magnis fortunæ sanctam beneficiis tradunt, ut nihil ei deesse ad felicitatem videretur, si extremus vitæ exitus parem se reliquæ anteaetæ ætati præbuisset. Sed erubuit fortuna contraire moribus suis, & aliquid latum perpetuo præstare. Urbanus Pontifex, sub quo schisma tunc in Ecclesia excitatum est, Joannæ insensus, quia per acceptam ab Urbano in se contumeliam, adversarum erat partium, omni cura enixus incubuit, ut ab se privata regno pelleretur. Venerat ab eo evocatus ex Hungaria in Italiam Carolus Princeps Dyrachinus, & ipse regiâ ortus stirpe, qui Aretium per intestinam seditionem occupavit. Relicto ibi præsidio, quum Romam profectus esset, Urbani cohortatione, opibusque adjunctus, regnum ingressus est, unicoque prælio exercitu hostium apud Neapolim fuso ac deleto, Reginam, cum in ejus potestatem venisset, confectam annis, pulvillo ori superinjecto, ad mortem (a) compulit, haud vile exemplum fortunæ & ipse ad posteros daturus. Erat Urbano nepos nullius neque virtutis, neque consilii Butillus, (b) quem supra modum supra-

(a) *Ad mortem compulit.* Joannæ interitus accidit die 22. Maii an. 1382. ut ex ejus Epitaphio liquet, apud Summontium, quod libet hic etiam describere: *Incluta Parthenopis jacet hic regina Joanna*

Prima, prius felix, mox miseranda nimis.
Quam Carolo gentem mutavit Carolus alter,
Qua morte illa virum sustulit ante suum.

MCCCLXXXII. XXII. Maii, V. Indict.

(b) *Butillus.* Ubi de Urbano VI. Poggius loquitur, nimia dicendi libertate cum Pontificem carpere videtur. Jure

Urbanus in Carolum Dyrachinum exarsit, propterea quod Cardinali Reatino in Pontificem seditionem molienti faverit, deinde ecclesiasticæ ditioni bellum intulerit. Immerito præterea culpatur tanquam schismatis auctor; id enim Cardinalium pravitate constatum est, cum eorum avaritiam & improbos mores & simoniacam labem acriter Urbanus reprehenderet, quod ex Walsinghamo & auctoribus coævis ostendit Raynald. ad an. 1378. n°. 22.

que

que fortunam extollendi cupidus Pontifex, magnam ei a Carolo tunc opis suæ egente, & æstimante satius esse iniquas etiam conditiones accipere, quam Pontificis (eo enim nitebatur) suas res præsidio carere, regni partem pepigit. Cunctantem post regnum acceptum, tergiversantemque omnia (nam quædam servarat) Butillo præstare, ira odioque incensus Pontifex novo belli discrimine turbavit, parvisque admodum copiis, & ne ad imbellem quidem oppidum oppugnandum apris, Regem adortus est, impetu ac temeritate, quam consilio aut prudentiâ potior. Ejus inanem contumeliam Carolus nullâ re præterquam stultitiâ fidentem ad Nuceriam per obsidionem contudit, Januamque, conductâ ab Januensibus classè, fugere coëgit, abjectâ regni, quâ flagrabat, ambitione. Vacuo deinde Pontificis curâ Regis animo, majorum rerum occasionem fortuna obrulit, regni Hungariæ * maximi * An. 1382: eâ rempestare omnium potiundi; nam Rege Ludovico, cujus in aula educatus erat, defuncto, consensu omnium Principum in regnum evocatus, Rexque appellatus est. Visum est fortunæ, credo, parum in eum unico regno contulisse, alterius spem possessionemque adjecit, rata eo notiores se fore, quo illum altiori in fastigio oppressisset. Brevi quidem concidit eodem fortunæ impetu, quo & steterat; dolo enim magni Comitis, Reginæque superstitis, quæ ad unicam filiam regnum traduci volebat, nil * tamen timentem adorti * Melius tale quidam in cubiculo, gladio percusserunt; (a) inde abductum, ad castellum quoddam, quum vulnus haud lethale esset, veneno interemerunt. Ferunt exultrasse (b) gaudio ad nuntium mortis Urbanum, cultrumque, quo ictus fuerat, ad se delatum recenti sanguine respersum adeo aspexisse, ignarum profecto quàm acerba sita delicias suas Bu-

(a) Gladio percusserunt. Contigit id an. 1386. die 6. Februarii, quamvis rerum Hungaricarum scriptores, & præsertim Bonfinius lib. 1. decad. 3. velit eadem Caroli contigisse an. 1385. Summontius & Collenucius an. 1386. malunt.

(b) Ferunt. Quæ hic habet Poggius

de culro ad Urbanum misso, exploduntur tanquam fabulosa a viris eruditis. & cum id Collenucius etiam enarrat, tanquam putidum futileque signum agnoscitur, cum a Niemo sub Urbano vigente, silentio prætereatur. Spondanus ad an. 1386. n°. 1.

tillum, cujus causâ tanta tempestas excitata erat, manerent. Indignum mortis genus extinxit Regem excellenti animo & virtute, quem, si vixisset diutius, Roberti sapientiam æquaturum fuisse affirmant. Accipe nunc ex eodem regno tertium fortunæ ludum, in quo versando, ipsam quæ ludebar, risisse puto. Reliquit Carolus Joannam & Ladislaum filios: ad hunc quum ancipiti diu fortunâ regnum tandem pervenisset, sororem viduam Joannam, quum in fata concederet, hæredem, nam ipse caruit liberis, reliquit. Regnum adepta, ut quietiori fortuna uteretur, nupsit Jacobo Comiti Marchiæ (a) stirpis regiæ Francorum, sed patrimonio tenui. Accitum in regnum eâ conditione, ut Regis abstineret nomine, rerum omnium imperium penes Reginam esset, postmodum mutata sententiâ, Regem appellari, haberi que voluit, ei arbitrio regni permissio, quo suæ opes firmiores essent. Ille ex humili loco ad regiam evectus dignitatem, non ferens tantam fortunam, more eorum, quos mentis levitas huc illuc ad parvam auram versat, inflatus animo, neque, quò aut unde emerisset memor, virium certe suarum immemor, felicitatem in stultitiam vertit, nullo graviore consilio usus. Primum contemptui habere nomen Italicum cœpit, despiciens omnes, & solus, licet mentis inops, omnia pro imperio agens, nulli præterquam Gallis consilia credere, sua sequi, aspernari cæterorum, Gallis quibusdam ignavissimis hominibus summos magistratus, summaque dominia largiri, Italos abjicere, uxore adeo contemprâ sprêtâque, ut circumseptâ custodiis, quæ etiam libere audiendi, loquendique facultatem demerent, ne pellicis quidem locum in regia obtineret. Penes virum suprema potestas erat vitæ, necisque arbitrium, regni certe tanquam armis capti præfecturas ac dominia Gallis suis partitus est, fretus eâ solâ tanquam firmâ rerum custodiâ. At illi in convivia & luxum effusi choreis indulgebant, saltando, potandoque tempus terentes, coquinis obsoniisque, quæ cura sollicitabat animos, & rapiendi libi-

(a) *Jacobus Comiti Marchiæ.* Nupsit post Ladislai mortem anno 1414. Quod hæc Jacobo Comiti Marchiæ ex regio hic narrat Poggius de Jacobo majore ex Gallorum sanguine de familia Borbonia, parte saluum est.

do , civitas erat referta. Quarum rerum indignitate mora civitas in stultitiam regiam conspiravit ; nam quum per simulationem matrimonii Reginam e castello , quo tenebatur , abduxisset , tumultu populi excitato adversus Regem , compulsum in arcem obsederunt. Cumque omnes ab eo ad Reginam descivissent , obsesso diutius , factâ tandem deditione , e regno abeundi libertas data est. (a) Inde tenuis , ut venerat , in Galliam reversus , ac Comes ex Rege factus , ostendit verum esse proverbium vulgatum , *secundam fortunam stulto nequaquam esse diuturnam*. Tum ego , Neapolitanæ , inquam , urbis nomen suggerit mihi novum fortunæ casum , cui quum omnia contuleris , nequaquam reperies acerbitate parem. Conjicio , inquit Antonius , quem intelligas : isthunc ipsum , inquam , sentio , quem prioribus adjicias volo , antequam ab hoc regno digrediamur. Nomen asperius est , inquit ille , sed mollire non licet usitatum verbum. Balthassar Cosâ ex urbe Neapoli , familia fuit nobili , parente Equite admodum opulento. Hunc post impensam Bononiæ Juri civili inanem operam , cùm Romana Curia , in qua maxime veluti portenta fortunæ sæpius emergunt , accepisset , primum Cubicularius Pontificis Bonifacii , deinde Cardinalis factus , (b) Bononiæ legatione functus est , quam plures annos tenuit. Tum quum Alexander Pontifex Bononiæ , quam ejus suasu petierat , decessisset , fatis cogentibus , nullo suo merito , Pontificem Romanum , quâ nulla est superior dignitas inter mortales , in demortui locum Cardinales creant , indito nomine Johannis , virum bello , quam religioni aptiorem. Non est meum insectari mortuos , sed tamen nihil iniquius vidit hoc sæculum quam Antistitem Christianæ fidei cum virum , qui nullam neque fidem norat , neque religionem , rebus agendis potius quam cultui Dei accommodatus. Post adeptum Pontificatum Romam a Rege Ladislao bello laceffitur se contu-

An. 1410.
mense Maio.

(a) Vide quæ habet Joannes Oliva in præfatione.

(b) Cardinalis factus Bononiæ. Adscrip-
tus est in Cardinalium numerum a Bo-

nifacio IX. anno 1402. a quo deinde
Legatus Bononiæ dicitur , & legationem
eam per septem annos obtinuit.

An. 1414.
die 28. Octo-
bris.

Confer A-
tionem I V.
Concilii Con-
stantiensis.

An. 1417.
die 11. No-
vembris.

An. 1419.
die 22. De-
cembris.

prælit, ^(a) ac Regem provinciis Ecclesiæ insultantem unico prælio, quo & superior evasit, compressit. Tum compositâ æquis conditionibus pace, proditione Regis, & Romanorum quorundam operâ, occupatâ urbe, aufugit Florentiam ^(b) primo, inde Bononiam pervenit, paulo post Constantiam (is enim designatus erat celebrandi Concilii locus) profectus est. Sed quum, præter datam jam antea fidem, opibus imperatoriis (præmio enim pacta parum durant) oppugnaretur, quippe qui eum ad renuntiandum cogebat, simulato metu, noctu clam paucis consociis, auxilio Ducis Bavarix jurejurando in ejus tutelam adacti, Scafusam oppidum suæ ditionis concessit. Inde fraude Alamannorum captus proditusque, & a Pontificatu Concilii sententiâ dejectus, in carcerem obscurum traditur, custodiæ curâ Comiti Palatino, qui sibi maxime adversabatur, demandatâ. Ibi triennio solus omni destitutus ope, unius servi, & linguæ ignoræ ministerio usus, quoad Martinus V. Pontifex Constantiæ creatus est, vitam cum degisset, tandem pretio redemptus in Italiam rediit; quumque Martinum Pontificem recognosset, ab eo comiter acceptus, Cardinalisque denuo designatus, paucis post mensibus Florentiæ moritur, ubi & sepultus est. Mirabantur omnes mortales cum hominem, quem paulo antè Principes ad terram prostrati veluti Deum in terris adorassent, factum ludibrium sursum deorsum vertentis omnia fortunæ. ^(c) Gregorii quoque XII. haud dissimilis fortuna minime obliteranda est; qui, quum Innocentio VII. Cardinalis antea ab ipso factus ^(d)

(a) *Se contulit.* Nimirum an. 1411. ingressus est urbem solemnî pompa, una cum Ludovico Andegavensi Siciliæ Rege, die Sabbati Sancti, excipiturque a Romanis magnis honoribus. Raynald. ad hunc annum.

(b) *Florentiam.* Anno 1413. Ladislaus per dolum urbe potitus est, in qua sacra profanaque omnia vallavit. Fugam arripens Pontifex Sutrium versus, deinde Viterbium, postremo Florentiam se contulit, ut habet etiam Poggius lib. IV. histor. Florent. Leonardus Arcetinus in rerum Italicarum histor. Sed

scribit S. Antoninus 3. part. tit. 22. cap. 6. eum in suburbano loco Episcopi Florentini constituisse, propterea quod plures è Florentinis pro Ladislaio starent.

(c) *Fortuna.* Eadem habent de Joanne XXIII. Platina & scriptores illius temporis omnes.

(d) *Sucessisset.* Anno 1406. Concordant quæ hic Poggius scribit cum his quæ a Leonardo Arcetino epistolarum lib. 2. ep. 2. & 6. & a Theodorico de Niem, in historia de Schismate, de Gregorio XII. narrantur.

fucessisset, juramento ante assumptum Pontificatum in Concavi præstito, votoque de restituenda Ecclesiæ unitate, addito, quum tergiversari aperte, fidemque datam abrumperet objiceretur, Cardinales ab eo secedentes, Pisas se, quum is Lucæ esset, contulerunt, ubi Concilio indicto celebratoque, Gregorius a Pontificatu dejicitur. Ipse tamen eam damnationem irritam dictitans, in Pontificatu perseveravit, licet a Regibus Principibusque omnibus, pauculis exceptis, destitutus. Haud multis vero post annis, Concilio Constantiæ in Germania habito, post Johannis privationem, & ipse portuiculae suæ cessit, retentæque priori dignitate, & * Legatione Piceni concessâ, diem suum obiit. Sed recentiora hæc, (pluribus enim abundamus) post referentur. Nunc ad superiorem redibit oratio, in quibus varietas fortunæ versata est. Vicecomitum familia (a) perverusta sane est & origine destituta, quippe cujus supra ducentimum annum res gestæ dignæ memoratu referuntur. Hujus rei conjectura vel maxima est, quodd, quum, relicto priori solo, supra lacum Larinum (b) in quo admodum claruit, se Mediolanum ejus familiæ primores quidam contulissent, e vestigio alterius factionis, qui *Gibellini* appellantur, caput extiterunt. Pulsi inde urbe ab altera factione, quum Frederici II. Imperatoris ope (c) Mediolanum re diissent, ejectis adversariis qui *Turris* familia appellabantur, principes extiterunt civitatis usque ad Johannem Archiepiscopum, qui primus urbi imperavit (d) & ea nepoti suo

* Confer
Concilium
Constantien-
se & Raynal-
dum ab anno
1405. ad ann.
1415.

(a) *Vicecomitum familia.* De Vicecomitum familia fusc scriptores rerum Mediolanensium. De hujus autem familiæ vetustate confer Tristandum Calchum lib. x. hist. Mediolanensis, Georgium Merulam de antiquitatibus Vicecomitum Mediolani, Jovium de vitis XII. Vicecomitum, qui eorum initium ducit a temporibus Frederici Ænobarbi, cujus ætati Heriprandus & Galvanus claruerunt.

(b) *Larinum.* Veteres dixere Larium, vulgo est *Lago di Como*.

(c) *Mediolanum rediissent.* Spondanus ad an. 1277. n°. 15. secutus Vullanium,

Corium, Boffium & Sigonium, scribit dominatum Mediolanensis ditionis rediisse ad Ottonem Vicecomitem Archiepiscopum Mediolani an. 1277. Quare id non potuit contingere tempore Frederici II. cum tunc inter vivos amplius non degeret Fredericus.

(d) *Urbi imperavit.* Sedis Apostolicæ beneficio Mediolano imperavit Joannes, ut habet Jovius in ejus vita. Res ejus gestæ enarrantur a Merulâ, Jovior, Sabellico, Alciato & Corio, aliisque bene multis. Si Ughello credendum est, obiit Joannes an. 1354. Hujus Joannis gesta variis carminibus non inlegant-

Maffeo (a) relicta, decessit. Plures dehinc ejusdem stirpis clarissimi viri evasere usque ad Bernabovem, copiosum fortunæ adversæ testem. Hic (b) una cum nepote Johanne Galeatio Mediolanum pro imperio tenuit. Nomen ejus & apud Italos, & apud exterarum nationes longe lateque claudit, belli pacisque artibus insigne. Inter dominos Italiæ opibus armisque priores partes tenuit. Præter Mediolanum, urbem nobilem atque opulentam, Brixiam quoque, Cremonam, Parmam, Placentiam bello sibi parere coëgit. Multis Principibus tum Italici, tum Alamanni per matrimonium sibi dejunctis, fecundus fuit prole liberorum, e quibus quatuor egregios quidem eâ tempestate viros, quatuor, quas dixi, urbibus præfecit. Arma contulit cum Florentinis, quibus Miniatem oppidum ab incolis proditum cessit; adeo potens, ut solus Urbani V. Pontificis, qui ob acceptam olim ab eo contumeliam, Imperatorem in ejus exitum acciverat, impetum tulerit, nullâ urbium amissâ. Vir fuit fervidi animi, nec prudentiæ vulgaris; sed in ædificando, quod Principes egregios decet, maxime sumptuosus. Videbatur secunda rerum senectus futura tot filiorum urbiumque ope fulta. Sed vim (c) factorum effugere nequivit, fortunæ tum maxime, cum blandiri videbatur, operâ deceptus. Captus enim per speciem colloqui a nepote, cui ad augendas filiorum opes, insidias etiam

bus perstringuntur in marmoreo ejusdem epitaphio. Ea leges apud Jovium in ejus vita, Corium, Ughellum, & alios. Verum Daniel Papebrochius in exegetici Episcoporum Mediolanensium, tomo. VII. Maii præfixa, profert ex codice Mediolanensis Ecclesiæ monumentum, quo annus & dies mortis Joannis norantur, qui incidit in annum 1355. quinto die Octobris, in Dominica, ex quo legendum esse quartum arguit; at de anno non ambigit, cum anno 1355. quo litera dominicalis D erat, quarta dies Octobris Dominica fuerit.

(a) *Maffeo*. Legendum Matthæo hujus nominis secundo, de quo Jovius in Elogio. Divisum reliquit imperium tri-

bus nepotibus Matthæo, Barnabæ, & Galeatio, scribit Corius parte 3. Jovius tradit eâ conditione hæredes dictos, ut Mediolani imperium commune inter eos esset, Matthæoque Bononia obveniret. Obiit anno 1356.

(b) *Hic cum nepote Jo. Galeatio*. Ejus elogium videas apud Jovium, qui confirmat ea quæ de illius imperio hic habet Poggius. Obiit anno 1385.

(c) *Sed vim factorum*. Scribit Jovius in ejus vita, multo ante quam in manus Galeatii Bernabovis incideret, vatem domesticum ei prædixisse, ut caderet Nona Maias, cum eo anno funestum aliquid portenderent, ob trium syderum conjunctionem.

veneno sæpius intenderat, atque in custodiam traditus, haud multo post interiit. Ita multarum urbium dominus, cujus dicto tot millia hominum parebant, qui dudum Pontificiis Imperatoriisque conjunctis exercitiis solus obstiterat, tandem carceris incolam factum mors acerba excepit. Succesit ei Dux ^(a) prior Mediolani, vir dignus prioribus sæculis, non in Tyranni, ut plerique nostrorum, sed in regios mores se componens. Coluit doctos atque excellentes viros, avidus laudis & gloriæ; & quod in magnis viris admodum laudi datur, perhumanus erat, naturâ insuper liberalis, ut qui refugium putaretur egentis nobilitatis, maximeque domo profugorum, qui undique ad ejus munificentiam tanquam ad certum asyllum confugiebant. Decus certe suâ virtute & rebus gestis summum præstitit nomini Italo, apud exterarum nationes. Celebris erat ejus famâ apud omnes, tum ob magnificentiam splendoremque vitæ, tum ob præcipuam regendi ad normam justî Regis disciplinam. Bella plurima per alios gessit; tria cum Florentinis, paribus ferme viribus; adeoque amplo fuit imperio, ut etiam summis æquaretur Regibus. Nam omnem fere Galliam Cisalpinam, quæ a Longobardis nunc *Lombardia* vocitatur, Bononiam usque, quam extremo vitæ tempore bello sibi adjecit, additâ Ligurum Tusciæque magnâ parte, possedit, usus præ cæteris summis muneribus fortunæ, regiumque nomen assecuturus, si diutius vita frui licuisset. At is, cum jam spem conceptam manibus se tenere existimaret, diem ^(b) suum obiit, tribus ^(c) adolescentibus filiis haudqua-

(a) *Dux prior Mediolani.* Joannes Galeatius, in cujus laudes multo minus quam Poggius, fertur Jovius. Ducis nomen, & insignia huic primum collata sunt a Venceslao Imperatore, quam inaugurationem factam scribit Corius initio partis quartæ anno 1395. die Dominicæ 5. Septembris. Jovius Venceslaum *Ladislaum* appellat. Hanc solemnitatem pompam Poggius etiam perstringit in histor. Florent. lib. 3. pag. 114. edit. Venetæ 1715.

(b) *Diem suum obiit.* Nimirum anno

1402. die tertia Septembris, ut fert ejus inscriptio sepulchralis, quæ res ejus gestas centum & uno versibus haud intelligentibus continet, legiturque in templo Carthusiæ Ticiensis, ubi humari voluit, extructo prius singularis magnificentie cornubio ac templo. Ejus testamentum refertur a Corio part. IV.

(c) *Tribus adolescentibus.* Nimirum Joanne Mariâ, Philippo, & Gabriele spurio ex Agnete Mantegaccia. Poggius in histor. Florent. lib. 3. pag. 153.

quam pari rerum felicitate relictis. Patriæ quidem vastitas, mors adolescentium ^(a) violenta, documento extirere, nihil esse in rebus humanis certi exploratum, consiliaque nostra parum proficere, ubi obstat fortuna. Armis enim, quæ a parente in tutelam erant provisæ, in perniciem versis, variisque factionibus inter duces armorum obortis, adolescentium opes dilactæ defecere. Hinc urbibus, quam quisque poterat, occupatis, tractus ejus omnis descendenda eversio subsecuta. Civiles dissensiones maximis inter se odiis certantes, omnia ferro, igni, cæde absumpserunt. Variis sæpe cladibus pugnatum est, agri populati, incensa oppida, capta atque eversa civitates. Rhegium, Parmam, Placentiam, Comum, Papiam, Vercellam, Novariam, opulentas urbes, fœde a militibus direptas, majori ex parte hostilis furor evertit. Reliquias infestina dissensio cæde & civili sanguine replevit, nulla in parte orbis tamdiu rabie civilis cruoris debacchata. Multi proceres, quod bella civilia pariunt, varie absumpti. Certe duo ex filiis, una cum matribus, violentâ morte perierunt: tertius ^(b) alterius opibus nixus tanto parente indignam vitam agebat. Nescio an multis jam sæculis Italia majus aspe-

(a) *Mors adolescentium violenta.* Joannes Maria, cum ob imperii asperitatem invisus esset, Idibus Maiis in templo D. Gothardi, in ipso vestibulo interficitur a Baucis fratribus. Jovius in ejus elogio. Philippus repentinâ morte obiit anno 1448. pridie Idus Augusti, ut Jovius habet in ejus vita. Verum Raynald. ad annum 1447. n° 25. & ex eo Spondanus ad hunc annum, n° 8. existimantur Philippum vita fundum hoc eodem anno 1447. mense Augusto. Adde his Poggii auctoritatem in histor. Florent. lib. 8. pag. 360. Quare facile censeo ejus mortem esse conficiendam in annum 1447. scribit enim, ubi de Eugenii IV. morte sermonem habet, in hæc verba: *Interim Eugenius primo, eodem mense, scilicet Februario, anno sexto & quadragesimo post mille quadringentas, tum Philippus altero anno, Augusti mense moriuntur.* Ex quo Poggii testimonio clare evincitur, an. 1447.

Philippi mortem contigisse, quod aperte innuit S. Antoninus part. 3. tit. 22. cap. 11. §. 17. cum ea verba *insequenti Augusto* referantur ad Augustum anni 1447. Corrius autem part. 4. pag. 358. scribit Philippum interisse anno 1447. De mense Augusto conveniunt omnes, de die dissentiant fere omnes. Apparet ergo perperam a Jovio assignari annum 1448. pro emortuali. Mendosus porro est Poggii locus de morte Eugenii; nam is Pontifex obiit anno 1447. mors vero ibi confertur in an. 1446. Stephanus Baluzius tom. 7. Miscell. e codicibus bibliothecæ Colbertinæ edidit ex auctore coævo vitam Eugenii IV. subjecitque orationem Æneæ Sylvii de ejus morte, quæ confirmant mirum in modum Poggii enarrationem. Gabriel nothus anno 1409. Buticaldi jussu Genuæ capite obturcatur. Corrius part. IV. pag. 301. n°. 25.

(b) *Tertius.* Nimirum Philippus.

xerit

xerit fortunæ opus, magisque deplorandam rerum varietatem. Asperitum quippe videre regionem florentem quondam inter Italos, viris atque opibus refertam, mœrore postmodum confectam, cladibus, obsoleto squallore, ac diutina vexatione horrentem. Sed non absque ostento celestis ea numinis evenere; orta prius stella crinita, quæ & Ducis interitum portendit, & patriæ vastitatem. Semper, inquam, Antoni, his conjectis aliquid nobis portendi in magnis viris accepimus, idque etiam a priscis rerum scriptoribus traditum. Ita est, inquit ille; sed hæc tanta rerum mutatio multorum quoque ruinam peperit, qui sibi per occasionem civilium dissensionum variis in urbibus tyrannidem usurparunt. Haud vulgares in viris non admodum illustribus fortunæ motus. Infestam, inquam, certe fortunam experta est, Antoni, & multis malis oppressa. Sed vetus est sententia, filios plerumque delicta parentum luere, ut, quod illi in alios moliti sunt, pari in posteros exemplo recidat. Scis hunc ducem (a) præstantissimum virum, in patrui necem, quanquam iuste id fecisse videatur, conspirasse; scis domo extorres expulisse nobilissimas Scalæ (b) Carrariæque familias, ob solam dominantem cupiditatem: ut haud mirum sit ab se commissorum poenas a filiis expetitas. Vera, inquit Antonius, narras, & in hoc ducis ambitionem. Regnum quidem Italiæ sibi mente desponderat. Paulum culpo, qui nobis magnum ornamentum abstulit, oppressâ eâ præsertim familiâ, quæ præcipuam gloriam apud Italos obtinebat. Gentem (c) Scalæ antiquam sane accepimus, ac primariam Veronæ, & quæ ejus urbis centum ferme & septuaginta annis dominio potita sit,

Forte Paulus
Alboinus.

(a) Hunc ducem. Scilicet Joannem Galeatum, conspirasse in Bernabovem exploratum est, ut habent scriptores omnes Mediolanenses.

(b) Scalæ Carrariæque familias. Galca-tius Franciscum Carrariensem seniotem diuturnis bellis oppressit, qui in carcerem detrusus, in eodem Modœtæ ex hac vita migravit. Scardeonius de antiquitatibus Patavinis lib. 3. class. 13.

(c) Gentem Scalæ antiquam sane. Gaspar Scioppius in stemmate familiz Scalligerianæ illius ortum ducit ab initio sæculi duodecimi. Primus in stemmate est Malinus Scaliger vassallus Abbatis Monasterii Sæ Mariæ Organz an. 1101. Primus qui urbe Veronâ potitus est, Malinus dicitur, quem a Comitibus S. Bonifacii interceptum scribit Torellus Sarayna de origine & amplitudine Veronæ.

multis egregiisque Principibus, qui non Veronæ tantum, sed Vicentiæ, Paduæque, ac multis præterea urbibus imperaverunt, adeo æquo jure nonnulli, ut nil fere ad justorum Principum modum desideraretur; domi belloque insignes, plures ex eis fuere, maximeque liberales, quam rem & multi meminerunt, & Dantes (a) noster, apud quos summo in honore aliquandiu est habitus, commendat: id in eis reprehenderim, quod omnes canum esserum ac mordax nomen, quæ sola res tyrannos argueret, filiis indiderunt. Nam primus eorum Canis (b) cognomento senior, cujus humanitatis, virtutisque multa decora facinora extiterunt, vocitatus est. Alterum deinde Mastinum, (c) tertium item Canem, (d) cui avaritia *Rapidi* cognomentum dedit, appellavere. Ad Anonium (e) tandem civitas pervenit, virum solitarium atque impotentis animi, quem contra bellum cum Patavinis gerentem Dux Mediolani, qui sibi animo Italiam desponderat, arma movit; acieque victum per quinque militum, qui pedibus stipendia faciebant, prodicionem, civitate amissâ, Venetias fugere compulsi. Ita in hoc viro regendæ Veronæ fortuna, vitæ degendæ venenum finem fecit. Minime, inquam, mirum hunc suæ temeritatis scelerisque poenas dedisse, sibi enim ipsi excidium paravit; nam degeneravit a virtute superiorum, primum cæde (f) fratris, quem, ut solus regnaret, interemit, tum moribus Principe indignis: ut non fuerit iniquum, per scelus partum dominium, per ignaviam retentum, stulte amississe virum solitudini deditum, suoque consilio fidentem; quo accidit, ut dolo peditum, qui portæ urbis custodes prærant, proditus statu everteretur. Fertur postea custodibus solitudinem amicis, atque ad eam damna urbis amissæ

(a) Dantes. Nemo nescit Dantem Aligherium Veronæ apud Scaligeros, dum patriâ pulsus esset, se recepisse, honorificeque habitum, ut ille habet Cantu 17. de Paradiso.

(b) Canis. Hic magnus dictus, & imperavit Veronæ circa an. 1317.

(c) Mastin. Imperavit circa an. 1343.

(d) Canis Magnus. Illius epitaphia

habes apud Schraderum, monumentorum Italici pag. 330.

(e) Ad Anonium. Hic urbis habenas suscepit circa annum 1396. ultionus ex hujus familiæ Principibus. Corius parte 3.

(f) Cæde fratris. Bartholomæi, ut solus regnaret; sed vidus est a Joanne Galeatio, & Verona expulsi an. 1397.

referentibus respondiſſe, ſi unquam patriæ reſtitueretur, cubiculum ſe aulamque domûs decepi parentibus ſemper portis ornaturum, quo liber ad eum omnibus, nullo diſcrimine, aditus pateret, ne quid amplius ignoraret rerum ſuarum. Sed omnibus fere uſu venit ſtatu rerum deſectis, ut tum humanitatem, benignitatemque polliceantur, quum nullus eas requirat, in eandem inſolentiam moreſque redituri, ſi prior redierit felicitas, & fortunæ indulgentia. Hæc enim ſecunda magnam proſectio caliginem humanis offeit mentibus. Nunquam ſane ſe homines noſcere incipiunt, niſi illius beneficio deſtituti; eâ præſente, ſapientes prudenteſque cenſentur; ubi abſceſſit, tum ſtultitia apparet, olim felicitatis veſtibus conteſta. Abſunt adulatores, qui laudes augeant, abſunt qui obſervent verba loquentium, quique eorum vitia in virtutes vertant. Ita quum ſuo, non alieno ornatu conſpiciuntur, detegunt ignaviam ſtultitiamque multis antea involucris obductam. Tum Antonius: Omittamus, inquit, Principum vitia, quæ magis reprehendi, quam corrigi poſſunt. Sapientes enim pauci ſunt, ſtulti ſibi ſimilibus delectantur. Nos proſequamur fortunæ mutationem, quæ, cum acerba fuerit in evertenda tantæ familiæ dignitate, acerbioſiorem ſe tamen in Principibus Carrariæ dedit, poſt amiſſam urbem, etiam turpi vitæ exitu deformatis.

Patavium (a) urbs quondam opulenta ſuis legibus inſtitutiſque publicis vivebat, Imperatoribus parens. In ea Carrariæ familia diu primaria habita eſt, & ſuis civibus accepta. Eam civitatem Maſtinus ſenior cum Vicentinis bello cerrantem, per auctoritatem Imperatoris Henrici, quum ſubdiſſet, per cauſam ſupratæ poſtea a filio mulieris, ſeditione orta, auctoribus Carrariæ Patritiis, amiſit. In ea familia, regendi curâ aſſumptâ, urbem tenuit. In ea primus omnium dominatus eſt pater Franciſci, qui eſt ſenior appellatus. Hunc virum belli paciſque artibus præſtantem, & Franciſcus Petrarcha (b)

(a) Patavium urbi. De dignitate, amplitudine, vetuſtate hujus urbis, legendi Scardeonius, Pignorius & Uſatus.

(b) Franciſcus Petrarcha. Paſſim in ſuis operibus.

& res gestæ testantur; nam ob acceptam a Venetis injuriam, bellum adversus eos gravissimum omnium, quod unquam gessere, inito cum Rege Hungariæ Januensibusque foedere, excitavit, (a) quo & Tervisium a Venetis vi cepit dux belli peritissimus, cujus si consilia valuissent, actum de Venetis procul dubio fuisset. Pace (b) constitutâ bellum contra eum, quem paulo ante retuli, Antonium dominantem Veronæ movit, (c) quo fessus, cum Veneti in ultionem præteritorum temporum, neve ejus opes crescerent, cum Duce Mediolani foedus contra se iniissent, impar viribus succubuit. Ad Venetos Tervisium rediit; Franciscus, amissâ Patavio, (nam filius Florentiam ante confugerat) vivus ad Ducem, atque inde in carcerem perductus, mortem obiit, anno ætatis (d) sexagesimo. Ita egregius tum consilio, tum opibus Princeps, ob insensum Venetis animum, dum majora viribus aggreditur, cecidit. At vero sævior filium fortuna excepit, quæ ad jacturam amissæ civitatis, & filiorum quoque tristem interitum, & ignominiam etiam mortis adjecit. Franciscus, (e) is etiam fuit *junior* dictus, ultimus possessæ per plures annos urbis Princeps. Hic cum Patavium, vivo adhuc in carcere patre, per Florentinorum præsidium, & bello quod primum cum Mediolani Duce gesserunt, ab hoste eripuisset, per pacis deinde conditiones obtinuit, ut civitas, quam armis recuperasset, sui juris esset. Mortuo duce, (f) Veronam, captis An-

(a) *Excitavit.* De hoc bello Sabellius lib. IV. decad. II. in fine & lib. sequenti.

(b) *Pace constituta.* Narrat Sabellius initio decad. memoratæ Franciscum Carrariam a Venetis conferto prælio, victum fugatumque, pacem eâ conditione impetrasse, ut a Patavinis primum Veneto nomini quadraginta milia nummorum solverentur. Franciscus ipse, five ejus filius supplex coram Veneto Principe se fitteret, veniam petiturus. Additæ sunt aliæ leges, quas, si lubet, invenies ibidem apud eundem Sabellium. Initæ est pax anno 1381.

(c) *Movet.* Nam effecit, ut eo pulso, dominatus Veronæ in manus Galeatii

veniret anno 1397.

(d) *Mortem obiit.* Obiit Modoniæ, cujus corpus Patavium translatum est anno 1393. die 21. Novembris. Scardeon. de antiqui. Patav. in *Francesco Seniore.*

(e) *Franciscus Res Francisci junioris gestas,* & varios fortunæ casus, in hanc propemodum sententiam narrat Scardeonius, loco citato de Francisco Carrariensi juniore.

(f) *Mortuo duce.* Nimirum Joanne Galeatio. Porro Franciscus Veronam recepit anno 1404. quo anno absumpto veneno Guiljmo Scala, & filius ipsius in oppido Montisilicis carceri mancipatus, Veronæ dominus dictus est, donec

tonii filiis, qui urbem receperant, suæ ditionis fecit. Inde cum arma ad Vicentinos vertisset, irâ odioque in eum moti sese Venetis dedidere. Missi oratores, ut bello deditorum abstineret, interdixerunt, tum ob tutelam Vicentinorum, tum ne vires ejus, in quo parum fidebant, augerentur, id quod erat futurum rati, parum tutam societatem incremento vicini tyranni fore. Ita obstandum esse censuerunt, ne longius vires ejus progredierentur. Durum erat urbis jam conceptæ animo spem relinquere, durius cum validioribus certare. Inter spem metumque dubius, cum æquis conditionibus res componi posset, Bellum maluit. Hoc inferior viribus, cum annum amplius traxisset, primo Veronam, ubi alter ex filiis captus est, amisit; tum longâ obsidioge, in qua ad extrema ventum est, fessis rebus contractus, sese urbemque hostibus dedit, pactus vitam cum belli duce. Tum Venerias deductum, ac primo in custodiam liberam traditum, deinde, ne qua seditio ejus causâ inter cives oriretur, in sædum carcerem conjectum, haud multo post unâ cum filiis strangularunt, (a) fœdo ac turpi mortis genere. Egregias vero domos, multisque præclaris opibus nobiles, Veronæ alteram, alteram Patavii, haud parva Italiæ ornamenta funditus fortuna extinxit. Impar virium magnitudo, sed par vitæ exitus qui sequitur. Fuit Ortho tertius (b) ex familia nobili Parmensi, haud inferior inter eos, quos sibi Dux Mediolani ad gerendum bellum paraverat. Post ipsius obitum, cum inter primores Consilii orta seditio causam novandarum rerum disseminasset, ac quisque, prout armis poterat, sibi vires damno publico quæreret, Placentiam, Parmam, Rhegiumque cap-

rei indignitate commoti Veneti Verona prius eum spoliaverunt, qua ipsi potiti sunt an. 1405. Sarayna de origine & amplitudine urbis Veronæ.

(a) Strangularunt. Hæc eadem habet Scardeonius, qui Franciscum peremptum scribit an. 1406. die 7. Januarii filios vero in æstuaris necatos esse eadem nocte. Hæc eadem Sabellicus dicta decade.

(b) Ortho tertius. De Othone tertio scriptores pene omnes Blondus lib. 10. decad. 2. Corius part. 4. Pigon in Historia Principum Atestinorum lib. 6. Bonaventura de Angelis lib 3. qui tamen initio lib. 6. non fuisse Parmæ tyrannum contendit. A Blondo Ortho, Othobonus appellatur. Illud satis constat eum interfectum fuisse die 27. Maii anni 1409.

tas, multis mortalibus per speciem adveriæ factionis ad libidinem occilis, hostilem in modum diripuit, vir impotentis animi, ac superbi. Has veluti sedes latrociniorum cum sibi duum millium equitum præsidio nixus delegisset, proximos agros vastabat, prædas agens, nullo discrimine, neque jure servato. Multa ab eo crudelia facinora edita, varie homines cæsi, infantes ad parietes elisi, igni ferroque omnia rabidâ ac vesanâ mente vastata. Bello inde cum Marchionem Ferrariensem laceggeret, rapiendi cupiditate, agrumque Mutinensem multiplici clade assligeret, per causam fœderis ad colloquium evocatus, gladio peremptus occubuit, aliquando, licet tarde, tantorum scelerum poenas luens. Adjecit fortuna ad spectaculum suum etiam ludum Gabrini Cremonensis. (a) Is antea pedibus stipendia cum meruisset, occasione præbita, invadendæ urbis Cremonæ consilium cepit. Tenebat tunc Cremonam, post Ducis superioris obitum, familia nobilis, qui *Cavalcaboves* (b) dicebantur, primores civitatis semper habitii. In eadem educatus hic erat, suarumque partium semper habitus, vir spectatæ ad eam diem fidei: uni omnia credebant consilia, in eo spem unicam habebant, cum rerum suarum defensorem se habere existimarent. Hujus familiæ Principes, decem ferme numero, per speciem venationis ad coenam in castellum quoddam, cujus sibi custodiam crediderant, evocatos una omnes eadem nocte interemit. Inde ad urbem nequicquam tale suspicantem accedens, arcemque per speciem legationis ingressus, urbis tyrannidem invasit. Tenuit eam ultra quam tanti maleficii ultio postularet. Verum multos post annos, cum fortunam tyrannidis scelere partæ pertasum esset, bello victus a Duce, certo fœdere urbe ces-

(a) *Gabrini Cremonensis*. De Gabrino Fondulo multa habet Antonius Campus in historia Cremonensi, qui cum per multos annos crudeliter Cremonæ esset dominatus, demum à Philippo Maria Mediolani Duce, cum in manus ejus incidisset, capite mulctatus interiit an. 1424. Campus lib. 3. ad hunc an. Corius Histor. part. 4. Ejus effigiem

icone expressam adfert eodem loco Campus.

(b) *Qui Cavalcaboves*: Jacobus Marchio de Viadana, narrante Antonio de Campo in lib. 3. hist. Cremon. an. 1316 summo totius urbis Cremonæ consensu, imperium primus accepit. Apud eundem Campum de hac familia plura recensentur.

fit. Suspicionē postmodum, ne quid adversus Ducem novarum rerum moliretur, orta, a compatre suo ad prandium rogatus, cum annuisset, captus est atque in carcerem ductus. Fertur, cum dolum sensisset, non infacete dixisse: *Mea quidem cœna fuit, hoc autem prandium*, duplici proditione notata; & cœnæ, qua per nefarium scelus anno 1406. tot viros interemit; & prandii, quo ipse captus perit. Post autem veluti proditor poenas dedit; nam primò capite damnatus est, inde per membra distractus, diu ad portas Mediolani triste spectaculum fortunæ pependit. Equum videtur addere his iniquam sortem Ludovici Alidosii, qui urbem Imolam iusto imperio pro Ecclesia Romana à parente acceptam tenebat. Hanc cum annis tribus & viginti, defuncto patre, summa cum iustitia æquitateque administrasset, amabatur veluti parens a civibus suis, vir modestus atque integer, &, quod raro inter magnates accidit, multarum rerum doctrina excellens: dignum quippe existimabant, qui ad extremum vitæ secunda fortuna uteretur; sed illi aliter visum, cuius est maxima cura novas res semper moliri. Bello namque, quod tertius Dux Mediolani primum movit adversus Florentinos; cum suarum partium fautor videretur, nil tamen timentem (nullo enim belli munere implicabatur) latrones quidam noctu adorti, admoris scalis, arcem primo, deinde effractis portis, equitatuque Ducis intromisso, urbem cepere. Ludovicus, cum effugere potuisset, timens captæ urbi, per pacationem sese hostibus dedit, à quibus ductus Mediolanum, (a) atque incola carceris factus, immeritam vitæ sortem passus est. Multi in eo Ducis inhumanitatem carpunt, qui, cum etiam manifestis hostibus placabilis esset, Principem insignem virtute, dolo ac proditione captum, nihil hostile verentem, non bello indicto * hostem indigna contumelia carceris exceperit. Biennio exacto, laxata cu-

* *Intelligere*
tamen tanquam.

(a) *Ductus Mediolanum.* Contigit hæc Alidosii calamitas an. 1424. De Alidosiorum familia nonnulla habet Rubeus in *Histor. Ravennæ* lib. 7. qui scribit Ludovicum Mutinæ, post adeptam libertatem, diu visisse, induisseque Fran-

ciscanorum habitum strictioris, quam dicunt, observantæ, & Christianæ virtutis egregium specimen dedisse. Idem scribit Vvadingus in *annalibus Minorum* ad an. 1424.

stodia liber, cum, patriâ amisâ, egens & rerum inops ne-
 quicquam reditum in patriam tentasset, seu desperatione me-
 lioris fortunæ, seu cupiditate vitæ perfectioris, religione sump-
 tâ, in qua aliquandiu vitam humilem duxit, decessit e vita.
 Ferunt admonitum quondam parentis umbra, haud ignarum
 futuri periculi, nequaquam tamen urgentem fatorum vim
 exuperare quivisse. Nam ipse audivi a quodam ex ejus fami-
 lia minime vano auctore, qui diceret, qua die noctu urbem
 amisit, recordatum temporis a patre * præstiti, stationes in
 portis duplicasse, vigiliisque diligentiori cura egisse. Percon-
 tanti uni ex amicis quidnam id sibi vellet, narrasse ait, quem-
 dam olim ab se missum Ferrariam, haud multo post patris
 obitum, in ponte quodam non longius ab Imola, paternæ
 umbræ obviassè equo assidenti, aucupantis specie. Cum ob-
 stupuisset, compellatum se ab eo, jussumque bono animo
 esse, redire, ac nuntiare filio, ut sibi postridie eodem lo-
 co adesset, esse, quæ necessario communicare secum oport-
 teret. Cùm nuntio parum fidei haberetur, veritus insidias fi-
 lius, quemdam ex secretioribus suasu amicorum misit scisci-
 ratum, an vanus auctor extitisset. Et illum eodem loco ha-
 bituque, comperta parentis umbra, expavissè; culpata deinde
 filii incredulitate, vicem illius condolenrem dixissè: *Plura*
dicturus eram filio, quæ magni estimasset; hoc unum illi a me
nuntia, post annum vigesimum & secundum, mensem etiam,
diemque adjiciens, ni caverit, urbem amittere, posse tamen dili-
gentia id fatum averti. Rogatus ut iterum rediret, se eò filium
 adducturum, cum negasset sibi amplius colloquendi faculta-
 tem datam, disparuissè. Relata ad filium variis curis animum
 affecere, tum demum poenitenrem, vanum ab se nuntium
 existimatum. Demum die, qua fatalis nox imminebat, co-
 gitabundus urbem obequitans, ac ne quæ insidiæ fierent,
 circumspiciens, auctis custodiis, prospectisque omnibus, ad
 multam noctem vigilavit. Iude, cum se fato functum putaret,
 remissis magna ex parte custodiis, quieti noctis reliquum tem-
 pus dedit somno, vigiliisque confectos hostis aggressus, pau-
 lo ante diluculum urbem scalis cepit. Patuit ad arcem adu-
 tus,

* *Lezerem*
prædicti, aut
præstituti.

tus, quā congelata frigore aqua erat, * cum vigiles ab ea * An. 1424: parte securi viderentur, & ob id remissius custodias agerent. Eodem ferme anno & Brachii Perusini (a) spectaculum fortuna edidit, quem in summo veluti theatri campo, cum continuis belligerandi studiis conspiciendum, tanquam personatum quemdam Regem constituisset, una hora ornamentis omnibus, vitæque nudatum, atque abjectum destituit. Nulli hominum magis nostrā memoriā fortuna indulgit, in neminem plus contulit, adeo propitia suis votis, ut ea sola mundum regi, ejus arbitrio actus omnes nostros subditos esse palam fateretur. Vir magni animi, ingenioque prompto ad consilia ex tempore capeſſenda, extollebat verbis nostri temporis militiam, quippe qui eam priori disciplinæ & virtuti præferret: existimans hoc pacto fore, ut ampliora ejus gesta haberentur, cum in hac nova militandi disciplina præcipua laus sibi consensu omnium tribueretur. Et quidem sæpius acie cum hostibus confligit, nunquam adversam, nisi semel, cum occubuit, fortunam expertus. Perfacetus quidem fuit, quippe cum aliquando reprehenderetur ab se dictum, redacturum se adeo ad extrema Martinum Pontificem, ut duas Missas nummo argenteo diceret: *Atqui, inquit, miror credere homines hoc a me prolatum, qui ne pro decem quidem missis æreum nummum darem.* Erat in eo, prout in viro militari, nulla religio, nullus Dei neque timor, neque cultus, omnia fato fieri putante. Crudelitatem ejus multi arguebant, nonnullis, ex levi quandoque causa, vario crudelique mortis genere afflictis. Is nobili genere ortus, domo per civiles Perusinarum pulsus factiones, primo paucis equitibus stipendia meruit:

(a) *Brachii Perusini.* Brachii hujus, magni per ea tempora nominis viri, vitam & res gestas non multo post annos a Poggii obitu libris sex est complexus Joannes Antonius Campanus Episcopus Aprutinus, quos in Italicam linguam vertit Pompeius Pellinus. Fusa à Campano omnia narrantur, quæ breviter ac persuntorie a Poggio hic perstringuntur. A Martino V. excommu-

nicatur an. 1418. demum, dum Aquilam obsideret, perimitur. an. 1424, ut habent, præter Campanum, de mortis genere scriptores omnes. Campanus vero in fine vitæ ipsius Brachii tradit Nicolaum Fortebrachium, paucis post annis, Romam profectum, eaque occupatam, Brachii ossa collegisse, & in patriam detulisse.

4217.02

tum fide & industria, crescente militari virtute, alam equitum obtinuit. Deinde ob res egregie gestas dux tandem ab Johanne Romano Pontifice plurimorum equitum peditumque constitutus, multa facinora digna laude edidit. Post dejectum a Pontificatu Johannem, traditis oppidis, quorum custos relictus erat, receptoque a Bononienfibus stipendio, ac ea pecunia conducto milite, ad obsidendum Perusium, ut exules restituerentur (hi nobiles erant) proficiscitur. Obvium Carolum Malatestam, cum haud parvis equitum peditumque copiis a Perusinis in præsidium accipitur, commisso certamine, profligatisque hostibus cepit. Inde civitatem fame coactam ad deditionem compulit, adversæ factionis partium captis, partim expulsis principibus. Inde Assisio, Tuderto, multisque præterea urbibus, oppidisque ditionis Ecclesiæ receptis, animum auxit. Celebre erat apud Italos nomen ejus, ac vulgata bellorum fama. Fidens igitur armis, ac fortuna fretus, adjecit animum ad regnum Neapolitanum per bella intestina, & duorum Regum odia distractum. Quo aditus esset facilius, Bruttiorum caput, Aquilam obsedit, urbem validam, atque opibus refertam. Romano, quem maxime odebat, Pontifici minabatur, concitatis in eum nonnullis, qui per defectionem urbi bellum illaturi erant. Florentinos, quibus auxilium adversus Ducem, receptâ pecuniâ pactus erat, morâ eludebat, spe urbis, quam obsidebat, per famem, ad quam compulsi erant, potiundi, professus sæpius sequi se fortunam ducem rerum suarum, fatumque esse inexuperabile. Sed quam brevi & inanem spem & infidam fortunæ societatem sensit! Decimo post obsessam Aquilam mense, prælio cum hostibus, qui Martini opera ad liberandam obsidione, Aquilam concesserant, commisso, fuso fugatoque exercitu, ipse amissis fugiens signis, adversariorum telis confectus interiit. Ejus cadaver Romam allatum diutius extra portam inhumatum jacuit, objectum feris foedum horridumque visu. Ita vir nostra ætate belli pacisque artibus clarus, ad multa dux egregius, quæ pluribus bellis, laboribusque contraxerat, uno momento simul cum vita amisit: docu-

mentum sui exemplo tradens cæteris qui fortunam sequuntur, perleuem esse illius & instabilem fidem. Præterieram pene duos, longo tamen intervallo, satis illustres fortunæ alumnos, quorum prior extitit Johannes ^(a) Bononiensis, cognomento Bentivolus. Is * civis inter suos egregius, studiis certe * An. 1401. literarum, maximeque historiæ deditus, vitæ modestia prudentiaque inter primores civitatis habebatur. Tum per factionem dissidentium civium, favore populi, *Dominus* appellatus est. Biennio tenuit urbem, regio magis quam tyranni more institutoque, præcipuam curam ampliandæ, magnificandæque urbis gerens. Summa in eo erat humanitas, acce ingenuum, summa clementia, adeo ut compertos manifestæ conjurationis reos nulla graviore pœna multaret, quam ut urbe interdicerentur, non crudelitate, sed mansuetudine devincire cupiens cives suos. Sed, dum civium sanguini pepercit, sui effundendi appetitum adversariis dedit; nam tertio, quo senior Dux cum Florentinis, quibus Johannes fœdere junctus erat, bello certavit, prælio apud Bononiam commisso, profligato Florentinorum exercitu, capto duce belli, urbem vitamque amisit. Bononienses quidem, quibus nullus Italiæ populus sæpius Reipublicæ statum mutavit, gens iniqua, ad levem vocem præ cæteris Italiæ hominibus mobilis, rerumque semper novarum cupida, Ducis fortunam secuti, patefactis portis, exercitum ejus intra mœnia accepere, interempto eo ^(b) cujus indigni fuerant imperio regi. Sed nulla fortuna contenti animum instabilem gerunt, mentem inquietam, ut raro una in voluntate conquiescant, semper

(a) *Joannes*. Antonii Bentivoli filius qui dominatum Bononiæ cepit an. 1401. favore civium ac populi, propter egregias illius virtutes. Poggius in *Histor. Florent.* lib. 3. pag. 138. Corius part. 4. Ghirardaccius lib. 28. *Histor. Bononiensis*, & Pompcius Vizanus lib. 6. *Histor. Bononiensis*.

(b) *Interemptus*. Variæ sunt de mortis genere scriptorum sententiæ. Tradunt alii Joannem captum vinctumque, cum domo cujusdam ancilæ in Palatium

duceretur, detrusum ibidem in carcerem, postero die exanimatum repertum; alii vero, dum in platea fortiter dimicaret, multis vulneribus confossum ibidem cecidisse. Poggius, qui rem gestam proprius scire potuit, eum interemptum scribit, quod accidisse an. 1402. atque adeo illius imperium biennium integrum non durasse, relictis Antonio Galeatio & Hercule filiis, Vizanum, & Ghirardaccium allatis locis animadvertunt.

rerum præsentium conditiones pertæsi. Haud dissimilis exempli, sed vitæ sine dissimili secundus fuit Paulus ^(a) Guinifus Lucanus. Hic ex præclara satis domo cum diutius mercaturæ vacasset, tandem in discordia civili, fratre, qui eam moverat, interempto, urbem tyrannide oppressit, eam vi, armisque, aut civibus expulsiis, aut percussis metu, triginta annis tenuit. Tyranni mores per omnem vitam secutus, nulla fretus civium benevolentia, custodibus corporis armatis septus latera, si quando domo egrediebatur, incedebat. Raro cum civibus, nisi per interpretem colloquebatur, reclusus * per omne tempus vitæ, domique præ timore abditus. Nul- lum erat civitatis publicum consilium, nulla civium auctori- tas, nullæ leges, solus omnia pro imperio agebat, civium bona ad se cogens, omiſſa rerum publicarum cura, pusilli animi, ac remissi. Maxime vero ac detestandum in modum studuit avaritiæ, ut qui totius orbis fortunas ad se unum cum jam corralisset, parcus expensis, quærendo, cumulandoque vitam terens. Fœdus cum Florentinis, quo tutior ab insidiis tyrannus fieret, pepigit, quod male servavit vir fide dubia mobilique, ut qui semper cum hostibus eorum occultam so- cietatem iniret. Ea sæpius (neque enim occulta erant) compta, Florentinos tandem moverunt ad bellum ei us- tro inferendum. (b) Cum Ducis Mediolani subsidium implorasset, post octavum belli mensem per tumultum populi, suorum fraude excitatum, qui ejus thesauro inhiabant, di- reptis bonis, una cum filiis captus vinculusque Mediolanum deducitur, (c) ubi in carcere vitæ finem meritum excepit. Ita ex mercatore tyrannum, ex tyranno captivum varie fortuna

(a) *Paulus Guinifus*. Meminit de eo Poggius in *Historia Florent.* pag. 137. 254. 266.

(b) *Utro inferendum*. Motum est a Florentinis hoc bellum anno 1429. Poggius in *Histor.* lib. 6. pag. 167.

(c) *Deducitur*. Captus est an. 1430. & una cum filio ad Philippum Mariam Mediolani Ducem est missus, & misere in carcere perit. Poggius lib. 6. pag. 273. Blondus lib. 4. decad. 3. De ejus

morte, & ingenio Blondus decad. 4. lib. 1^o. S. Antoninus 3. part. Chron. Pog- gius *Histor.* Florentin. lib. 7. pag. 339. De anno & die mortis varia feruntur. Raynaldus, S. Antoninus, alique probæ notæ scriptores an. 1440. emortualem Vitelleschi constituunt. Ciacconius vero die 8. Aprilis an. 1439. alii malunt die 1. Aprilis an. 1438. vita functum. Præ- ferenda est eorum opinio, qui an. 1440. interfectum tradunt.

versavit. Tum ego plura, inquam, quæ narrasti, Antoni, per-
exigua videri possunt, & vix merita, quæ inter doctos refe-
rantur. Quamvis enim magnam fortunæ varietatem tulerint,
tamen perparvis multa in civitatibus, virisque emerferunt.
Majora vero quædam legentium animus quærit, parvi du-
cens quæ vidit; ad illa autem intentus, quæ & prisca sunt,
& cum voluptate leguntur. Nescio enim quomodo semper
existimentur ampliora, quæ audit auris, quam quæ oculis
cernuntur: credo quia fama sæpe mentitur, oculus judicat
ex vero. Tum prisca augustiora quædam putantur, semper-
que præterita commendamus præsentium tædio. Itaque ve-
reor, ne nostra hæc veluti jejuna ac tenuia spernantur. An
tu, inquit ille, ita insulsus es, ut omnia, quæ antiquitas iu-
lit, perinde atque ab illis narrantur, putes gesta magnifice,
& non multum decoris atque ornamentæ scribentium facul-
tate additum? Nonne meministi quæ Salustius de Græcis
sentiat, minora eorum gesta fuisse quam ferantur famâ? Sa-
ne priora illa populi Romani gesta, quamvis ab illo inclyto
patre historiarum Tito Livio magna dicendi copia ornentur,
tamen in multis exilitatem redolent, & quæ rebus gestis pu-
silla quædam in illis primordiis fuisse constat, scribendi ele-
gantia reddidit ampliora, ut pleraque legantur magis ob au-
ctoris gratiam omnium eloquentissimi, quam magnitudine
gestarum rerum. Quanta verborum majestate obsoleta illa an-
tiquiora extollit, quibus habetur veneratio quædam, cum
tam egregie narrantur? Quanta dignitate instructæ acies, exer-
citus ordines, certamina castrorum, atque urbium expu-
gnationes referuntur? Quanta cum gravitate profert consilia,
sententias patrum, conciones ad populum, orationes ad mi-
lites? quæ profecto, mihi ignarus rerum appareat, qui pu-
tet æqualia T. Livii eloquentiæ extitisse. Si quis hodie vidisse
se diceret, aut cum nudis hostibus confertas manus, prout
Gallos sæpius inisse pugnam accepimus, aut acerrimo in præ-
lio agmen aliquod inerme accensis facibus inter arma, &
ferrum in confertissimos hostes ad pugnandum descendisse,
aut equites detractis frænis equos calcaribus in aciem concit-

tasse, ubi passim, qua velint temere, non qua rector cupiat, vagentur. At vero hæc ita splendide magnificeque Livius eadem pugna ad Fidenas gesta commemorat, cum impetum factum, cum, pulvere fumoque excitato, ex oculis equorum hominumque ereprum aspectum, cum clamorem hostilem, cum bellantium stragem, cum vulnera & cædes narrat, ut pugnam Cannensem dicas. Mitto Ulyssem, de quo tam multa Homerus scribit. Mitto etiam Æneam a Virgilio nostro tam multis versibus decantatum, quorum (a) Italiam patriam, tanquam nidulum scopulis affixum, pendentemque Tullius ridet. Alter inops atque egens, una triremi, paucis cum hominibus, ad Italiam venit. Mitto Trojam, in qua expugnanda Græcorum vires decennio absumptas tradunt, cum eam ipsam ante paucis diebus Argonautæ una navicula ceperint. Mitto innumera ejusmodi scripta, Poëtis enim fingere orandi causâ licet; redeo ad historiam. Quis non simillima ludicris puerorum potius quam bellis dicar, si quis recenseat fuisse se in acie, in qua aut fugientes viros, uxores, nudatis femoribus, ostensis verendis, pudore in prælium redire compulerint; aut, moto servili bello, fustibus servos, quos armis nequiverint, in fugam egisse? Hæc & his similia multa cum abjectissima extiterint, auscultantur tamen propter elegantiam scriptorum, qui res minimas dicendi arte & copia ampliarunt. Possimus & nos, non ut illi tamen paulo uberiores esse, si aut ignota, aut remota procul ab nostra memoria scriberemus. Sed cum sint recenti notâ mentibus hominum impressa, si re parva verbis ampla redderentur, ut vani rejiceremur auctores, ac mendaces. Sed, ut libet, legentes judicent. Nos ad theatrum fortunæ revertamur, in quo quidam adhuc ejus ludi nobis spectandi supersunt. Atqui, inquam, Antoni, cum multos retuleris claros fortunæ casus, id mihi prætermisisse videris, in quo maxime versantur fortunæ vi-

(a) Cic. lib. 1. de Orat. ait: *Ac si nos, mortalitati anteponeret; quo amore tantum id quod maxime debet, nostra patria deleat, cuius rei tanta est vis ac tanta natura, ut Ithacam illam in asperissimis saxulis tanquam nidum affixam sapientissimus vir im-* dem &c. Facile intelligitur, an, quod de Ithaca Ulyssis Cicero dixit, id etiam ad Æneæ Italiam recte Poggius retulerit.

res. Pontificatus hic est Romanæ urbis, quem, cum sit longe omnium maximum inter Christianos Imperium, sæpe aut infimis hominibus, aut nulla aliqua excellentiori virtute notis, demandari videmus, ut in eis nihil aliud præter fortunæ violentiam, atque impetum valuisse constet. At in eis, inquit Antonius, stabilis fuit adhuc fortuna, præter Johannem Gregoriumque, quos paulo ante retuli. Fratres quasat ac nepotes, cæterosque, quos illi cum præter æquum supra naturæ vires efferre in altum nituntur, fortuna tanquam votis eorum adversa, illos ipsos, unde ascenderant, deducit, quandoque inferius locat, vanam Pontificum curam ostentans in his quæ sibi subsunt adversus arbitrium suum. Notum est tibi Urbani VI. Pontificis nomen infimo genere orti, cujus vesania temeritasque (motum enim mente, quo primum die Pontifex designatus est, præ gaudio tradunt) schisma in Ecclesia Dei excitavit. Nam elatus animo, impotens, atque asper, suo innixus consilio, præ nimio fastidio, contemptuque multos ad defectionem necessariam compulsi: neque modum ullum servans, & impatiens rerum, nepotem hic Butillum hominem ignavum atque insulsum, sine mente, sine virtute, ex stipite Principem facere cupiens, magnam cladem intulit regno Neapolitano. Tam multa enim perierat a Carolo, quem ad capiendum regnum exciverat animus extollendi nepotis libidine cæcus, ut maxima pars regni illi torpentis asino condonaretur. Una cura erat Urbano, una infixæ cogitatio, Butilli nepotis dignitas atque amplitudo. Id vigilans dormiensque animo versabat, deos hominesque fatigans, ut is magno imperio esset, cæloque æquaretur. Verum Carolo, tam multa necessario promissa abnuenti, bello indicto, regnum petiit; unde & fugatus est, diis hominibusque molestus, ut Butillus inter majores regni proceres haberetur, immemorque non solum majorum suorum, sed & omnis consilii expertus. Sed quam vana spe subnixum fortuna luse! Ridebat, credo, cernens illum æstuantem cupiditate, bellum molientem, imbellem atque inermem, cujus consiliis tam adver-

sus exitus esset futurus. Hunc Butillum, quem propter tot inanes curæ susceptæ, tot labores editi, tot pericula emensa erant, hunc, inquam, Butillum post patris obitum, cum rediret in patriam, mare superum (nam iter terrestris haud tutum ad regnum erat) cum conjuge, liberis, omnique familia bene suffarcatum, undique contractis opibus, duabus navibus ingressum, adversa tempestas haud procul a continenti, nullo superstite naufragii, absorbuit. Tulit unica procella omnes insanos Pontificis cogatus, tulit & ipse meritam tantæ ambitionis pœnam, vir vecors, sola fortuna insignis, quam, credo, nefas putasse, cujus causâ patrium solum tam multas calamitates subiisset, ipsum calamitatis experterem. Atqui, inquam, hunc Butillum subsequuntur, quos a Pontificibus ad cælum evectos, ad terram fortuna demersit. Nam Pontifices ipsos, præter admodum paucos, si recte animum advertas, quid aliud, quam fortunæ mirandam potentiam diceres? quos, tanquam Reges Ægyptios, ex infimo quandoque hominum genere, nulla in re præstantiores reliquis, immeritos atque indignos ad tantum fastigium sublatis, nostra sæcula conspexerunt, ut sæpius addubitare cogar, Dei ne providentia ac nutu tanta imperii moles, an fato casuque temere ducatur. Mitto hos, Antonius inquit, quos nefas est arbitrari, non ipsius Dei præcipua voluntate, ordineque rerum certo, qui nobis incognitus est, & eligi, & regi; qui, si mali aliquando fuerunt, certa id ac recta ratio statuit, cui acquiescendum puto, etiam si causam ignoremus. Hos igitur omittamus; nam alios suppeditat nobis fortuna, in quibus sermo noster honestius versari potest. Bonifacius Pontifex, qui Urbano * successit, haud deterritus exemplo superioris, non quidem adeo insanivit in fratribus, sed tamen omnes Provincias Romanæ Ecclesiæ eis subiecit, potestate rerum omnium tributa. Hi tanquam paternam hæreditatem nacti, arbitrio agendi pro voluntate assumpto, decernebant omnia, Pontificem etiam recusantem, quod placitum erat, cogeant. Si quid arduum erat factu, ceteris posthabitis,

ad

* An. 1389.
die 2. No-
vembis.

ad eos deferebant. Quæ danda, quæve essent accipienda, arbitrio eorum permiffum: fuæ valebant fententiæ. Si quando de rebus dubiis confultandum effer, nihil, illis abnuentibus, concedebatur, nihil negabatur petentibus; duo hi pro uno Pontifices habebantur. Incedebant magna caterva præcedentium fequentiumque, adeo inflati præfentium rerum felicitate, ut ipfam, qua ftabant, fortunam contemnerent, ignari quæ fata eos manerent. Admirabantur omnes tantam in fratribus illis indulgentiam fortunæ, quibus quicquid libitum effer, & liceret: beatos dicebant. quorum tanta erat auctoritas, & nomen celebre inter omnes. Optabatur fummis votis horum virorum fortuna, quæ tamen non minus ipsis fallax, quam fuperioribus fuit; cum eos, quos antea jam claros confpicuosque in fpectaculo ediderat, mæftos deinde ac fordidatos redderet. Mortuo quippe* Bonifacio, omnia in pejor verâ & immutata funt. Rejefti primum ab Innocentio Pontifice, amiffis, quæ ab Ecclefia tenebant, nullo in honore habebantur, deinde contempti deferrique, undique contractis fpoliis, adductisque, quas poterant, fortunis, abierunt Neapolim. Reverfos (ea enim patria erat) Ladiflaus Rex honoris fpecie, per emptionem oppidorum, pecuniis exhaustis; tum ereptis oppidis, fortunisque omnibus evertit; poftremo alterum in carcerem trudit nudum atque egentem, ubi extremum fpiritum infelicemque exhalavit. Alter profugus patria, inops, indignam priori dignitate vitam egit, abjeftam certe ac contemptam, ut qui condonato victu animam traheret: quem etfi plures meritam ultionem prioris faftûs ferre credebant, tamen commiferationem incutiebat tanta rerum commutatio. Multi, qui prioris fortunæ meminerant, egeftatem levabant. Ita paucis poft annis mendicitate confectus diem fuum obiit. Licet his joci magis, quam hiftoriæ gratiâ (libri etenim hujus finis videtur pofcere remiffionem quandam a fuperiorum exemplorum acerbitate) addere duos, quos paulo ante vidimus, vifimusque tanquam adumbratos fortunæ coloribus, viros ignavos arque infufos, Sulmonenfem unum, alterum Mediolanenſem. Eft apud Pontifices permagna (hos

* Anno 1404.
die prima Octobris.

sibi pro voluntate deligunt) auctoritas, potentiaque eorum, quos *Camerarios* appellant; quippe rebus omnibus præsumt, in quibus de pecunia agitur, quæ maxima est ipsorum & præcipua cura. Insuper civitatum oppidorumque omnium, quibus Ecclesia Romana imperat (secundus is a Pontifice habetur locus) summum jus, imperiumque habent. Sulmonensem Innocentius stolidum, somnolentum, nunquam sobrium, semper stertentem, quem omnes phaleratum asinum dicebant, *Camerarium* fecit, tanta inflatum ambitione ac pompa, ut se omnibus præstare dignitate, auctoritateque existimaret. Hunc, Innocentio * haud diu post defuncto, e statu rerum dejectum summa egestate, atque inopia pressum, *Hospitale novum*, cum se Florentiam contulisset, recepit, ubi & defunctus est, Mediolanensem, vilissimum sacerdotem, levem, vagabundumque, eodem officio, Alexandri Pontificis stultitia, functum, rem indignissimam omnium, quas unquam infania hominum tulerit, conspeximus. Egrediebant homines locum insignem, qui egregiis viris demandari solitus erat, ab inertibus & rudibus teneri, qui tantum dignitatis onus, nedum sustinere, sed ne aspicere quidem possent. At ego hunc postea, cum alienam personam, defuncto Alexandro *, deposuisset, privatum, inopemque in ecclesia Vicentina cantoriam artem per causam quæstus exercentem conspexi, ridens persæpe mecum personati dudum hominis effigiem, & cum cui omnes quondam assurgere, caput detegere, interque liëtorum ac ministrorum catervas ambulanti, via cedere solebant, cuius nutu tam multi parebant, qui post Pontificem summam ditionem tenebant, vilem quemdam ridiculumque sacerdotem. Tum ego; Monstra, inquam, terrarum, & hominum portenta sunt, quæ plerique Pontificum orbi pariunt, dum suis transmutationibus Ovidii fabulas superant. Belluas enim reddunt, quos * proximis haberi volunt, magisque hæc, quæ oculis cernimus, quam quæ legendo comperimus, videntur miranda. Desides quippe, inertes bustuarios, quos potius prodigia rerum, quam homines dicas, stupidi cordis, ac mentis ignava, dum suis indulgent passionibus,

* An. 1406.
die 6. Novembris.

* An. 1410.
die 3. Maii.

* *Legem* proximis habere volunt.

ea in basi rerum locant, unde stultitia eorum late possit conspici; neque enim, quamvis magni, adeo felices sunt, ut fortuna omnino stultitiam tegat. Non est, inquit Antonius, Pontificum magis quam Regum, Imperatorum, Ducum, Principumque ea mentis pravitas, qui contemptissimos quosque, neglectis industriis doctisque viris, ad negotia publica privataque asciscunt, saginantque: inde, mutata voluntate, abjiciunt eosdem, ac conculcant. Non est hujus temporis referre spadones & eunuchos apud Assyriæ quondam Reges summis imperiis usos. Imperatorum certe Romanorum servi Regibus sæpe præferebantur. Tiberius Claudius libertorum consilio vixit, quorum jussu uxor est capite cæsa, concessæ Provinciæ, Reges dicti. Quid de nostris loquar Regibus, Principibusque, quorum aulæ fatuis ac ridiculis replentur? Ea licentia stultitiæ concessa, quam prudentia assequi non potest. Vidimus ab uno ex Principibus quendam coquum, quod crepitus ventris sonoros pergrandesque edebat, in deliciis habitum, atque ab eo summis divitiis & opibus ditatum. Is sapienti viro, aut modesto nihil tribuisset; stulti enim sapientiam oderunt, neque, quod ipsi percipere non possunt, in aliis volunt conspiciere. Sed finis sermoni nostro adhibendus est; satis enim locuti sumus de fortunæ inconstantia, quam si homines nossent, cautius illi porrigerent manus. Tutissimum quidem est raram coïre cum rebus suis societatem, cum munera ejus insidiis sint referta. Nulli profecto stabilem se promittit, nulli fidem suam pollicetur, nisi ea conditione, ut, cum libuerit, abire liceat. Stulte nimium multi de ea queruntur, cum neminem fallat, nihil agens in occulto, sed palam exequens jurisdictionem suam. Toties experimentum sui fecit, toties in scena luit, toties præclaris exemplis mortale genus admonuit sortis suæ, ut nullus eam calumniari, nullus accusare merito suo possit. Tanquam viator prodit ostensas merces suas, earumque pretium, ut nemo se decipi ignorantem dicat, nullum ad emendum ab se quidpiam compellat. Libram dat facultatem capiendi, recusandique quæ exponuntur,

84 HISTORIÆ DE VARIETATE

legem quoque proposuit, quam ubique promulgavit, nihil ab se perpetuo donari, sed commodari ad certum tempus. Itaque non decipit illa nos tam nota hominibus, sed nos stulti atque infani, qui eam supplices laceſſendo precibus fatigamus. Hæc cum dixisset, surreximus.



LIBER

TERTIUS.



ERUM externarum vices versare eam, quam vulgo fortunam vocant, superioribus exemplis, quæ nostra ætate usque ad Martini Pontificis obitum provenire, satis pro viribus ingenii explicatum puto. Ad quem si quis mentem paulo æquiores adhibeat, & intelliget profecto verissimam esse illam Salustii sententiam, qua voluit omni're fortunam dominari, & simul cognoscet maximam esse hominum dementiam, qui cum ipsis fere manibus comprehendant, in hoc tam celebri fortunæ theatro, tam frequentes ejus mutationes, tam varios rerum casus, tamen proni cæcique, & veluti inermes ad hoc tam durum certamen descendunt, relictis veris animi bonis, in quibus nullum possidet jus fortuna. Et profecto moderatius temperatiusque suas cogitationes proferre, & consultius illius munera appetere homines deberent, cum videant ejus impetus tam sæpe evertere spes nostras, consiliisque ac studiis anteire. Sed nulla ratio, nulla exempla nos terrent, quo minus per ambitionem honores, opes, imperia, bona certe fortuita, virtuti & rationi anteponamus. Ita hominum vefania auctoritatem tribuit fortunæ, & horrendam * fecit. Atque ego, cum superiori sermone, qui nobis cum Antonio Lusco fuerat habitus, finem scribendi ab initio constituissem, quanquam multa videbantur impendere, in quibus fortunæ licentia evagari posset, nequaquam tamen tantam rerum eversionem fore putabam, ut tam multa superioribus essent adjicienda. Nam quis unquam putasset aureum illud sæculum, quod nobis Martini restituit prudentia, in extre-

* Fortasse honorandam.

nam versum iri perniciem & calamitatem? Pax, otium, quies, tranquillitas, iterum ad urbem securitas, quod nunquam antea meminimus, Martini principatu vigeant. Summa in Pontificem subditorum fides florebat, urbs Roma, & quæcumque Ecclesiæ subditi erant, in ejus potestatem ditionemque redactæ, pace atque otio fruebantur. Singularis obedientia in eum, & Christianorum unitas, quæ brevi omnia, siue hominum, siue temporum culpa commutata sunt, & ad stragem, perniciemque conversa. Pro pace bellum acerrimum excitatum est, otium in labores, quies in lassitudinem, copia in inopiam, securitas in insidias & discrimina, obedientia ac fides in defectionem commutata, non solum principatum Ecclesiæ, sed Italiam quoque variis cladibus affligere. Martini egregii ad omnia Principis, si avaritia, qua tamen nemini nocuit, caruisset, mortem plurima ostenta, quo die * obiit, portenderunt. Ut enim omittam bubonem, qui plures menses in Quirinali colle ædibus suis propinquo carmen leihale noctu cecinerat; quatuor, quæ solius Pontificis cura dicata sunt templa, Petri videlicet ac Pauli, sancti quoque Spiritus, & item Lateranensis Basilica, disiectis campanis, aditus etiam, qui appellantur *Sancta Sanctorum*, de cælo tacta. Eclipsis (a) quoque solis, octo diebus ante, signum mortis hæud obscurum fuit, ut plane constet magnorum virorum curam cælestibus esse. Nec vero secus Eugenii IV. (b) qui Martino successit, dura & turbulenta tempora, compluribus ad ruinam & vastitatem spectantibus prodigiis, portenta. Primo post susceptam Tiaram Consistorio, tantus tamque improvisus homines terror, tumultusque ex suspitione labentis aulæ (frequens enim multitudo convenerat) subito oppressit, fugientibus omnibus

* An. 1431.
die 20. Fe-
bruarii.

(a) Apparet sanctum Antoninum deceptum, dum scribit 3. part. Chronic. pag. 519. Martinum vitæ functum quâ die *eclipsim passus naturaliter est sol*: nam ea eclipsis contigit die 12. Februarii an. 1431. uti rerum Romanarum diaria, Stephani Insissuræ & Pauli Benedicti Colz testantur; atque ita cum die 20. Februarii Martinus obiit, recte eclipsis octo

diebus ante a Poggio refertur. Apparet etiam a S. Antonino deceptum Labbeum Cronolog. hist. part. 3. pag. 335. dum scribit Martinum obiisse die 20. Februarii, quo die solis eclipsis contigit.

(b) *Eugenii IV.* Eleclus est Pontifex an. 1431. V. Nonas Martii, & sacra Tiara redimitus IV. Idus ejusdem mensis.

ad portas aulæ, atque aliis super alios ruentibus, ut permulti varie colliderentur, quidam efferrentur pro exanimatis, & Episcopus (a) Senogalliæ ex pressura exhalaret animam, licet válido corpore ac robusto; sædum quippe visu spectaculum, ac miserandum. Vidi ego in propinqua aula sedens complures, & in his duos Cardinales aliorum manibus tractos, facie squallida, corpore contracto, veluti semianimes, cum paulum respirandi locum quaererent. Urbis deinde mœnia, inter Pincianam ac Salariam portas, amplius ducentis passibus, a solo noctu corruiere. Haud multo post sepulchri Hadriani, quæ nunc arx est præcipua, quarta pars ambitus exterioris ad septentrionem vergens, integra ad eam diem, nullo impulsore, collapsa est. Res admiratione admodum digna; speciosum quippe erat inspicere marmoreos lapides instar molis ad terram stratos, quos postea indignari sum solitus frangi ac comminui, ad usum calcis ob ejus muri instaurationem. Bobus compluribus, iisdem ferme diebus, Viridaria porta prope Petri Basilicam e pascuis redeuntibus, unus, relictis cæteris, extremo cursu veluti asylo ductus, Basilicam ingressus est; inde eliso graviter obvio sacerdote, cum altare majus petiisset, ad secretiorem quemdam aditum, in quo ænea Petri imago resider, nequaquam remissiore cursu concessit; & cum vendentem in eo loco candelas mulierculam, mensamque ejus cornibus subvertisset, progressus alia parte Basilicæ tanquam furibundus, alio quodam presbytero ad terram prostrato, ad armentum rediit, quod dirum monstrum multi existimantur. Alter insuper inter cæteros a cultura agri vesperi redeuntes boves, cum templo M. Agrippæ appropinquasset, seorsum digressus, marmoream columnulam terræ affixam, in qua Romani populi signa sculpta sunt, erectis anterioribus super eam pedibus coëuntibus subagitavit. Hæc pluribus diebus, ea-

(a) Episcopus Senogalliæ. Nimirum Franciscus Mellinus Romanus sepultus est in xde D. Mariz ad Populum, in cujus sepulchro leguntur hæc carmina mortis genus exprimentia, quæ refert Ughellus:

*Sæcra Senogalliæ Francisci anisistis ossa
Hoc sita sunt tumulo Mellina e gente creati.
Hic sapiens fortisque pater cultorque decoris,
Pacis amator erat, & servantissimus aqvi.
Occidit Eugenio tranquillo intempore Quarta
In Confessorio, dicto mirabile, primo.*

dem ferme hora rediens, cum egisset, neque ab ea re vocibus acclamantium (nam plurima turba, re vulgarâ, in dies ad id spectaculum conveniebat) deterreretur, tandem a patrefamilias (dira enim urbi videbantur portendi) interfectus est. Ejusmodi sinistris ominibus multos mortales haud injuria perterritos, & tum urbi, tum Ecclesiæ imperio, tum sacerdotio omnia adversa augurantes, nequaquam opinio fefellit. Nam raro tantam Provinciis Romanæ Ecclesiæ vastitatem, tantam calamitatem hominibus, alterius attulit Pontificatus. Bellis quassatæ atque afflictæ regiones, vastatæ urbes, disjecta oppida, populati agri, itinera latrocinii infesta, multa igne ferroque absumpta, ad quinquaginta amplius loca aut diruta, aut fœde a militibus direpta, nullum genus sævitæ effugerunt; plures, dirutis oppidis, pro servis venundati, nonnulli in carceribus enecti fame. Romam ipsam diutino bello afflictam, amissis fortunis, omni spe subsidii destitutam, novæ res moliri, & a Pontifice desciscere desperatio coëgit. Urbs Spoleterum, opulenta quondam, ac viribus potens, adversa arci, quam oppugnabat obsidebatque, cum diutius bellum sustinuisset, tandem proditione capta, & hostili furore direpta. Assisium quoque urbs eamdem fortunæ sævitiam experta, militari libidine everfa, & plura in Piceno oppida præda militi extiterunt. Tantorum causam malorum quidam in ipsum Pontificem, ut bellorum cupidum rejiciunt; quidam consultores (nam ipsum paci consulentem afferunt, aliorum suasu ad bella impulsus) culpant. Ego in eo plures virtutes fuisse cognovi, sive veræ fuerint, sive, ut multi obijciunt, fictæ. Id quidem, sive hominum, sive temporum vitio tribui placet, satis constat, nullo superiorum Pontificatu, adeo malam fortunam subditos Ecclesiæ Romanæ fuisse expertos. Quibus de rebus cum mihi nuper cum Carolo Arentino viro doctissimo sermo incidisset, qui difficultates horum temporum querebamus: cur tu, inquit, qui quorundam superiorum hominum fortunam fortuitam uno libro complexus es, ita & hæc recentiora, digna certe quæ posteris tradantur, non mendas literis? Vereor, inquam, ne vel minutiora

nutiora videantur quædam iis, qui magna legere consueverunt, vel nonnullis (nam veritas solet odium parere) displiceant. Pluribus quoque scribendi libertas infensa est, historiarum vero lex, ut nosti, res veras exposcit, in qua mentiri nefas est, verum reticere, vanum ac leve putatur. At ea, Carolus inquit, a te scribi volo, quæ parvam offensionem contrahant; non enim aliqua prætereundo, sed minus cognita, atque incerta pro veris narrando, culpam scriptores subeunt, quos tamen ipsos scimus multa multorum sapius & vitia & virtutes ad gratiam prætermisisse. Quod item tibi, si vereris tempora, censeo faciendum. Obsequar igitur tuo, inquam, consilio, ea tantum, salva veritate, comprehendens, quæ Martini obitum sunt secuta. Initium vero scribendi sumetur ab Eugenii Pontificatu, quem simul ac iniit, duorum Cardinalium, qui privatas offensiones communi bono præferentes, sua odia Pontificis potentiâ ulcisci volebant, culpâ, ac casu, de inferendo Martini nepotibus bello cogitavit. Nonnulli eum facillime impulsum ad id credunt, objecta spe potiundi thesauri, quem Martinus (is erat apud nepotes) comparaverat. Hoc multi consilium satis culpant. Nam cum pace uti posset (re viris bonis maxime quærenda) bello se implicuit minime necessario, ex quo multorum ruinam, & Ecclesiæ hujus nostræ plures calamitates subsecutas videmus. Dux igitur ad id bellum Jacobus (a) Caudola ex regno accitus, vir fide dubia, & qui sæpius ab sociis ad hostes descivisset. Sed e vestigio infidus animus, pecunia grandi corruptus, cum

(a) *Jacobus Caudola*. Accivie cum Eugenius an. 1431. e Neapolitano regno, quando misit Joanna Regina copias subsidarias Pontifici; sed Columnenses eum pecunia corruperunt: itaque defecit. Confirmant Poggii sententiam literæ Eugenii, quæ hac de re indicantur a Raynaldo ad an. 1431. n.º 11. id etiam confirmat Blondus lib. 4. decad. 3. Fordam hanc turpemque defectionem, eum intellexissent Veneti & Florentini, Nicolaum Stellam vulgo *Tolentinatem* dictum in auxilium Pontifici mi-

serunt. Rem totam narrat Eugenius ipse in literis, quibus Hugoni Episcopo Prænestino, Legato in Campania tunc creato, potestatem satis amplam confert; nam refert Antonium Columnam Salernitanum Principem, ingenti copiarum numero ad urbem accessisse, sed a Populo Romano pulsam, ac demum conatus omnes Columnensium adventu Nicolai concidisse; de quo mox Poggius, & confirmantur eadem a Blondo lib. 4. decad. 3.

magnum hostium exercitum duxisset, relicto, ne dicam, prodito Pontifice, ad hostes transit, ea tamen conditione, ut bello inferendo abstineret: quæ res causam præbuit componendæ pacis. Inde Nicolao Stella, qui ea tempestate civitatem Castelli (prisci Tiphernum appellant) cum haud contemnenda equitum ac peditum manu oppugnabat, duce copiarum constituto, urbis præfecto, ob initum ab eo cum Martini nepotibus superiori tempore foedus, bellum intulit: quo paterna hæreditate, amissis plurimis oppidis, pulso rursus a Nicolao, qui Vetrallas oppidum, invito Pontifice, occuparat, bellum asperrium excitatum est. Nam fidei parum constantis cum multa a Pontifice se indigna contenderet, tandem sentiens ducem se adversus alium præparari, ne interciperetur, relicto Vetrallis præsidio, Castrum novum, quod Columnnensium factionis erat, petiit. Eo relicto, cum in agro Comitum Urbini concessisset, validiore coacto exercitu, urbem versus rediens, Sutrii suburbium, quod ipsam civitatem æquabat, vi captum, ac direptum, igni ferroque vastavit. Castro deinceps novo iterum occupato, ad urbem inopinato noctu profectus, ut de improvviso Pontificem caperet, tantum omnibus terrorem incussit, ut Pontifex, relicto Vaticano, primum ad Adriani sepulchrum, deinde postero die in urbem confugeret. Nicolaus ponte Milvio per ignaviam custodum capto, cum in agrum Latinum transisset, ingenti pecorum, hominumque præda abacta, Tibur per intestinam factionem recepit. Inde Sublacense, pluraque ejus regionis oppida in potestatem ejus redacta. His & Flasconis civitas, & ea quæ Præfecti fuerant castella, adjiciuntur. Urbs Roma obsessæ similis erat, cum neque egredi, neque ingredi tuto homines possent. Hoc rerum turbine circumventum Pontificem * major belli moles aggreditur. Franciscus (a) Catignolæ Comes, qui

Anno 1433.

(a) *Franciscus Catignole Comes*. Franciscus Sfortia præclarus ob Mediolanensem Ducatum hæreditate partum. Is suadente, imo impellente Philippo Maria, specie in Neapolitanum Regnum proficiscendi, in Picenum primum se

contulit, ubi plures urbes occupavit. Quare Eugenius ne urbi aliquod malum ille portenderet, pacem petiit. Blond. lib. 5. Decad. 3. S. Antoninus. 3. part. tit. 22.

in agrum Flaminium cum mille & quingentis equitibus ex citeriori Gallia descenderat pacato similis, cum per simulationem petendi regni Neapolitani aditum per Picenum a Pontifice, data fide nihil se moturum, impetrasset, nil tale suspicante Eugenio, Picenum omne, oppido satis opulento, quod imperium abnuerat, prius direpto, subegit. Romam deinceps versus proficiscens, nequicquam tentatis ad defectionem Spoletinorum animis, subactisque, partim vi, partim metu, Interamna, Tuderto, Amelia, Suriano, Toscanella, pluribusque Ecclesiæ Romanæ oppidis, ad Mallianum, id est in Sabinis, castra posuit. Nemini dubium erat quin, si propius urbem exercitum admovisset, magnos in ea ex timore motus esset excitaturus; paci enim quam bello, quo diutius defatigati erant Romani, consulere maluissent. His difficultatibus coactus Pontifex, legatione missa (a) ea, qua tempora postulabant, conditione, * pacem pepigit. (b) Paucis enim restitutis, cætera, in quæ & Picenum, Comiti cedere; ipse Vexillifer Ecclesiæ constitutus. Romani interim variis jactati bellorum casibus (undique enim ab hoste acerrimo vexabantur) spe subsidii aut fortunæ melioris destituti, necessitate quadam desciscences à Pontifice, se in libertatem vendicant. (c) Verum, cum parum consilio, minus opibus valerent, neque modum libertati, ut rei insuetæ, statuerent, turbulenta consilia, & in his de capiendo Pontifice agitabant. Quod simul ac persensit Pontifex, (d) re cum secretioribus communicata, unicoque viæ assumpto comite, Soldani nomine, ve-

An. 1434.

(a) *Legatione missa.* Ad Sigismundum Romanorum Imperatorem, & ad Venetos.

(b) *Pacem pepigit.* Narrat Blondus in titulum Marchionatus Francisci Picenum tributum, decad. 3. lib. 5. In Regesto literarum Eugenii apud Raynald. aliæ passionēs leguntur.

(c) *Se in libertatem vendicant.* Id evenit dolo Nicolai Fortebracci; nam cum ille prædas circum Viterbium egisset, Romani, seditione conflata, in Capitolium con-

currentes, libertatem conclamant, & ab Eugenio Franciscum Cardinalem Condulinerum nepotem poposcerunt obfidem. Blond. Decad. 3. lib. 6. in principio.

(d) *Persensit Pontifex.* Eandem ab urbe Eugenii fugam ipsismet propemodum verbis describit Blond. cit. lib. 6. qui enarrat etiam ea omnia, quæ in itinere contigere. Ingressus est Florentiam Eugenius IX Kalend. Julii in Vigilia sancti Joan. Bapt. ut liquet ex literis hac de re

ste monachi, equo ad Tiberim devectus (haud enim longius a flumine habitabat) naviculam cum ascendisset, secunda aqua Ostiam devehitur. Ibi longam Florentinorum navim ad id præparatam ingressus, Pisas primum, inde Florentiam venit. Eorum qui Curiam sequebantur, varia fortuna fuit: omnes calamitatibus oppressi. Major pars parvulis navigiis Pisas petens a Corsis piratis intercepta, bonis amissis; aufugit, alii terra abeuntes, admodum vexati Florentiam petière. Ego penes Narniam in prædonum manus incidens, præter jacturam captivitatis, pretio redemptus. At ubi Florentiam ventum est, respirari a continuis curis, & belli tumultu cœptum. Divertere paulum libet a fortunæ commutatione, & rem haud vulgarem, sed memoria colendam, paulo altius repetere. Bello, quod * Florentini adversus Lucanos gerebant, cum Sigismundus Imperator ex Germanis Romam iturus, Mediolanum, Ducis operâ, qui favebat aperte Lucanis, venisset; * Lucam, Ducis suasu, adversus Florentinos concessit, cum duobus millibus equitum, quos secum eduxerat ex variis gentibus quibus imperitabat. Inde Senas concessit, ubi inito cum Eugenio fœdere, ut sex millia aureorum in singulos menses, quoad Romæ esset, darentur, ad suscipiendam de more coronam (a) ad

* An. 1430.

* An. 1431.

ab Eugenio ad Joannam Reginam Neapolitanam ea die scriptis.

(a) *Ad suscipiendam de more coronam.* Describitur ab auctoribus illius temporis solemnitas qua Sigismundus anno 1433. Imperiali corona est redimitus. Ritus, annus, & dies diligenter annotantur a Paulo Benedicto relato a Raynaldo ad annum 1433. n°. 14. Dies enim huic celebritati destinata fuit ultima Maii. Urbem ingressus erat Sigismundus die 21. ejusdem mensis, & ad eam Basilicæ Vaticanæ opperienti Pontifici pedes est deosculatus, rem hanc enarrant sancto Antonino part. 3. tit. 22. cap. 10. § 1°. in hæc verba: *In gradibus Ecclesiæ B. Petri, cum solenni apparatu, & comitiva consensu Eugenio Imperatorem genibus flexis pedem osculante ad osculum eius reverenter excepit.* Blondus paucis rem totam exhibet

lib. 5. decad. 3. *Ingressum, inquit, ad diem Kalendarum Juniarum undecimam, populus Romanus illius maxima deduxit pompa, & Pontifex ad scalas usque Basilicæ divi Petri cum Cardinalibus & Clero obortus comiter excepit, ac pridie eorundem Kalendarum, sollemnissimis ceremoniis coronatum Imperatorem Augustumque appellavit.* Sigismundus anno 1431. sacra corona Mediolani redimitus fuerat ab Archiepiscopo Bartholomæo Capra; sed mirum est de mense, quo eam suscepit, non convenire Blondum, adducto loco cum litteris ipsius Sigismundi hæc de re datis ad Julianum Cæsarinum Cardinalem S. Angeli apud Raynald. ad an. 1431. n°. 31. in his enim scribit Imperator, *se ipso festo sanctæ Catharinæ Virginis proxime præteritis, hic Mediolani in domicilio S. Ambrosii, majorum nostrorum imitando vestigia, Regium diadema assumpsisse.* datæ

urbem proficiscitur. Ea apud Basilicam Petri a Pontifice sumpta, inter populi acclamantis voces, solemnī pompa ad Basilicam Lateranensem defertur. Celeberrimus is dies, atque insignis novo atque insueto spectaculo (non enim id actum antea meminerant homines) fuit. Qua de re edita est a nobis ad Nicolaum (a) epistola. Id vero haud silendum videtur, hunc unum, cum cæterorum Imperatorum ad Italiam, atque urbem, plurimo cum exercitu adventus, magnos semper bellorum motus excitent, parva manu, pacato similem, præterquam quod cum Lucanis sensit, nullo suo sumptu, Italorum impendio coronam Imperii assecutum. Hac recepta (b) renovatoque cum Eugenio fœdere, ac data fide sē Pontificis partium adversus Basileense Concilium, in quo jam de abrogando Pontificatu semina jaciebantur, futurum, ad Germanos via Flaminia rediit. Vir profecto singularis humanitatis, procul fuit ab omni crudelitate, adeoque expensis profusus, ut prodigus esset. Nunc ad fortunam Pontificis redeundum, qui, postea quam Florentiæ (c) constitit, rebus in melius compositis, Comitis Francisci auxilio, urbem primo, inde oppidum Flascōnem, cæteraque, quæ Nicolai quondam impulsu defecerant, in ditionem recepit. Pace deinde cum Mediolani Duce, d quos inter simultas magis quam bellum erat, Venetis, Florentinisque auctoribus, qui & ipsi ad pa-

sunt litteræ Mediolani die 11. mensis Decembris, regni Hungariæ XIV. Romani XXII. & Bohemiæ XII. Blondus autem scribit, *per sextam Kalendarum Januarii diem, ferruā coronā Mediolani Sigismundum coronatum*. Ego vero puto mendum subesse in mense assignando, & fortasse Librarium culpā, cum pro Decembris *Januarii* scripserint, & pro septimo Kalendas, sexto adjecerint.

(a) Nondum mihi licuit inter Poggii litteras hanc ad Nicolaum de hac re editam epistolam invenire.

(b) *Hæc recepta*. Anno scilicet, ut diximus, 1432. fœdus jam inirum erat Senis, dum ibidem moraretur una cum Eugenio Sigismundus. Hujus conditiones & leges fuerunt, ut Imperator Ponti-

fici juxta Cæsarem consuetudinem fidei formulam juraret, Hæreticos excisurum, promitteret ditionem Ecclesiasticam non invasurum, & studium adhibiturum pro servandis Romanæ Ecclesiæ juribus: quibus adde, quæ Poggius indicat de Concilio Basileensi abrogando. De hoc fœdere vide plura apud Raynald. anno 1433. n°. 13.

(c) *Florentia constitit*. An. 1434. ut diximus, scribit Blondus lib. 6. decad. 3. postquam incolumis Eugenius Florentiam pervenit, Romanos impietatis penas luisse.

(d) *Cum Mediolani Duce*. Sancitum est fœdus multis conditionibus, quas leges ex ipso Blondo apud Raynald. ad an. 1435.

cem accesserant, inita, ex sœdere Imola, & quibusdam Bononensium oppidis restitutis, Bononia, ^(a) quæ antea a Martino Pontifice defecerat, in potestatem redacta. Eò cum ^(b) se contulisset Pontifex, paulo post Franciscus Forum Livii, quæ a Pontifice defecerat, ad deditiorem compulit. Parvo tempore tribus civitatibus receptis, exulcerato ^(c) pristino in Franciscum a quibusdam odio, quod apud memorem injuriarum animum haud erat difficile, de profligando, capiendoque eo; (nam prope Bononiam decem millibus passuum castra habebat) consilia inita, auctore lanista * perfido Balthasare Auidia, cujus auctoritas in consulendo plus poterat, quam erat Pontifice dignum. Is, comparatis per alterius rei causam pluribus electorum equitum turmis, adoriundi de improvviso Francisci, dissimulato consilio, sibi partes suscepit. At ille ^(d) detectis per eos ipsos, qui eas fabricaverant, insidiis, cum haud dubia sui opprimendi signa deprehendisset, mutato, in quo diutius confederat, loco, eosmet, qui ad se oppugnandum profecti erant, adortus, prælio commisso, superavit, captis ducibus, & novarum rerum auctore, qui urbem Firmum in carcerem deductus, paucis mensibus excessit e vita. Magno exorto præterea Bononiæ tumultu, cum variis multorum timor esset propter suspectam, mutabilemque Bononiensium fidem, tandem, Francisco nil novi moliente, pax constituta. Pacatis rebus, Pontifex ad regnum ^(e) Neapolitanum, quod duorum Regum id sibi poscentium bellis turbatum erat, mentem adjecit. Creditur ad id bellum viribus

* Platina in
vita Eugenii
IV.

(a) *Bononia*. Deditio Bononiensium facta est an. 1435. Tabulæ ipsius dedicationis extant apud Raynald. ad eundem annum n°. 11.

(b) *Eò cum se contulisset*. An. 1436. Blond. decad. 3. lib. 7.

(c) *Exulcerato*. Maximas injurias cum Franciscus intulisset Eugenio, & proditorie multa dignis Ecclesiæ loca occupasset, statuit Pontifex Beneficiis ac dignitatibus omnibus cum tanquam indignum privare: de qua re extant literæ ipsius Eugenii relatæ a Raynald. ad an.

1442.

(d) *At ille detectis*. Hac de re Joannes Simoneta in rebus gestis Francisci Sfortiæ. Pax tandem sancita est Franciscum inter & Eugenium an. 1444.

(e) *Ad regnum Neapolitanum, quod duorum Regum id sibi poscentium*. Hi Reges erant Alphonsus ab Arragonia, & Renatus Andegavensis, de regno inter se contententes ob mortem Joannæ Reginæ. Eugenius armis adjuvit Renatum, ut ex literis ipsius ad Carolum VI. patet.

suis impar Johannis Cornetani consilio, qui publicam rem in privatam vertere cupiebat, impulsus, de quo quoniam paulo post a me referetur, silere ad præsens, nisi quatenus narrando, ordo requirit, decrevi. Hic primum, ^(a) data legatione, ut regnum peteret, Romam profectus, urbem Præneste, pluribus mensibus ab se obsessam, pluraque deinde Colimnesium castella in potestatem redacta, cepit, diruitque hostili rabie, incolis Romam ad habitandum missis. Regnum deinde cum tribus equitum, duobus peditum millibus ingressus, cum multa verbis ostentasset, nihil egit dignum, præterquamquod Tarentinum Principem levi & veluti excursorio prælio cepit fortunæ beneficio. Inconsultum cœptum turpis est exitus subsēcutus. Nam cum annum anplius vires suas incassum expertus esset (verba enim haudquaquam gestis respondebant) exercitu, impedimentisque prope superum mare relictis, per alterius rei simulationem, navicula paucis comitibus Venetias petiit. Ferrariam ^(b) Pontifex ante concesserat Concilii, quod Græcis commune futurum erat, celebrandi causa. Quam rem, quoniam merita est, quæ manderetur memoriæ posteritatis, paulo altius repetam. Concilium universale Christi fidelium, antequam diem suum obiret, indixerat ^(c) Martinus Pontifex Basileæ. Hujus celebrandi cura ^(d) Juliano Cardinali Sancti Angeli, quem ad comprimendam Bohemorum hæresim miserat, demandata, Eugenius Martini acta, nihil mali suspicans, comprobavit. Verum, cum

(a) *Hic primum data legatione.* Regnum ob extinctam Joannam II. administrandum supremo jure suscepit Eugenius, cujus curam tradidit Vitellesco, ut liquet ex litoris Eugenii ad eundem relatis a Raynald. ad an. 1435. Vitellescus creatus est Cardinalis an. 1438. Excidium urbis Prænestis contigit scribunt an. 1436. deinde an. sequenti Vitellescum in Neapolitanum regnum profectum tradunt scriptores rerum Neapolitanarum, Collenucius lib. 7. Summunius lib. 4. cap. 4. & alii.

(b) *Ferrariam Pontifex.* Ea brevem

elegantemque Concilii Florentini historiam. Accessit Ferrariam Pontifex an. 1438. die 24. mensis Januarii, ut habent literæ Andreæ a S. Cruce, quas legerè potes apud Raynald. ad an. 1438. n°. 3.

(c) *Indixerat Martinus.* an. 1424.

(d) *Juliano Cardinali.* E nobilissima Cæsariorum familia, dictus est ab Eugenio Legatus Basileensis Synodi, cum jam jussu Martini legationem in Germaniam obiret an. 1431. ut liquet ex diplomate Eugenii ad eundem dato apud Raynald. cod. an°. n°. 17.

plures eò convenissent, partim rerum novarum cupidi, partim ira, odioque adversus Pontificem, multi invidia Italici infensi, nihil aliud præter animum variis cupiditatibus atque motibus perplexum, implicitumque detulerant. Veritus Pontifex (nam multa contra Sedem Apostolicam, seque parari aperte cernebat) ne quid in eo consultius ad perturbandam Ecclesiam, quod postea nonnullorum egit vesania, constitueretur, Bononiam (*) Concilium transtulit. Cardinales tunc aderant omnes Pontifici. At vero pars maxima, quæ vires Ecclesiæ inutili bello indigne quassari ægre ferebat, quidam rebus novis studentes, relicto per indignationem Pontifice, Basileam ad Concilium proficiscuntur, ubi acrius contra Pontificem agitata consilia videbantur ad extremum perventura discrimen, universis Concilii auctoritatem adversus eam translationem tutantibus, nisi Eugenius, abrogatis quæ de translatione egerat, Concilio hæsisset. Quod licet iniquum videretur, ab inferioribus leges præberi, tamen suasu Sigismundi Imperatoris, qui in sua coronatione partium se Pontificis futurum sponderat, amicorum insuper consilio, quietem turbidis incoëptis præferentium, oblatas condiciones accepit. Inter eos vero, qui Basileæ rebus agendis præerant, de unionem Græcorum agitari coëptum. Concilium ob eam causam ad diem certum prorogatum. Missis oratoribus, qui de adventu eorum, locoque Concilii eis commodo tractarent, conventum, ut Imperator, ac Patriarcha cum suæ sectæ Episcopis, ad locum, qui designaretur, proficiscerentur, data impensa, qua & accedere & abire in patriam possent. Interim Cardinales omnes, uno, & eo Gallico, dumtaxat excepto, seu diversa prioribus sentirent, seu metuerent (id enim aperte quidam moliebantur) schisma; apud Pontificem mortuæ loci diligendi disceptatione, cum * Basileenses Avenionem, aut aliò, quò vellent, Græcos trahere contenderent, Pontifex haud longius abire vellet, & in Italia locum decerni, Græcis, Pon-

* A&a Concilii Basileensis, tom. 13. Concilior. col. 841.

(*) Bononiam Concilium transtulit. Li- Ferrariam transtulisse: quare Ferrariam teræ Eugeniū habent, eum Concilium in Poggio pro Bononia legendum.

tificis

tificis sententiam turbæ inconsultæ præferentibus, tandem Ferraria pro Concilio delecta. Erant Basileæ qui Pontificis causæ favebant, & item penes ipsum Eugenium multi, qui suadebant Concilium Florentiam potius traduci; & id tutius utiliusque consilium fuisset. Quod & Pontifex decreverat, nisi Veneti quidam occulto adversus Florentinos odio animum Eugenii ad pejora consilia divertissent, suassissentque, parum quidem consulte, Ferrariam potius deligendam. Ex quo scisura Ecclesiæ subsecuta est; nam, si Florentiæ, quod etiam major Basileensium pars exposcebat, indixisset, (a) haud dubium erat, quin se omnes eò Concilii Basileensis vires conferrent, relictis paucis cum ignobili vulgo, quod fuisset id ipsum parvo tempore sua sponte dissipatum. Sed magna vis invidiæ est, quæ cum morbo animi nulla ex ratione suadeat, dissuadeatque, sapius & Regna & Respublicas pervertit. Translato (b) Ferrariam, triremes quatuor in Constantinopolim pro Græcis, & pecuniæ missæ; advehti Venetias cum uno ex fratribus, multisque ad hoc delectis ex omni Græcia viris, * Imperator, ac Patriarcha, pluresque, quos vocant Metropolitans Trapezuntiorum; insuper Regis & gentis Iberorum, cæterorumque, qui Græcam fidem profitentur. Legati Ferrariam, quo se antea Pontifex contulerat, venerunt. Id Concilium, ita Græcis placuit, Oecumenicum appellatum, multaque in eo decreta adversus Basileenses facta. Hæc dum Ferrariæ aguntur, Bononia, Imola, Forum Livii, auctore Nicolao (c) cognomento *Parvulo*, duce belli egregio, a Pontifice defecerunt. Ita tres urbes parvo tempore & in fidem receptæ sunt, & amissæ. Urbs Spoletum eadem tempestate, cum acerrimos hostes triennio fer-

* Eugenius IV. in literis encyclicis apud Raynald. ad an. 1439. n°. 12.

(a) *Exposcebat*. Extat decretum Concilii Basileensis, quo Florentia aut Utinum in Foro Julio pro Concilio transferendo deligitur. Illud habes tom. 13. Conciliorum edit. Labbeanæ, col. 831.

(b) *Translato Ferrariam*. Literæ Translationis & alia monumenta ad id spectantia, leguntur tom. 13. col. 858. & sequentibus.

(c) *Nicolao cognomento Parvulo*. Nico-

lai Piccinini vitam scripsit, ut & Dominici Cardinalis Capranicæ, Baptista Poggi filius, quam in Italicam linguam vertit Pompeius Pellinus. Natus erat Piccinninus Perusæ patre Ianionis artem exercente, vir cætera egregius. De uribus ab eo captis meminit etiam Blondus decad. 3. lib. 6. pag. 486. Ferrariæ Eugenio agente.

me a mœnibus summa gloria repulisset, arcem quoque infestam obsideret, proditione noctu capta, sædeque a militibus direpta. Oppidum in Piceno opulentum, quod Saxum-ferratum vocant, eandem militum sævitiam, calamitatemque a Comite Francisco subiit. Horum malorum causam quidam temporibus, multi hominibus adscribunt. Sed fato ne acciderint, an malis consultoribus, parum communi orio consulentibus, an Præsidium vitio ad quæstum omnia trahentium, iudicio legentium relinquatur. Concilium Pontifice una cum Græcis Ferrariæ habente, & pestis urbem pervasit, & bellum (a) acerrimum inter Ducem Mediolani & Venetos renovatum. Belli ejus cura, licet non premeret Pontificem, quippe in longinquis oris gerebatur, tamen futurorum suspicio terrebat multos. Sed propinquior pestis metus, cum Pontificem cæterosque transferendi * Concilii inire consilia coëgisset; post varias de loco eligendo habitas sententias, tandem decretum, ut Florentiæ celebraretur. Pontifex via Mutinensi per Apenninum in agrum Pistoriensem descendens, Imperator Græciæ per Flaminiam alio itinere Florentiam pervenerunt. Ibi frequentibus disceptationibus, quidnam vera fides teneret, tum publice, tum privatim habitis, tandem Græci ipsius veritatis testimonio victi, in nostram fidem concessere. Concilio tum Latinorum, tum Græcorum, in templo majori, cui & Armenii quidam interfuerunt, indicto, recitatum est publicum decretum, per quod Græci, uno excepto, (b) fidem Catholicam more nostro, & illud in primis, de quo quingentis dissensio annis extiterat, Sanctum Spiritum ex Patre & Filio procedere, sunt omnes professi. Huic Imperator, & Metropolitæ, Episcopique, nam antea Patriarcha (c)

(a) *Bellum acerrimum.* An. 1438. Videas de hoc bello agentes Blondum decad. 3. lib. 8. Poggium in hist. Florent. lib. 7. Antonin. tit. 22. cap. 11. Corium par. 5. Sabellie. 3. decad. lib. 2. 3. 4. 5. Justinian. lib. 7. historiæ Venetæ.

(b) *Uno excepto.* Nimirum Marco Ephesino.

(c) *Patriarcha diem suum obierat.* Excessit e vivis Joseph Patriarcha Constantinopolitanus, postquam Unionis decretum magna animorum consensione editum est, dum gravi morbo detentus, lecto decumberet, quando subscriptio facta est. Tradit Andreas Sanctacrux, Josephum jam jam moriturum schedulæ, in qua processio Spiritus sancti exprime-

diem suum obierat, nomen suum adscribere. His Græci peractis, a Pontifice viatico sumpto, Venetorum navibus mari supero domum cum rediissent, plebs sanis semper consiliis adversa, decretum salutare spernens, pristinam perfidiam servavit. Accesserunt (a) paulo post & Legati Patriarchæ Armeniorum, qui & ipsi post multas disputationes, veram Religionem edocti, altero decreto publice edito, susceperunt Romanæ Ecclesiæ fidem. Ex Ægypto (b) quoque atque Æthiopia per idem ferme tempus excitati a Pontifice quidam advenērunt, missi a Patriarcha Æthiopum, qui residet Carris. In his Abbas Sancti Antonii Ægyptii, Jacobitarum nomine, eandem professus est fidem. Literæ insuper missæ ad Imperatorem Æthiopum, quibus ad veram Christi fidem (nam in multis aberrant) suscipiendam Pontifex cohortatus est. Basileæ (c) interim, qui reliqui ex Concilio erant, privatis odiis, non Pontifici tantum, sed nomini Italo infesti, variis ex gentibus colluvio, magna pars gulæ & ventri dedita, Eugenium deiciunt a Pontificatu; & Amadeum Sabaudix Ducem, virum sine literis, absque doctrina, nulla virtute præditum, sola avaritia insignem, Pontificem creant: rem sane infandam, & execratione omnium Christi fidelium dignam. Nam quis fidelis æquo ferat animo, viros quosdam infidelibus deterio-

batur, propria manu subscripsisse, & decretis S. Matris Ecclesiæ humiliter se subiecisse, deinde mortem appetiisse circa diem 10. Junii anni 1439.

(a) Accesserunt paulo post. Circa mensem Julium, cum Junio finitum esset Concilium. Fuere hi Apocrisarii Patriarchæ Armenorum, qui venire antequam Imperator Florentia exccderet, ut habent acta G. L. hujus Florentini Concilii. Porro Eugenius encyclicas literas hac de re scripsit, quas legere est apud Raynald. ad an. 1439. n°. 12. receptique sunt in unionem Orthodoxæ fidei, postquam de suis controversiis discernerant, & susceperunt a Pontifice atque a Synodo fidei formulam, sessione IV. Id. Decembris celebrata.

(b) Ex Ægypto quoque. Accesserunt

Legati Florentiam an. 1441. cum jam pridem ipsius Eugenii jussu excitati fuissent ab Alberto Minorita; & facta fuit potestas Abbati S. Antonii, sacri hujus fœderis ineundi. Mire consentiunt, quæ de iis scribit Poggius, cum his quæ de hac re narrat Andreas Sanctacrux. Adi, si libet, Concil. Florent. 3. part. n°. 8.

(c) Basilea interim. Diras has in Eugenium concitarunt Basileenses an. 1439. quo itidem delegerunt Amadeum Sabaudum sub nomine Felicis V. Poggium invecivam in hunc confinxisse satis notum est. Prodit etiam inter illius opera, edit. Basil. pag. 155. invehitur enim in eum satis acriter, ac nimis acerbe.

res, ex barbarorum facie delectos, nequam apostatas, nunquam sobrios, vitæ perditæ, contemptos, sentinam scelerum, plus quam sicarios atque homicidas, spe, pretioque corruptos, in quibus nulla unquam nisi pernicioſa, & ad scandalum Chriſtianorum conſilia exiterunt, auſos eſſe per nefarium ſcelus dividere Eccleſiam fidelem ſponſam Chriſti? Sed hi monſtra hominum, non Sacerdotes appellandi ſunt, qui contra Chriſtum Domini Sathanæ ſtatuum erexerunt, Idolum aureum colentes. Recenſitis quibus per varietatem fortunæ * jacta ſunt Eugenii tempora, ad Martini Pontificis familiam, conſpicuam aliquando atque opibus validam redeundum videtur, dignam proſpecto fortunæ theatro pompam. Hæc exemplo ſuo docuit Ariſtorelis veriſſimam ſententiam eſſe: *Ubi minimum ſit ſapientiæ, ibi plurimum fortunæ poſſe*. Varios enim ſubiit caſus, & haud quaquam contemnendos his, qui apud principantes eminent. Nam quos Martini indulgentia in ſublime poſuerat, partim proſcripti ſunt, partim morte mulctati, omnes ferme bonis everſi, ſubito conſiderunt. Thomas, (a) qui prior cognominabatur, vir perhumanus ex Religione S. Benediſti, florens opibus & dignitate (inſigni enim Cœnobio præerat) ob tentatam ab eo ſepulchri Adriani proditionem, extremo ſupplicio, & eo inmaniore quam Pontificalis dignitas poſtulet, affectus; nam poſtquam laqueo in Campo Floræ vitam finivit, quatuor in partes, ſerarum ritu, cadavere diſjecto, hiſque variis urbis portis affixis, miſerandum diutius ſpectaculum præbuit. Quidam extorres patria ejeſti; Tyburtinus (b) & item Anagninæ Epifcopi, creptis for-

(a) Thomas. De hujus ſupplicio hæc Platina in vita Eugenii I V. Capitur namque Archiepiſcopus Benedictanus Antonii Columne filius, & quidam Maſius frater, qui ſuſſus eſt, quæſtione adhibita, ſibi in animo fuiſſe arcem S. Angeli dolo capere, interſectio ipſius arcis præſecto, eamque Columneſibus prodere, quæ occupatâ & Pontificem & Urſinum ab urbe pellerent. De Maſio, Sacerdotio abrogato, quod degradare appellant, ſupplicium eſt in Campo Floræ, cuiusque corpus quadrifaria ſub furca diviſum

ad quatuor urbis celeberrimas vias ſuſpenſum eſt. Adde teſtimonium Stephani Inſiſſuræ in diar. Romanor. quibus sæpe utitur per ea tempora Raynald. Perperam Labbeus Chronolog. Hiſtor. part. 3. pag. 336. Thomam Minoritam fuiſſe ſcribit.

(b) Tyburtinus & item Anagnina Epifcopi. Alter eſt Nicolaus de Czſariſbus electus anno 1417. alter Oddo de Vanis, de quibus Ughell. in Ital. ſacr. ubi de Epifcopis Anagninis, & Tyburtinis.

tunis, in carcerem, e quo tamen, deceptis custodibus, astu evaserunt, conjecti. * Oddo in cæteris Pontifici ob exquirendæ pecuniæ artem acceptior, in Adriani sepulchrum detrusus, annum amplius in compedibus vixit, nec inde, nisi prius pecunia, quam antea abraferat, tradita, veluti e naufragio nudus egreditur. Martini nepotes duo scribendi quoque materiam præbent; quorum alterum Pontifex Salerni (a) Principem, data ei uxore filia Marchionis Crotonæ, quæ paternæ hæreditati succedebat; alterum Celani Albique Comitum, per matrimonium adolescentulæ hæredis, fieri curavit. Addita his plura * oppida, in quæ Neperæ, Marinum, Ardea, Nepruna, Lavinium, ut firmior esset fortuna: grandi insuper pecunia relicta, quâ tueri sua possent, si qua major vis ingrueret. Sed ea, quibus maxime egebant, amicos, prudentiam, fortunæ * fidem, neque testamento, neque hæreditate reliquit. Infantiæ potius fomentum, & incitamenta stultitiæ comparata sunt. Superbia enim elati adolescentes, ignatique cum temporibus mutari fortunam solere, bello, quod adversus eos Eugenius cœpit, relictam pecuniam absumpsere. Uxor Eduardi (is minor erat ex nepotibus) per vim rapta, cum nupsisset alteri, Albiensis, Celanique Comitatus bona hæreditaria secum tulit. Princeps quoque, uxore defuncta, & patrimonio illius ejectus est, & Salerni Principatum per duorum Regum sibi regnum vendicantium dissensionem amisit. Ita quem paulo ante colebant omnes, & procul dubio, si diutius patruus vitam vixisset, Regem fututum regni Neapolitani sperabant, fortunæ favore converso, paulo amplius quam paternas, avitasque opes tenuit. Hac una in re maxime

* Oddo Pocius Martini V. Vice-Camerarius, de quo Platina in vita Eugeni I V.

* Habentur Donationis acta inter Regem Mattini V.

* fortasse fidem.

(a) *Salerni Principem.* Apud Baluzium tom. 7. Miscellan. extat Bulla Eugenii IV. data anno primo ejus Pontificatus Christi an. 1431. XI. Kal. Januarii adversus Prosperum Cardinalem Columnam. In ea narrantur omnia, quæ in Sedem Apostolicam gesserant: quapropter vocantur ad dicendam causam Prosper, qui erat Cardinalis S. Georgii in Velabro, Antonius, Eduardus, Ste-

phanus, Johannes, Rogerius, Alexander, Franciscus Cola, Conradus, & Franciscus, partim de familia Columnensium, partim eis adherentes de familia Sabellorum. Salerni princeps erat Antonius Cajetanus Columna, alter vero Eduardus Comes Celani. De Antonii adversa fortuna Blond. lib. 4. decad. 3. pag. 461.

prudētissimū ad omnia virum errasse patrum Pontificem ferunt, quod, cum nepotibus extollendis, ditandisque, tantas curas suscepisset, per ætatem, ac defuetudinem ignaris rerum adolescentibus, nullum fidum amicorum consilium, quo inexperti inexercitæque uti possent, comparavit, ignarus labi imperia omnia, ubi virtus, qua parta sunt, aut vera fidaque consilia desint. Hic Carolus: Mirum in modum, inquit, hi tui videntur insanire Pontifices, Poggi, quibus cum semper recentibus exemplis pateat, inanem & non diurnæ rei curam ab eis suscipi, & quàm non in longum portendantur sua consilia, tamen veluti rerum ignari in eis semper cupiditatibus versantur, ut quam maximo in imperio constituent suum genus; homines autem ut plurimum extollant, quorum stulticiam ridens fortuna alienis ornatam insignibus, paulo post incultam destituit. Fuit hæc, inquam, Carole, temporum nostrorum, magis quam hominum culpa. Nam superiores permulti in ejusmodi non abiere cogitationes, nihilque, aut paulum opis in suos contulerunt. Sed ad institutum sermonem eorum, quos fortunæ casus versarunt, redeundum. In his primum se objicit Johannes (²) Dux Venusinus, quem magnum regni Neapolitani Senescallum vocitarunt. Hic Neapoli ortus ex familia nobili, paterno censu, per secretum commercium quod ei cum Johanna notæ impudiciæ Regina erat, supra modum fortunæ suæ elatus, primum Comes Avellini, tum Dux Venusinus, & quæ maxima est potestas, regni Præfectus (eum *Senescallum* vulgo appellant), Reginæ omnia libidini concedentis arbitrio, creatus est. Quindecim annis, cum post expulsū Jacobum Regem se in Reginæ consuetudinem insinuasset, ejus permissu regno præfuit. Adeo regebantur ejus arbitrio nutuque omnia, ut parum a Regis potentia abesset: Regina solo nomine, &

(²) *Johannes Dux Venusinus*. Hic ex nobilissima Caracciola gente celebris est, deque varia illius fortuna scriptores omnes loquuntur. Anno 1416. Joanna II. Neapolitana regina eum creavit Comitem Venusianum, & totius Regni Senesc-

callum. Præcipue circa an. 1420. totius Regni summam potestatem administrandi ei fecit; demum tristi funestoque rerum humanarum exemplo perimitur an. 1432. die 17. Augusti. Summontius lib. 4. cap. 4.

viſtu tenui contenta. Operâ conſilioque illius, Alphonſus Aragonum Rex adverſus Ludovicum, qui regnum pervafe- rat, aſcitus in auxilium, pauloque poſt pulſus eſt. Hinc ſecun- diſ rebus præter modum elatus, impotens atque imperioſus in ſingulos, cum quibuſdam etiam viris inſignibus attuliſſet manus, multorum invidiam contraxit. Quæ re perſpecta, ad ſtabiliendas vires, ut ſe contra multorum opes muniret, Ja- cobum Caudolam, virum ea tempeſtate florentem opibus atque armis, per ſœdus matrimonii ſibi conjunxit. Sed vana hominum adverſus fortunæ imperium conſilia! Quæ enim res ad robur & potentiam quæſita eſt, ea mortis cauſam præbuit; nam veriti quidam, ne duorum conjunctio, regno inter ſe partito, reliquos opprimeret, qua nocte filix (ea Jacobi ſilio deſponſata erat) celebrantur nuptiæ, haud abnuente (nam proditionis inſimulatus erat) Reginâ, ſumpſit id ſibi munus Oſtinus Carazolus eques magni animi, cui Ducis potentia erat inſenſa: redeuntem a cœna poſt convivii lætitiâ, cum ſe in cubiculum contuliſſet, juffu Reginæ per ſpeciem rei agendæ evocatum, cubiculoque egreſſum, eques ad id miſ- ſus enſe transfodit. (a) Eo pacto una hora, & lætitiæ nup- tiarum finem attulit, & vitæ. Neque vero omittendus vide- tur haud diſpar fortunæ ludus. Franciſcus, cognomine Car- miniola (b) omnes ferme noſtri temporis belli duces rebus geſtis exceſſit. Is obſcuris parentibus, dum porcos puer pa- terno in agello paſceret, raptus ab equite, dum adhuc Me- diolani Dux ſenior viveret, in caſtris atque inter arma ver- ſatus, ſub variis Ducibus ita meruit, ut laudem egregii equi- tis aſſequeretur. Duce mortuo, majoreque filio, qui ei in Im- perio ſucceſſerat, per domesticorum fraudem perempto, or-

(a) *Enſe transfodit.* In eam ſenten- tiam Carraccioli eadẽ narrat S. An- toninus 3. part. 4. 22. cap. 7. §. 7. Sum- montius reſert epitaphium ipſius Joan- nis, cujus auctor eſt Laurentius Valla.

(b) *Franciſcus Carminiola.* De hujus Ducis caſu ſcriptores rerum Venetarum,

Sabellicus Ennead. 10. lib. 2. & alibi. Poggius ipſe in Hiſtor. Florentin. lib. 6. pag. 227. qui eadẽ propemodum, quæ hic habet. Porro de Carminiola rebus geſtis invenies plura apud Co- rſium, Blondum, & alios.

taque Mediolani seditione, cum quidam sanguine proximi dominium urbis usurpare conarentur, adolescentiori fratri (is Ticinum regebat, Philippus nomine) qui ad propellendos ex urbe hostes cum parvo exercitu adierat, præcipuam operam navavit. Primus enim, cæteris cunctantibus aut timentibus, per hostium munimenta ingressus urbem, singulari facinore hostibus devictis, eam Philippo restituit. Unius egregiâ operâ urbe potitus duxque creatus, Philippus, perspectâ Francisci rei militaris disciplinâ, animique magnitudine in his recuperandis, quæ defecerant, urbibus oppidisque, exercitui eum belloque præfecit: cujus ductu auspicioque Trecium validissimum oppidum expugnatum, Bergamum, Brixia, Cremona, Parma, pluraque castella in potestatem redacta. Janua quoque, & omnis Ligurum tractus diuturno bello additus. Florebat præ cæteris tum fortuna secundioris usus, tum maxime freius virtute. Fuit enim vir iustus & severus, maxime exosus latrociniâ & licentiam militarem: ira tamen quandoque efferebatur, ad jurgia, & contumeliam promptus, plus quam alieno imperio subditum decet. Sed mutatâ Ducis voluntate, ut sit, cum felicitas invidiam contraxit, de statu rerum dejectus, cum sibi timeret, Venetias urbem petiit, Duce relicto, auctorque in primis Venetis fuit contra Ducem pro Florentinis arma capiendi. Dux bello communi consensu præficitur: expugnata primum Brixia, tum Ducis Mediolanensis exercitu capto profligatoque, cum ad petendam pacem compulit, restitutis tamen his, quæ de Florentinis ceperat, Bergamoque Venetis tradita. Secundo bello, quod ab oppugnatione Lucanæ urbis est ortum, cum navali certamine, quod in Pado commissum est, Venetorum classis inferior præliis fuisset, orta in Ducem eorum suspicione, ob non missâ classi, cum postulata essent, præsidia, Venetias per causam consilii accitus, capite damnatus interiit. Ductus est ad supplicium ore occluso, ne loqui posset. Quidam ob insensum in eum Venetorum animum, quod eos veluti bellicorum ignaros sæpius & nimis superbe increpare, sit solitus, exasperato pluribus rebus odio, interemptum dicunt. Hic exitus

exitus vitæ fuit viri bello paceque præstantissimi, cui nihil ad normam boni iustique Principis præter continentiam iracundiæ defuit. Adnumerabitur quoque inter eos, ad quos fortuna profecta pedem retulit, Nicolaus (a) quem supra retulimus bellum Pontifici intulisse. Hic infimo loco, nullo genere oris, parvo stipendio primum meruit, tum armis opibusque fortunæ dono, malisque artibus sublevatus, cum plures equitum turmas, prædonumque undique confluentium cohortes contraxisset, Eugenium diutius laceflivit, multis urbibus oppidisque subactis. Sed cum is esset, in quo nihil casti, nihil sinceri inerat, temeritati deditus fortunæ, tandem cum ad opprimendum Camerinum proficisceretur, commisso cum adversariis certamine, superatus (b) occiditur, vir suæ ætatis omnium crudelissimus. Inter varios Principum in utramque partem fortunæ casus haud postremum locum sibi vendicat Alphonsus (c) Aragonum Rex, cujus varia fortuna ut notior fiat legentibus, res paulo superius repetenda est.

* Mortuo Ladislao Rege Neapolitano, cum soror Johanna, * An. 1414: assentiente Pontifice, in regnum successisset, oppressa postmodum a Ludovico ex stirpe Francorum regia, qui, Martino Pontifice annuente, regnum ingressus, magnum tumultum exciverat, Alphonsum Aragonum Siciliaeque Regem, spectatæ virtutis adolescentem, adoptatum ab se in filium, regni-que hæredem in auxilium accivit, data maritimarum arcium custodia. Is, comparatâ classe, Reginam cum defendisset, pluribus annis regno præfuit, ita tamen, ut omnia agerentur Reginæ nomine, provinciâ Calabria Ludovico concessâ. Postmodum sive Aragonum impotentia, sive regni suspicione, mutato Reginæ animo, Rex regno pulsus, qui contu-

(a) *Nicolaus*. Nimirum Nicolaus Fortebrachius e Brachiorum gente, de quo Blondus.

(b) *Occiditur*. De Fortebrachii exde nonnulla habet Blondus lib. 3. decad. 7. pag. 500. cum interfectum scribit ab Alexandro Duce, dum Camerinum obsideret.

(c) *Alphonsus Aragonum Rex*. Quæ hic summam de Alphonsio rege recensentur, uberius pertractantur a scriptoribus rerum Neapolitanarum, præsertim a Joanne Albino de gestis regum Neapolitanorum ab Aragonia, & a Bartholomæo Facio in vita ipsius Alphonsi Neapolitani regis.

melia iraque incensus, magna classe rediens urbem Neapolim vi cepit, partemque diripuit, pulsus his, qui Reginz factionis erant. Tum urbis arcibus valido imposito præsidio, ad Hispanias rediens, Massiliam, noctu ingressus, depopulatus est. Onerariis deinde, longisque Januensium navibus, auctore Duce Mediolani, cui tum parebant, pulsus Hispanis, recuperata civitas restituitur Reginz, haud abnuente Pontifice, cui Regis opes nimis admodum suspectæ erant. Regina deinceps sola regnum tenuit, abdicato Alphonso, ac regno tradito Ludovico, eâ conditione ut, se viva, regni administratione, regioque nomine abstineret. Sed paulo post moritur

* an. 1434* Ludovicus, Renato fratre hærede ab se relicto, qui & a Regina quoque, cum diem obiret, hæres est institutus. Neapolitani, multique ex proceribus, qui Gallorum opibus favebant, absenti Renato regnum tradunt. Hoc Princeps Tarentinus (*) insensus Gallis, reliquique, qui adversæ factionis erant, ægre ferentes, Alphonsum ex Sicilia accersunt, qui subito ad regnum festinans, parvis copiis confusus, suarum partium auxiliis, Caietam (nam præpotens suorum classis secuta Regem erat) obsidet, ab Januensibus antea firmo præsidio munitam. Urgente per obsidionem Caietanorum fame, rerumque omnium inopia, cum spes propinqua deditionis esset, superveniunt onerariæ Januensium naves duodecim, longæ sex, obsessæ urbis subsidio futuræ. Has conspicatus Rex, cum omni classe, quæ & navium & militum numero superior erat, obviam procedit, turpe existimans se in portu continere, ne speciem timoris injiceret suis. Aderant ei duo fratres, Navarra Rex, & Infans Henricus. Commissa pugna, quoniam id certamen præmium regni allaturum videbatur, summis viribus utrimque certatum. Januenses astu præcipue victores, subacta classe, Regem capiunt, & fratres; (b) naves duæ combustæ, una submersa, decem captæ, reliquæ fu-

(a) Princeps Tarentinus. Joannes Antonius Urbinus.

(b) Regem capiunt & fratres. Evenit hæc victoria an. 1435. ut testantur li-

teræ Philippi Mariæ Mediolani Ducis; datæ hoc anno ad Patres Concilii Basileensis. Ubertus Folietæ in histor. Genevæ lib. 10. & fufius memorabilem

gam cepere. Hoc prælio, ad tria hominum millia, aut cæsa dicuntur, aut submersa mari. Captivis omnibus Januam delatis, Rex Mediolanum proficiscitur, ubi benigne a Duce susceptus, inito cum eo foedere, in regnum Neapolitanum rediit. Quæ res postea causam præbuit Januensibus a Duce deficiendi. Ferunt dixisse Regem Januensibus, si saperent, fore ut peccatis suis ea victoria ascribi posset; sin minus, magno illis damno eam rem fore. Insignem eam victoriam fecerunt duo capti Reges, multique præterea spectatæ dignitatis viri; & hæud scio an multis sæculis fuerit navalis pugna nobilior. Reversus ad bellum Rex Caietam per intestinam factionem cepit. Is tanquam aditus fuit totius regni poriundi; nam partium auxiliis fretus, statim Capuam, Aversamque urbes in suam ditionem redegit; & cum pluribus annis cum Renato vario Marte pugnasset, tandem defessis adversariis, obsessam ab se urbem Neapolim, (a) noctu per aqueductum operis antiqui militibus intromissis, vi cepit, regnoque solus potitus est. Miranda profecto, nedum anceps fortunæ vis, quæ, per captivitatis auspicia, futuri regni fundamenta jecit. Tricii gens (b) antiqua & pervetusta habetur, ut quæ ducentos ultra annos sola Fulginio, multisque oppidis pro Romana Ecclesia præfuit. Ex ea exitere viri egregii permulti, qui licet cæde mutua genus foedaverint, tamen & prudentia & rebus gestis clari evaserunt. Ultimus Ugolinus tres filios per jure reliquit, quorum Corradus, qui junior erat, creditur auctor fuisse ut majores natu fratres per summum scelus occiderentur, quò solus regnaret. Ea res quoniam dubia est, li-

hanc pugnam describit Faccius in rebus gestis ipsius Alphonsi. Cæterum Rex Mediolanum ductus, a Philippo honorifice est exceptus, initoque foedere, ut auctor est Poggius, in Neapolitanum Regnum reluit.

(a) Urbem Neapolim noctu per aqueductum. Id accidisse ferunt die 2. Junii 1442. In hunc ferme modum, post tot bella ac labores, captam urbem scriptores omnes tradunt, quemadmodum capta est a

Bellisario.

(b) Tricii gens. Diu potita est hæc familia, cujus majores a sæculo XII. memorantur, Fulginatenfis Civitatis dominio, nimirum ab an. ut ferunt 1306. ab Offredo Trincæ ad an. 1439. quo pulsus & captus est una cum filio ab exercitu Pontificis Conradus, supremo Duce exercitus Joanne Cornerano tum Cardinali Florentino nuncupato. Blond. lib. 10. decad. 3. pag. 152.

cet id plures pro comperto asserant, certæ sententiæ auctor non ero. Corradus, post fratrum cædem, solus triginta ferme annos Fulginio imperat, vir magni animi, & supra vires elati, olim Pontifici Martino infensus. Post Brachii mortem, cujus partium fautor contra Martinum fuerat, bello petitus succubuisse, ni Comitis Urbini ^(a) intercessio placasset Martinum, cujus clementia multis tamen oppidis multatum servavit. Cum Eugenio Pontifice vario fuit animo, nunc hærens ejus hostibus, nunc reconciliationem quærens. Hinc Pontificis offensione contractâ, timens rebus suis, filiam Comitis Francisci, de quo meminimus, fratri despondit, quò esset tutior. Sed cum Franciscus Venetis, qui bello acri a Duce premebantur, opem tulisset, Corradum nihil hostile timentem, absque præsidio reliquit. Sumptâ occasione Pontifex injuriarum memor, missò Legato, Fulginium obsedit, receptis prius, quæ illi suberant, aut vi aut deditione, oppidis. Cives, cum obsidionis difficultatem ferre nequirent, omni spe subsidii præcisâ, tandem salutem pacti, urbem Legato tradunt: Corradus ac filius Sorianum missi, haud multo post, permissu Pontificis, pœna capitis plectuntur. Creditur scelus fraternæ cædis, quam suo jussu perpetraram tradunt, meritam ultionem exegisse. Comitum genus ^(b), qui Guidi cognominabantur, verus sane ac nobile, originem duxit ab Alamannis, qui cum Othone III. quadringentos amplius annos Italiani (ea tunc Imperatorum ditioni parebat) petiere. Hujus familiæ auctor in Tuscia consedit, eâ regione, quæ Florentiam inter Aretiumque jacet, *vallis Arni* cognominata, nonnullis oppidis concessis, & omnis ejus oræ Prætura. Magna deinceps posterorum ejus vis atque auctoritas adjecta eorum dominio, ea parte, quæ *Casentinum* appellatur. Varchium opulentum oppidum, & pleraque castella naturâ loci munita, ex quibus ob principantium injurias, compulsis ad defectionem incolis, Terranova nostra patria

(a) *Comitis Urbini*. Nimirum Francisci Feltrii.

(b) *Comitum genus*. Hujus præclaræ

ac nobilis gentis historiam, genus, ac in varias familias divisionem jussu volumine scripsit Scipio Ammiratus.

confecta est, tenuere: divisa multifariam ea familia varia cognomina, pro locorum vocabulis, sumpsit. Quæ Casentinum incoluit, a Battifolle parvula arce nomen traxit; quæ in valle Arni resedit, trecentis ferme annis iusto imperio cum suis rexisset, postmodum luxu, ubi pro virtutibus subeunt vitia, majori ex parte avitis pulsa bonis in eo quem nuper domesticum quidam per summum scelus peremerunt, defecit. Quibus Casentinum obtigit, integram hereditatem possederunt usque ad Franciscum, qui nuper, cum a Florentinis descivisset, patria pulsus est. Robertus ^(a) huic pater fuit, vir magni supra vires animi, qui priori bello, quod a Florentinis cum superiore Mediolani Duce gestum est, Ducis partes secutus, compositâ pace ad * Florentinos rediit, hortante Duce, cum diceret externis ac longinquis, rarè præsentī ac propinquo exitio subveniri. Hic extremo vitæ tempore filium impuberem tutelæ Florentinorum commisit, quem tractarunt parentis loco, legitimâ ætate restitutus paternis bonis. Florentinorum partes secutus est; sed Nicolaus, cognomento *Parvulus*, cum Florentinorum fines, transito Apennino, pervasisset, defecit ad eum, sive meliora sperans, sive Florentinorum contumelia motus, seu ductus fato, quod dominari rebus mortalibus existimatur. At postea, profligato præter spem, abeunteque e Thufcia Nicolao, ^(b) vis belli omnis in Franciscum conversa est, qui tum auxilio, tum spe destitutus, amissis nonnullis oppidis, cum diutius obsidionem Pupii, qua se incluserat, ferre non posset, deditione factâ, pactus salutem, utque cum bonis abire liceret, oppidum tradidit Florentinis; ipse in Lombardiam ^(c) secessit. Hujus fato (hoc enim impune licet culpæ) prænobilis familia pulsa suis sedibus, finem dominandi sortita, documentum præbuit

* An. 1400.

(a) *Robertus huic.* De Roberto Pupii Comite, qui Joannis Galeatii partes est secutus, circa an. 1399. scribit etiam Poggius in histor. Florent. lib. 3. pag. 136. Leonardus Aretinus lib. 11 Ammiratus lib. 16.

(b) *Abeunte e Thufcia Nicolao.* Victus

in prælio apud Angliariam an. 1440.

(c) *In Lombardiam secessit.* Vide Ammiratum in historia Comitum Guidi. Francisci Comitis Puppii filia Margherita an. 1437. nupsit Pandulpho Malatestæ.

nihil perpetuum aut firmum in bonis humanis esse. Culpa-rem fortunam, quæ nulli, ut Terentius ait, *perpetuo est bona*, nisi hoc nonnulli ambitioni potius, quam fortunæ vitio acceptum referrent. Plures sane certam citius pacem, quam speratam victoriam expetendam censent. Sed quoniam quidquid hominibus adversi contingit, tribuitur fortunæ, nos quoque talis viri casum inter fortunæ opera adnumeremus. Adnectendus est exemplis superioribus vir, maximum fortunæ imperii documentum, Joannes (a) Cornetanus, qui Cardinalis postmodum factus est, ut plane constet in rebus humanis plus fortunæ arbitrium, quam ingenium posse. Sed virtus tum est appetenda omnibus, quod unum firmissimum est adversus fortunæ impetus munimentum, tum vero illis maxime, qui cæteris præesse atque imperare quærent. Nam ea tum præstat benevolentiam hominum, tum præcipue præbet imperiis diuturnitatem. Ex vitiis contra prodeunt omnia, quæ regna infirma & instabilia reddunt. Ea licet quandoque declinent hominum pœnas, nunquam summi Dei tamen præsens magis quam futura (nimium enim aliquando videtur protrahi) ultio * exoptatur. Johannes oppido Corneti oriundus, matre nobili ex gente Vitellensium, Latinis literis in patria perceptis, Bononiam ad Jura perdiscenda profectus est, adultus ætate; domum deinde reversus stipendium cum Tartalia, ea tempestate haud ignobili belli duce, equo meruit, admodum Principi gratus. Cum duæ factiones Cornetum distinerent, materna inferior esset viribus, hic, sumptis a Duce militibus, excitatoque in civitate tumultu, ac multis adversæ factionis sublati, priores partes in urbe tenuit. Hac re in primoribus civitatis habitus, futuræ vitæ jecit fundamenta. Nam Martinum Pontificem, cum ab Alamannis ad urbem

* Desideratur.

(a) *Joannes Cornetanus*. Plena sunt historiarum monumenta de rebus ab hoc Cardinale gestis. Vitam illius, ac adversos fortunæ casus multi scripsere, quos videre est apud Ciacconium tom. 3. col. 896. post Poggium ejus vitam simili propemodum enarratione contexit

Jovius in elogii virorum bellica virtute illustrium, quamvis multo plura legantur hic. De ejus morte meminit etiam Poggius in hist. Florent. lib. 7. pag. 339. Blond. decad. 3. lib. 6. & 7. Pius II. de Europa cap. 58. de anno mortis superius egimus.

venisset, preces Tartaliæ, licet reluctantem impulerunt, ut eum Protonotarium designaret. Paucis post annis, cum Cardinalis Senensis, qui post Martinum creatus est Pontifex, valetudinis causâ, Viterbium & ad vicina loca se contulisset, hic ita in ejus amicitiam se insinuavit, ut nemo sibi esset acceptior. Oderat hunc jamdudum Martinus Princeps prudens, veluti seditiosum & quieti infensum, eumque procul ab urbe relegarat, etiam repugnante Cardinale. Sed eo defuncto, factus Pontifex Eugenius hominem revocat, statimque creatum Episcopum Recanatem, Legatum in Picenum mittit, annuentibus his, qui per speciem honoris procul eum abesse cupiebant. Ei provinciæ cum præesset, coactus est Provincialium querelis, ad se purgandum, ad urbem redire. At is omnia a se gesta in laudem vertens, Pontificem pepulit, ut se mitteret in Picenum. Tum, veluti superatis æmulis, liberiori arbitrio usus est, multa committens, quæ reprehensione digna plures putabant. Armeleum virum militarem, ut tenuiora omittam, qui, Martinum secutus, partes Ecclesiæ defenderat, ad tutelam Pisauri antea destinatum, per simulationem tentatæ ab eo proditoris, capite multavit. Eadem poena affecit Petrum Gentilem, (2) ex familia Varani, quæ Camerini diutius imperitaverat. Hunc ad se vocatum, inque dirum carcerem conjectum, extremo supplicio damnavit. Cum multis variis ex causis odio esset, tandem Picentes coëgit ad defectionem. Francisco Comiti (propinquo enim loco castra habebat) se dediderunt. Johannes primum captus, tum clam emissus, magna ex parte amissis partis bonis, supero mari Venetias aufugit. Concesserat tum Florentiam ex urbe Eugenius, ad quem cum venisset, collatâ in Provinciales defectionis culpâ, in gratiam priorem rediit, dignitatemque auxit. Primo Archiepiscopus Florentinus, tum Patriarcha Alexandriæ factus. Erat animus pacis atque otii impatiens. Igi-

(2) *Petrum Gentilem.* De Petri Gentilis Varani supplicio vide Camillum Lillium, historix Camerinenus part. 1. qui capite multatum scribit an. 1433.

die 6. Septembris. De hoc supplicii genere meminit etiam Leander Albertus in descriptione Italix,

tur Pontifici persuasit, ut se mitteret ad regnum Neapolitanum; futurum enim ut, duorum Regum dissensione, regnum illud in potestatem suam redigeret. Sumptâ legatione, multis equitum turnis, peditumque copiis, cum primùm Casentinatē agrum vastasset, iter in Patrimonium, quod dicitur,

* Jacobum
Vicanum.

* An. 1436. verrens, Præfectum urbis * Jacobum in oppido Vetralla obsessum fame ad defectionem compulit occiditque, omni auri argentiq̃ue suppellectile sublatâ. Urbem deinde * Præneste quatuor mensibus obsessam cepit diruitque, civibus Romam missis. Tria præterea Columnensium oppida ad solum evertit, cum Antonio Pisano, qui magnam partem Campaniæ occupaverat, commissio certamine, profligatum captumque laqueo suspendi iussit. Per agrum postea Cassinatē cum in regnum pervenisset, cum tribus equitum, duobus peditum milibus, favere se partibus assimulavit Regis Renati, cujus uxor cum liberis Neapolim venerat. Sed Renato parum fidus, Alphonso palam hostis, dum utrumque vult prodere, Pontificis causam prodidit. Alphonsum Regem ipso induciarum tempore capere statuit, misso exercitu, qui cum Natali die Domini, religioni sacrisque intentum, incautum de improvviso adoriretur. Eadem arte Jacobum Caudolam aggressus est, partium Renati defensorem. Sed neutra res incœpto respondit, cum neque vires succederent, neque suis consiliis locus esset, nullâ re dignâ laude gestâ, præterquam quod

* Antonium
Ursinum.

* An. 1437.

* Principem Tarentinum quadam pugna cepit: qua de re Cardinalis ob rem gestam creatus est. Desperatis rebus mare superum cum omnibus copiis petiit; conductâque clam naviculâ, exercitu relicto, cum Venerias delatus esset, ad Pontificem (is Ferrariæ Concilium habebat) proficiscitur; coniecto in Proceres regni, tanquam parum Pontifici fidos, adversi belli crimine, prioribus artibus sibi Pontificem majori benevolentia devinxit. Iterum Legatus efficitur, acceptâ omnium, quæ Pontificis imperio parebant, Provinciarum curâ. Ad urbem profectus inter multa, quæ in eo culpantur, civem quemdam, ut alia omittam, precibus pro amico intercedentem, cruciari statim equuleo iussit. Alios quosdam
fictâ

fictâ propter adulterinos nummos causâ, grandi multavit pecunia. Erat ejus clementiæ, æquitatis, justitiæ apud Pontificem contracta fides, ut uni soli, quod libitum esset, liceret. Pontifici, cum Florentiam revertisset, primum affuit ad renovandam in se (plura enim facinora de eo ferebantur) Principis benevolentiam. Actum est, eo auctore, ad comprimendos, qui a Pontifice defecerant, Bononienses, ut Legatus in Flaminiam proficisceretur. Inito cum Venetis ac Florentinis foedere, datâque fide se adversus Bononiam profecturum, cum magnam vim auri ab eis cepisset, omisâ Flaminîâ, arma convertit in Corradum Fulginiî imperantem; qui nihil tum hostile veritus, ob eamque rem imparatus, a civibusque destitutus, cum, amisâ per prodicionem urbe, in potestatem Legati devenisset, in vincla conjicitur: præda omnis, quæ permagna erat, Cornetum abacta. Adjecto deinde ad Arcem Spoletanam animo, ut omnia imperio suo subderet, Abbatem Cassinensis monasterii, qui Arci præerat, captum, in Arcem veterem misit, in qua periit. Summâ ope interim, tum nuntiis, tum literis, enixus est, ut Pontifex ad urbem proficisceretur, adeoque consulendo, hortandoque contenderat, ut Pontificem traheret in sententiam suam, nisi aliqui occultiores dolum timentes restitissent. Hoc rerum statu florentem Legatum majora jam consilia agitabant; nam, cum suspicaretur suam magnitudinem multis infensam, dicitur animum ad pejora consilia convertisse, conjurasseque contra Florentinos, quos ob non servatam fidem iniquo in se animo senserat. Hanc latius explicarem conjurationem, nisi eorum, qui in illa intervenisse dicuntur, pudor & reverentia a narrando continerent. Sed hæc majora suis viribus molientem, aliquorum prudentia, quibus & Pontificis & patriæ salus cara erat, prævenit. Per Antonium * Paduanum, qui Præfectus erat sepulchri Hadriani, in transitu pontis capiendum curavit. Tribus, dum defensionem parat, accepris vulneribus, octava (²) die, postquam captus est, moritur. Admodum paucis fuit interitus

* Antonium
Ridus.

(²) *Octava die.* Male est apud Raynaldum ad an. 1440. n.º 11. cum obiit. Se vigesima die post inflicta vulnera.

114 HISTORIÆ DE VARIETATE

ejus gravis; erat enim impotens animo, atque imperiosus. Præter eos, quos retuli ab eo necatos, quamplurima ejus crudelia in multos narrantur facinora. Custos Arcis Ostiensis, cui nummi ob servatam Arcem debebantur, ne pretium posceret, laqueo damnatus est, confictâ prodicione. Paulum Teutonem virum militarem, ob amplum patrimonium, argentum atque armenta, ut dicunt, in mare projici jussit. Tandem vitæ insperatum exitum est sortitus. Corpus ejus noctu ad templum Minervæ (a) delatum in lectica jacuit, jucundum multis spectaculum, præbente illustre exemplum fortunæ. Non hominem deinceps, sed portentum immane recensere monstri loco libet. Comirum (b) Montis Feretri per vetustum est genus. Guid-Antonius, qui Urbini Comes dicebatur, justus & modestus Princeps, novissime avitas tenuit terras. Is diem suum obiit, relicto (c) filio, naturâ fero atque immani. Ea malos suasores nacla (facile enim impio vitia persuadentur) ad omne facinus erupit, duorum sceleratissimorum operâ, quos ad secretiore consilia asciverat. Primum dæmonum incantationibus plurimum indulsit; tum luxuriæ impotens, nullius parcens pudicitix, quibus libitum erat, nullo discrimine, virgo an nupta esset, vim inferre moliebatur. Delectabatur nocturnis conviviis, quæ in lucem proferrentur, adhibitis per minas mulieribus, si quæ videbantur

(a) *Ad Templum Minervæ.* Ita habent scriptores omnes. Ciaconius scribit, postmodum collecta ejus ossa Cornetum fuisse delata, & tumulata in Cathedrali. Extat ibidem illius epitaphium, quod idem Ciaconius exhibet tom. 1. de viris Pontificum eolum. 9. Falso a nonnullis, ut est apud Ciaconium, creditum est Joannem fuisse Aquileiensem Patriarcham, cum esset tantum Alexandrinus, ut monet Poggius; sed mirari subit, cur Bartholomæus Facius, lib. 5. de rebus gestis Alphonſi Regis, pag. 127. Aquileiensem Patriarcham dicat eundem Joannem.

(b) *Comirum.* De hujus familiæ vetustate, ac viris illustribus plura habet

Hieronymus Mutius Justinopolitanus, initio lib. 1. de rebus gellis Federici Comitis Montis Feretri. De Guid-Antonio hæc perceruset, eum pluribus urbibus dominatum fuisse, in Neapolitano regno Comitis-stabuli officio functum, & Martini munificentia oppido Castridurantis donatum. Poggius ipse appellat Guid-Antonium suæ & majorum gloriam clarum, lib. 6. histor. Florent. De hujus laudibus meminit etiam Ammiratus lib. 18. hist. Florentinæ.

(c) *Relicto filio.* Scilicet Oddone Antonio, de cujus sævitia ac infandis criminibus, eadem propemodum quæ Poggius, scribit Leander Albertus in descriptione Italix, pag. 262.

speciosiores. Adolescentulæ inuuptæ patrem fratremque, obnegatum filiæ stuprum in dirum carcerem coniectos, alterum mirum in modum tormentis laceravit, alterum inedia ad mortem acerbissimam compulit. Alteram pudicam adolescentulam desponsatam viro, quia pudorem illius parentes contra furentis libidinem tutabantur, asino insidentem in lupanar, tibicine præcedente, deferri iussit, missis aliquibus domesticis, qui illam per vim stuprarent. Inpuberem adolescentulum, quem se certa hora excitare ad opus luxuriæ iusserat, somno deceptum, quia eum non interpellaverat, crudelissima morte affecit; terebintha enim nudum puerum linitum primo, deinde pulvere superinjecto, quo ad Bombardas utuntur, igneque addito, misellum uri permisit, eo mortis genere, quo ne crudelius quidem Phalaris adinvenisset. Cum plura ejusmodi infanda facinora in dies parraret, nullo neque hominum, neque Dei respectu habito, furorque dementis adolescentis (vigessimum enim annum attigerat) in cives debaccharetur, tandem quidam, quos contra insanierat, conspiratione factâ, noctu hominem adorti, in cubiculo multis vulneribus confossum occiderunt: addita & duorum cædes, qui præcipui consultores fautoresque tantorum scelerum habebantur. Dignus viræ finis, si citius insanix poenas dedisset. Solent a Principibus consultores sumi suis moribus naturæque accommodati: in eos postmodum, quod nefarie actum est, culpam referunt. Nequaquam posterius omnium quæ huic operi inserta sunt, exemplum adjicere fortunæ iniquitas coëgit, ut rem gravem, dictuque asperam, ita sceleratam, ac nomini Christiano turpem. Culparem profecto cæleste numen, quod suæ fidei propugnatorem tam sæva morte perire siverit, nisi divinæ providentiæ inscrutabilis series obstaret, prohiberetque æternam sapientiam, cujus iusta sunt judicia, a mortali imbecilloque ingenio reprehendi. Sed dolendum est tamen talem futuræ virtutis indolem vi factorum Christianis ablaram. Ladislaus (a) magni animi adolescens, mortuo pa-

(a) *Ladislavus*. Filius posthumus Alberti Regis, de quo *Æneas Sylvius* in hist. Bohem. cap. 16. & plures alii summa cum laude suæ locuti. Contigit an-

Hungariam receperunt : ea hyeme secunda expeditio, hortante Legato, cum vires hostium contrafactæ essent, parabatur. Quod præsentiens Teucrorum Imperator, ad parandas pro defensione copias in Asiam transiit. Id ne impedimento ad expeditionem Regi Poloniæ fieret, Eugenius avidus Europæ ab infidelibus liberandæ, cujus suasu expeditio fiebat, classem (a) paravit xxi. triremium, quibus hostium in Europam transitus impediretur. Ei classi, præter Legatum (b) Pontificis, Veneti (c) ducem præfecerunt; quæ in Hellespontum profecta, (d) ob Præfecti classis ignaviam, nulla re usui fuit. Nam cum Rex, hujus classis fiduciâ, in Macedoniam Thraciamque cum xxx. millibus equitum transiisset, multasque nationes in suam ditionem rede-gisset, confusus Teucris in Europam transitum a triremibus impediri; hostium Imperator, nihil obistente classe, cum magna equitum peditumque multitudine (hi ad triginta millia erant) mare Hellespontum transiit; junctisque, quæ in Europa præparatæ fuerant ad bellum copiis, ingenti exercitu, & qui centum millium numerum excederet, Christianos (e) de improvise paulo, post ortum solis adortus est. Paulum nostri insperato Teucrorum adventu steterunt, ita ut ne consultandi, quid optimum factu esset; tempus daretur. Quidam opponendos currus impedimentaque censebant, quibus veluti mœnibus ab insultu hostium

(a) *Classem paravit.* De classe ab eo parata pro impediendo Turcorum tractu ex Asia in Europam, extant apud Raynald. ad an. 1443. n°. 23. literæ ipsius Eugenii ad Joannem Palæologum. datæ Senis an. 1443 quibus de apparatu classis, deque auxiliis in Turcos ferendis certiorum eum facit. Scriptores rerum Venetarum perhibent, Eugenium parasse octo triremes suis sumptibus, quæ junctæ fuerunt una cum aliis quatuor missis a Philippo Burgundiæ Duce, quibus singulis præfecti fuere ex Venetiis proceribus nobiles viri Sabellicus decad. 3. lib. 6. col. 1424. Petrus Justinianus lib. 8. histor. Venet.

(b) *Præter legatum Pontificis.* Erat Fran-

ciscus tit. S. Clementis Cardinalis Condulmerius, Eugenii nepos.

(c) *Veneti Ducem.* Is fuit Aloysius Lauretanus.

(d) *Hellespontum profecta.* An. 1444. impediri non potuit transitus Ammuratus, cum classis tempestive non accurrisset, & Genuenses pecunia corrupti se se hostibus non objecissent, ut habet Aucas Sylvius de Europa cap. 5.

(e) *Christianos de improvise.* Hujus prælii descriptionem enarrationemque per omnia similem habes apud Philippum Callimachum de pugna Varnensis. Initium est prælii die 10. Novembris anni 1444. ut liquet ex literis Eugenii datis 7. Idus Julii anni 1445.

se tutarentur; aliorum sententia erat armis in aperro decertandum. Ordinatâ pro tempore acie, Episcopus (a) Agriensis (is genere insignis erat) primus in Teucros erupit; commissio prælio, sublato clamore, summâ vi certabatur, multis utrimque cadentibus. Alterum ex nostris cornu superior hostis fudit ac fugavit, magnâ strage editâ. Narravit mihi quidam, qui pugnæ interfuit, inter victores ab se occisum ducem quemdam ex primoribus, ereptamque ab se mortui vaginam auream, & aureum calcar pretii aureorum centum. Relicto (b) Rege, victores onusti præda abierunt, neque amplius subsidio fuere suis. Alterum verò, in quo Rex erat cornu, cui Imperator hostium cum majori copiarum parte erat oppositus, licet multitudine oppugnantium urgeretur, tamen equitatus omnis hostium, Imperatore faucio, cæsus ac dissipatus est. Restabant integræ pedestres copiæ, equites diversa petierant loca. Cum fessis omnibus, (jam sol ad vespem inclinarat) plures suaderent Regi, ut pedem referret ea victoria contentus; ille ignominiam fugæ veritus, simul juvenili impetu, victoriæ cupidus, cum paucis, qui supererant, pedestrem aciem aggreditur, ubi cum diutius pugnaret, dissipati hostium equites, globo facto, Regem circumveniunt: magna vi utrimque certatum est, multis ultro citroque vulneribus acceptis: tandem multitudine Infidelium oppressi Christiani ad fugam compelluntur. Rex (c) viriliter circa signa pugnans, faucius femur brachiumque opprimitur. Diversa (nam verus certe au-

(a) *Episcopus Agriensis.* De eo Callimachus scribit rediisse ad pugnam jam initam, cum *Galatam* petere institueret, nec postea unquam comparuisse.

(b) *Relicto Rege.* Hæc omnia, quæ sequuntur de ancipiti ac longo prælio, & de virtute Regis vide apud Callimachum.

(c) *Rex viriliter pugnans.* Callimachus scribit Uladissum, cum acriter in hostem ferretur, & eadem quocumque se verteret, ederet, equo, ingenti in latius vulnere accepto, desiliisse, & supervenientibus Janissariis telorum mul-

titudine confossum Scriptores omnes hoc pacto Uladissai interitum narrare, sed fassus Poggius aliorum varias sententias refert; vero similem tamen esse putat, quam supra memoravimus.

Consentium omnes Regem juvenili audacia actum vitam amisisse, & inter cæteros Philsephus lib. 19. epist. pag. 134. in epistola ad Ludovicum Fulcarum. Idem Philsephus an. 1444. litteras dedit ad eundem Uladissum Regem, quibus eum hortatur ad bellum capeffendum contra Turcas.

etor mortis nullus extat) fama est. Quidam in bello dimicantem periisse aiunt, qui cum pugnantem, fauciumque viderant; alii, cum circa solis occasum cum paucis aufugisset in proximis silvas, noctu impatientem vulneris sub quercu (ex equo enim ob debilitatem descenderat) occubuisse. Plures, quod vero similis videtur, cum in aciem se peditum immisisset, faucis equi poplitibus Regem ad terram unâ cum equo decidisse, atque ab hostibus truncato capite occisum ferunt, anno ætatis vigesimo primo. Ad quadraginta hostium millia ex prælio cecidisse dicuntur, & in his optimus quisque bello dux; e nostris vero ad tria millia, ex his qui cum Rege erant, desiderati, plures capti reliqui per aspera atque invia ad sua abierunt. Cardinalis (.) quoque, accepto in acie vulnere, in fuga expiravit. Nunc ad Eugenii gesta, cui per omnem vitam fortuna præfuit, redeundum est. Is cum esset (b) Florentiæ, compositâ inter Mediolani ac Venetorum duces & populum Florentinum, pace, cum parum suis rebus per Franciscum Comitem, ejus pacis arbitrum, consultum putaret (& quidem spreta ejus ab eo utilitas, atque auctoritas est) statim adversus (c) Comitem, qui cum Nico-

(a) Cardinalis quoque. Variæ etiam hujus præstantissimi integerrimique Cardinalis interitus circumfertur, ut habet Spondanus ad an. 1444 n°. 8. sed eam amplectendam sententiam duximus, quam sequitur de ejus morte Æneas Sylvius de Europa cap. 6. in hæc verba: *Julianus Cardinalis, dum fugit, amisso prælio, cum jam hostes evasisset, Hungarorum perfidiam evadere non potuit; potum equo dantem apud stagnum forte reperiunt, latrunculi quidam nocere. & arbitrati pecuniam apud eum esse, dejectum equo necaverunt, & ablatis vestimentis nudum cadaver feris ac vulnibus dimiserunt.* Hæc Sylvius. Ob hanc infelicem expeditionem, interfecto Ladislao, & re Ecclesiæ Catholicæ male gesta, læcescitur a multis Juliani fama, præsertim a Philippo Callimacho; sed jure ne an injuriâ videantur ii, quibus perspecta est hujus Cardinalis integritas, eum siquidem, post mortem, summi

Pontifices laudibus extulerunt. Stephanus Baluzius tom. 3. Miscel. pag. 301. publici juris fecit brevem historiam de morte Juliani Cardinalis Cesarini, de promptam ex M. S. cod. Collegii Capranicensis. Traditur ibi, Cardinalem, dum fugeret, captum esse a Turcis, a quibus ad eorum Tyrannum perductus, neque minis, neque blanditiis adduci potuit ad eorum sectam amplectendam; quare martyrii palmam hoc mortis genere promeritum. Vide Ughellium T. 3. Italicæ sacræ.

(b) Is cum esset Florentia. An. 1439. cum Ferraria rediisset pestis causa: porto hujus pacis conditiones, quæ in quinquennium firmatæ sunt, refert idem Poggius lib. 7. pag. 329. hist. Florent.

(c) Adversus Comitem. Cum bona Ecclesiæ occupare Franciscus ausus esset an. 1446. Eugenius die feriæ 5. in Cena Domini eum excommunicatione

lao (a) dominia Ecclesiæ tanquam in duumviratum partitus erat, odio renovato, conspiravit. Intra (b) igitur cum Duce Mediolani ac Rege Aragonum societate, Nicolaum Parvulum ex Lombardia in subsidium cum equitum millibus duodecim, tribus peditum, accersivit, quo duce bellum Franciscus intulit in Piceno. Rex quoque Aragonum cum exercitu Pontifici adversus Comitem subsidio venit. Multa oppida ab eo ad Eugenium desciverunt, varioque Marte id bellum duobus annis est gestum. Interim Pontifex (ira enim pepigerat) Florentia recedens Senas venit, ac sex mensibus post Romam (c) concessit. Aquapendens, Toscanella, cæteraque oppida Patrimonii, quæ Comes occupabat, in ditionem Romanæ Ecclesiæ redacta; quo accidit ut tuto urbs adiri posset. Superior Pontificis res erat. Sed Franciscus, cum videtur ferme obsessus (certe rerum inopiâ urgebatur,) tandem Nicolai (d) copiarum, (is, relicto in castris filio, Mediolanum antea concesserat,) profligatæ sunt. Quo accidit ut omni ferme Piceno Franciscus denuo potiretur. Nec dubium est quin multa Pontifex Eugenius incurrisset adversa, si hostis victoriam sequi voluisset. At is suâ Florentinorum pacis commo-

perculit, & sanxit, ne quis ei officia ulla præstaret. Excommunicationis litteras refert Raynald. ad an. 1446. n.º 11.

(a) Cum Nicolaus Is est Nicolaus Fortebrachius, quem eundem esse ac Piccininum, cum Jovius in Elogiis scribat, Poggius tamen semper a Piccinino, cum hic, tum in hist. Florent. distinguit.

(b) Intra igitur. De initio sedere cum Mediolani Duce & Alphonso Rege loquitur Poggius etiam lib. 8. hist. pag. 360. & Raynald. ad an. 1446. n.º 12. profert litteras Eugenii ad Cardinalem Aquileiensem Senas datas de jungendo sedere cum Alphonso, qui venit in Picenum, & eam Provinciam, pulso Francisco, Pontifici recuperavit. Raynald. ad an. 1443. exhibet litteras Eugenii ad Alphonsum, quibus ei pro re bene gesta gratulatur, & nonnulla auctororum nulla ex Ecclesiis Regni Nea-

politani concedit.

(c) Romam concessit. An. 1443. Eugenius Papa Florentia Romam petiurum Nonis Martii inde eiciens, Senas sexto Idus solemnî pompa ingressus est, ac sex mensibus ibi subsistit, Romam pervenit die 18. Septembris. De ejus in urbem adventu plura congerunt Pius II. lib. 2. cap. 58. Antonin. in part. 3. tit. 10. 20. cap. 11. §. 17. Platina in ejus vitæ; Spondanus ad an. 1443.

(d) Tandem Nicolai copie. Id est Nicolaus Tolentinus, ut clare eum appellat Poggius lib. 12. hist. Florent. pag. 303. sed alia est pugna ab ea quam hic refert, de qua parum ipsi constare videtur; nam Nicolaus Piccininus an. 1438. occupavit bona Ecclesiæ nomine Ducis Mediolani, & die 19. Junii illum Eugenii copiarum fuderunt, ut habet auctor ejus vitæ synchron. apud Baluzium tom. 7. pag. 513.

da præferens, cum Pontifice denuo fœdus (a) iniit, quo major Piceni pars Comiti, pacis conditionibus, cessit. Stimulabat Pontificis animum cupiditas Piceni recuperandi; & cum Nicolaus (b) diem suum obiisset, iterum adversus Franciscum bellum movit, Regis viribus, & Ducis Mediolani fretus. Legatum (c) ad id delegit Ludovicum tituli S. Laurentii in Damaso Presbyterum Cardinalem, Patriarcham Aquilejensem cognominatum, virum pace & bello egregium, qui magno animo id bellum administravit. Ejus operâ consiliisque, quibus plurimum usus est, omnes Marchiæ civitates atque oppida, præter Exium, (d) ad Pontificem defecerunt, omnibus ferme provinciis, quæ in suo Pontificatu amissæ fuerant, præter Bononiam, (e) in ditionem suam redactis. Majora movens animo, & bello Thuscæ imminens, Alphonsum Regem Aragonum multis pollicitationibus excivit e regno, ignarus profecto consilia Principum, populorumque cogitationes sapius a Deo reprobari. Nam cum Rex Tybur venisset, Pontifex in fata concessit. (f) Nullus unquam Pontifex exitit antea tam varia fortuna jactatus, neque cujus tempore tot prodirent rerum motus, calamitatesque. Id mirum non debet videri; semper enim continuis bellis, veluti pacis atque otii impatiens, se inunif-

(a) Fœdus iniit. An 1444. ut habet Raynald. ex literis Eugenii num. 12. ad eum annum.

(b) Nicolaus. Obiit Nicolaus die 8. Septembris an. 1446. Joannes Baptista Poggius in ejus vita.

(c) Legatum delegit. Vide Raynald. ad an. 1446. n°. 12.

(d) Exium. Scribendum Æsum, vulgo Jesi.

(e) Præter Bononiam. Hanc enim sibi retinuerat Franciscus.

(f) Rex Tybur. Pius II. de Europa cap. 58. Idem narrat Poggius in hist. lib. 8. pag. 360. Rex Tybur, inquit, propinquam Romæ urbem mense Februario accedens, tempus belli gerendi observabat. Interim Eugenius, primo eodem mense, anno sexto & quadragesimo post mille quadringentos moritur & obiit liquidem 10. Kalend.

Martias, ut habet S. Antoninus 3. part. tit. 22. cap. 11. §. 17. qui ejus morti præfens fuit, in hæc verba: Demum ex infirmitate febrili post XVI. sui Pontificatus annum, ætatis suæ, ut ferebatur, LXVI. mense Februario, sumptus devote Ecclesiasticis Sacramentis, integro sensu atque aspectu, in Domino obdormivit, an. 1447. Addit eodem loci Antoninus sepultum fuisse in D. Petri Basilica, spectatæ sepulchri magnificentiâ, sed nobile tamen fuisse extractum a Francisco Cardinale ejus nepote. Epitaphium profert Raynald. ad an. 1447. n°. 13. Corpus tandem ad Ecclesiam S. Salvatoris paulo post est translatum. Laurentius Valla oratione funebri eum laudavit. Erratum a Poggio lib. 8. hist. Florent. in anno emortuali assignando, superius animadvertimus.

112 HISTORIÆ DE VARIETATE

cuit, seu naturâ ad id propensâ, seu factorum vi, seu hominum culpâ. Secutus est (a) Pontifex Nicolaus V. natura aversus a cogitationibus belli, ut qui pacem præferat, & otium præponat armis. Hic finis nostro sermoni fuit.

(a) *Secutus est Pontifex Nicolaus V.* Electus est Pontifex die decima nona Martii an. 1447. si omnium ferme scriptorum sententiam sequi velimus. Electio peracta est in Cœnobio Miner-
 vitano PP. Prædicatorum. Antonin.

loco cit. cap. 12. Pius II. in Europa cap. 18. qui hujus Pontificis summas laudes celebrat. Nauclerus generat. 49. scribit eum creatum esse pridie Nonas Martias an. 1447.



AD LIBRUM IV.

PRÆFATIO.

Complectitur hic liber varia Nicolai cujusdam Veneti itinera
ad orientales plagas, quas ita naviter quidem & ad amuf-
sum Poggius describit, ut ipse in eas regiones profectus, non ea
audivisse tantum ex aliis videatur. Nos, ne operam oleumque in
notis perdamus, contenti fuimus breviter perstringere nonnulla de
scriptoribus, qui de Indorum gente ac regionibus sunt locuti.
Priscorum testimonia collegit Christophorus Cellarius in sua Geo-
graphia antiqua, lib. 3. cap. 23. tom. 2. Ptolomæo, Straboni, Pli-
nio, ceterisque antiquæ ætatis auctoribus successit Palladius, qui
libellum * edidit de Gentibus Indie & Brachmanis. S. Ambrosius
item perbreve syntagma de locis, doctrina ac moribus Brach-
manorum scripsit. His Edoardus Biffæus adjecit Anonymum de
Brachmanis in editione, quam curavit Londini ann. 1668. in 4.
Sæculo XVI. labente Joannes Theodorus & Israël de Bry fratres
ac cives Francfordiani, patris vestigia secuti, suis impensis in lucem
emiservunt Francofurti an. 1599. nonnullos scriptores, qui de exte-
ris regionibus multa tradidissent. In ea collectione continentur Johan-
nis Hugonis Linskotani Batavi navigationes, quibus in Orientem
contendit an. 1584. die octavo Aprilis, quæ erat feria sexta in Pas-
sione Domini, non habitâ ratione ad Gregorianam emendationem,
cyclo solis 7. litera Dominicali F. In his varia traduntur de In-
dorum moribus & institutis, adjectis etiam iconibus de vestibus
ac ritibus eorundem. Porro hoc opus in octo partes dividitur, &
duobus tomis in folio distinguitur. Huic tamen tertium addide-
re iidem fratres, quo continetur navigatio Georgii Spilbergii in
Orientem suscepta an. 1601. Gasparis Balbii gemmarii cujusdam
Veneti ad Indiam Orientalem iter, quod est aggressus an. 1579.
& integro novennio continuavit. Quæ quidem historia gemmarii
antea vulgata fuerat Italica lingua. Laudanda profecto est fra-

* In lucem
prodiit Græc.
Lat. in 8°, cu-
rà Joach. Ca-
merarii, qui
auctoris no-
men ignora-
bat.

trum de Bry diligentia; sed prius a nobis collaudandus fuerat
præstantissimus vir Joannes Baptista Ramusius, qui tribus ingen-
tibus tomis complexus est itinera multorum hominum ad varias
orbis regiones; nimirum Joannis Leonis Africani, qui Africam
descripsit; Ludovici de Musto Patritii Veneti, qui primus ex Ve-
netis fretum Herculeum superavit, ut ipse Ramusius affirmat,
cum iter suscepisset an. 1454. Sed ne molestiam exhibeamus his
enumerandis, satis erit animadvertere ab eodem Ramusio hoc idem
Poggii iter legi Italica lingua donatum, ibidem tomo 1^o, pag. 338.
Juvat hic etiam indicare, quæ idem Ramusius præfatur de hac
navigatione, nimirum eam fuisse susceptam a Nicolao de Comitibus
Veneto cive, de qua cum ipse audisset, jam centum a sua æta-
te annis antea illud iter in Indorum orientalem partem a Nicolao
fuisse institutum, cepit diligenter investigare, num hæc Nicolai
descriptio inveniri posset. Sed cum eam frustra diu & multum quæsi-
sset, intellexit tandem hunc libellum in Lusitanorum linguam
isse conversum atque vulgatum, qui tamen mutilus & man-
us in manus Ramusii tandem pervenit. Narrat præterea quæ de
sa factum fuerit, ut libellus in Lusitanum idioma transferretur;
nam cum Emmanuel Portugallie Rex an. 1500. toto animo
incumberet ad novas expeditiones pro novis Regionibus detegendis,
ad ejus aures hujus libelli fama pervenit. Itaque Valentino Fer-
nandes demandavit, ut e Latina lingua in Lusitanam illum ver-
teret, quod quidem idem vir solertia magnâ præstitit, & in nun-
cupatoria epistola ad eundem Regem testatur, se in eam rem ani-
mum appulisse, ut post Marci Poli Veneti navigationes, hæ quo-
que haberentur, cum præsertim in his sermo fiat de regionibus,
quæ nuper a Lusitanis detectæ fuerant; ex quo magnam etiam
accessionem fieri aiebat navigationi Marci Poli Veneti, quam, cum
Gregorius X. Pontifex creatus esset an. 1271. instituit, cum eæ-
dem regiones, de quibus is meminit, in itinere Poggii describan-
tur. Illud autem animadvertere operæ pretium duximus, Ramu-
sium in sua interpretatione, quæ diligentissime facta est, eò loci
ubi de urbe Ava mentio fit, multa desiderari putasse, quæ mi-
nime a Latino textu absunt, & eadem sunt, quæ ille in Itali-
cam linguam transtulit; nam ubi de moribus urbis Ava verba

facit, incipit sermonem instituere de *Mangi* provincia. His addit *Poggius* duas alias quorundam Orientalium enarrationes, qui per eosdem dies ad Pontificem accessere; in quarum altera agitur de superiori India; in altera de Nili fontibus, de quo audire præstat, quid de hujus origine ii referant. Compertum est quantopere de ea disceptatum sit. Detectum est *Prolomaeum* & *Plinium* inter antiquos falli in illius origine definienda, quam & *Poggius* innuit. *Isaacus Vossius* in *Melam* pag. 42. & seq. & *Jobus Ludolphus* magnâ diligentia de illius origine disquisierunt; *Ludolphus* enim in *histor. Æthiopum* lib. 1°. cap. 8. ex sermone *Gregorii* cujusdam, qui ad intimam Nili originem penetrasse se referebat, scripsit oriri eum in terra quadam *Secur* dicta, in summitate *Dengale* montis. Demum in descriptione variarum regionum, quas *Italice* reddidit *Laurentius Magalottus*, vera origo Nili detegitur; & oriri in ditione *Tanacuensi* dicitur, sub provincia *Agaos* vicina regno *Goiam*. Ea terra vocatur *Sagelà*. Hæc præmonitum lectorem duximus, antequam *Poggium* de his regionibus differrentem audiret.



LIBER

QUARTUS.



AUD ab re futurum esse arbitror, si ab instituto scribendi cursu paulum divertens, eum libro huic finem imposuero, qui sit a fortunæ acerbitate ad mitiorem quamdam sortem, jucundamque rerum varietatem legentium animos itaducturus. Quamvis & in hoc quoque vim fortunæ haud parvam licet conspicere, quæ hominem ab extremis orbis finibus per tot maria ac terras quinque & viginti annos jactatum, sospitem in Italiam reducem fecerit. Multa tum a veteribus scriptoribus, tum communi fama de Indis feruntur, quorum certa cognitio ad nos perlata arguit quædam ex eis, fabulis quam vero esse similia. Nicolaus quidam Venetus, qui ad intima Indiæ penetravit, ad Eugenium Pontificem (is tum secundo Florentiæ erat) accessit veniæ impetrandæ gratiâ, quoniam, cum ab Indis rediens ad Ægypti fines mari rubro pervenisset, fidem abnegare, neque suo tantum, quantum uxoris, liberorumque, quos secum advexerat, mortis metu, coactus est. Hunc ego audiendi cupidus (multa enim ab eo jam dicta præferam cognitione digna) & in doctissimorum virorum cœtu, & domi meæ percunctatus sum diligenter plurima, quæ operæ pretium visum est, ut memoriæ & lieris traderentur. Nam de itinere ad tam remotas gentes, de Indorum situ, ac moribus variis, præterea animantibus atque arboribus, tum de aromatibus, quo in loco quæque nascantur, scire graviterque disseruit; ut non fingere, sed vera referre appateret. Eò usque autem profectus est, quò ne apud præcos quidem unum aliquem adisse legimus. Nam & Gangem transit, & ultra Ta-

brobanem (a) insulam longissime adiit, quò, duobus exceptis, altero magni Alexandri classis præfecto, altero Romano cive, qui, Tiberii Claudii Cæsaris tempore, tempestatibus eò delati sunt, neminem e nostris accessisse, quod literis constet, comperitum est. Is adolescens ab Damasco Syriæ, ubi mercaturæ gratiâ erat, percepit prius Arabum linguâ, in cœtu mercatorum, (hi sexcenti erant, quatu vulgo *Caroanani* dicunt) cum suis mercimoniis per Arabiæ Petreæ deserta loca, inde per Chaldæam ad Euphratem pervenit. In exitu deserti, qui mediis interjacet, rem mirandam dicit contigisse. Nam cum circiter mediam noctem quiescentes, magno murmure strepituque audito, suspicarentur omnes, Arabes prædones ad se spoliandos venire, erectis singulis ad futuri metum, viderunt plurimas equitum turmas transeuntium more tacitas tabernaculis eorum adequitare, absque cujusquam noxa. Plures qui id antea viderant, dæmonas esse per desertum vagantes asseruere. Civitas supra Euphratem est nobilis antiquæ Babylonix pars, XIIII. millibus passuum circuitu, quam incolæ novo nomine Baldochiam (b) vocant. Euphrates urbem mediam interfuit, quæ ponte unico (is quatuordecim arcubus constat) firmisimis utrimque arcibus conjungitur. Multa veteris urbis monumenta, & moles ædificiorum visuntur. Arx munitissima in monte, eadem & regia, sita est: hinc adverso flumine, in quo plurimas nobiles cultasque insulas vidit, viginti diebus, navigio, deinde octo, terrestri itinere, absumptis, ad civitatem Balsera, (c) & ab ea quatruiduo ad sinum Persicum pervenit, ubi fluit mare ac refluit more Oceani nostri. Per eum navigans diebus quinque ad portum Colchum (d) nomine, inde ad Ormesiam (e) (ea parva in sinu insula est)

(a) Taprobana hodie, vulgò *Iste de Ceylan*. Vide Plin. lib. 6. cap. 22. & Geographos.

(b) *Baldochiam*, aliis Bagdadum. Ea est urbs Asiæ in Iraca, antiquis dicta Seleucia, de cujus situ veteres Geographi disputarunt, ut videre est apud Cellarium pag. 720. tom. 1.

(c) *Balseram*. Latinis Teredon. De ejus situ, ut Cellarius refert lib. 3. cap.

16. dissensere inter se veteres, putantes eam non longe abesse ab oïsiis Euphratis, ubi in sinum Persicum fluit. Ab eorum etiam sententia discrepat Poggius, qui a sinu Persico itinere quatuor dierum distare scribit.

(d) *Colchum* Ramusius *Calcutra* vertit.

(e) *Ormesium* vulgo *Ormus* in Carmania, Latine *Armoz*.

longe a continente millibus passuum duodecim, deferitur. Ab ea extra sinum Indiam versus milliariibus centum, ad civitatem Calacatiam (a) nobile emporium Persarum profectus, inque ea aliquandiu commoratus, idioma Persicum didicit, quo postea adjutus, vestituque eorum in omni peregrinatione usus est. Assumptâ navi, sociis mercatoribus Persis, quos apud fides, jusque jurandum, ac societatis jura sanctissima sunt, integro mense navigans, deferitur ad civitatem nobilem Combahitam (b) nomine, in secundo post ostia Indi fluminis sinu, qua in regione sardonius lapis reperitur. Uxores quoque comburantur cum viris, una aut plures, quo funus celebrius fiat. Quæ viro fuit acceptior, brachio mariti collo subdito, recubans cum viro uritur. Reliquæ, accenso rogo, se in ignem conjiciunt, quo de toto ritu inferius dicitur. Duas præterea ad maritimas urbes, alteram Pachamuriam, (c) alteram Hellim nomine x x. diebus transiit. His in regionibus gingiber oritur, quod *Belledi*, *Gebeli* & *Neli* vulgo appellatur. Radices sunt arborum duorum cubitorum altitudine, foliis magnis, instar enulæ, duro cortice, veluti arundinem radices, quæ fructum regunt: ex eis extrahitur gingiber, quod immistum cineri ad solemque expositum triduo exsiccat. Profectus hinc est, procul a mari milliariibus trecentis, ad civitatem ingentem nomine Bizenegaliani (d) ambitu milliarium sexaginta, circa præruptos montes sitam. Convalles, obducto ad montes muro, claudunt ab ea parte urbem: ita ejus circuitus ingentior. In ea censentur hominum, qui arma ferre possunt, millia nonaginta. Capiunt ejus oræ incolæ quot uxores libet, & hæ cum viris comburantur. Rex eorum longe alios antecellit: hic ad duodecim millia uxorum capit, quarum quatuor millia pedibus Regem, quocumque iterit, sequuntur, coquinæ ejus ministerio intentæ, totidem equis ornatori cultu feruntur; reliquæ portantur lecticis, ex quibus ad duo vel

(a) Italicè *Calatia*, Latine *Calajata*.

(b) *Combahitam*, vulgò *Camboie*, Latine *Taxilla*, de qua Geographi fere omnes & Arrianus lib. 5. cap 4. & maxime Cellarius tom. 2.

(c) *Pachamuriam*, alteram *Hellim* nomine. Legendum putarem *Dehm*; altera vulgo *Pacamuria*, altera *Deh* dicitur; nam Latine *Dellim* est.

(d) *Bizenegalian* Vulgo *Bisnagar*, tria

tria millia eliguntur, eo pacto in matrimonium sumptæ, ut in domini rogum defuncti se sponte utendas conjiciant; iisque maximus habetur honos. Urbs Pelagonda (a) sub eodem Rege admodum nobilis decem millibus passuum circuitu distat a Bizenegalia, itinere dierum octo, a qua rursus se diebus viginti terrestri via contulit ad urbem, portumque maritimum nomine Pudisetaniam; (b) inque eo itinere duas Odeschiriam Cenderghiriamque reliquit urbes, in quibus rubei sandali nascuntur. Malpuria (c) deinde, maritima civitas in secundo sinu ultra Indum sita, Nicolaum excepit. Hic corpus (d) sancti Thomæ honorifice sepultum in amplissima ornatissimaque Basilica colitur ab hæreticis. Hi Nestoritz (e) appellantur, qui ad mille hominum in ea urbe habitant: hi per omnem Indiam tanquam Judæi inter nos sunt dispersi. Provincia omnis Malabaria appellata. Ultra eam urbs est Cahila, (f) qui locus margaritis & arbores insuper absque fructu producit, foliis cubitorum sex longitudinis, toridemque ferme latitudinis, adeo subtilibus, ut complicata pugno contineantur, quibus pro cartis in scribendo utuntur, proque capitis adversus imbres tegumento; nam terni quaternique, cum peregrinan-

caput Regni Bisnagariz infra Gangem.

(a) *Pelagonda*. Vulgo *Pelagonga*: A Ptolomæo appellatur *Sisingspi*, *La. Perincari*, urbs Indiz citerioris.

(b) *Pudisetaniam* Vulgo *Pudisetania*, quemadmodum *Odeschiriam* & *Cenderghiriam*.

(c) *Malpuria*, *Malepur*, Latine *Malapora* & *Malapora*, est Indiz Citerioris urbs in Coromandelis.

(d) *Hic corpus S. Thomæ*. In Martyrologio Romano legitur festum S. Thomæ celebrari Calamiz, in urbe Indiz interioris, in qua martirium subiit. Verum luce clarius esse scribit Baronius in notis ad Martyrologium Romanum, ad diem 3. Julii, S. Thomæ corpus Edessam quarto Christianæ Religionis sæculo fuisse translatum, cum de ea translatione meminerint Ruffin. lib. 2. cap. 5. Socrates lib. 4. cap. 14. & Sozomen. lib. 6. cap. 18. Quare ex recentioribus Ecclesiasticarum rerum scriptoribus nemo dubitat, quin ea tunc translatio facta fuerit. Sed

cum Indi ipsi, & Lusitani, qui ad eas regiones accesserunt, fateantur coli ibidem S. Thomæ corpus, rem ita dimit Eminentiss. Baronius eodem loco, ut reliquiarum partem ibidem mansisse credat, ex quo veluti erga corpus ipsum veneratio exhiberetur: cui ægre subscribunt Combessius in Auzario PP. Græcorum novissimo pag. 486 & Tillemontius tom. 1. Hist. Ecclesiasticæ pag. 358. Hi dicuntur Christiani S. Thomæ, sed a Catholicæ Ecclesiæ unitate ob nonnullos errores sejuncti. Sæculo XVI. contenderunt plerique e Catholicis viris ad bonam frugem eos revocare, inter quos multum insudavit Alexius Menesius Ordinis S. Augustini, qui synodum habuit. Liber a Francisco Govea editus est de iis quæ Mnesius gesserat, ut ad rectam fidem eos adduceret.

(e) *Nestoritz*. Nestorii hæresim in multas Orientis Regiones fuisse diffusam competum est. Hi & Jacobitz

R

tur, uno extento folio conteguntur. Medio in sinu nobilissima est insula Saillana^(a); (a) tribus millibus milliarius ambitu, in qua rubini, zaphyri, granati, &c, quos dicunt *oculos gatte*, eò loci plurimi habitos, effodiuntur. Cinnamomum quoque fert plurimum. Arbor ea est simillima crassioribus salicibus nostris, præterquamquod rami non in altum, sed patuli extenduntur in latum: folia simillima, licet majora, lauri foliis: ramorum cortex melior est, itque subtilior: trunci crassior inferiorque sapore. Fructus ejus baccis lauri similis, ex quibus elicitur oleum odoriferum unguentis, quibus admodum Indi utuntur, accommodatum. Ligna nudata cortice comburuntur. Lacus in insula est, inque ejus medio civitas, eademque tribus milliariis circuitu. Ex genere Brammonum^(b) qui cæteris habentur sapientiores, dominantur insulæ. Brammones philosophantur, per omnem vitam Astrologæ intenti, deditique honestiori vitæ. Ad insulæ deinceps Taprobanes^(c), quæ Sciamuthera^{*} eorum lingua dicitur, civitatem insignem, in qua annum moram traxit (ea vero sex milliarius ambitu patet) nobilissimum ejus insulæ emporium, viginti diebus navigavit secundo vento, relicta a dextris insulâ Andamaniâ, hoc est, auri insulâ, octingentorum milliium passuum ambitu, quam incolunt Antropophagi. Ad hanc nulli deferuntur, nisi tempestate acti, qui discepti cibus sunt immanium barbarorum. Taprobanem sex decies centenis millibus patere passuum ambitu affirmat. Viri crudeles, & moribus asperi: aures habent permagnas viri feminaque, in quibus aureas inaures ferunt ornatas gemmis, linteis vestiuntur, & tela serica genua tenus. Uxores plures ducunt, domos de-

* Id est, Sumatra.

nuncupantur a Jacobo Syro Eutythiano.

(f) *Cabala*. Vulgo *Caël*.

(a) *Saillana*. Vulgo *Zeilam*, Latine *Taprobana*, *Ceylamm*, est in India intra Gangem, de qua varie scripsere veteres. V. Cellarium lib. 3, cap. 23.

(b) *Brammonum*. Hi sunt Brachamani, seu Brachmanes, de quibus nonnulla diximus in præfatione hujus libri.

(c) *Taprobanes*. Non una est docto-

rum hominum sententia, num *Taprobana* insula eadem sit, ac ea quæ nunc *Zeilam* dicitur, an de *Sumatra* vox sit intelligenda. Horum opiniones leges apud Cellarium lib. 3, cap. 23. qui Salmasio, Bocharto, Isaac Vossio approbantibus, pro *Zeila* stare videtur, ex quo patet non omnino deceptum Poggeum, qui Taprobanem ad Sumatram retulit, cum in suam sententiam descendat

pressas habent ad evitandum solis æstum. Idololatræ omnes, pipere, reliquo majore, & item longo pipere, camphorâ & auro plurimo abundant. Piperis arbor persimilis est ederæ, grana ejus viridia ad formam grani juniperi, quæ modico cinere aspersa torrentur ad solem. Fructum viridem habent nomine *Durianum*, magnitudine cucumeris, in quo sunt quinque veluti * *Malarancia* oblonga, varii saporis, instar butyri coagulati. In ejus insulæ, quam dicunt *Barhech*, parte, Antropophagi habitant, continuum cum vicinis bellum gerentes. Capita humana in thesauris habent, quæ ex hostibus capitis abscissa, esis carnibus, recondunt, iisque utuntur pro nummis: si quid emunt, emunt uno aut pluribus, prout res æstimatur: cui plura capita domi sunt, is ditior habetur. Relictâ Taprobane ad urbem Thenasserim (a) supra ostium fluvii eodem nomine vocitati, diebus xvi. tempestate actus est. Quæ regio & elephantis & *Verzano* abundat. Hinc pluribus itineribus terrâ marique confectis, ostia Gangis ingressus, adverso flumine diebus xv. delatus est ad civitatem nomine *Cernovem*, insignem (b) atque opulentam. Latitudo ea fluminis, ut in medio navigans ab neutro latere terram conspiciat: xv. milliaribus patere aliquando asserit. In ripis arundines proceritatis & miræ crassitudinis, ultra quam ulnis circumdari possint, ex quibus unicis lembi fiunt piscatorii, & item ex ligno, quod est plusquam palmi spissitudine, scaphæ ad usum fluminis aptæ: internodia earum staturam hominis æquant. Crocodilos, variique pisces generis ignotos nobis alit flumen, quod viridariis hortisque & amœnissimis villis utrimque cingitur. In his nascuntur *Muse* fructus melle dulcior, fico similis; nuces quoque a nobis *Indicæ* appellatæ, variique præterea fructus. Tribus ab ea urbe mensibus per Gangem ascendens, quatuor civitatibus famosissimis post se relictis, ad Marahatiam (c) præpotentem urbem descendit, ubi ligni aloës, auriq; & argenti, gemmarum quoque ac margaritarum magna vis. Hac relictâ, cum montes ad Orien-

* Mala aurancia.

nonnulli ex recentioribus eruditi.
(a) *Thenasserim*, vulgo *Ternasserim*.

(b) *Cernovem*, vulgo *Cernove*.
(c) *Marahatiam*, *Maaraxia*.

tem sitos, carbunculorum gratiâ, x l i i. dierum petiisset itinere, primum Cernovem, deinde Buffettaniam rediit. Mari deinceps cum mense integro ad ostium Rachani fluvii pervenisset, atque inde ejusdem nominis civitatem supra flumen sitam petiisset diebus sex, per desertos habitaculis montes, decem & septem, inde per campos patentes, x v. diebus profectus, flumen majus Gangem est ingressus, *Dava* (a) ab incolis appellatum. Tum fertur mensis navigatione adverso flumine ad civitatem nobilissimam omnium, quæ dicitur *Ava*, x v. millibus passuum circuitu amplexam. Hac sola in civitate plurimas tabernas rei, quam joci gratiâ scripsi, ridiculæ lascivæque esse affirmat; vendi in his a solis feminis ea quæ nos *sonalia*, a sono, ut puto, dicta, appellamus, aurea, argentea, æreaque, in modum parvulæ avellanæ; ad has virum, antequam uxorem capiat, proficisci (aliter enim rejicitur a conjugio;) execta atque elevata paulum membri virilis cutem, trudi inter pellem & carnem ex his sonaliis usque ad duodecimum, & amplius, prout libuit variis circum circa locis; inde consuta cute intra paucos sanari dies; hoc ad explendam mulierum libidinem fieri; his enim tanquam internodiis, membri que tumore, feminas summa voluptate affici. Multorum, dum ambulant, membra tibiis reperiuntur resonant, ita ut audiantur. Ad hoc Nicolaus sæpius a mulieribus, quæ cum a parvitate Priapi deridebant, invitatus, noluit dolorem suum aliis voluptati esse. Ea provincia, *Macinum* incolæ dicunt, referta est elephantis, quippe ejus Rex decem millia nutrit, quibus uritur ad bellum. Propugnacula supra dorsum alligantur, desuper octo aut decem viri jaculis pugnant atque arcubus, & his, quas appellamus balistas. Elephantos autem capi hoc maxime modo asserit, in quo & cum Plinio sentire videtur. Femina domita in silvas abactæ relinquuntur, quoad silvestres cum his (solus autem solam appetit) consuecant elephantis. Tum feminas paulatim pascendo in locum parvum mœnibus septum deduci; duas ingentes esse portas dicit; alterâ ingressum, alterâ exitum patere: ea priorem in-

* Lib. 8. cap. 8.

(d) *Dava*. Legendum *Ava*, à quo urbs Ava in India.

gressa, relicto elephanto, ulteriore egreditur portâ; quæ anterior e vestigio & exterior obferantur. Tum foraminibus ad id per murum dispositis, ad mille hominum intrant cum laqueis admodum spissis; deinde quispiam eorum ab anteriori parte interclusæ bestię se ostendit, quem ferendi cupida cursu petit. Hanc ceteri homines insecuti, coniectis laqueis, dum pedes cursu allevat, posterioribus deprehensam pedibus ad columnam ligneam in terris altius defixam, vi magnoque impetu abstractam alligant, ubi triduo aut quadriduo belluam fame macerant, ei paulum herbæ quotidie porrigentes: quindecim diebus mitem reddunt. Dehinc inter duos domesticos alligatam elephantos per urbem circumducunt, decemque diebus mansuetam, ut ceteras, reddunt. Alibi deduci ait elephantos in parvam convallem undique clausam, quo in loco, emissis feminis, interclusos fames domat; quadriduo post compelli bestias in arcta loca ad id fabrefacta, ubi & mansuesciant, quos usus gratiâ Reges emunt. Domestici * riso, butyroque; silvestres arboribus herbisque pascuntur. Reguntur autem a rectore unco ferreo ad caput reflexo. Tanta peritia animali inest, ut jacula adversa sapius planta pedis porrecta excipiat ad tuendos sessores. Rex albo elephanto vehitur, cui catena aurea, distincta gemmis, collo circumdata, ad pedes usque pender. Homines sunt unica uxore contenti. Viri mulieresque stylo ferreo corpora variis coloribus figurisque, ita ut hæ continuo extent, pinguntur. Colunt idola omnes. Surgentes autem e lecto, ad Orientem versi, orant junctis manibus: *Deus trinus, & lex ejus eadem, nos ruere*. Genus est pomorum malaranciis persimile, succosum ac dulce. Arbor quoque tali nomine, foliis permagnis, in quibus scribunt (nam papyri usus per universam Indiam abest) exceptâ Combaitâ civitate. Fructum fert instar rapæ majusculæ, congelato interius succo, qui cibus est suavissimus, sed inferior cortice. Serpentes infestos, crassitie hominis, absque pedibus, sex cubitis longos, ea fert regio. Incolæ serpentes assos in cibum pro deliciis habent; formicas insuper ru-beas, magnitudine parvuli * gambari, edunt, ut rem optimam,

* oryza.

* Gambari,
vel Cammari,
Gall. Ecrevis-
ses.

pipere conditas. Animal est insuper capite suillo, cauda bovis, unico in fronte cornu, ad formam unicornis, sed brevior, ut quod cubitum protendatur, colore & magnitudine elephantis simile, quibuscum bellum continuum gerit. Os cornu veneno medetur, eoque in honore est. Boves in ejus finibus, Cathaïum versus, nigri, albique; & hi pretiosiores nascuntur, crinibus caudaque equina, sed pilosiore, & pedes usque protensa. Pili caudæ subtilissimi, & in modum plumæ volatilis, pondere argenti æstimantur; ex his autem flabella conficiunt ad cultum deorum, & Regum usum; & supra equi clunem in aureo vel argenteo locant cono, ut sparsim regant equi posteriora; aut subtus mentum ponunt, ut pectus honestent: quod est præcipuum ornamenti genus. Equites in cacumine lancearum ejusmodi setas suspendunt, id nobilitatis egregiæ insigne præ se ferentes. Ultra Macinum provincia est omnibus præstantior, nomine Cathaïum, cui dominatur is, qui magnus *Canis* (hoc est, eorum linguâ, Imperator) appellatur. Ejus regia urbs, quæ duo de triginta milliaribus in quadrum patet, Cambaleschia est, (a) cujus in medio arx munitissima atque ornatissima habetur Regis palatium. Singulis in angulis urbis arx est pro armamentario rotunda, quatuor milliarium ambitu, in quæis arma omnis generis, tormenta que bello & expugnationibus urbium apta conduntur. Ad harum quamlibet ab arce per urbem murus arcuatus protenditur, quo ad eas accessus Regi pateat, si quid in urbe tumultus adversus eum excitaretur. Hanc prope xv. dierum itinere alia civitas Nemptai (b) nomine, ab Imperatore condita, cujus ambitus patet triginta milliaribus, eaque est populosissima omnium. Utraque in civitate domos, palatia, ceteraque urbium ornamenta Italicis similia esse affirmat, homines modestos, urbanos, ac ceteris ditiores. Ab Ava, mare versus, ad ostium fluvii haud magni portus, ubi est Xeythona nomine, diebus xvii. delatus; ingressusque fluvium diebus decem petiit civitatem populo-

(a) *Cambaleschia*. Vulgo *Cambaia*, Latine *Calemba*, *Taxilla*; regio vero *Quinsæum*, *Syrastene*.
 (b) *Nemptai*. Vulgo *Quinsai* Latine

sissimam XII. millibus passuum ambitu , quam *Pancoviam*
 (a) incolæ appellant , ubi menses quatuor fuit. Hoc solo
 in loco vites , & hæ perpaucæ , reperiuntur , cum omnis
 India vitibus careat ac vino , nec hi ex uva vinum confi-
 ciant. Pinus habent , crisomala , castaneas , melones , sed
 parvos ac virides , sandalos albos , & camphoram. Hæc una
 latens in arbore , incisâ eâ , nisi prius suis diis peracto
 sacrificio , evanescit , neque usquam apparet. Sunt insulæ
 duæ in interiori India , & pene extremis orbis finibus , am-
 bæ *Java* (b) nomine , quarum altera tribus , altera duo-
 bus millibus milliarium protenditur Orientem versus ; sed *ma-*
ioris , *minoris*que cognomine discernuntur , quas ad mare
 rediens transiit : absunt a continenti mensis navigatione , &
 ipsæ centum milliaribus invicem propinquæ , in quibus cum
 uxore & filiis (comites enim omnis peregrinationis habuit) no-
 vem mensibus mansit. Has homines inhumanissimi omnium ,
 crudelissimique inhabitant. Mures , canes , caros & spurciora
 quælibet animalia edentes , crudelitate exsuperant omnes mor-
 tales. Hominem occidere pro ludo est , nullique supplicio
 dantur , debitores pro servis adjiciuntur creditoribus , quidam
 cum mori malint , quam servire , arrepro gladio obvios im-
 becilliores transfigunt , donec a valentiori obvio & ipsi oc-
 cidantur , quem postea creditores in jus vocantes cogunt pro
 mortuo satisfacere. Si quis novum ensẽ emerit , aut gla-
 dium , in corpus obvii experitur aciem ferri , neque ulli mors-
 ejus hominis noxæ est. Transcentes vulnus inspiciunt , lau-
 dantque percussoris peritiam in feriendo , si recte gladium
 adegit. Uxores , quot libuerit pro libidine , sumunt. Frequen-
 tissimus apud hos ludus , galli invicem pugnantes. Hos di-
 versi producunt ad pugnam , quisque suum superaturum as-
 serens , proque alterius victoria pecuniam etiam adstantes in-
 vicem ponunt , pro cujus voto gallus superat , pecuniam tol-
 lit. In majori Java avis præcipua reperitur sine pedibus , in-
 star palumbi , pluma levi , cauda oblonga , semper in arbo-

(a) *Pancoviam*. Vulgo *Pancovia* , La-
 tine *Paliana* , urbs *Setice*.

(b) *Java*. Latine *Javadis insula*. pro-
 pe *Sinarum* Regnum.

ribus quiescens: caro non editur, pellis & cauda habentur pretiosiores, quibus pro ornamento capitis utuntur. Has ultra, x v. dierum cursu duæ reperiuntur insulæ, Orientem versus; altera *Sandai* (a) appellata, in qua nuces muscatæ & * *maces*; altera *Bandam* nomine, in qua sola * gariofoli producuntur, deferunturque ad Javas insulas. Badam triplices fert psittacos, pennis rubeis, croceoque rostro; & versicolores, quos *Noros* appellant, hoc est, lucidos, ambos magnitudine palumborum; & item albos gallinis pares. Hi *Cachi*, hoc est, eminentiores vocati, ceteros antecellunt loquelâ hominum, quam mirum in modum, ut etiam respondeant petentibus, imitantur. Ambas insulas nigri ex colore homines tenent, ultraque eas mare haud pervium est, arceturque ab aëre navigantes. Relictis Javis, sumptisque, quæ usui ad quæstum erant, flexit ad Occidentem iter ad urbem maritimam, quæ *Ciampa* dicitur, (b) ligno aloës, camphoraque, & auro opulentam; inque eo itinere mensem cum absumpsisset, totidem diebus Coloën, (c) civitatem nobilem, venit, cujus ambitus duodecim millia passuum amplectitur. Gingiber, qui *Colobi* dicitur, piper verzinum, cannellæ, quæ *Crassæ* appellantur, hac in Provincia, quam vocant *Melibariam*, leguntur. Sunt insuper absque pedibus serpentes, sex ulnis longi, ferum animal, sed innocuum nisi irritetur: puerulorum delectantur visu, eoque ad conspectum hominum alliciuntur. Caput, cum jacent, videtur anguillæ capitis simile; cum eriguntur, caput dilatant, inque ejus posteriori parte facies hominis apparet, tanquam variis coloribus picta. Capiuntur incantationibus, qui frequens apud eos est usus, & absque nocumento ad spectaculum circumferuntur. Est in eadem, & propinqua Sufinaria provincia, aliud serpentum genus, quatuor pedibus, cauda oblonga, canum instar magnorum, quibus venatu captis vescuntur; innocui enim sunt veluti apud nos damæ ac capræ, isque optimus fertur cibus: corio ejus versicolore ad varias thecas utuntur, qui est visu pulcherri-

* flores nuci
muscatæ, ex
Ramusio.
* Caryophyl-
la, Gr. *karyv*.
q. v. d. a.

(a) *Sandai*, & *Badam*. Vulgo *Sandai* & *Bandan*. (b) *Ciampa*. Vulgo *Campaa*. (c) *Coloën*. Vulgo *Coloum*.

mus

mus. Alios quoque serpentes mirâ figurâ ea fert regio; cubitum sunt longi, alatique, tanquam vespertiliones; septem capitibus ordine per corpus in longum dispositis, habitantes in arboribus; velocissimio sunt volatu, venenosi præ cæteris, ut qui solo halitu homines interficiant. Sunt etiam cati volantes; habent enim pelliculant ab anterioribus ad posteriores protensam pedes, corporique affixam, quæ contrahitur: quiescentibus; extentis pedibus, quatiendoque alas de arbore in arborem volitant; pulsi a venatoribus, lassitudine volandi ad terram cum ceciderint, capiuntur. Reperitur & frequens arbor, cujus truncus fructum fert: pini similem, sed adeo ingentem, ut vix tolli possit: cortice viridi est, ac durior, ut tamen digito prementi cedat: intus cæcæ aut trecenta poma, instar sunt ficuum, sapore admodum suavi, quæ folliculis inter se distinguuntur. Os interius habent, duritie & sapore castaneæ, ventosum, quod & eodem modo coquitur; cumque inter prunas projicitur, nisi paulum incidatur, crepitu edito, exigue profilit. Cortex exterior datur esui bobus. Sub terram quoque in radicibus arborum aliquando ei fructus inveniuntur, qui sapore præstant cæteris, eoque ad Reges & Tyrannos deferri mos est: interiore fructus osse caret. Arbor ficulneæ magnæ similis, foliis ad modum palmi, intercisis, lignum æquale buxo, ideoque in pretio est ad plurimarum rerum usum: arbori nomen *Cachi*. Fructus insuper alius *Amiba* nomine, viridis nucis simillimus, sed persico major, cortice amaro; intus sapore mellis, ante maturitatem in aqua correctum condunt, veluti nos oleas solemus virides. Relictâ Coloënâ, ad urbem Cocym, (a) trium dierum itinere transit, quinque millibus passuum ambitu, supra ostium fluminis, a quo & nomen. Aliquandiu navigans in flumine conspexit noctu supra ripam frequentes ignes fieri, existimans piscatores esse. At illi, qui in navi erant, ridentes, *Icepe, icepe* dixerunt. Hi sunt formâ humanâ, sive pisces, sive monstra appellari licet, quæ noctu aqua exeuntia, collectis lignis, at-

(a) Cocym. Vulgo Cochîn, in India, intra Gangem.

que igne ex collisione lapidum excitato, ligna comburant juxta aquam, ac pisces, qui plurimi ad splendorem ignis concurrunt, captos edunt, interdiu latent in aqua. Hos aliquando a se captos, nihil a forma hominis differre masculos ac feminas dixerunt. Hac in regione iidem, qui in Colœna fructus percipiuntur. Colonguria (a) dehinc in alterius fluvii ostio sita, deinde Paluria, tum Meliancota, quod nomen magnam apud eos urbem designat, v. 111. milliariis patens, ipsum exceperunt. Collicuthiam (b) deinceps periiit, urbem maritimam, octo millibus passuum ambitu, nobile totius Indiæ emporium, pipere, lacca, gingibere, cinnamomo crassiore, * Kebulis, zedoaria fertilis. Mulieres hac sola in regione, prout libitum est, plures maritos sibi sumunt, ut denos pluresque pro libidine habeant. Hi inter se partiuntur quid quisque conferat ad uxoris victum. Ad feminam qui ingreditur (domum enim seorsum habet) signum in ostio relinquit, quod conspicatus alter superveniens abit. Filii arbitrio uxoris condonantur viris; qui non succedunt hæreditate patribus, sed nepotes. Post hæc, diebus x v. ad Cambaitam civitatem, (c) juxta mare, duodecim milliarium circuitu, delatus est, Occidentem versus, spiconardo, lacca, indico, myrobalanis, & plurimo serico opulentam. Genus est ibi sacerdotum, qui vocantur *Bachali*, unicâ uxore contenti, quæ, ex lege, uritur cum marito. Hi nullo animante vescuntur, sed fructus edunt, * risum, lac, & legumina. Boves silvestres plurimi reperiuntur, criniti ut equi, sed pilis longioribus, cornibus adeo protensis, ut, cum caput reflexerint, caudam cornibus tangant. His, quoniam mirum in modum magni sunt, pro doliis, ad ferendum in itinere potum, utuntur. In Collicuthiam rediens, insulam *Sechuteram* nomine (hæc ad Occidentem vergit, distatque a continenti milliariis centum) mensibus duobus adiit. Ea fert aloë * succotrinum, paterque in circuitu passuum millibus sexcentis, majori ex parte a Nosto-

* Myrobala-
ris.

* oryzam.

* Quasi suc-
cum citrinum,
aut ab insula
Socotra, vel

(a) Colonguria, Paluria, & Meliancota.
Hæ tres urbes vulgo appellantur Co-
longuria, Paluria & Melincora.

(b) Collicuthia. Vulgo Calicut.
(c) Cambaitam. Vulgo Cambaia.

rinis Christianis culta. Ex adverso, haud amplius quinque passuum millibus, insulæ duæ extant, centum milliaribus invicem propinquæ, quarum alteram viri, alteram mulieres habitant invicem, nunc viri ad mulieres, nunc hæ ad viros comitantes, atque ante semestrem quisque ad insulam suam regreditur; moriuntur enim e vestigio, si, ultra hoc quasi fatale tempus, alter alterius in insula moratus sit. Hinc ad urbem Adenam^(a) opulentam, atque ædificiis præstantem, diebus quinque, mari se contulit: demum ad Æthiopiam transiit, diebus septem, in portum qui *Barbora* nominatur. Tum mensis navigatione, in mare Rubrum, ad portum *Gidda*,^(b) ac deinceps, duobus mensibus, propter navigandi difficultatem, prope montem Sinaï in terram descendit. Deserto postmodum ad Carras Ægypti civitatem, cum uxore & quatuor filiis, totidemque servis, profectus, ex peste uxorem, & duos insuper filios, omnesque servos amisit. Veneriæ tandem patria cum cum duobus liberis, post tot errores terræ ac mari exactos, excepit. De ritu verò, moribusque Indorum quærenti, ita referebat; Indiam omnem in tres divisam partes; unam a Persis ad Indum flumen; ab eo ad Gangem alteram; tertiam ulteriorem, quæ reliquis est, opibus, humanitate, lautitia longe præstantior, vita, & civili consuetudine nobis æqualis. Nam & domos habent maxime sumptuosas, & perpolita habitacula, & mundam supellectilem, & cultiori viræ indulgent, procul ab omni barbarie & feritate; perhumani homines, ac mercatores opulentissimi, adeo ut aliquis quadraginta propriis navibus quæstum faciat, quarum quælibet quinquaginta millibus aureis æstimatur. Hi soli more nostro mensis, argenteis insuper vasis, in edendo utuntur, cum reliqui Indi supra terram, stratis tapetibus, edant: vites, vinique usus apud Indos absunt, ex riso contrito, aquæque immixto, addito etiam rubeo colore, & quarundam arborum succo, potum faciunt, haud imparem vino. In Taprobane ramos arboris incidunt, quæ *Thal* dicitur: ex his in alto suspensis succus defluit suavis, qui est frequens eorum potus. Est etiam lacus

(a) Adenam. Vulgo *Adem*.(b) *Gidda*, alias *Ziden*.

inter Indum & Gangem, cujus aqua mirabili sapore, summa cum voluptate bibitur. Ad eam hauriendam omnis regio confluit, etiam qui longissime absunt; dispositis cursoribus equis, in dies singulos recentem aquam percipiunt; frumento ac pane deficiunt omnes. Vivunt autem ex farre, riso, carnibus, lacte, caseo; abundant gallinis, caponibus, perdicibus, phasianis, cæterisque silvestribus volatilibus. Aucupio sunt venatuique intenti; barbam non nutriunt, sed longiorē comam; quidam capillos per scapulas sparsos post occiput alligant corda sericea, eoque modo ad bellum proficiuntur; tonforibus utuntur, veluti nos; homines statura corporis, ac vitæ brevitate nobis pares; lecticis etiam auro ornatis; culcitra ex bombyce desuper imposita dormiunt; habitus vestimentorum pro regionum varietate dissimilis. Ufu lanæ ferme omnes carent, lino sericoque abundant, ex his vestes conficiuntur, sed fere omnes viri mulieresque linteo usque ad genua pro femoralibus succincti, veste unica, & eâ linteâ, aut sericâ desuper vestiuntur, viri crurum tenuis, feminae usque ad talos; caloris enim æstus plures habere vestes prohibet, eoque fit, ut soleas tantum deferant, purpureis aureisque ligaculis, prout in priscis statuīs videmus. Feminae aliquibus in locis calceos ex tenui corio habent, auro & serico distinctos. Circulos ex auro in brachiis, circaque manus, ad collum quoque & crura, ad trium librarum pondus, plenos gemmis gestant, ornatūs gratiâ. Publicæ mulieres ubique volentibus præsto sunt, per civitatem propriis habitaculis dispersæ, quæ odoribus, unguentis, blanditiis, forma atque ætate viros (proni enim sunt ad libidinem Indi) alliciunt, eoque marium usus apud Indos ignotus. Ornatus capitis multiplex, ac majori ex parte sudariolo auro intertexto, caput, devinctis sericea chorda capillis, regunt; quibusdam in locis capillos supra verticem in gyrum convolvunt, in pyramidis modum, stylo aureo intermedio, a quo cordulæ aureæ, mappis aureis varii coloris circum crines pendent; quædam alienos capillos, eosque nigros (is enim color apud eos excellit) deferunt; quædam pictis arborum foliis caput regunt, nec

faciem, exceptis his quæ Cathaïum accolunt, colorant; interior India unicas viris uxores permittit, reliquos majori ex parte uxorum copiâ oblectat, quas ad libidinem sumunt, exceptis his, qui Christiani a Nestorio hæretico originem traxere, qui per universam Indiam dispersi, unica cum uxore vitam degunt. Sepulchrorum religio non eadem apud omnes habetur. Anterior India cæteros excellit sepeliendi curâ, ac magnificentiâ; antra enim sub terram fodientes, muro firmata, exornant: intus mortuum in lecto pulcherrimo, aureis fulcris collocantes, circum, cophinos cum vestibus pretiosioribus, annulis insuper, disponunt, tanquam his mortuus apud inferos sit usurus, obducto speluncæ ore firmo, ne cui sit aditus, muro; desuper testudines magno sumptu ædificant, regumenta quæ aquam arceant a sepulchro, quôque diutius servetur. In media verò India mortui comburuntur, cumque his, ut plurimum, vivæ uxores eodem rogo cum viris absumuntur, una, pluresve, prout fuit matrimonii conventio. Prior ex lege uritur, etiam quæ unica est. Sumuntur autem & aliæ uxores quædam eo pacto, ut morte sua funus exornent, isque haud parvus apud eos honos ducitur. Defunctus collocatur in thalamo melioribus ornatus vestimentis; ingens supra eum, in pyramidis formam, struitur ex odoriferis lignis pyra; submissio igne, uxor ornatori cultu, inter tubas, tibicinesque, & cantus, & ipsa, psallentis more, alacris rogam magno comitatu circuit. Adstat interea & sacerdos (hi *Bachali* appellantur) eminens in suggesto, vitæque contemptum ac mortis (plurimas enim voluptates cum viro, plures opes, plura ornamenta post mortem affutura pollicetur) hortando suadens: cum circumierit illa sapius ignem, prope suggestum consistit, vestesque exuens, loto de more prius corpore, tum sindonem albam induta, ad exhortationem dicentis in ignem profilit. Si quæ timidiore fuerint (sit enim sapius ut ad conspectum aliarum, quæ in igne dolere, aut reluctari videntur, stupeant conterritæ) ab adstantibus in rogam vel invitæ projiciuntur; collectos postmodum cineres in vasis condunt, atque his ornant sepulcra. Mortuos variis lugent modis. In-

teriores Indi etiam caput vestiuntur : quidam erigunt in viis arbores cum cartis pictis interciliisque ab summo terram usque fluentibus : triduo certa æra sonantes , dant pauperibus epulas ob deum : alii triduanum luctum observant , coeuntes ex eadem familia , vicinique omnes in defuncti domum , ubi nihil coquitur , sed cibi aliunde afferuntur ; amici in signum luctûs , his diebus solum amarum ore gerunt ; quibus , vel pater , vel mater fuerit vita functa , neque anno integro vestem mutant , neque nisi semel in die cibum capiunt , neque ungues , vel capillos , vel barbam tondent . Quæ mortuos descent (plurimæ enim sunt) circa funus adstant mulieres , umbilico tenus nudæ , mammaeque & pectus percutiunt , *heu ! heu !* lamentantes . Una cantu mortui laudes recitat , cui & cætera , narratis locis , ac percussio pectore correspondent . Plures Principum cineres in vasis aureis , vel argenteis condi , & in lacum quemdam Diis , ut ferunt , sacratum , per quem ad eos aditum patere asserunt , conjici jubent . Bachali , apud hos sacerdotes ab omni abstinent animante ; bovem præcipue , utpote animal hominibus reliquis longe utilius (nam eo etiam ad vehendas sarcinas utuntur) occidere , aut edere nefas putant . Riso , herbis , fructibus , leguminibus nutriuntur ; & hi unicam uxorem habent , quæ cum viro defuncto uritur , prope eum jacens , brachio subdito viri collo , ita ignis patiens , ut nullum signum doloris ostendat . Per universam Indiam Philosophorum genus est , *Brammones* appellati , qui Astronomiæ , & futura prædicendi studio indulgent , honestiori cultui , & sanctioris vitæ moribus dediti . Hos inter vidisse se asserit trecentorum annorum virum , & id apud eos pro miraculo habitum , cum illum pro novitate rei , quocumque iret , pueri sequerentur . Vulgata est apud multos ejus , quam *Geomantiam* vocant , peritia : ita ut futura sapius , tanquam præsentia prædicant . Incantationibus quoque deduntur : adeo ut sæpius tempestates cire & sedare valeant : ob eam rem plurimi occulte comedunt , veriti ne conspicientium oculis fascinentur . Serio retulit Nicolaus , cum navis unius magister esset , diebus septem medio in mari a vento

quievisse; veritos nautas, ne longior mora fieret, mensam apud malum positam convenisse, desuperque variis sacris peractis, circumsaltantes deum *Murham* nomine sæpius appellasse. Interea Arabum quemdam a dæmone correptum, mirum in modum psallere, & per omnem navem discurrere, insanientis modo, coepisse; tum accessisse ad mensam, & in ea posita, carbones nonnullos vorantem, petiisse potui galli sanguinem, quem illum, jugulato orique admoto gallo, exfluxisse ait. Tum, interrogante eo, quidnam ab se vellent, ventum petierunt. At ille post tertium diem prosperum se ventum, quo in portum ferrentur, daturum pollicitus, & quem ventum daret, manibus post tergum reiectis, ostendens, admonensque ut caute vim venti exciperent, paulo post veluti semianimis ad terram est prostratus, quæ egisset & quæ dixisset, omnium penitus oblitus. Ut prædixerat, inspirante vento, in portum paucos post dies pervenere. Navigant ut plurimum Indi ad stellas alterius Poli, ut qui raro Arctum conspiciant; magnetis usu carent, elevatione & depressione Poli, cursus, locorumque distantiam metiuntur; quoque in loco sunt, norunt hac dimensione. Naves fabricant quasdam longe nostris majores, ad duo millia * vegetum, quinis velis, totidemque malis. Pars inferior trino tabularum ordine contextitur, ad ferendos impetus tempestarum, quibus maximis quatiuntur. Sunt autem naves distinctæ cellulis ita fabricatis, ut etiam, si qua ejus portio collisa deficeret, reliqua pars integra perficiat cursum. Per universam Indiam Dii coluntur, quibus templa simillima nostris sunt, variis intus figuris picta, quæ & in solemnibus die ornant floribus; inque his idola constituta, tum lapidea, tum aurea, argenteaque, & eburnea, quædam altitudine pedum sexaginta. Varium apud eos orandi, sacrificandique genus. Lavantur pura aqua, inde templum, tum mane tum sero, ingressi, aut strato ad terram corpore, manibus pedibusque suspensi, aliquandiu orantes, terram osculantur, aut ex ligno aloës, & aromatum fumo Diis sacra faciunt. Citra Gangem Indi campanas non habent, sed vasculis ex ære invicem collisis sonum red-

* Dolorum
vinariorum
genus.

dunt. Epulas insuper Diis offerunt, Gentilium priscorum more, quas postmodum distribuunt pauperibus edendas. In Cambaita civitate sacerdotes ante idola Dei sui orationem habent ad populum, quâ, & ad cultum invitant, & quam gratum Diis futurum sit, differunt, excedere pro his e vita. Plures, decretâ morte, adstant, ferreo ad collum lato circulo, cujus exterior pars rotunda est, interior acie acutissima. Anteriori ex parte ad pectus catena pendet, in quam sedentes, contractis cruribus, deflexo collo, pedes inserunt; tum ad quâdam dicentis verba, extensis subito cruribus, simul & erectâ, cervice, caput abscindunt, in idoli sacrificium vitam fundentes; hique habentur sancti. Idolum quoque in Bizenegalia, statuto anni tempore, in medio duum curruum, in quæ ornata adolescentulæ hymnum deo canunt, per urbem fertur, magna populi celebritate. Multi fervore fidei ducti corpora ad terram prostrata rotis subjiciunt, conterenda ad opetendam mortem, quam Deo acceptissimam ferunt; alii ad ornandos currus, perforato latere, fune per corpus immisso, se ad currum suspendunt, pendentisque & ipsi exanimari idolum comitantur: id optimum sacrificium putant & acceptissimum Deo. Festos dies ter præcipue solemnes agunt; seniel omnis ætatis viri. feminæque novis vestibus induti, & aut fluminibus, aut mari abluti corpus, tres universos dies cantibus, choreis, & conviviis vacant. Iterum in eorum templis, & in cacuminibus exterius infinita luminaria ex oleo Susimanni constituunt, noctu interdiuque lucentia. Tertio per omnes vias erigunt tigna crassiora, in modum mali parvulæ navis, alligatis a summo deorsum variis pulcherrimisque sudariis, auro intertextis, inque eorum summitate quotidie (novem enim diebus id solemne habetur) hominem religioni deditum, pium aspectu statuunt, omnia æquo animo ferentem, ob Dei gratiam implorandam. Hi a populo, pomis aranceis, limonibus, aliisque odoriferis fructibus coniectis, incessuntur, idque ipsi patientissime ferunt. Sunt & alii tres dies festi, quibus aquam croceam per vias dispositam, in transcurrentes spargunt, ita ut etiam Regem ipsum, Reginamque con-

spargant, idque risu ab omnibus excipitur. Nuptias suas celebrant cantu, conviviis, tuba, tibicine; organis enim exceptis, cætera similia nostris ad canendum, psallendum, in usu habent instrumenta: faciunt tum die, tum noctu convivia sumptuosa, in quibus canitur, sonatur, psalliturque. Cantant du-cendo choreas in gyrum, more nostro. Psallunt verò singuli ordine in longum, alius post alium, bacillos parvulos, pictosque, quos binos quilibet gerit, cum obviis permutantes: quod aspectu pulcherrimum dicit. Thermae aut balneae in usu non sunt, nisi apud superiores ultra Gangem Indos. Cæteri sæpius in die aqua frigida lavantur; oleo deficiunt, & nostratibus fructibus, veluti persico, piris, cerasis, pomis: vitis rara, & hæc unico tantum in loco, ut prædiximus, est. In Pudiserania provincia arbor oritur absque ullo fructu, tribus cubitis a terra eminens, quam *Verecundia* nomine appellant. Appropinquante homine, contrahit ac cogit in unum ramos, discedente verò, repandit. Bizenegaliæ ultra, versus septemtrionem, xv. dierum peregrinatione, mons est nomine *Albenigarus*, lacunis circumdatus, quæ venenosus animantibus sunt referta; & ipse a serpentibus infestus aditu. Is adamantes procreat: cum adire ad montem nequeat solertia hominum, aditum reperit ad adamantes ex eo monte eruendos. Mons alter est prope illum paulo excelsior: hunc homines certo anni tempore cum ascenderint, boves, quos ad id secum ducunt, in frustra dissectos, calidis, sanguinolentisque adhuc carnibus, balistis ad id fabrefactis, projiciunt in cacumen montis, quorum ex casu lapilli carnibus inhærent. Tum vultures, aquilæque supervolantes, raptis carnibus ad pastum, aliò advolant, ubi loca sunt a serpentibus tuta. Eò se conferunt postea homines, sumuntque lapillos, qui a carnibus exciderunt. Cæterorum lapidum, qui pretiosius feruntur, facilius est inventio; effodiunt enim juxta montes arenosos in locis, in quibus reperiuntur, quousque aquam inveniant arena mixtam. Hinc arenam sumptam in aqua, cribro ad id facto, lavant; arenâ per cribrum defluente, lapides, si qui sunt, superextant. Hæc effodiendorum hujusmodi lapidum ubique

ratio servatur. Magna cura dominis est, ne quid opifices aut servi furentur; nam positis custodibus, qui excussis operariorum vestibus, secretiores etiam corporis partes rimantur, furta & fraudes prohibent. Annum duodecim menses efficiunt, quos a cæli signis denominant. Annos varie computant; major pars ab Octaviano initium sumunt, cujus tempore universo orbi pax fuerit parata. Dicunt vero millesimum quadringentesimum nonagesimum esse. Quædam regiones monetam non habent, sed pro ea utuntur lapidibus, quos dicimus *Cati oculos*. Aliquibus in locis, ferro in modum acûs crassioris redactò, pro nummis, utuntur. Alibi cartæ nomine Regis inscriptæ expendantur. Nonnullis in locis anterioris Indiæ ducati Veneti sunt in usu; quidam monetas aureas duplo nostris florenis majores, quædam minores, & insuper argenteas atque æreas habent; quibusdam in locis aurum confectum ad certum pondus pro moneta est. Priores Indi jaculis, ense, brachialibus, scuto rotundo, in bello utuntur, atque arcu; cæteri etiam casside, lorica & thorace. Balistas interiores Indi, & eas quas *Bombardas* dicimus, in usu habent, cæterasque machinas bellicas ad expugnationes urbium aptas. Hi nos *Franços* appellant, aiuntque, cum cæteras gentes cœcas vocent, se duobus oculis, nos unico esse, superiores existimantes se esse prudentiâ. Combatiæ soli usum papyri habent: cæteri omnes Indi in arborum foliis scribunt, ex quibus codices conficiunt admodum venustos. Scribunt autem, non ut nos, aut Hebræi, in latus, sed in longum, a summo ad imum ducentes calamum. Loquendi idiomata sunt apud Indos plurima, atque inter se varia. Servis abundant; & debitor, qui solvendo non est, ubique addicitur creditori. Dei, criminisque, cujus non est certus testis, jusjurandum interponitur. Triplex jurisjurandi ratio; statuitur enim ante Idolum is, cui juramentum datur; jurat per Idolum se innoxium; adest candens, veluti dolabra, ferrum; peractò juramento lingua ferrum lambens, si absque ullo nocumento evadit, absolvitur. Alii idem ferrum, sive laminam ardentem ante Idolum, adacti prius juramento, nudis manibus per ali-

quos gestans passus, si ulla ex parte uritur, punitur pro noxio; illæsus liberatur a pœna delicti. Tertia jurisjurandi, & ea magis communis consuetudo. Ollam ante Idolum habent bullientis butyri plenam; jurans se alienum a culpa, intingit duos digitos in butyro, statimque linteo involvuntur, signo desuper impresso, ne digiti nudari possint; tertio die ligaculum dissolvitur; si læsio aliqua digitis inest, pœnam meritam subit; illæsi hominem liberant. Nulla est apud Indos pestilentia, neque hi morbi, qui orbem nostrum exinaniant viris, eoque populorum ac gentium, magis quam credi posset, numerus. Ultra decies centum millium hominum plerique exercitum cogunt. Narrat quoddam prælium, cujus victores duodecim currus oneratos chordis aureis ac sericis, quibus mortuorum crines post occiput revincti erant, domum, triumphî gratiâ, retulerunt. Adjicit insuper se aliquando in acie, conspiciendâ causâ, interfuisse otiosum, & ab utrisque pro advena cognitum, absque ullo periculo abisse. Java insula, quæ appellatur *major*, fert arborem, & eam perraram, cujus in medio reperitur ferreus stylus pertenuis & oblongus, quantum arboris truncus. Ejus portiunculam qui defert, ita ut carni hæreat, inviolabilis est a ferro, ob eamque causam plures, scissâ cute, corpori inserunt. Id maximi æstimatur. In sinibus Indiæ interioris esse ait avem unicam nomine *Semendam*, rostro, variis veluti fistulis, & his pluribus foraminibus, distinctis. Cum tempus lethi adest, contrahit ligna arida in nidum, quibus super incumbens adeo suave canit omnibus fistulis, ut mirum in modum alliciar, atque permulceat audientes; tum, quassando alas, ignem excitat inter ligna, urique se patitur. Ex cineribus paulo post oritur vermis, exque eo nascitur eadem avis. In ejus rostri similitudinem fistulam incolæ fecerunt admodum suavem cantu, quam admiranti Nicolao, eam quam dixi fistulæ originem, narraverunt. Flumen quoque est in priori India, Insula Sailana, quod dicitur *Arorani*, piscibus ita refertum, ut facillime manu prehendi possint. Verum, si quis piscem captum manu paulisper tenuerit, e vestigio in febrem incidit; deposito pisce,

restituitur valetudo. Ejus rei causam ad quamdam, quam de suis narravit Diis, fabellam referunt; sed ea naturalis esse videtur, cum etiam apud nos, si quis piscem, qui *torpedo* dicitur, manu tenuerit, e vestigio torpescat, & dolore quodam afficiatur manus. Hæc de Indis (a) a Nicolao relata, cum huic operi ad legentium doctrinam, servatâ historiæ fide, inseruisssem, supervenit paulo post & alter a superiori India, Septemtrionem versus: ad Pontificem se missum, ad pervestigandos tanquam in altero orbe, qui famâ ad occidentem solem ferebantur, Christianos asserebat. Regnum esse ait prope Cataïum, itinere dierum viginti, cujus Rex incolæque omnes Christiani essent, Hæretici tamen, qui Nestoritæ feruntur; ejus gentis Patriarcham se destituisse, ut certiora de nobis referret. Ecclesias apud eos majores ornatioresque nostris esse, testudinibus tantum structas asseverabat; Patriarcham auro argentoque opulentum, ut qui argenti unciam a singulis patribus-familias ex censu annuo perciperet. Cum eo per interpretem Armeniam, qui Teucram Latinamque linguam noverat, collocutus, itinerum tantum dimensionem, locaque inquisivi; nam reliqua, mores, ritus, cæteraque, quæ voluptatem narrando afferunt, difficiliora cognitu, incertiora interpretis, Indique, non suo sermone loquentium, efficiebat. Pernimiam tamen potentiam ejus, quem magnum *Canem*, hoc est, Imperatorem omnium ferunt, qui novem potentissimis Regibus imperitaret, affirmavit. Per superiores Scythas, qui hodie Tartari vocantur, Parthosque, plures menses iter faciens, tandem ad Euphratem pervenit; inde ad Tripolim mare ingressus, Venerias, dehinc Florentiam profectus est. Multas Civitates se vidisse dixit hac nostrâ, tum publicis, tum privatis ædificiis, pulchrioribus; nam plures viginti, aut decem milliarium circuitu patere, haud vanus auctor videbatur. Hic postquam cum Pontifice locutus est, urbe Roma ob devotionem conspectâ, abiit, nihil auri, argentique petens, ut qui, non quæstus gratiâ, ut

(a) *Quæ deinceps sequuntur*, absunt ab Italica versione Ramusii; leguntur vero in editione latina hujus libelli.

multi mentiendo assolent, sed quod ita mandatum erat, accessisse ad nos videretur. Eodem ferme tempore, & ab Æthiopia quidam fidei causâ ad Pontificem profecti, cum rogerentur a me per Interpretem de situ Nili, ortuque ejus, & an notus apud eos esset, duo ex his se fontibus ejus propinquos patriâ testati sunt. Tum cupido incessit cognoscendi ea, quæ antiquis illis scriptoribus, Philosophis quoque, & Ptolemæo, qui de fontibus Nili primus scripsit, ignota videntur fuisse, qui de ortu, incrementoque Nili, incerti multa conjecturâ opinati sunt. At ea mihi cum pro veris horum relatu innotuissent, cumque alia plura roganti narraissent, digna scitu visa sunt, quæ litteris mandarentur. Oriri Nilum circa Æquinoctialem plagam, in radicibus altissimorum montium, quorum cacumina semper nebulis opplentur, tribus ex fontibus haud magnis, testantur. Duorum, qui passus quadraginta invicem distant, aqua, infra quingentos passus simul juncta, fluvium efficit, qui vado transiri nequit; tertii, qui & uberior est, abestque a reliquis milliario, post decem millia passuum, aqua cæteris fontibus jungitur. Nilum, amplius mille fluviorum aquis in eum utroque ab latere decurrentium, augeri testantur. Pluvias Martio, Aprili, Maio tantum mensibus, magnis imbribus effundi, quibus aucta flumina dant Nilo incrementum, & inundationis causam. Aquam Nili, antequam aliquis immisceatur, dulcissimam, sapidissimamque esse, quâ etiam qui abluantur, a scabie & lepra mundari dicunt. Ultra Nili fontes, xv. dierum spatio, regiones fertiles habitari, colique, & in eis plurimas egregias urbes; extra ea loca mare dicit esse, quod tamen ipsi nunquam vidissent. Juxta Nili ortum, civitatem, ex qua orti essent, nomine *Varvariam*, x xv. millium passuum patere ambitu, admodum populatam; mille in ea equitum excubias noctu fieri, ad arcendos multitudinis tumultus; hanc regionem aëre temperato amœnam, ac præ cæteris uberiore solo fertilem, ut quæ ter in anno herbas, bis fruges ferat. Frumento ac vino abundat ea regio, cum maxima Æthiopum pars aquâ hordeo confectâ pro vino uratur. Ficus, persica,

poma, arancia, & quædam cucumeribus nostris similia, limones quoque, ac cedros, omnesque nostrates fructus, amygdalis exceptis, apud eos percipi dicunt. Arbores per multas inauditas atque incognitas nobis retulerunt; sed Interpretis difficultate, cum linguam tantum Arabum nosset, conicere in literas haud facile fuit: unam tantum adscripsi. Est ea altitudine hominis lata, quantum vir potest ulnis amplecti, multiplici alio super alium cortice. Hos inter, castaneis similis fructus laret, ex quo contrito fit panis albus, saporis suavissimi, quo in conviviis utuntur: folia arboris cubito, duploque longiora. Nilum usque ad Meroem insulam propter frequentes per confragosa saxa descensus, innavigabilem esse; citra Meroem navigiis aptum, Ægyptum usque; sed, propter multiplices ejus flexus, sex mensibus navigationem trahi ferunt. Solem, qui eas regiones, a quibus defluit Nilus, accolunt, Septemtrionem versus; mensē autem Martio, e regione supra caput aspici. Omnis Æthiopia unicas tantum literas habet, sed linguas pro magnitudine Provinciarum diversas. Maritimam regionem, Indiam versus, gingiber, * gariofalos, * zucharum etiam quidam eorum ferre dixerunt, & nuces quoque, quæ *Muscæ* appellantur. Inter Æthiopiam Ægyptumque, quinquaginta dierum deserta loca interjacent, camelis cibum potumque deferentibus. Id iter conficitur infestum multis in locis à silvestribus Arabibus, qui per desertum nudi, veluti fera belluæ, sparsi, vagique, camelos equitantes, quorum carnibus, lacteque tantum vescuntur, transeuntes camelis, ciboque, ac potu spoliunt; eaque causa est, cur multi fame quandoque intereant, eoque rariores ad nos proficiantur. Æthiopes omnes, viræ sunt, quam nos, multo longioris; nam ultra centum & viginti vivunt annos, multi ad centesimum & quinquagesimum vitam proferunt, aliquibus in locis ducentiesimum excedunt annum. Patria est omnis populosissima, ut quæ nunquam pestilentia affligatur. Ita & morborum vacatione, & longa aetate, multitudo augetur. Pro varietate regionum, & mores varii; deferunt tamen lineas, sericeasque vestes (nam lana ca-

* caryophylla

* saccharum.

rent) omnes viri mulieresque, quæ & aliquibus in locis vestes longas post se trahunt, cinctæ zonis, latitudine palmi, auro, ac gemmis exornatis. Caput quædam sudariis regunt, auro intertextis; aliæ passis, nonnullæ post occiput ligatis capillis, incedunt. Auro, gemmisque nobis sunt feraciores; viri annulos, feminæ * brachialia aurea, variis lapillis pretiosis distincta, deferunt. A festo Nativitatis Domini usque ad Quadagesimam, dies festos agunt, epulis, choreisque quotidie intenti. Mensis utuntur parvulis, ut bini ternique edant, mappis, manteliisque, nostro more, utentes. Regem unicum habent, qui se post Deum *Regem Regum* appellat: plures sub eo esse Reges dicunt. Animantium vero varia ferunt genera. Boves eorum gibbosi, in modum cameli, cornibus, tribus cubitis, post dorsum extensis, ut amphora vini uno gestetur; canes magnitudine asinorum nostrorum quidam, & qui leones venatu superent; elephantes magnos, ac permultos habent; nonnulli ostentationis, voluptatisque gratiâ; quidam bello utiles nutriunt; hos parvulos venationibus captos, maioribus occisis, mansuefaciunt: eorum dentes ad sex cubitos protendunt. Leones insuper ad magnificentiam, ad spectaculum mites factos educant. Est bellæ genus colore vario, elephanti persimile, præterqu岸quod proboscide caret, & cameli est pedibus, habens duo cornua ab summo præacuta, cubiti longitudine, unum in fronte, in naso reliquum. Aliud animal paulo longius lepore, nomine *Zebed*, cætera ei simile, tanti odoris, ut, si quando fricandi causâ arbusculo cui-piam inhæserit, tantum suavis odoris illi imprimat, ut postmodum viatores olfactu ducti, eam partem, cui hæsit, auferant: ea minutim incisa auro carius venditur. Aliud esse animal retulerunt, novem cubitis longum, altum sex, pedibus more bovis, fixis, corpore crasso, non amplius cubito, pilis leopardo simillimum, capite cameli, collo quatuor cubitis oblongo, cauda pilosa: emuntur magno pretio pili, quos mulieres, variis ornatos gemmis, à brachiis suspensos ferunt. Aliud item animal silvestre, venatu captum comeditur. Id magnitudine asini, virgatum rubeo, viridique colore, cor-


* brachiola.

nibus trium cubitorum à summo intortis. Aliud quoque lepori simile, cornibus parvulis, colore rubeo, saltat plus quam equus. Aliud insuper capræ simile, cornibus supra dorsum, duobus amplius cubitis protensis, quæ, quoniam illorum fumus febri confert, ultra quadraginta aureos venduntur. Aliud priori simile, absque cornibus, sed pilis rubeis, colloque duobus cubitis longo. Alterius quoque magnitudinem cameli, colorem leopardi, collum sex cubitis protensum, caput capreoli narrabant. His addebant avem sex cubitis a terra altam, tenuibus cruribus, pedibus anserinis, collo, capite licet parvo, rostroque ad gallinæ formam: parum volat, sed cursu superat equorum velocitatem. Plura etiam relata satietatis causâ omisi; nam & deserta loca incolere serpentes asserunt, quibusdam in locis quinquaginta cubitis longos, absque pedibus, scorpionis caudâ, & ab his integrum virulum vorari. In hæc cum ferme omnes convenissent, nullam causam mentiendi (nam boni videbantur) ratus, tradenda aliis censui, communis causâ utilitatis.

F I N I S.

POOGH

P O G G I I
B R A C C I O L I N I
F L O R E N T I N I
E P I S T O L Æ L V I I .
N U N C P R I M U M V U L G A T Æ .



LECTORI.

HISTORIÆ de Varietate Fortunæ nonnullas, ex Ottoniano codice, Poggii Epistolas, quæ inter vulgatas desiderantur, adjungimus. Quæ quidem majorem in molem excrevisse, si Florentiæ, ubi ducentæ circiter nondum in lucem editæ asservantur, commorari, easque exscribere per otium licuisset. Nostræ ex his sunt, in quas acerbius invehitur Laurentius Valla, Antidoti libro tertio adversus Poggium. Neminem enim virum eruditum later, simulateates haud leves alteri cum altero, litterarum causâ, intercessisse; quæ quandoque provocare solent non modo ad scripta sapienti homine indigna, sed ad intestina odia, quæ Christianum hominem minùs decent. Valla exarsit in Poggium, quòd hic Elegantiarum libros reprehendisset, ut Valla restatur initio Antidoti. Poggius autem in eum stylum exacuit, quòd sue a Valla multis in locis epistolæ carperentur. Quo factum est, ut scriptis se se invicem proscinderent. Loca quæ Valla reprehendit, in margine adnotavimus. Nonnulla etiam asterisco distinximus, quæ minus Latina visa sunt, quò lux major dictioni afferretur.





EPISTOLA I.

Poggius Pl. Sal. D. Joanni de Prato.



OC ita posui, ut videas me non timere nonnullorum stultam atque inscitam loquacitatem, quos ais me reprehendisse, quod scripserim in meis literis *Bartholomæum de Monte Poliriano*. Sunt plures, qui evestigio, cum legerint unam aut alteram orationem Tullii, vel Terentii pagellam, exi-

stimant se oratores; & veluti Minerva altrice educati, censores scribentium fiunt, ipsi muti atque elingues, non solum Latini sermonis ignari, sed etiam materni: de quibus verissime scripsit Petronius Arbiter; *Postquam*, inquit, *aliquis versum pedibus instructum, sensumque teneriorem verborum ambitu intexuit, putavit se continuo in Heliconem venisse*. Et quidem dixit optimè. Amant quidem antiquitatem; & cum eam imitari volunt, ita inepte loquuntur, ut magis fatuitatem redoleant, * ac repræsentent antiquitatem. Non scribam hoc reprehendendi tui causâ, sed monendi. Scripsisti ad me * dudum in quadam epistola, quæ erat scripta paucis versibus: *Tenuit me Mattheus Bardus*. Quid hoc stultius fieri potuit? *Bardum* antiqui stultum dicebant. Itaque dum vis imitari antiquum morem loquendi, non considerans quid antiqui senserint, hominem eruditum & doctum, stultum cognominasti. Etenim si more * suo de *Bardis* scripsisses, hunc errorem fugisses. Mos enim & usus, qui est loquendi magister, ita dici vult. Sed non purgo me, dum te reprehendo. Id scias volo ab his tuis dicendi magistris, quid reprehendant in eo quod scripsi, rectene an perperam Latine scripserim; utrum usus vetet, an antiquitas respuat; in quo tandem dicant me

* quâdâ:

* Hæc reprehendit Laur. Valla, lib. III. Antidot. in Poggium, pag. 306. edit. Basil. anni 1545.

* Forte pro suo legendum pro.

errasse. Veniant in medium, scribant, culpent, arguant; congregiantur, si placet, libenter aliquid discam: neque recusabo vinci ab doctiore, aut erubescam cognoscere aliquid etiam ab infuso. Hortare aliquem ex illis, in humanitatis causa errorem meum monstrent. Forfan * dicendo fier doctior. Sunt tamen quidam, qui velut ignobiles canes, non cursu, non odoratu valent, sed tantum latratu, quorum ora obtundenda essent, non vocibus, sed saxo. * Valeant in malam crucem, ut ego etiam aliquid proferam antiqui. Ad hæc respondeas volo: non rescripsi literis tuis antea, partim oblivione, partim occupationibus. Nunc autem cum literæ tuæ casu in manus venerint, sumpsi calamum, & hæc ante cœnam ad te exaravi manu veloci. Vale. Romæ VII. Kal. Octobr.

* discendo.

* abeant.

EPISTOLA II.

Leonardo Aretino.

* Confer Val. *
pag. 306.



ROGAVIT me pridem Cardinalis sancti Marcelli, an mihi esset satisfactum de Bulla Faventina, cum portionem suam misisses ad Vicecamerarium. Dixi me adhuc nihil accepisse. Miratus est aliis esse satisfactum, me verò neglectum, abs te præsertim. Citius enim mihi quàm alteri satisfieri oportuit, qui maiorem laborem pertuli. Ideo vellem cetiror a te fieri, si pro me aliquid habuisti, & quid de ea re sperem. Si missam facere debeo eam pecuniam, licet indignum esset, tamen feram æquo animo, neque molestum erit plus apud me officii remanere. Vale. v. Kal. Octobr.

EPISTOLA III.

Poggins P. S. D. Leonardo Aretino, viro clarissimo.



E literis Faventinis non rescripsi ad te citius, quia volebam convenire Cardinalem sancti Marcelli, ut scirem, recte ne, an secus intellexissem. At is, antequam mihi responderet, cum dixissem qua de causa ad eum irem, ostendit mihi & literas ad te suas, & ad te meas. Deinde ait pecunias non a te solutas, sed scriptum de solvendo, & disensionem esse pretii, seque interrogasse olim me, an portionem meam percepissem. Ego his contentus discessi. Noli ulterius verbis insistere de re præsertim levi; neque enim revocanda sunt omnia. Scio enim cum dixisse, cum hoc me interrogasset, atque ego respondissem nil me de hoc sentire: potest-ne esse? Habueram tamen antea super hac re a te literas, sed ex in mentem non venerunt. Accessit quod, quum de hac re loquerer cum Bartholomæo de Bardis, intellexi te posuisse x v. ducatos, cum * peterent x x v. At is nunc similiter ait, nil solum esse, sed a te habuisse literas super pretio, in quo dissidebatis. Hic itaque error meus, qui non bene intellexi, existimans x v. ducatos datos esse. Ita enim videbar accepisse ex verbis eorum; nam fraudem nullam suspicatus sum, sed negligentiam; & eò magis, quò antea nescio quam spem inieceras mihi. Itaque cum viderem de salario cameræ tractari, de me verò sileri, miratus sum. Dolus ergo nullus est neque tuus, neque meus; at error meus, qui tamen leviusculus est, & de re levissima. Nihil minus existimo quàm ejuscemodi rem, ad quam ne cogitasset quidem, nisi Cardinalis verba, & Bartholomæi me impulissent; quæ, quando male accepi, in me patior cul-

* peterem.

pam esse. Sed hæc hæcenus. Est dissensio, imo lis, & fere jurgium inter Secretarios & Advocatos, * urri sint digniori gradu ponendi penes Pontificem, veluti in Coronatione, in Missa, in Processione. Atque hoc inde processit, quod, cum Pontifex nuper Processionem faceret, nos petivimus ab Episcopo Electensi quo loco iremus. At ille dixit; Post Advocatos propinquiores Domino nostro. Hoc cum fecissemus, illi agrè tulerunt, reclamantes, nos debere præire. Denique post eò deventum est, clamoribus eorum; qui semper lites & jurgia tractant, ut committeretur Cardinalibus sancti Eustachii & sancti Marci, qui nos audirent, & referrent. Papa nobiscum est. Sed nosti ejus humanitatem; nescit contraire importunitati eorum. Dicunt enim, in coronationibus summorum Pontificum, Secretarios semper præiisse, & se esse loco digniori penes Papam. Episcopus Aretinus negat; nam is solus est, quem habeamus ex iis qui interfuerant coronationibus Pontificum. Ideo tu, cujus est dignitatem officii nostri tueri, adversus istos foraneos declamatores assiste nobis, & scribe quid observare vidisti, & quid tibi videatur; deinde scribe Pontifici, ut dignitatem familiarium suorum tueatur. Nullum enim est dubium, eos, qui secreta Principum tractant, dignioris esse officii illis, qui, tanquam Publicani, latrant propter questum, ad unius etiam lenonis voluntatem. Ego aliqua scripsi pro nobis, & tradidi Cardinalibus legenda. Tu quoque, oro, aliquid scribas, vel Cardinalibus, vel Pontifici; sed rectius est Pontifici: nam si ita est, ut olim Secretarii propinquiores fuerint Papæ, nunc verò negligantur, ignominia erit officii sempiterna. Antonius Luscus abest, cujus sola auctoritas istos prosterneret. Tu quoque, si adesses, solo verbo rem conficeres. Sed age literis, neque id omitas, & hoc quamprimum: * mihi autem quantocius responde; nam dabo tuas literas legendas Pontifici. Vale. Romæ xix. Octobr.

* Id fecit Aretinus, ut patet ex ejus epistola IV. libri V.

* Valla ibid.



EP ISTOA

EPISTOLA IV.

Poggius P. S. D. Leonardo Aretino V. C.



U D I V I, quo nil gratius aures meæ audire hoc tempore poterant, de tua, Nicolaique reconciliatione. Id summum in modum gaudeo, & eo maxime, quod, cum te, quem semper pollicitus eras, præstitisti; partes tuæ erunt, hoc etiam prudentia tua efficere, ut non solum reconciliatio facta, sed etiam amicitia restituta esse videatur. Patum enim esset odium, * nisi subsequatur charitas & amor, quæ propria sunt animi ingenui, rectique, & ad virtutem bene instituti. Reassume, quæso, pristinam illam, mihi que notam familiaritatem ac benevolentiam cum Nicolao, daque operam, & incumbere, quantum potes, ne quid accadat, quod eam possit labefactare: ut non solum amicorum intercessionem, sed voluntate quoque vestrâ, ac iudicio, hæc reditio in gratiam existimari possit. Tibi quidem hoc summæ laudi erit, & spero voluptati fore. Certe amici nostri omnes (nemo ex iis enim, qui sunt in Curia, te amat, quin mihi summâ benevolentia sit conjunctus) hoc habent loco maximi beneficii. Magnus accessit cumulus laudibus tuis ex hac re, quibus ut nihil detrahatur ullo tempore, firmitate animi & perseverantia opus est. Nam cito præterita inimicitia læsisset, & tuum, & Nicolai nomen. Hanc vero restitutam gratiam, summam tibi bonorum omnium, doctorumque benevolentiam conciliasse summâ tuâ cum dignitate *. Scripsi quoque ad Nicolaum, licet paucis: expecto quid mihi respondeat; nam neque illum, neque te aliquid mihi de ejusmodi re significasse, est ut nonnihil admirer, præsertim cum neutri vestrum fuerit ignotum, quantum id mihi esset cog-

* Parum enim esset odium, nisi &c. Deesse videtur hic verbum aliquod, puta deponere,

* Deest aliquid, ne dubites.

*Val pag. 306. di. Sed hæc hætenus. Rogavi te duo, cum a nobis discederes; unum, libros Senecæ ut ad me mitteres; alterum, ut certior a te fierem, quomodo possem me exsolvere a præstando tributo, & an ea via esset accommoda, quam tibi exposui, excusatio videlicet, & privilegium clericatûs. Sed & addo tertium, ut cures & pecunias, quæ mihi debentur propter bullam Faventini a me expeditam de censu illius. Itaque, si me amas, cura, ut de tributo quid agendum sit, respondeas, reliqua ut perficias, eaque quamprimum, præsertim de pecuniis, quod polliciti estis; nam nullo modo est omittendum. Vale, & rescribe. Romæ VII. Kal. Octobris.

EPISTOLA V.

Poggins P. S. D. Francisco Barbaro V. C.

*Valla, p. 306.



O STEA quàm recessisti a nobis, nihil de te intellexi, præter rem mihi optatissimam, pacem scilicet abs te compositam inter Leonardum Aretinum & Nicolaum. Quod factum egregium cum studiosis literarum omnibus spero gratum fore, tum verò mihi propter meum, mutuumque ipsorum ab ipsâ adolescentia singularem amorem, ita carum fuit, ut haud sciam, quid optatius mihi accidere potuisset. Erat enim mihi in modum mihi molestum, homines doctissimos, mihi que amicissimos, quos olim ego summâ necessitudine conjunctos videram, tantam benevolentiam, tam notam omnibus, in apertam malevolentiam vertisse. Videbatur præterea quodammodo non solum illorum, sed doctorum omnium tam acre odium longiùs vigere, quàm æquum erat inter excellentes viros, atque omni laude præstantes. Quod quando virtute operâque tuâ sublatum est, meritò summis laudibus es tollendus; qui, cum Florentiam venisses, nihil tibi antiquius

duxisti, quàm ut ageres de illorum animis reconciliandis, & pace firmanda. Equidem, mi Franciscè, tibi gratias ago, non quantas mereris, sed quantas possum, & ultra quàm, Gna-
tho ille ait, ingentes, qui cura & diligentia tua, maximâ me voluptate affecisti. Ad tua in me enim officia, quæ multa sunt, hoc unum singulare accessit, quod ego tanti facio, ut quod vix fieri posse credebam, multum adjecerit ad amorem erga te meum. Effecisti rem mihi jucundissimam, atque omni laude cumulatam, sanans morbum difficilem, adeoque inveteratum, ut quandoque diffiderem posse curari. Sed quò res erat difficilior, eò majorem honorem es consecutus. Virtuti profectò omnia parent, nihilque est tam arduum, quò illa non ascendat. Debetur, mihi crede, triumphalis arcus, non minus ob hanc nobis pacem, tibi, quàm illis priscis Principibus, ob Rempublicam restitutam: siquidem non est majus, bellum conficere cum hostibus, quàm pacem statuere inter ciues. Itaque, meâ sententiâ, decerno tibi verbis amplissimis non solùm auream statuam, sed & triumphum insignem, ad gloriam hujus compositæ pacis. Nam quò plurius est sapientia animi, quàm corporis vires, eò nobilior virtus videri debet pacis componendæ, quàm hostium superandorum. Ergo

*Cedant arma togis, * concedar laurea lingue.*

* Cic. ait, rogat

Sed hæc postrema joci sumus more nostro. Scripsi ad Leonardum, itemque Nicolaum paucis verbis: exemplum literarum subscribi feci, non ut eloquenter, sed ut amicè me videas scripsisse. Vale, & quando ad Guarinum scribis, eum salutato verbis meis. Romæ vii. Kal. Decembris.



EPISTOLA VI.

Poggii P. S. D. Mariano Sozino.

*Valla. p. 306.

REFERT in prima Tusculanarum Quaestio-
 num Cicero, se, quum librum legeret Pla-
 tonis, qui est de animo, omnino illi as-
 sentiri; deposito verò libro, secumque
 de animorum immortalitate cogitanti, elabi
 omnem illam priorem assensionem. Il-
 lud idem fateor accidisse mihi, lectis li-
 teris tuis, * quibus te satis abunde excusas de numismate illo,
 quod eram questus me amisisse. Nam quum literas accurate
 legerem, persuadebam mihi (ita ornatè copiosèque causam
 tuam agis) vera esse, quæ a te scribuntur, meque non recte
 sensisse, qui tibi aliquid imputarim. At literis positis, quum
 mecum recenserem illius diei memoriam, qua necum fuisti,
 hærebam dubius, utri nostrum major esset fides præstanda,
 mihi ne paucis verbis accusanti, an tibi tam multis, tam pro-
 babiliter agenti, ut cuius superior in causa videri possis. Sed
 tamen, ut mihi plane, quod ambo cupimus, persuaderetur,
 legi iterum atque iterum tuas literas, quarum tanta fuit vis,
 & suavitas sermonis, ut maluerim tibi credere, quàm mihi,
 præsertim de re, quæ multò tibi, quàm mihi est notior. Qui-
 dam contribulis meus, nomine *Dantes*, habens uxorem pa-
 rum pudicam, objurgabatur à sociis, plerumque, quòd eam fer-
 ret, nec castigaret; qui rediens domum acriter increpabat mu-
 lierem, referens quæ sibi objicerentur. At illa negans vultu in-
 trepido asseverabat, illos falsò de se mentiri, virique creduli-
 tatem iurgabat, quoniam iis verbis moveretur, quæ disse-
 minarentur ab invidis aut malevolis, ad ferendam discor-
 diam inter eos; se consciam veri sanctè jurare, falsa esse,
 quæ diserentur. Placabatur bonus vir his verbis; & cum

rursus in publicum prodiret, atque * eadem sibi narrarentur: * Valla. ibid.

Abire, inquit, nihil horum verum est: uxor mea pudica est, & hi sermones falsi: atque adeo hoc ex ea cognovi, quam cum superbius increparem, testata est, hæc falso in eam dici: itaque, cum veritatis sit conscia, magis credam ei soli, quam omnibus vobis; inque hac opinione perseveravit. Eodem modo venit in mentem ut responderem tibi. Tu cum veri sis conscius, ego autem te veridicum putem, procul dubio assentior tibi, & pro te, & apud me dicenti; maloque errasse me existimare, qui fuerim nimium credulus, quam peccasse te, quem virum opinor bonum. Missa igitur hæc faciamus ut levia, indigna de quibus verba fiant. Ego, si quid adversus te concepi, penitus deponens, remitto tibi. Pluris enim facio amicitiam tuam, quam quasvis non solum æreas monetas, sed argenteas, & aureas. Deleatur omnino ex animis nostris huiusce rei memoria, obducaturque silentio. Velim persuadeas tibi me tuum esse. Id, si usus venerit, re ipsâ cognosces. Romæ 111. Nonas Novembris.

EPISTOLA VII.

Poggins P. S. D. Joanni Pratensi.



U quidem fecisti parum recte, neque ex sententia mea, qui ita aperte egeris cum Mariano de numismate. Occultius res erat tractanda, ut eliceret si quid suspitione odorare posses. At tu ita rem explanasti omnem, ut ruborem injiceret etiam invercundo. Atqui est firma omnium natura, ut

deprehenso, si negare possint, obdurescant potius * in faciendo; * in faciendo; forte inficiantur; & quò vilior est culpa, eò magis perstant in sententia. Cum tamen & tibi negarit, & ad me longam episto-

X iij

Iam scripserit, qua se purgat a crimine, accepi excusationem; malo enim fateri me nimis suspiciosum, quam culpam eum, qui vir bonus existimatur. Itaque rescripsi ad epistolam suam, asserens abundè mihi satis esse factum ab eo. Literas meas legere poteris; nam non sunt obsignatæ; sed tu eas obsignabis, cum legeris, eique reddes. Te remisisse epistolas meas, & item alias addidisse gratum est mihi. Mitto ad te tres alias, quas scripsi postmodum Leonardo Aretino, Nicolaoque, ac Francisco Barbaro, ut communem tecum ineptias meas, quæ tamen potius occultandæ essent, quam essendæ. Salutationem Boscoli nostri accepi admodum grætè: tu itidem eum salutato verbis meis. Tu cura, ut nobis evadas non solum doctor, sed, quod plus est, doctus; nam ista nomina tanti sunt, quanti ii, qui ea sustinent; qui si fuerint imbecilli ingenio & doctrinâ, decidunt cum titulis suis, ac conculcantur pro ineptissimis. Tibi est ingenium perspicax & nobile, voluntas servens, facultas non mediocris. Videas ergo, ne tu ipse desis tibi, cum adsint cætera: quanquam scio, si te bene novi, hoc me scribere supervacuò. Sed nolui, pro meo in te amore, currentem, ut aiunt, incitare. Si ad me scripseris, sceneratum feres. Romæ 11. r. Nonas Novembris.

EPISTOLA VIII.

Poggius P. S. D. Leonardo Aretino V. C.



* Vallap. 306.

ON sum antea gratulatus tibi (id enim flagitabat jus nostræ amicitiae) te factum esse Vicecancellarium Florentinum, propterea quod intellexeram esse id officium tibi datum sub formula quadam, quæ neque mihi sanè placebat, * qui non secus afficior honore & commodis tuis, ac meis propriis, neque videbatur esse ex tua dignitate. Nam qui me-

minirim, te olim summo cum honore renūtiasse huic officio, quod integrum nulla cum exceptione demandatum tibi erat, nunc illud diminutum & truncum suscepisse, satis quidem mirabar, requirebamque, ut verum fatear, doctrinam, & sapientiam tuam, qui tantis opibus, tanta fama, tanta auctoritate, id oneris pro re parvula accepisses, quod Poggius tuus, homo pinguis Minervæ, & minime pecuniosus, recusasset, ita me Deus servet, si eâ conditione mihi fuisset oblatum. Etsi enim nullum est pretium, quo homo doctus moveri debeat, ad subjiciendam libertatem suam publicæ servituti; tamen ea servitus honesta habetur; fugit enim homines, quæ tegitur atque ornatur splendore, & magnitudine divitiarum. * At postea cum acceperim tibi omnia concessa esse libera, veluti Colutius noster habuit, neque deteriori esse conditione, quàm is, qui te præcessit; volui satisfacere amori in te meo, & tecum congratulari, quemadmodum solemus ei, qui uxorem duxit, cum onus subeat grave, difficile, & molestum. Quanquam una est res, in qua tibi verè, & ex animo debeam gratulari. Audivi postea (quod mihi fuit summæ voluptati) te non solum non appetiisse id munus, sed oblatum primò recusasse; denique vinctum, coactumque cessisse precibus amicorum. Hoc etiam nullo præmio ita faciendum fuit, ut satisfaceret eorum voluntati, qui te diligere videbantur: in quo maxime servatam puto dignitatem tuam. Cura igitur, postquam hoc principio ingressus es, ut, quantum potes, vendices tibi libertatem, & quum Reipublicæ feceris satis, non omittas studia literarum. Vale, meque ama. Romæ XXV III. Decembris.

* Valla, ibid.



EPISTOLA IX.

Poggius P. S. D. Joanni Pratenfi.



ICTUM est mihi, dixisse te nuper, dum hic aderas, quævisse te a nescio quibus doctis viris, & item a me, qui longe absum ab eorum numero, quod esset Latinum nomen ejus, quem vulgari sermone appellamus *Bizarum*; sed neque me, neque quempiam eorum scivisse reddere tibi verbum illud, excepto quodam, qui tibi dixerat, eum hominem dici *pervicacem*; idque affert ex Terentio dicente in *He-cyra*, ut opinor: *Quæ hæc est pervicacia?* Equidem miror, licet homo sim satis obliviosus, tamen non reminisci, me esse hoc abs te rogatum, nisi forsitan me eo tempore interrogasti, quo is eram, de quo quærebas. Illos vero doctos viros, si tamen id, quod ego, sentiunt, vix est ut credam fugisse tritum sermone Latino verbum, quod id vitium significare potest; si tamen eis non accidit id, quod & mihi. Nam esse potuit, ut dicerent se nescivisse, aliquid aliud attentius cogitantes, cum tu non rogares in tempore. Fit enim plerumque, etiam in vilis artificii hominibus, ut, cum mentem defixerunt in aliqua re agenda, si quid, quod etiam recte tenent, interrogentur, se statim nescire respondeant, ne animum abducant a cogitatione sua. Tua igitur fuit culpa, qui neque illos, neque me fortassis rogasti in tempore, quod legisti esse rerum omnium primum. Nam, ut alios omittam, si me opportune de hac re interpellasses, respondiissem tibi idem, quod nunc scribo, nulla in re factus doctior; non videri mihi, esse aliquod unum verbum ejusmodi hominibus accommodatum; sed quod propius videatur accedere,

*Valla p. 306. quoque id satis apte posset exprimi, esse *difficile vel morosum*:*
ambo

ambo tantum unum * quid fere videntur significare apud do-
 ctissimos Latinæ linguæ auctores. Unde & senes, quos & plu-
 rimum hæc animi passio amplectitur, morosi & difficiles vo-
 cantur. Appellamus quippe *bizarros* homines asperos, mini-
 me affabiles, intractabiles, impotentes, ad iracundiam &
 jurgandum pronos; quorum naturam si recte inspicias, be-
 ne in eis quadrare videtur nomen *difficilis* & *morosi*. Si quis
 tamen aliud nomen aptius mihi afferret, crederem facile
 ejus auctoritati; discendi enim studio hæc scribo. Nam quod
 ille nescio quis doctus censet, *bizarrum* dici *pervicacem* opor-
 tere, longe abest proprietate verbi; *pervicax* enim, est perse-
 verans præter modum in sententia, & quasi pertinax: quod
 cum ex aliis multis, tum maxime ex ipso Terentio apparet.
 Cum enim senex ille habens suspectam uxorem de filia, quod
 suspicaretur ejus culpâ adolescentulam discessisse a focu, ne-
 que velle eam redire ad * quo divortium fieret, putans
 que eam perseverare in sententia, ad dissidium continuandum,
 prout moris est mulierum, quas ipsemet dicit adversas esse
 viris semper, & doctas ad malitiam, inquit, *Que hæc est per-
 vicacia?* hoc est, insana pertinacia, & præter aliorum volun-
 tatem in propria opinione fervens perseverantia. Quod tum
 ex verbi etymologia, tum ex auctoribus probatissimis facile
 ostendi posset, ni satis esset ipse Terentius, cujus sensus mini-
 me est in eo verbo obscurus. Ego tamen is sum, ut neque per-
 vicax ad tuendam sententiam meam, si quis melius sentiat,
 neque difficilis esse velim, si quis repugnet mihi. Dicam enim,
 prout ait Tullius, *sponsam cuique suam*. Vale, & me ama. Ro-
 mæ. i v. Kal. Decembris.

* Puto sup-
 plendum re-
 dire ad mari-
 tum.



EPISTOLA X.

Poggins P. S. D. Francisco Barbaro, V. C.

*Valla, p. 306.

*Valla, ibid.
tribus his lo-
cis.

EMINI me * recommendasse tibi, dum hîc es, Joannem de Crivellis, quem ego propter ejus probitatem, summamque inter nos conjunctionem, tum consuetudinis, tum officiorum, imprimis carum habeo. Erat ei tunc controversia quædam de beneficio * suo, quod est in Foro Julii. Nunc vero, cum super ea * jam dudum compositum esset, denuo parantur sibi impedimenta, * & quidem indigna bonis viris, neque id privatim, sed publicâ auctoritate. Patere me loqui tecum, ut coram consuavi. Sequestrati sunt ei fructus beneficii sui, & interdictum per Prætorem vestrum, ne quid detur, quia est patriâ Mediolanensis. Hæc quàm sit justa causa ad injuriam inferendam, tute considera. Est quidem Joannes, Mediolanensis, sed sacerdos, sed habitans Romæ, sed habens patriam civilem Romanam Curiam, quam præfert naturali. Si habitaret Mediolani, forte aliquid posset objici: verendum esset ne Dux Mediolani tantam belli molem sustentaret quinquaginta ducatis, quos hic solèbat percipere ex eo beneficiolo. Sed ut omnia illum Prætorem impulerint ad excludendum hunc a perceptione pecuniarum, nonne ignominia est gravis, talem Rempublicam; qualis vestra est, curam suscipere, quid hoc tempore de quinquaginta ducatis fiat? qui tamen & sunt Ecclesiæ, & spectant ad virum Ecclesiasticum. Sollemus execrari tyrannos, nos qui nati sumus in liberis civitatibus, & profitemur nos hoc bellum suscepisse pro tuenda Italiæ libertate. Dic, te oro, quid amplius quivis malus tyrannus ageret? nempe aut bona, aut vita eripitur indigne a tyrannis. Vos, cum corpus torquere non

possitis, in bona invasistis. Equidem recuso eam libertatem, in qua injuria sit loco juris; præstatque servire divitem privatum, quàm pauperem publice. Audivi quemdam sacerdotem, cum referret verba illius vestri Prætoris inurbani, quæ habuit in hac re, & in loco celebri: Dii boni, quod genus hoc hominum! Vidimus omnes ineptitudinem verborum & petulantiam. Hæc cum referuntur in coetu hominum, utrumne censes existimare alios, nos pro libertate nostra pugnare, an pro cæterorum servitute? Si quod tempus fuit, quo nos justitiam servare oporteret, hoc est profecto, ut videamur re ipsâ efficere quod verbis profiteamur. Plus me movet publica infamia, quàm unius privatum incommodum, & ego indignor magis. Apud alios non agerem hoc pacto; tecum, homine æquo & justo, loquor pro rei indignitate, ut debeo; cum aliis qui habent delicatas aures, non item: adulatione opus est, quæ omnes infatuat, & verbis supplicibus, apud maximam partem mortalium. At tecum veritate utendum est, si vir es bonus, ut judico, ad persuadendum tibi quod cupio, id est, ut paucis verbis me exsolvam, ut causam Joannis suscipias tuendam, desque operam, ut uti possit redditibus beneficii sui, prout consuevit, abrogeturque sequestratio illa, seu interdictum, ne pecunia detur sibi. Si es Florentiæ, æge literis cum amicis tuis; si verò in patria, æge tu ipse, & effice, ut Joannes intelligat, se operâ tuâ potissime restitutum ad commoda beneficii sui. Hoc te majorem in modum rogo; hominem tibi deditum addices tibi hoc tuo beneficio, & mihi rem facies gratissimam, qui non secus pro ejus re laboro, ac si mea esset. Vale, & me ama. Romæ, die v 11. Martis.



EPISTOLA XI.

Poggius P. S. D. Leonardo Arcetino.

* Valla p. 306.



EDDITÆ sunt mihi nudiustertius literarum tuarum, optatissimarum illarum * quidem, & quæ abunde mihi satisfecerunt ad ea quæ cupiebam. Ego de reditu in gratiam non ideo sum admiratus, te nihil rescriptis ad me, quia existimarem te id permagni fecisse; sed quia scribas me id plurimum

desiderare, & ob eam rem fore mihi summæ voluptati. Nam quod famam tuam imminutam ex superioribus inimiciis ad me scriptum dicis, vide ne aliter acceperis, atque ego scripserim. Ego ad te scribo libere, aperte, quæ sentio, quæque in mentem veniunt tecum loquens absens per literas, * veluti coram solemus, cum consilia nostra communicamus. Itaque quod non solum ego, sed etiam ceteri, neque indocti, sentiebant, scripsi, nonnihil læsisse vestrum nomen discordias & odia superiora: quæ cum multi ferrent molestè, neque penitus discordiarum causas nossent, ignotaque esset Medea illa (& utinam ne in nemore Pelio cecidissent abiegnæ ad terram trabes) mirarenturque, quæ tanta res incidere potuissent, quæ tantum amorem, tam inveteratum abalienasset, utriusque culpâ factum censebant. Inimicitias quidem acres videbant, causas non item; non enim noti sunt hominibus affectus nostri; neque ita semper veritas est in promptu, ut non multi dubitare cogantur. Quid ad me, inquires? conscientia mea contentus sum. Fateor, & id est satis viro sapienti; sed reliquis quandoque non satis, qui persæpe etiam recte facta iniquè interpretantur; & ut Apostolus scribit, non tantum coram Deo, sed etiam coram hominibus bona sunt providenda. Ego nunquam aliter de te sensi, quam postulet vir-

* Vall, ibid.

tūs tua. Si dixi nonnihil tuum illiusque nomen læsisse hoc diffidium, non tam mea, quàm aliorum opinio fuit: quam fatebor libere, quod aliàs memini & scripsisse me & dixisse tibi. Ego alterum culpavi veluti provocantem, alterum non cedentem, ut alterius impetum reprehenderem, alterius requirerem patientiam. Hæc scito metecum loqui, ut soleo, ex animo, & ex officio amici. De pecunia Faventina tantum a te peto, quantum diligentia potes efficere; scio enim neque te manus injicere in illum posse, neque vi arcerere. De tributo idem, quod tu, sentio, neque in hac difficultate temporum me eximi posse existimavi. Nunc pax confecta est, & ut video, mutabor censu. Cura igitur ut absolvar ab iis compedibus, quibus torqueor nimium diu; nec est enim ut nullum officium me moneat*, aut munus civitatis. * moveat. Contentus sum fortunâ meâ. Libellus tuus jam transcriptus est: remitteretur tibi quamprimum. Vale. XVII. Januarii.

EPISTOLA XII.

Poggius P. S. D. Ambrosio, viro clarissimo.



NTELLIGO quid sentias de Dialogo meo. Videntur tibi ferri posse ineptiæ illius. Sed vereor ne sit quod Nicolaus scribit, te pro tua humanitate nolle me. * Ipse omnino a te dissentit: nonnulla ei displicent, multa non placent; ornatum vero dicendi deesse arbitrat, multumque abesse hunc sermonem ab elegantia, si qua est, literarum mearum. Ego infantiam meam satis recte novi, neque est ut me ipse fallam; cum priores illos respicio, murus & elinguis mihi videor; cum autem contempler nostros, non omnino balbus. Servari autem tandem eloquentiam, & eundem scribendi morem in dialogis, quo utuntur in Epistolis, indecens esse arbitror;

*Videtur deesse hic verbum aliquod, ut reprehendere, carpere, vel aliud simile.

idque a Cicerone observari video, cujus eloquentia (si licet parvis componere maxima) longe redundantior, copiosiorque est in Epistolis, quàm in suis Dialogis, exceptis libris de Oratore: temperatum est, neque redundans, sed quietum & pacatum scribendi genus dialogorum. Epistolæ autem ornatiores, uberiorisque videntur, quod idem ab reliquis priscis illis doctissimis viris usitatum videmus. Ego quoque consultò multa dicendi ornamenta omisi, ne viderer nimis curiosus fuisse in scribendo. Legas velim Epistolam, quam scripsi ad Nicolaum, respondens nonnullis locis, quos ille notavit, non ut contrairem iudicio suo, aut errata mea excusari cupiam; sed ut communirem * secum sententiam meam. Ego tamen veniam ad vos, conferamque vobiscum de singulis attentius. Tutius, mihi crede, est, assentiri Nicolao, cui nihil nisi elimatum placet, quàm tibi; præstatque in eam partem peccare, ex qua sit major securitas. Tempus adhuc * extat corrigendi, & emendandi, in quo sequar consilium Nicolai, cum non sit futura magna admodum difficultas. Sed legito literas meas. Vale, & me ama. Literas tuas scito mihi fuisse gratissimas. Romæ, III. Idus Januarias.

* fortè communicarem.

* Vallæ, p. 306.

EPISTOLA XIII.

Poggius P. S. D. Francisco Barbaro, V. C.



EM Hermolai nostri nequivi componere cum Bartholomæo, qui ei in Præbenda adversatur. Accersivi cum domum, serioque cum ipso locutus sum, hortans ad concordiam, ne in senectute cogeretur sectari lites, & simul admonens promissionis iam factæ. Is longum, tardique plenum sermonem, & ab gemino ovo exorsus, sibi permagnam demum concludens injuriam fieri testabatur; nihil autem se pollici-

tūm illi plebano asseverabat; seque velle *prosequi jura sua, *Valla. p. 304.
quia illud beneficium appetebat, tanquam vitæ suæ quietem.
Dixi eum agere perperam, si per lites quietem quæreret;
nam unum certissimum, quod primo dabatur; alterum in-
certum esse, propter eventum causæ. Diutius collocuti sumus.
Sed tandem ita discessit, ut qui litigare mallet, quàm hoc
beneficium relinquere. Itaque mitas oportet unà omnia, qui-
bus Hermolaus uti potest, & procuratorium cum potestate
& facultate litigandi. Hoc tibi assevero, diligentiam meam,
(hoc enim possum) tibi non defuturam. Non sum tanti, ut
possim jura evertere, & si possem, nollem; nam ea semper
a bonis viris summo opere defendenda sunt. Satis tibi erit fa-
ctum, si tenebimus jus tuum, tollemusque quod poterit fie-
ri. Cum videro quid juris habeas, certiores te faciam, quid
exinde sperem. Ego ineptissimus sum ad litigia, a quibus sem-
per abhorruī; sed alteri demandabitur hoc munus, qui id
artis calleat. Ego nonnihil tibi excudi, sed edere non audeo
propter tempora; est enim contra avaritiam, quæ, ut multis
inest, ita & multorum me metus movet, ne in se dictum
putent. Tibi autem id, quicquid est, dedicavi. Si crederem
non efferrī, te participem facerem, ut ex eo elicerem con-
siliū tuum, judiciumque tuum exquirerem. Sed temporibus
obsequemur. Vale, & me, ut soles, ama. | Romæ, pridie Idus
Novembris.



EPISTOLA XIV.

Poggius P. S. D. Francisco Barbaro, V. C.

* Valla, p. 306.



AM tandem gaudeo, te factum esse Christianum, relicta illa Jesuitare, quam adscribebas principiis literarum tuarum. An nadverti quidem, te descivisse ab eorum impudentia, qui nomini Jesu soli inhærentes, novam * hæresis sectam moliebantur, gloriamque in amplificatione ejus nominis quærebant apud vulgus, & rudem plebem, cujus muneribus anhelant. Sed tu, ut decet virum non solum doctum, sed & sapientem, Jesum & Christum conjungens, non disjungis verba, quæ seungi non possunt. Fuit mihi sapius contentio cum his rudibus, atque incultis asellis bipedalibus, quum ostenderem pluribus rationibus, majorem dignitatem inesse verbo Christi, ex quo Christiani dicuntur, quam Jesu. Ad quæ illi satis inepte respondent, ut manifesto appareat, magis ab ambitione & pompa hanc divisionem novam profectam, quam ab ulla aut sanctimonia, aut religione. Sed hæc hæc hactenus. Existimabam, si quis ex nostris, qui Latine scribunt, plane & aperte scriberet, me esse unum, in cujus literis nihil ambigui esset. At tu, velut ad Oedipum scripserim, hæres in dictis meis. Sum tamen satis apertus, & ore, & calamo; quamvis non ut frater ille de Observantia, qui nuper..... nudus ad populum concionatus est, credo ut semellæ, a quibus non, ut quondam Zucharus noster, se apud Pontificem abhorruisse asseverabat, non aspernarentur ejus congressum. Verum quid in meis literis non intellexeris, nescio. Quod tunc scripsi, nunc quoque rescribo; illum alienissimum esse a concordia, velle autem litigare, negareque se unquam quicquam pollicitum esse de lite omittenda. Homo est asper moribus,

ribus, difficilis, morosus, sordidus & corpore & animo. Rogavi Cardinalem Placentinum, ut eum alloqueretur, hortareturque ad concordiam. At ille statim, Homo est, inquit, intractabilis, nemini fidens, incredulus, suspiciosus, & a quo nil sperem, præter alienationem. * Et bellum igitur cum eo gerendum est; cujus eventum nescio conjectare, nisi prius videro, quibus armis sis certaturus. Itaque, ut non utar circumlocutione, sententia mea est, ut mittas ad nos, quo jure causam tuam tuearis; tum autem pecuniam, maximum & præcipuum litigandi fundamentum; nam jus absque pecunia pro injuria est. Intellectin? cognitis autem juribus tuis, perscribam ad te, quid de iis sentiam. Tamen vel rectâ viâ proficisci poteris, si plana erit; vel circulatione, si aspera; hoc est hostem ludere, ubi communis sit periculum. Ego obsequar voluntati tuæ. Unum scias, nulla hîc eloquentia causas defendi, neque fandi, sed fundendi curâ solere hîc fieri in causis superiores. Hîc non est opus Sibylla. Quod autem vis scire, quid excuderim, id est, dialogus quidam scriptus in avaritiam. Sed quia tempora sunt in culpa, nollem ut aliquis in se scriptum putaret, qui posset proscribere. Mitto tamen ad te procœmium, quod postquam legeris, projicito in ignem, ne quâ effluat. Scio mea non esse ullo modo vestris comparanda: sed ut ille Tarentinis & Cosentinis se scribere dixit; ita & ego non plane a doctis, sed a facultatis meæ hominibus me legi volo. Aut enim idem, quod ego, sentient, aut non magnopere adversabuntur. Vale, mi Francisce, & me ama. Romæ, die XV III. Decembris.

* Credo delendum Fr. legendumque: bellum igitur, &c.



EPISTOLA XV.

Poggii P. S. D. Francisco Barbaro, V. C.



CREATUS sum totus, mi Francisce, ex literis, quas proximas a te accepi, scriptas, ut video, inter plurimas occupationes. Ita votis meis faveat Deus, ut animo pendebam anxius, ac sollicitus, quidnam esse causæ posset, cur nullæ abs te mihi literæ redderentur, post interceptum libellum. Versa-

bam multa animo, omnes cogitatus, ut sit, circumvolvens; & tamen respondendi hanc tarditatem semper accipiebam in pejorem partem, existimans judicari a vobis indignam rem esse, ad quam responderet vir nostri sæculi doctissimus. Sed quò major erat suspicio, eò jucundius fuit judicium tuum, quod ut tarde sentirem, non tua fuit culpa, sed aut tabellariorum, aut nummulariorum, qui in reddendis iis literis, ex quibus nihil percipitur quæstus, solent esse negligentiores. Scias autem eas literas, hoc est, priores illas, quarum meministi, non esse mihi redditas: quod equidem fero admodum moleste. Probari a te dialogum meum summæ mihi est voluptati, neque mihi est opus sententia aliorum. Nam quod tu probaris, & ab reliquis quoque comprobatum iri confido, cum ab omnibus maximi æstimetur judicium tuum. Sed non existimo hoc tam esse judicium, quam incitamentum, ut non sinam quicquid in me sit virium obtorpescere. Sunt autem & alia quædam, quæ institui; & ea, cum fuerit otium, aggrediar, postquam non omnino opera & impensa periit. De Hermolao tuo, vel nostro potius, si quid a me velis, scribito. Ego dudum* rogatus ab Antonio, feci supplicationem juxta literas tuas pro Archipresbyteratus; qui tamen quum non sit reservatus, nescio an profuturæ sint tibi bul-

*Tal. pag. 367.

læ missæ per Antonium. Oportet ut sitis diligentiores in scribendo; nos enim divinare nescimus; sed accipimus, proque certo habemus quod scribitur. Quacumque tamen in re potero, satisfaciam Hermolao nostro, & id erit mihi gratissimum. Vale, & nre ama, ut facis. Romæ, Kal. August.

EPISTOLA XVI.

Eidem.



OSTRIDIE, quàm hæc scripsissem, recepi iterum a te literas, & una cum eis Epistolam doctissimi viri P. Thomasi, ex quâ cognovi illum & eloquentissimum esse, & mei amantissimum. Jucundissimum est mihi, illum tecum sentire de dialogo, & tam ex animo de me scribere. Hunc ego egre-

gium virum non noveram antea, ita nec poteram diligere. Nunc verò suo de me judicio, & affectione pleno, & benevolentia, amoreque, quem præ se fert in literis suis, etsi non pari amicitia, at saltem, qua dabitur, respondebo. Dignus est profecto & amari a me, & coli, talis vir, itaque de nomine meo meritis. Non deero mihi, Franciscæ; sed quum primum per negotia potero, scribam ad eum, agamque gratias pro hisce literis suis. Cupio enim colloqui secum per literas, licet hi calores me reddiderunt tardiusculum ad scribendum: adeo ut necesse sit, me etiam verba expiscari, quum loqui volo. Sed iterum pluet, & nos humectabimur.



EPISTOLA XVII.

Eidem.

ERVENISSE ad vos Episcopum Paduanum nostrum certe gaudeo, praesertim incolumem. Reddidit enim nobis Curia paulo pinguiorem, quam acceperat, ut, nisi annona plurimum ingravescat, facile sit vobis conservare illum a macilentia. Vir profecto insignis est, & benemeritus de doctis, & literarum studiosis. Quum videris eum, salutato verbis meis, ac dicito, ut meminerit Petri famuli sui, qui pugnum pressit coram V. Cl. Antonio Lusco. Verum, ne ignores, quod ipse intelliget, utque rideas, quod quoque nos quotidie ridemus, cum in mentem venit, explanabo tibi hoc ænigma. Famulus quidam Episcopi, nomine Petrus, Theuton patriâ, rogatus ab Antonio Lusco, quid ageret Episcopus, & quid sibi de eo videretur, extulit ille dominum suum multis laudibus: *sed tamen*, inquit, porrectoque brachio, & pugno, ac labiis compressis, nihil locutus est. Risi- mus, mihi crede, hominis facetam taciturnitatem, plus exprimentis, quàm si esset locutus. Non tamen hoc tu narres Episcopo. Sed quid sibi velit pugni compressio, interrogato. Hoc addidi, ut aliquid facetiarum inesset epistolæ, etiam ex aliena suppellectili, quam nescio an sacrilegum sit, referare. Vale iterum, & ostende Paduano nostrum libellum, ut ap- e-
ziatur pugnus, si forte aliquis esset apud vos Petrus.

EPISTOLA XVIII.

Magistro Francisco de Pistorio Ordinis Minorum.



ENERABILIS Pater. * Pridem habui literas a te ex Chio duplicatas. Ante habueram alias, quibus respondi, & item scripsi ad præstantissimum virum Andream Justinianum: quas literas misi Cajetam, & inde relatum est, literas ad te missas per quandam navem Januensium. Eas existimo quamprimum ad te delatum iri. In prioribus literis, ut primum rescribam ad ea, quæ mihi cordi admodum sunt, scribis te habere nomine meo, hoc est, quæ te ad me delaturum polliceris, tria capita marmorea eximii operis, unum Minervæ, alterum Junonis, tertium Bacchi. Itaque scias me, receptis literis, magno gaudio affectum. Delector enim supra modum his sculpturis: adeo ut curiosus earum dici possim. Mover me ingenium artificis, cum videam naturæ ipsius vires representari in marmore. Nunc vero scribis te habere caput Phœbi, & addis ad ejus excellentiam Virgilii versum

** miros ducent de marmore vultus.*

* Virgil. Æneid. lib. 6. v. 843. habet *visus*.

Nihil potes mihi facere acceptius, mi Francisce, quam si similibus sculpturis ad me onustus redieris: in quo meo animo morem geres, satisfaciesque quamplurimum. Multi variis morbis laborant, hic præcipue me tenet, ut nimium forsitan, & ultra quam sit docto viro satis. Admiror hæc marmora ab egregiis artificibus sculpta; licet enim natura ipsa excellentior sit iis, quæ * instar ejus sunt; tamen cogor admirari artem ejus, qui in re muta ipsam exprimit animantem, ita ut nil præter spiritum persæpe abesse videatur. Itaque in hoc maxime incumbas, oro, ut colligas, ac corradas undequaque, vel precibus, vel pretio quicquid ejusmodi magnum

* Val. pag. 307.

Z iij

pures; si quod verò signum integrum posses reperire, quod tecum afferres, triumpharem certè. Ad hoc advoca consilium Andreæ nostri, cui etiam hac de re scribo: qui si mihi aliquid de suis miserit, bene fœneratum feret: id certe re ipsâ experietur, se complacuisse homini minime ingrato. Satisfaciam saltem literis beneficio suo, cumque celebrem reddam apud multos pro sua, si qua erit, in me beneficentia. Nam, quod centum ferme statuas integras scripsisti reperi- tas fuisse Chii, in antro quodam, me diutius suspensum tenuisti varia cogitantem, quid sibi tot statuarum in eo loco voluerit congregatio. Cupiebam certe alas mihi dari, ut

* Valla, ibid.

* quantocius maria possem trajicere, ad ea signa inspicienda. Quid id sit, exquiras perdiligenter, & nihil omittas, quin his

* Valla, ibid.

rebus * sussultus venias, confidasque Poggium tuum pro hoc tuo labore diligentiaque tibi cumulate satisfacturum. Quod tamdiu fueris Chii, culparem, nisi capita illa pro te causam egissent. Sed optimum consilium videtur, quod conferas te eò, unde frequentiores Alexandriam navigant. Unum te oro, ut in reditu naviges tuto mari, & navi tutâ. De capitibus, quod scribis, gratum est; sed omnia mihi devota & concessa existimabo. Cum aspexero imagines illas, quæ mihi rebus cæteris, te excepto, erunt jucundiores, Pontifici, cum tempus se dabit, dicam quæ videbuntur aptiora ad hanc moram excusandam. Sed, ut dicere solebat Cato, *Satis citò, si*

fatis bene. Dixi Cypriano contribuli tuo, te bene valere, idem ut tuis significet rogans, quod se facturum recepit, cum primum scribet ad suos. Sed tamen scias Pistorii permagnam

* Valla, ibid.

fuisse pestem * præteritâ æstare. Quoniam scio te non esse pecuniosum, quicquid dandum esset pro his, & aliis capitibus, aut signis, pro adimplendo memoriali meo, sumas alicunde

* Valla, ibid.

mutuò * sub fide mea; nam * præsto tibi erunt in reditu tuo: quanquam cogam quemdam Januensem, ut scribat istic Andreolo nostro, aut alteri, ut tibi vel xx. vel xxx. aureos nomine meo tradat, si tibi fuerit opus pro emendis sculpturis.

* Valla, ibid.

Hos sume pro libito; nam tibi * præsto erunt, quemadmodum pollicitus est. Vale, & me Andreolo nostro commenda. Roma.

EPISTOLA XIX.

Poggins P. S. D. Andreolo Jusliniano, V. C.



ICET vel nimium tibi molestus, qui binis jam literis de eadem re tecum agam, vel parum prudens possim videri, qui ignoto etiam aliquid oneris imponere audeam, nullo meo in te officio præeunte; tamen, confisus tuâ, quam eximiam dicunt, humanitate, malui desiderii mei, quàm molestiæ

rationem habere. Etenim, cum in contrahenda amicitia necesse sit alterius beneficium præcedere, vellem * quippe is esse, a quo * primo initium beneficii prodiret. Sed quoniam ita accidit, ut tuæ partes priores futuræ sint, libens ferrem hanc officii prærogativam in te residere, meque tribuere tibi tanquam causam aliquam ad meam in te benevolentiam cumulandam; quæ si causa forsitan tibi visa sit levior, ego tamen eam magni ponderis judico; cum mei arbitrii sit pendere, meo ex animo, quantamlibet beneficii gravitatem. Culpent nonnulli, quantum volunt, hanc meam inanem, ut aiunt, curam, dum meo me modo esse curiosum permittant. Quanquam video Ciceronem quoque nostrum, harum rerum curâ, scribere ad Atticum, ut signa perquirat, quibus ornet Academicam suam. Cui, quamvis multa licuerant, tantæ auctoritatis viro, quæ non item nobis, tamen in eo imitari solertiam suam, minime absurdum duco. Afferunt enim nobis excellentium virorum imagines quasi incitamenta quædam ad representandam illorum vitam, ac mores; & simul ingenui animi puto, delectari eis rebus, in quibus artificis manus spirantis ferme naturæ similitudinem expresse-
 rant. Miraberis fortasse quid tot verborum ambitus velit. Scripsit ad me duabus jam epistolis egregius vir magister Franciscus Pistorien-

* Valla, p. 307.

* Valla, ibid.

sis, habere se capita quædam marmorea mirandi operis, quæ dono velit ad me referre. Additque in literis suis, te, quem admodum decet virum ingenii præstantis, atque eruditi, copiosum esse sculpturarum, quas egregias multis ex locis conquiesieris. Insuper, cum te liberalissimum testetur, mearum verò literarum cupidum, hortatur ut ad te scribam, petamque aliquid, in quo te mihi satisfacturum affirmat. Itaque, tum fretus beneficentia tua, tum hortatu Francisci motus, maxime vero impulsus nimia quadam cupiditate, ejuscemodi

¶ Vallæ, libid. * res potiundi, * ambitiosior fortassis ero, aut * importunior, quàm sit æquum. Sed, te oro, da mihi hanc veniam, morem geram meæ cupiditati, neque quid a me petatur, animadvertè, aut quam ferventer; sed quid te meque dignum censeas. Peto igitur a te, rogoque, atque ita, ut nil magis ex animo vel rogare, vel petere possim; ut, si quod habes signum marmoreum, vel caput nobile, in quo dando non magnopere offenderis, velis mihi id largiri, mittereque per Franciscum, donum futurum mihi gratissimum omnium, quæ quidem donari possint. Id erit testis perpetuus tui in me tum amoris, tum acceptissimi beneficii, cujus reddendi præcipua adhibebitur a me, & diligentia, & sollicitudo. Si quæ alia deerunt, scribendo certe, gratiasque agendo, qua potero facultate, polliceor tibi me satis esse facturum. Vale, & me, quando id mutuo sit, ama. Romæ, die XX I I. Februarii.



EPISTOLA

EPISTOLA XX.

Poggins P. S. D. Bartholomæo Archiepiscopo Mediolanensi.



SCIO te libenter legere quæ mea sunt, non propter eloquentiam, quam esse in me nullam sentio, sed propter singularem tuam in me affectionem. Ob eam causam mitto tibi Dialogum quemdam, quem nuper edidi scriptum in avaritiam, quem, cum otium fuerit, legas oro. Et licet sis in tanta administratione occupatissimus, tamen aliquid temporis subducito ad legendas has ineptias meas, quas confido tibi jucundas fore, saltem propter colloquutores, quos huic sermoni accommodavi. Sique rem dignam censebis auribus eruditorum, aut non omnino contemnendam, libellum aliis legendum trades. Præcipue vero mittas volo ad doctissimum virum Antonium Panormitam. Fateor eam disputationem potuisse scribi a me etiam elegantius, majorique cum ornatu orationis; sed nosti dialogorum morem, qui mediocri eloquentia contenti sunt. Nec etiam curæ fuit expiscari dicendi exquisitos quosdam ornatus aut flosculos, tum quia id mihi, homini pinguis Minervæ, perdifficile fuisset; tum, si quid a me post hæc edetur, ne viderer primo quasi impetu omnes ingenii vires effudisse. Putato tamen me, quicquid roboris habuerim, in hunc contulisse sermonem, ne videar apud te aut consultò infans fuisse, aut majora de me polliceri, quàm præstare homo pusillus queat. Plura quidem scio de hoc vitio potuisse scribi; sed gerendus mos fuit delicatis auribus, quæ nihil nisi vel perfectum atque expolitum audire possunt, vel paucis verbis prolatum; nam inepte dictis saltem verbositas abesse debet. Id a te pro nostra amicitia etiam atque etiam peto, atque adeo postulo ut perscribas ad me de

eo sententiam tuam non fictam, sed ex animo, & more tuo, non comparans me prioribus (nam nimis longe absum ab illorum facultate) sed his nostri temporis viris, quos cum lego, est ut non pigeat me hunc laborem suscepisse. Sed exacto iudicium tuum, ut certior fiam, sileam-ne deinceps, comprimamque infantiam meam, an alia quædam, quæ institui, prosequar. Quibus si parem eloquentiam rebus præstare potero, scio, haud contemnenda videbuntur. Tuo tamen iudicio, quod esse acerrimum solet in talibus, acquiescam: quod ut quamprimum innotescat mihi, adhibeas curam volo. Ego tuus sum. Vale. Romæ, die XXI. Januarii.

EPISTOLA XXI.

Galeotto de Ricafolis.



CRIPSIT ad te Sanctes noster, se plurimum molestari a nonnullis, qui invidiâ & malevolentia mori, agmine facto, variis in rebus eum vexant; cui nisi subvenias, vereor ne succumbat insidiis multorum, qui ei tendiculas diversis locis parant: impediunt certe sanctum propositum suum*

*Valla, p. 307. plebis illius instaurandæ: qua de causa solum subiit illud onus. Ideo, mi Galeotte, opus est ut te eò conferas, primasque, atque conterreas, & verbis, & auctoritate, quosdam æmulos, ac maleficos, qui, cum aperta viâ eum oppugnare nequeant, semitis, ac diverticulis lacerant. Tua * est igitur, qui hac cura ipsum implicuisti, educere ex his molestiis, ac terrere adversarios, ne longius progrediantur. Nutu solum, nedum verbo, illorum impetum potes sedare. Cura ergo prius hoc componere, quàm commoveantur magis. Id tibi erit facillimum, cum senserint te adversum eorum votis. Vale, & me ama. Romæ, III. Nonas Feb.

* *Tuum est, vel
ine interej.*

EPISTOLA XXII.

Poggins P. S. D. Nicolæ suo.

ON fuit opus, mi Nicola, ut pro re parvula ageres mihi gratias ulla, tanquam ei a quo non omnia & possis, & debeas sperare. Nosti quidem jamdudum amorem in te meum, cujus ostendendi, aliquo meo in tuos beneficio, licet ablata fuerit hactenus facultas, idem tamen semper mansit integer atque incorruptus. A bonis enim initiis, neque a levibus fundamentis profectus (quippe studia humanitatis nos consuetudine primum, tum mores persimiles, integri illi * quidem, mutua benevolentia devinxerunt (perderet diutius necesse est, tam honestis actibus contractus, quam is, quem aut utilitas, aut præsentis officii alicujus occasio, aut turpior causa comparavit. Quamobrem ego semper sincere colui hanc nostram amicitiam, auctam semper in diem, neque ullo unquam casu labefactatam: quod si forsan prius aliquando non usus tecum, quanta solebam consuetudine, videri possim, non ab intermissione benevolentia id progrediebatur, sed a summo dolore, quo afficiebar ex mutatione iniquissima, mihiq; molestissima fortunarum tuarum. Quo tempore dolebam permaxime, & me non posse tibi ex animi sententia adesse, & ab nonnullis, quos erat æquum, non sublevari casum tuum. Sed utcumque præterita effluerunt, lætor nunc, tui præsertim commodi gratiâ, datam mihi occasiunculam, qua desiderio nostro, aliqua ex parte, facerem satis, & affectio mea, verbis antea nuruque tantum nota, aliqua in re, licet leviuscula, tibi perspecta esset. Spero autem, idque plane confido, daturum nobis Deum, postquam sibi filium dicasti, ampliorem occasionem consulendi, & hono-

*Valla. p. 307.

Aa ij

ri, & dignitati suæ. Is modo det operam, tum literarum studiis, tum modestiæ vitæ, pro cuius amplitudine libero possumus ore intercedere; nam scias, vultu demisso, & malis artibus peti solere, dignitatem quæ pro indigno impetrari consuevit: itaque opus est, ne ipse sibi desit. Ad hoc autem cum indoles, ac mores sui naturâ ipsâ faciles, tum vero paternæ cohortationes, admonitionesque, plurimum auxilii præstabunt. Vale, & me, ut soles, ama. Romæ, xlv. Kal. Martis.

EPISTOLA XXIII.

Reverendissimo Patri, & Domino meo, Domino Cardinali S. Angeli.



*Valla, p. 308.

*Valla, ibid.

*Valla, ibid.

UM quia de rebus nostris communibus existimo te aliorum literis; * debere fieri certior, tum vero quia ad te accedit vir is, qui etiam, aliis tacentibus, tibi sit statum Curia relaturus, præteribo hæc publica, quæ plus habent molestiæ, quàm voluptatis. Scripsi tibi nuper * præteriti Pontificis obitum, significans me nescio quid de futuris vereri, præter varia, quæ plurimi antea augurabantur. Deus autem effecit, ut Pontificem haberemus, quem cupiebamus, eum scilicet, qui præteritorum errorum reformationi vacaturus videatur, susceptorusque publicam orbis curam, si ei per aliorum molestias liceat. Sed hic adolescens, qui nobis tumultum excitavit, arma ferens adversus parentem suam, mihi sane desipere videtur, qui se existimet, ut in pecunias, ira in felicitatem patrui successisse, neque cogitet, tantum sibi adimere posse fortunam, quantum patruo tribuit: præsertim cum ante oculos habeat tot exempla constituta multorum, qui aucti opibus Ecclesiæ, gloriaque elati, ad summum * miseriæ deciderunt. Illud vero minime intelligere videtur, se pugnare cum ea dignitate, cui olim & Imperatores plurimi, & reges potentis-

simi cesserunt: si tamen, ut bene nummatus est, ita esset & prudens, forsân propter culpam temporum, quæ ubique difficilia sunt, nos paulûm urgeret: solita est enim jactari aliquando, ut nosti, adversis fluctibus hæc navicula; sed tamen post tempestatem tranquillo est portu potita. Illos autem, quos propter excitatæ sunt tempestates, etiam cum tranquillum mare tenere se arbitrantur, scimus naufragium fecisse, quod huic accidere necesse est, qui & ipse parum prospicit; non enim per ætatem potest, & malis utitur consuktoribus, quibus magis prædæ, quàm salutis suæ ratio cordi est. Nos quidem adhuc spem habemus optimam, sed spem tantummodo. Spero nos tamen propediem fore superiores, modò fidem ii servant, quorum armis fidimus. Id me consolatur, nos habere Pontificem bene cordatum, & qui non terreatur inanibus minis, aut vulgi rumoribus. Sed hæc cognosces ab aliis. Traxit me studium tecum loquendi in id, quod volebam. Nunc ad nostra. Curam perquirendi Livii permitto diligentia: tuæ: ego variis occupationibus distractus, neque manendi, neque abeundi ullam satis habeo explicatam rationem. Morari necessitas cogit, cupido pervestigandorum librorum ad te impellit, quocum essem libentissime, ad effugiendas has quotidianas molestias, quæ me distrahunt ab omni studio literarum. Scias tamen me, quod tibi dudum pollicitus sum, tanquam in commentaria coniecisse usque ad hæc tempora, *Fortune* * *Varietatem*, ne, quæ conceperam, laberentur e memoria. Expecto autem (nam ea fore videntur ampliora) prioribus adjicere. Videor enim videre eum Italia: totius motum, ut plura exempla mutationis suæ fortuna nobis largitura sit, ut jam possim conicere secundi belli principia, licet Oddo noster se ultro nobis offerat, a quo exordium sumam. Te fama est peragrarè Germaniam, ad apparatus belli contra Boëmos. Id quidem laudo; sed considera diligenter, non quantum animi sit tibi ad pugnam, sed quantum virium armorum, ne magis animatus quàm armatus in aciem accedas; & barbatum nostrum cave, ne auribus lupum teneas. Sed hæc tu melius. Si quem librum ex Germa-

* Hic Poggins indicat suam historiam de Varietate fortune.

norum ergastulis adhuc cruiſti; fac, oro, ut quamprimum ſciam. Hanc vero tuam expeditionem expedias, ut ad nos poſſis redire. Vale, & me, ut ſoles, ama. Romæ, v. Nonas Maii.

EPISTOLA XXIV.

Galeotto de Ricafolis.



CRIBIS te, poſteaquam diſceſſeris, ternas aut quaternas literas ad me ſcripſiſſe, quibus nihil reſponderim. Ego, mi Galeotte, unicas tantum literas a te accepi, quas opinor fuiſſe primas a te ſcriptas. Nam redditæ ſunt mihi paulo poſt diſceſſum tuum. Eis reſpondi perſiliger ad omnia; ſed video minime tibi redditas fuiſſe. Interſciuntur enim ad plurimum tabellarii, & qui veniunt, & qui abeunt. Puto autem deinceps fore liberiores propter pacem conſuſam, ſi conditiones ſervabuntur: de quo nonnihil vereor propter illius perficiendæ meam eximiam cupiditatem. Sum enim homo, ut ſcis, aliquando parum credulus, in rebus præſertim dubiis. Sed hæc ſuperi viderint, quorum nutu reguntur. Ego

*Valla, p. 308.

pacem non ſolum ſpero*, ſed opto: bellum timeo; video enim nos fatiſ agitari, quæ timeo, ne aliquid contra nos moliantur. Si eſſem tecum, aperirem tibi plurima verbis, quæ epiſtolæ non recte committerentur. Mihi crede, videbis hanc gravem ſarcinam multis jaſtaram fluctibus, aliquando fieri levioſorem. Magna jaſtura accepta eſt apud Boëmōs ex turpi fuga Alamannorum. Oppreſſit Deus noſtros ſpiritu timoris: ita ut nullo loco, numero conſiſtere, aut obſiſtere vel poſſint, vel audeant: quæ mihi ſigna, tanquam præſagia quædam majorum rerum eſſe videntur. Neque etiam apud nos ſecundiores res conſpicio. Deſciſcunt omnes a nobiſ culpâ noſtrâ, & inopiâ prudentiæ. Jamdudum abſens ſcivi defectionem Be-

rardini. Vos præsentēs & oculos & mentem amisistis, & te miror, qui mihi scribis Berardinum conventurum cum exercitu nostro, quum tot signa videritis proditiōis suæ. Recta certe via ad vos profectus est. Hæc major est moles, quàm existimes a minoribus initiis ortam. Ille, quondam dux noster, inimico animo omnia molitus est, quæ mihi constant singula, cum fuerim in castris Nicolai, & ea hisce oculis perspexerim, quæ & nostra duxi. Vos nunc, quo in statu sitis, video, nudi auxiliis, destituti a vestris. Recordaris literarum, quas dudum scripsi Cosmo. Certe id facitis inviti, coactique necessitate, quod tunc sponte licuisset, & minore cum detrimento. Nam hæc maritima victoria nihil mihi affert respiramenti: additur ad sumptus & utilitatem nihil. Si Janna duci fidem servat, quid mihi profuit paucarum navium direptio, & fuga? Majorem ipsi classem conficient, aut suis, aut alienis opibus. Nam pro certo habemus, regem Aragonum magnâ classe venturum in Italiam. Parat xxx. naves longas, xxx. onerarias, & eum sentire cum Januensibus tradunt: quo fit ut dubitem, ne Veneti abire cogantur. At nimis in longum hæc divinatio ostenditur: præsentia tractemus, ut nostra. Locutus sum cum Pontifice, te redire non posse; sed quod pollicitus fuerat, in aliud commodius tempus reservaret. Itidem dixi Cardinali sancti Marcelli. Expecta paulum hunc finem pacis nostræ; nam vereor, ne quid lateat. Si ea perficietur, (id autem cras videbimus, qua die expirat tempus adimplendarum conditionum) poteris facillime ad nos venire. Si vero aliquid turbaretur, ne festina. Expecta literas meas: ego tibi ex animo consulam. De pecuniis illis fac, ut libet, licet nunc utrinque tempora sint difficilia. Vale, xxi. Septembris, Romæ.



EPISTOLA XXV.

Reuerendissimo Patri Domino Angelotto, Cardinali sancti Marci.



Cro in hac tua nova insignique dignitate, præstantissime Pater, plurimos tibi partim amicos, partim necessitudine ac familiaritate conjunctos, varia tibi munera illaturos, tum aurea atque argentea, tum verò reliqua ornamenta ad cultum domesticum, communemque usum spectantia.

Id ego a multis propter antiquam consuetudinem, mutuamque benevolentiam fieri existimo, qui huic honori tuo ex animo,* gratulantes, non quæstum aliquem, sed solam speciem officii intuentur. Major tamen eorum pars esse consuevit, quorum in largiendo animus non beneficii collocandi, sed percipiendi scænoris, commouetur ratione utilitatis, non honestatis officium sequutus. Ita enim fieri videmus, ut privati, aut humilis domus raris donis celebretur. Id sane, si quando, humanitatis aut familiaritatis causâ, contingat, vile est quod impenditur, & parvo æstimandum. At verò insigniori aliquo titulo ornatum vulgo cumulant variis ac pretiosis largitionibus, certatimque afferunt quædam, quæ ad utilitatem spectent, quædam quæ ad voluptatem: & quem antea aut irridebant, aut aspernabantur, cum sublatum viderint, veluti spectatum quempiam amicum, summo cum studio sectantur, atque observant; ita non hominem, sed fortunam respicientes, & tanquam muscarum agmen, ad favum mellis convolantes, aliquid dono ferunt, confisi cumulationes se inde abituros. Mihi autem, cui neque earum rerum copia supereff, & meis rebus contentus* haud vaco amplioribus, satis erit afferre inter alios, quod & nostra amicitia sit dignum, & tu non in postremis censeas muneribus, collocandum.

*Val pag. 308.

*Valla, p. 308.

dum. Disputatur a viro sapientissimo Seneca in sexto, ut opinor, de Beneficiis libro, an possit pauper in virum potentem, atque in alto positum, beneficium conferre; & cum magnis viris, atque omnia petentibus, maxime deesse testetur homines, qui verum dicant, quique illos inter mentientium atque adulantium turbas stupentes vendicent ab erroribus fallentium, excellentissimi esse muneris ac beneficii scribit, id velle atque audere præstare, cujus inopiâ solius, in summa rerum omnium copia, magna fastigia laborant. Quæ res nequaquam miranda debet videri, si quis animadvertat, quanto cum periculo ac detrimento multi quondam vera loqui apud Principes sunt experti. Alexander Macedo familiarissimum sibi Clitonem,* senem optimum, ac fidissimum Ducem, vera de patre Philippo prædicantem, inter epulandum, manu sua interemit. Callisthenem philosophum, excellentis ingenii virum, veritatis testem, variis discruciatum tormentis, crudelissime necavit. Cambyfes adolescentis pueri cor, ob ebrietatem, veluti turpem in tanto Principe culpam, a parente in se familiariter reprehensam, sumpto arcu, sagittâ transfixit. Darius Persarum Rex tres filios, unicum parentis solatium, publico in convivio, ob aliquid in se vere dictum, ignaro patri epulandos dedit. Referti sunt priscorum libri exemplis eorum, quibus magno stetit sana & vera consilia suis præbuisse: mitto recentiora, ne quid offensionis hæc oratio contrahat. Hoc sane constat, ratum esse qui veri dicendi velit onus suscipere; sed esse id signum benevolentiæ permaximum, veræque amicitiae argumentum, non dissimulare quod sentias, quamvis perpauci æquo id animo accipiant. Adeo namque insolentes sumus veritatis audiendæ, adeo nobis, & vitiis nostris favemus, ut non immerito laudetur illa Comici nostri celebris sententia,

Obsequium amicum, veritas odium parit:

Quo fit ut, cum horreamus reprehensores nostros, tum nihil aures, nisi quod suave & libitum fuerit, pati possint, omnes Gnathonibus delectemur, in maximos persæpe errores, veri inscitiam, delabamur. Quod si qui præcipue in eam cul-

B b

* Clitonem:

pam incidunt, ejus profecto rerum domini majorem partem ferunt, quibuscum adulari, & ad nutum loqui habeatur tutissimum; tantum cognoscunt, quantum adulantium atque assentantium verba permittant; a quibus sapientiæ opinione inflati, cum, rejectis veris consiliis, sapientiam experiuntur, maximas contrahunt calamitates. Fallimur nimium, mihi crede, inter adulatorum undique circumstrepentium voces; & cum alius prudentiam nostram admiratur, alter beatos ac felices appellat, efficiunt ut eorum vocibus decepti, neque ad prudentiam, neque ad felicitatem, neque ad beatitudinem pervenire possimus. Præstantissimi igitur muneris atque officii elegantis loco esse debet sermo illius, qui verum spectans, ac sibi obsequentes, moribusque suis indulgentes, ad rectam rationem revocans, erroris sui commonet; & quæ ipsi non percipimus, ægritudine aliqua animi impediti, auribus nostris refricans, ponit tanquam ante oculos conspicienda. Sed quoniam, omnibus in rebus, debet loci, temporis, personarum ratio constare, tantum complectetur oratio mea, quantum præsens tempus parietur & epistolæ modus. Neque verebor ne, quæ a me explicabuntur, parum tibi grata sint futura, qui tum vir es doctissimus, tum quoque, ubi pro veritatis causa instandum videtur, liberior in loquendo esse soles: ut, si te urar magistro, videar exemplo esse excusandus. Ego, mi Angelotte, si voluissèm his literis exquisitas quasdam ac multiplices laudes vitæ congerere, more illorum, qui primum apud Pontifices erant, perfacile potuissèm; cuivis enim vel parum erudiro id esse in promptu potest, qui, genera laudandi unde ducantur, cognoverit. Sed absit ut, quod reprehendere in aliis sim solitus, ipse committam. Nam si tuis te virtutibus, quæ quidem sunt permultæ, atque illustres, ornare voluero, recte id possim, & ex animi sententia facere. Plurima enim in te existunt, in quibus magna cum tua gloria evagari dicentis possit oratio, summum ingenium, singularis prudentia, eloquentiæ studium, plurimarum rerum usus & doctrina, humanitas, comitas, in doctos viros amor & benevolentia. Verum in tuis laudibus commorandi, ne-

que hic locus est, neque meum institutum. Illa mihi scribendi ratio suscepta est, ut ad ea te horrer atque impellam, quæ ad amplificandam laudem tuam, & ad majorem quamdam gloriam consequendam arbitrer pertinere. Nam licet intelligam eâ te præditum sapientiâ, ut nequaquam vel hortatore, vel impulsore egeas, atque omnia, quæ tantæ dignitatîs munus requirit, tuâ sponte facturus esse videaris; tamen, cum sustineas gravissimum onus, & cui multi jam succubuerunt, si quid ab amicissimo tibi adhibeatur opis, quod ex tua quoque suppellectili videatur profectum, haud ingrato animo confido te id esse accepturum. Memini a te quondam multos mecum pro nostra familiaritate sæpius habitos esse sermones, cum diceres, humana hæc omnia, divitias, opes, dignitates, imperia, ceteraque fortunæ blandimenta, ad quæ tanta ambitione, tanto impetu, tanta anxietate concurritur, esse contemnenda, abjiciendas cupiditates, compescenda desideria, voluptates spernendas, libidines comprimendas; caduca enim esse hæc & momentanea, virtutem verò rebus omnibus præferendam, serviendum frugalitati, honestam quietem appetendam, id ducendum in bonis, quod esset honestum; propterea parasse te tanquam diversorium, in quo, sepositis supervacuis curis, otio literarum, & bonæ menti possis vacare; quæ si, ut tunc aſcebas, ira & sentiebas, neque animus est immutatus, da operam, quæso, atque effice ut, quæ ore te proferentem audiebam, opere nunc repræsentantem conspiciamus, urque hæc virtutes, quas aliquando, propter culpam temporum efferendi, ablatam tibi facultatem dicebas, nunc cum tempus datur, in aciem atque in campum educatæ exerceant munus suum, tueantur bonos, egentibus opitulentur, erigant oppressos, præsto sint probis, improbos deprimant ac facinorosos, aliquod semper opus agant se dignum, quo tuam testentur infidentem animo voluntatem, magnum intelligant homines in te præsidium innocentia constitutum, judicentque hanc novam dignitatem, ut honoris amplitudinem secum tulit, ita & probandæ virtutis materiam præbuisse. Id quidem haud magna cum difficultate assequeris, si ita

Bb ij

te ad hanc dignitatem accommodabis, ut non fortuito aut tenere in te collata existimetur, sed meritis tuis virtutisque concessa; si præstabis publicis in rebus fidem, diligentiam, integritatem, si in privatis facilitatem, continentiam, clementiam, humanitatem; si te denique eundem, qui nuper fueris, hominem esse cogitaveris. Etenim hi tituli tam insignes consueverunt quandoque id secum incommodum asferre, ut in magna licentia, magnam quoque occasionem negligendæ virtutis præbere videantur. Tollunt enim homines, atque evolvunt longius, quàm sapientis cogitata ratio præscribat, ut quantum queant, tantum sibi credant licere. Tibi autem, qui recte nosti, ex hac grandi dignitate non ad vitiorum libertatem, sed ad virtutum opus esse aditum patefactum, scio longe aliter videri, judicareque, quò in eminentiori loco te positum cernas, eò ætiori quadam lege honestatis viam esse constructam. Neque enim vereor, ne tibi prudentissimo viro illud occurrat, quod mihi homini pinguioris Minervæ in mentem venit, pauciora multò tibi nunc, quàm antea, licere, magnum quoque onus secum importasse hunc prægrandem titulum, magnamque servitutem: ut plurima, quæ tibi olim mittebantur, nunc omnino sint interclusa. Hæc ætas, inquit Terentius noster, aliam vitam requirit, alios mores postulat; non deambulare, ut solebas, animi laxandæ causâ, non amicorum convivia, non dies festos obire, non quietem, non somnum, nec cibum capere ad voluntatem licet; non tibi, sed ceteris est, & maxime reipublicæ serviendum; satisfaciendum amicis, egenis indulgendum; tantum tibi concedendum, quantum a publicis privatisque amicorum occupationibus temporis atque otii supersit. Id verò omnibus est viribus adnitendum, ut singuli gaudeant ad hanc te dignitatem electum, orentque eum sibi esse unum, in quem multi sperent, omnes diligant, nemo oderit, cujus salutem optent, mortem deprecantur, cujus non solum facta, sed dicta quoque admirentur. Cum autem ad egregium virum, qualem te esse cupimus, pertineat, neque re, neque verbo quemquam lædere, utriusque rei exquisita quædam diligentia a te præstan-

* Fortè con-
strictum.

da est. Eo enim in gradu te virtus tua collocavit, ut jam, quæ egeris, quæque dixeris, nequeant esse obscura. Cogitationes mehercule in magna fortuna non possunt latere. Verba excipient multi, facta omnibus patebunt, quæ, etiamsi recta fuerint, plures tamen inique interpretabuntur. Sed oris, quod multis difficile esse solet, moderatio est tibi præcipue servanda. Non est facilius linguam continere, quàm manus. Plures enim, quorum cum publicis, tum privatis in rebus integritatem continentiamque cognovimus, in verborum licentia paulum prolapsi sunt. Et hoc etiam solet virtus præstare, ut, quò quis liberior sit a vitiis, eò majorem sibi loquendi libertatem permissam putet. Sed oprime illi sentiunt sapientes, qui præcipiunt, ita nos vitam agere, ac si semper actus nostros aliquem gravem & sapientem virum conspiciere existimemus, & veluti censorem acrem ac severum nobis præesse. Verùm, quum omnia, quibus institui ad virtutem vita hominis potest, præcepta pervestigaris, nulla saluator admonitio, nullum salubrius consilium reperietur accommodatum illis, qui ad altiora provehuntur, quàm si semper meditentur, omnibus horis animo secum versent, hujuscemodi, & quæ aut in inferiores, aut superiores conceduntur dignitates, nullam penitus adjunctam secum ferre virtutem*, neque a vitiis eripere, aut meliorem efficere possidentem; quin potius ex facultate atque amplitudine rerum, improbitatem, elationem, fastidium aut nasci solere, aut detegi jam concepta. Ut autem dicere solebat Lucilius, sub sordido palliolo latere quandoque sapientiam; sic saluberrimum est, cogitare, sub * rubeo, æque ac sub stramineo pileo, quandoque stultitiam latere posse. Dignitatis namque, & amplitudinis, non virtutum, & fuscus & rubicundus pileus habentur insignia: quæ quum indigno tribuuntur, plus secum trahunt dedecoris, quàm honoris. Nam quid veræ dignitatis, aut ornamenti consistere in eo potest, in quo, quemadmodum sæpiissime vidimus, tantum jus factorum valuit, & temeritas fortunæ, ut quem stupidi cordis, & linguæ, veluti barbarum immanem, despiciere & contemnere sole-

*Valla, p. 308.

B b iij

bamus, eundem attractum ad altiora venerari & colere cogamur? At vero ea si dentur sapientiæ, si scientiæ, si alicui viriuti, magna sunt existimandâ; conceduntur enim laudi & gloriæ, quæ virtutum esse præmia sapientes scribunt. Cùm autem precibus, ambitione, pecuniis, gratiâ comparantur, nullâ virtute conciliante, populo, qui recto carer judicio, quique illa ex inferiori loco admiratur, majora quædam apparent, ac stupenda; sapientibus autem viris, qui homines ex animi doribus, & recta mente, non ex basi, aut fastigio metiuntur, magis nota turpitudinis, quàm signa landis, vel dignitatis, quas non magis repræsentare illa possunt insignia, quàm pudicitiam matrona in cœtu meretricio constituta. Nihil enim conspicui, nihil excelsi habent insignes tituli, vel malis artibus quæsitæ, vel admixti stultitiæ, quam non te gere summa solet dignitas, sed reddere apertiozem. Sed cum te video sponte tuâ incensum scientiâ ad omnem esse virtutem, atque ad illustrandam hanc tuam * dignitatem erectum, non alienum mihi visum est, addere quod ad tuam laudem spectare existimem. Magnis verò viris est admodum necessarium, & difficillime præcaveretur, id est, ut adulatorem, odiosum sane ac pervertum hominum genus, qui in hospitibus potentum plurimum posse consueverunt, penitus rejicias, neque aures tantum eorum verbis, sed domum quoque esse clausam velis. Quamvis autem non facile adulator ab amico discernatur (amicorum enim officium assumere sibi videntur) tamen acri perspicacique ingenio, quale tuum est, non erit arduum internoscere, ex fide ne, an assentandi gratiâ loquantur. Hos omnes, ne qua labe te adspargant, omnino suadeo repellendos; illos autem præcipue advocandos esse, illos complectendos, quorum in te acrior, aut asperior sermo videatur, qui te errantem, ac labentem * ac sustentent; quos liberius loquentes illi ipsi Gnathones, quorum mos est simulare se nostris commodis aut honori * affectos, nimis licentiæ arguant. Magna erit bene instituti ad virtutem animi significatio, si tibi consulentes, si admonentes, si objurgantes dilexeris, si, quæ volent, dicendi concesseris libertatem. Opti-

* Valla, ibid.

* Suppleri potest erigant.

* Val pag. 306.

mum quippe est in ægroto signum, primum morbum suum sentire ac nosse, deinde curari velle, tum autem obtemperare medicorum præceptis. Neque est quod de se quisquam confidens asserat, quod egregiæ stultitiæ argumentum est, se non egere medico. *In multis enim*, ut ait Jacobus Apostolus, *offendimus omnes; & si quis sine peccato se esse dixerit, mendax est.* Quod si nos curam patimur, si vulneribus nostris medentis manum admoveri, optata sequitur valetudo. Existunt * autem nonnulli, ignari illi quidem rerum, & ingenii crassi, qui posteaquam ad aliquam ampliorem fortunam ascenderunt, tumentes animo, unâ cum fortunæ indulgentia, prudentiam quoque ac sapientiam sibi arbitrentur esse concessam. Ita testes justitiæ suæ, quam ostendendi amplam nacti sunt facultatem, satis abunde superesse sibi prudentiam, & consilium rati, ubi inferiorum sententias contemnunt, ubi sui præbent in vulgus materiem deridendi; & licet vulgi judicia in pluribus pro nihilo sint habenda, tamen quandoque in æstimatione hominum minime falluntur. Possem nonnullis, qui me non nossent, videri paulo impudentior, qui, apud virum doctissimum ac prudentissimum, tam multis agam verbis, quæ sibi sint multò quàm mihi notiora. Sed meus in te amor coëgit, ut, quanquam te plurimum consilio ac sapientiâ valere cognoscam, ea tamen refricem tuis auribus, in quibus etiam docti aliquando viri labuntur. Multi, forsân ignari, qua sis mente hæc accepturus, dubitarent ea ad te perferbere, verentes ne hæc nova dignitas institutum olim vitæ cursum, & priores mores, quod jam multis accidit, immutasset. Solent enim excelsa hæc dignitatum culmina quosdam insolito splendore luminis perculosos adeo efferre aliquando, ut olim Urbanum VI. Pontificem, nuntiata sibi ad summum Pontificatum assumptione, motum mentis fuisse dicant: id quod postmodum (nam schisma in Ecclesia temeritate suâ contractum est) ipso opere comprobavit. Verum hæc illis solent accidere, quorum mens angusta, animus imbecillis, capere nequit amplitudinem magnæ fortunæ, qui se omnes obliiti, nec quanti sint, aut unde emerferint,

*Valla, p. 308.

penſantes, ſe ex pompa, aut ex ſpectu æſtimari volunt. At ve-
rò tibi, cujus virtus & animi magnitudo eſt perſpecta omni-
bus, cui ſummam anteaſta vita laudem tribuit, quem ſtudia
bonarum artium parvi pendere humana omnia docuere, lon-
ge ſecus eveniſſe gratulamur. Nulla elatio, nullus ſaſtus, non
verba aſperiora, quorum in te moderatio aliquando requiſi-
ta eſt, deprehenduntur; non faciles aditus, non humana al-
locutio deſiderantur: ut gaudeant homines, & plurimum hu-
manitati additum propter hanc dignitatem, & aſperitati de-
tractum. Quæ cum ſint omnia ſummis laudibus efferenda, in
hanc potiſſimum curam incumbas oportet, ut quidquid favo-
ris, quicquid operis, quicquid adjumenti contrahere undi-
que potes, id omne ad ſalutem hominum, & amicorum præ-
ſidium conſeras. Nihil tibi illuſtrius, nihil excellentius com-
parabis, quàm ſi ne verbo quidem quemquam duxeris eſſe
violandum; iniquum eſt enim & deteſtandum, ſive poteſta-
tẽ, ſive eloquentiam ad præſidium nobis datam, ad perni-
ciem alterius peſtemque convertere; opprimere verò inno-
centem, & abuti potentia adverſus inferiores, habetur perni-
cioſiſſimum. Neque eſt quòd quiſquam licentiæ ſuæ blandiatur;
impunitate ſcelerum conſiſus; nam ſi legum pœnas, ſi timo-
rem hominum, ſi judicum ſententias potentes viri declinant,
tamen ..*.. & æſtimationi hominum ſubſunt, quam qui con-
temnit, non ſolum eſt impudens, ſed diſſolurus, & poſt mor-
tem non effugiet judicium ſummi Dei. Habes epistolam ver-
boſam, tanquam teſtem mei in te amoris, neque alienam,
ut opinor, a tua dignitate: quæ ſi tibi non injucunda fuerit,
eſt ut gaudeam, me hanc ſcribendi curam non inanem ſuſ-
cepſiſſe: ſin verò quid in ea te offenderit, gaudebo quoque,
ſretus conſcientia mea. Romæ, 8. Idus Octobris.

* Suppleri
poſſet *judicio*
ſed & hic &
alibi lacunas
bona fide,
quales occur-
runt, relin-
quenda puto.



EPISTOLA XXVI.

Domino Cardinali Sancti Angeli.

UAMVIS ea, quæ ad te, præstantissime, sum scripturus, majora quædam esse videantur, quàm vires pusilli hominis ferre possint, meus tamen in te amor singularis non solum suavit, verum etiam compulit, ut ad te scriberem quæ dignitati & honori tuo conducere arbitrarer. Non aliter enim commoveor in iis, quæ aliquando contra te * censeo disseri, quàm si viderem in certum discrimen adduci * existimationem meam. Multa tibi obijciuntur a majoribus, multa etiam vulgo loquuntur multi, qui diligentiam tuam, & solitudinem in pejorem partem interpretantes, minuunt, ut ita dicam, leviter laudes tuas: ut major jam quædam ad ea, quæ aggressus es, cura tibi paranda sit, & exquisitius consilii genus adhibendum. Licet autem ea sint tempora, ea rerum conditio, ut divini potius, quàm humani ingenii esse videatur, ita certum exploratumque consilium habere, ut neutram in partem declines, nihil offendas; tamen tutissimum semper habitum est, parere majoribus, & gravioribus in negotiis ducis imperium consequi. Nam si Apostolus etiam dyscolis dominis voluit nos obtemperare, quando magis Vicario Christi parendum est; cujus mandata contemnere, arrogantis; præceptis contraire, superbi; decreta increpare, stulti esse videtur? Instas, atque conniteris omni studio, ut Concilium fiat Basileæ. Certus * sum (neque enim aliter existimari decet, licet nonnulli, quod paulò post dicam, secus murmurent) tuam prudentiam ad id bono tantum publico, & communi utilitate commoveri, illam solam versari ante oculos, eò tuas tendere cogitationes. Sed hoc quoque meminisse te oportet, pro portiuncula tua pu-

* sentio;

* existimatio-
nem.

* Valla, ibid.

blicarum rerum curam te sumere oportere, ne plus æquo progrediens, publicam rem in privatam videaris velle convertere, eoque vires tuas proficisci debere, unde tuto, & absque Reipublicæ detrimento regredi possis. Neque enim bonum Imperatorem decet sponte in eam aciem descendere, in qua non suo præscripto, sed militum arbitrio sit pugnandum, in qua plus temeritas fortunæ, quàm consilium possit. Illud verò indignum viro sapiente, ut nosti, dicere *non putaram*: cuius id officium habetur præcipuum, non solum quod est ante pedes videre, sed prospicere etiam futura, neque commoveri tantum spe boni concupiri, quantum timere casum etiam insperati mali. Cupis servare Concilium Basileense, ut hæretici ad fidem in eo convertantur, reformentur Ecclesiasticorum mores, pax inter Christianos constitutur. Hæc quidem cogitatio honesta & sancta est, bonoque ac sapiente viro digna. Sed hoc ipsum & summus Pontifex, & ceteri omnes cupiunt. Quid igitur inter te & illos interest? Tu una via proficisci contendis, quam rectam ac tutam speras: illi aliâ, quam rectiorem, certe tutiorem confidunt, progrediuntur. Noli tuum consilium tanti facere, ut iudices illud Pontificis ceterorumque iudicio præferendum; neque existimes unum te plusquam reliquos sapere. Multi privati viri persæpe rectius sentiunt de Republica, quàm illi qui præsunt. Non enim omnes, quos in Magistratu, aut dominio vidimus constitutos, sapientes fuerint; & tamen eorum sententiæ, quamvis perniciosæ atque inconsultæ, ratæ habentur. Temeritas quoque Principum sæpius in deliberando sapientum virorum consilio præfertur; siquidem eo in gradu sunt positi, ut recte, an secus sentiant, eorum sit arbitrio obtemperandum; & Livius ipse scribit *major pars meliorem vicit*. Si ergo etiam iniqui Principis decreta observantur, quantum magis æqui bonique servanda sunt? Dices forsan Principem non recte in hoc sensisse. Licet verum id esset, tamen non est judicare de superiori: æquius est, Pontificis prudentiæ te acquiescere, quàm Pontificem tuæ. Neque etiam tu negabis, Pontificis potius, quàm tuæ voluntati, parere

debere populum Christianum. Si verò hanc non tuam, sed Constantiensis Concilii voluntatem esse contenderes, memento Martinum Pontificem, nullam aliam ob causam, & distulisse illud & mutasse, quàm propter tumultum aliquem consequutum. Respondebis, opinor, non solum te esse, sed alios hujus rei auctores. Ego, qui ceteri sint, nescio: hoc unum scio, nullos adhuc Principes eorum, qui vere Principes dici possunt, misisse Basileam oratores; sed convenisse quosdam in hæc, partim metu, partim cupiditate, partim ambitione, partim spe rerum perturbandarum, coactos, qui etiam alios vexant legatis, ut secum coeant: ut planè suspicer nonnullos non fidei, sed perfidiæ gratiâ convenisse, & arbitrer conventuros. Sed, oro te, quem rerum finem tibi proponis? si reformationem Ecclesiæ? a malo quidem capite, ut videoor, hoc cœptum est, per inobedientiam videlicet, & Pontificis contemptum. Non est reformatio hæc, sed deformem fieri. Adversari per contumeliam Principis mandato, non est ponere pacem, sed gladium in populo; dissidiorum sēmitas investigare, non est tollere hæreses, sed inferre; dividere membra a capite, armare subditos in superiores, serere inter Patres dissensionem, quid aliud est, quàm rursus scindere inconfutilem tunicam Christi? hunc enim finem timeo ex contentionibus vestris. Considera diligenter, quæso, sententiam Platonis, qui divinitus scripsit, ex discordiis Principum, rerum publicarum interitum sequi solere. Quid tu, qui omnibus es in rebus prudentissimus? Nonne vides duorum maxime Principum, alterius ambitione, alterius odio, hanc totam massam conflari, quæ quo animo cœpta sit, quò spectet, etiam lippis oculis intuenti, satis perspicuum esse potest. Sub velamento Concilii aliud quiddam moliuntur, quod avertat Deus; nisi forsan putas eos ob sanctimoniam, ob pietatem, ob religionem, ob zelum fidei, ob pacem fidelium commoveri. Quæ tibi verò laus apud homines, quæ merces erit apud Deum, quæ postea mentis quies, si, dum aliquod majus commodum Ecclesiæ concupiscis, maximè illius exteris causa calamitatis? Ad hoc tenditur a quibusdam, hoc

Cc ij

procuratur, quod non dissimulant ex Alamannis quidam palam proferre, scissuram Ecclesiæ, & alium Pontificem queri: id autem a majoribus quibusdam audivisse se asseverant, & quos notâ minimè occultant. Quo manifestè percipi potest, hoc opus esse quorundam, qui, vires ac Pontificum potentiam ægrè ferentes, augeri satagunt * proprias vires per intestinas nostras tempestates, & publica detrimenta. At enim, inquires, quid reliqui moliantur, ignoro: me sola movit publica utilitas, huic vaco, hanc unam perquiro: si quid acciderit secus, absim procul a culpa. Vide ne seducaris, vir optime. Scio te optimâ esse voluntate; sed illud etiam novi, non omnium eundem animum esse. Scio quoque rem aliter ac putes posse evadere: scio difficillimum esse compescere iram, odia, cupiditatès: hoc verò certissimum est, solere fieri homines ex licentia deteriores; & cum non omnes unum animum ad Concilium afferant, cum spe commodi, timor etiam incommodi debet esse conjunctus. Itaque debes non tuam, sed Pontificis sententiam sequi, neque perstare adeo in opinione, ut tuæ culpæ tribui mereatur, si quid acciderit adversi. Caput is est: si quid deliquerit, tuum est quid sentias loqui, & efficere, ut sis extra noxam. Hoc tantum præstare debet vir sapiens, ut vacet a culpa: quod quoniam effecisti, reliquum est, ut obediens dicto sis. Egisti quod fore utile cogitabas, scripsisti ad Pontificem, multosque præterea; quæ impendere videbantur, exposuisti conditiones temporum, pericula ostendisti, hortatus es ad Concilii consummationem, functus es officio boni & sapientis viri. At verò Pontifici aliud quidpiam magis conducere visum, rem differre consultius, suum consilium anteposuit tuo. Numquid propterea ad arma & vires est confugiendum? Idem ipse sapientissimus Plato dixit, vim neque patriæ, neque parentibus inferendam. Qui autem verior pater, quàm is, qui parentem & auctorem omnium nostrum repræsentat in terris? quæ melior patria, quàm Ecclesia, in qua salvamur? Numquid, quia in sententia perstat Pastor, propter parvi temporis jacturam, contra parentes & patriam insurgendum

est? Ambo eundem spectatis finem, sed itinere diverso: utrum æquius, te ne, an Pontificem de via decedere? Neque verò mireris, si mea verba ad te converto; tibi enim soli, quæcumque acta sunt agunturque, adscribunt; & nisi tanquam signifer, & dux, ad quem ceteri confugerent, exitifles, hunc conventum affirmant jam olim suâ sponte fuisse dissolutum. Sed quidquid de te homines & sentiant, & loquantur, non dimovebit me de sententia, qui credam semper quæcumque egeris, & bonâ voluntate te egisse, & mente optimâ, tuæque consilia ad publicam tantummodo utilitatem spectare. Illud tamen diligentissimè advertere velim, accuratius considerare, an hoc pacto possit ad hoc, quod cupis, publicum commodum perveniri. Brutus, cum Cicero M. Antonium vehementius insectaretur, Octavium verò nimis extolleret, scripsit putare se, quæ ille ageret bono animo, & Reipublicæ causâ facere, sed parum conspiciere in futurum; vereri se ne consilia ejus aliter evenirent. Ita verò accidit. Ille idem Octavius, quem Tullius adversus Antonium nimis armaverat, arma ad salutem Reipublicæ assumpta, contra Rempublicam convertit. Consilio igitur viri prudentissimi, ad * cetera Ciceronis cecidit conatus. At idem scribit rectam sententiam, ne in victa quidem causâ, vituperandam. Sed non est appellanda recta sententia, ex qua conjectura assequi possis, certum discrimen posse proficisci. Quod autem certius discrimen videtur, quàm populum rerum novarum cupidum adversus edicta Principis convocari? Nonne per hanc contentionem, & contrariarum sententiarum certamen, jam ignis succensus est, ex quo queat ingens incendiorum moles exoriri? Cogita, oro te, qui homines, quæ ex causâ multi convenerint, discute mores, affectiones, prudentiam nonnullorum: intelliges profectò horrendum aliquem deteriorem finem, neque esse hanc materiam, ex qua templum Domino exadificari possit, nisi fortassis te solum lateat, quod ore ferme omnium decantatur. Loquor tecum summo cum mœrore, quo afficior expectatione futurorum. Nisi tu te retrahas, nisi pedem referas, nisi etiam his obsistas, vereor

* Credo legendum esse ad pejora, vel sequiora.

ne vulnūs pestiferum Ecclesiæ infligatur, cui volens postea; cupiensque, mederi nequeas. Certe tunc, cum non proderit, incipies mihi aliquando * cedere non divinanti, sed ip-

* malim credere.

Sed, quod te fallit, existimas ceteros secundum ingenium tuum; ut quisque enim vir bonus * est, ita alios minimè improbos suspicatur. Permulti dissimilem verbis animum attulere, qui plus zizaniorum serunt, quàm tritici; id quod nisi ante provideas, conspicias in tritura. Illud verò præ ceteris me excruciat, quod a malevolis, ut puto, disseminatur in Curia, re hanc totam curam istius Concilii suscepisse, ut exinde Papa fias; atque adeo mentibus nonnullorum hæc opinio infixæ est, ut avelli nequeat; neque enim te tam pertinacem in ea re futurum fuisse, nisi ea re trahereris. Sunt qui hanc suspicionem rationibus augeant, sunt qui id longè à tua virtute abesse contendunt. Ego id nego apertissimè, neque quicquam magis abesse a tua sapientia, quàm ut per calamitatem Ecclesiæ tibi quæras vel potentiam, vel dignitatem. Hæc autem, quanquam vero sint contraria, tibi tamen omni opere enitendum est, ut ostendas eos palam mentitos esse, qui hos rumores excitarunt. Neque tu mihi respondeas volo; aut *finis rerum hoc monstrabit*, aut, *satis est mihi conscientia mea*; nam & illi ipsi dicent non noluisse te, sed non potuisse, remque aliter cecidisse quàm putaveras; & bona etiam coram hominibus sunt providenda, satisfaciendumque iis etiam qui foris sunt, quæ si tu contemnis, vide ne in lubrico verferis. Scis quid narraverim tibi, dixisse me olim Cardinali sanctæ Crucis, cum primum ad Curiam accessit. Illud ipsum & tibi dictum puta. Si tu me decipis, actum est. Hæc eadem narraui Laurentio tuo, utque ad te scriberet, rogavi; sed, quia forsàn vel non scripsit, vel remisse potuit scribere, malui videri impudens, quàm negligens in significando tibi ea, quæ ad te maxime pertinere sum arbitratus. Nullo amore, nullo odio, nulla assentationis gratiâ motus, hæc ad te scripsi, sed primum caritate tui, secundò timore futuro-

* Valla, ibid.

rum. Quidquid tamen fors tulerit, quicquid egeris, ego te semper bono animo egisse judicabo. Scripsi ad te epistolam nuper, in qua me purgabam de liberis, quod in tua epistola objeceras. Eam, quia postmodum acrior visa est, quam tua ferat dignitas, continui, ne mihi (nam irasci non soles) paulum succenseret. Itaque malui lucubratiunculam perire, quam vel minimum te commovere. Si tamen antea pollicearis, te mihi remissurum quæ scribo, condonaturumque injuriam omnem, mittam epistolam sub hoc salvo, ut aiunt, conductu. Te vero per amicitiam nostram oro, obtestorque, ut hanc epistolam contineas, ne alicunde (non enim omnes æquè judicant) malevolentiam contraham. Commenda me Domino Archiepiscopo Mediolanensi prædiligenter*. Vale, mei memor. Qui sim, ex stylo cognosces. Romæ, pridie Kal. Julius 1433.

* perdiligenter.

EPISTOLA XXVII.

Eidem Domino Cardinali Sancti Angeli.



V E R E O R, præstantissimè Pater, ne isthic barbaries, quacum diutius versatus es, immutarit pristinam humanitatem tuam, ac falsiorem, ne dicam asperiores, reddiderit, quam tua ferat natura. Nam, licet vera virtus inquinari nullâ labe possit, mores tamen nostri, etiam corroborati ad consuetudinem diuturnam, & mitigari, & asperari possunt. Hominem quoque summa humanitate præditum ad nimiam severitatem deflectere consuevit familiaritas eorum, si acerbiores fuerint, quibuscum diutius consuecat. Quod tibi viro dudum humanissimo ne acciderit, pertimesco. Nam, ut de divinatione illa sileam (malo enim justâ causâ cadere, ne videar, ut scribis, pertinax in tuenda sententia, quam argu-

mentis tecum pugnare) quid attinuit in literis tuis, in quibus joculari prae te fers, exagitare me liberorum gratiâ. Feras, oro te, æquo animo, ut soles cetera, me loqui tecum literis libere, ut verbis coram solitus sum, vel colloquendi (id enim cupere videris) causâ, vel tuis literis respondendi. Admirari enim cogor id quod scribis, neque literis meis congruere, neque tuæ responsioni. Scripsi ad te epistolam, joci licet insullis refertam, referens fugæ illius turpissimæ causam non in te, sed in eos, quibuscum Baccho & Venere, quàm cum Marte magis mos est bellum gerere. At tu rescribens, jocularique asserens, me probro laceßis, ut non joculari, sed jurgari videaris; is enim jocus dicitur esse, ex quo non mœror, aut animi ægritudo aliqua oriatur, sed remissio, & jucunditas: nisi fortè novum jocandi morem velis introducere, non ex facietis & risu, sed ex contumelia alterius expressum. Nam recensere quæ minus honestè commiseris, non risum & relaxationem mentis, quod in joco quæritur, sed fletum & perturbationem animi, vel parum prudenti * solet asferre. Quid enim opus fuit, aut quid ad meas literas pertinuit, post reprehensionem illius divinationis arguere me de prole suscepta, etiâ falcato argumento? Asseris me habere filios, quod Clerico non licet; sine uxore, quod Laicum non decet. Possem respondere, habere filios me, quod Laicis expedit; & sine uxore, qui mos Clericorum ab orbis exordio observatus. Sed nolo errata mea ulla excusatione tueri. Quamvis enim possem facillime nonnulla in medium asferre testimonia, quibus probaretur multa expedire quæ non decent, multaque licere quæ minime expediunt, satius tamen duco fateri culpam, quàm esse pervicacem. Scis enim non licuisse mihi, quod egerim, testorque errasse me. Sed non eò erravi, ut mei erroris testimonium oriretur. Ortum est, non dedita ad id operâ, sed sponte suâ. Pluries * eodem * devio prolapsus sum; attamen nullo exitere erroris vestigia impressa, ut, quia reguntur errata, pro infectis apud homines habeantur. Veruntamen nunquid ego primus sum, qui sine uxore liberos tulerim? nunquid adeo desuetum est ex aliena libe-

ROS

* Credo legendum pendenti.

* Valla, p. 309.

rorum susceptio? numquid in diem, & ubique terrarum reperiuntur Laici, Clerici, Sacerdotes, viri Religiosi, Abbates, &, ut ita dicam, Conventus, ut ait Hibernicus ille, Episcopi quoque, & in majori etiam nominis gradu constituti, qui prolem ex nuptis, viduis, virginibus etiam Deo sacris ferant? Illi ipsi mundi, ut dicunt, contemporores, religioni dediti, qui vilibus indumentis, capite ad collum * reflexo, pauperiem coram profitentur, nomen Jesu invocantes, novamque animam Deo gignere cupientes, sequuntur præceptum Apostoli, ut, quæ non sua sunt, quærant, utanturque pro suis, &, cum unicum talentum eis creditum sit, non abscondant, ut ille nequam servus, sed in alieno agro serentes, reddant multiplicatum. Credo hoc tibi in me displicere, ut more tuo jocer, quia in urbe natus, & altus sis, in qua videamus esse continentis domicilium, in qua Clerici, Sacerdotes, Abbates castissime vivant, atque omnino liberis careant; aut, si quid pauxillum declinent, id sit quàm occultissimè. Opinor etiam Alamanniam patriam a congressu mulierum abhorrentem, cujus homines continenter, sobriè, castè vitam ducunt, in qua nulla scorta, nullæ impudicæ, nulli leones versantur, cujus ingens pudicitia per universam Europam diffunditur, excitasse tibi memoriam errati mei: ut, quoniam tibi desint istic, quos in ea re delinquentes admoneas, ad unicum me recurras, solumque hoc prægrandi scelere adstrictum. Risi sæpius Abbaris cujusdam e nostris haud ignobilis confidentem, ne dicam impudentem, professionem; qui, cum dudum Martinum Pontificem visitasset unà cum aucto filio, atque interrogatus respondisset imperterrito vultu, non solum illum, sed alios quatuor quoque filios, qui arma ferre possent, ei superesse, qui omnes essent in Pontificis potestate, & Pontifici, & ceteris, causam præbuit ridendi. Non ego tamen obtego meam culpam erroribus ceterorum. Fateor infirmitatem meam, &, cum Clericus sim, etiam me hominem sentio esse, & peccaris subditum: ut, cum velle in me sit quod rectum est, tamen non existat perficere. Sed

* Vallæ, ibid

* Vallæ, p. 306

Dd

serviant, nullam appetant voluptatem, nullâ libidine moveantur, qui animum suum ab omni turpitudine servant immaculatum, omnibus corporis illecebris abjectis, bona verò hæc, quæ dicuntur externa, penitus contemnant, qua-

* Yalla, ibid. lem te esse cognovimus, permagnum quid * Altissimo debent, a quo sunt, supra vires hominum, supraque naturam nostram, munus præstantissimum consequuti. Sed longè ab illorum virtute infirmitas mea me collocavit, fecitque, ut ceterorum bonitatem citius admirari, quàm sequi possem. Atamen utinam reliqui Clerici non essent me deteriores! quievissent, mihi crede, adhuc Boëmi, neque in Clerum tam inimici, nec in Deum tam impii extitissent. Plurimorum hominum vitia, quia occulta sunt, nullam præbent occasionem malè sentiendi. Si ea, quæ private sunt, publicarentur, multos execraretur populus, quos summò honore colit, veluti probos & spectatos viros. Licèt enim peccatum idem sit apud Deum, cui innotescunt etiam cogitationes nostræ, perspicuum est tamen scandalizari proximum magis manifestò peccato, quàm occulto. Ego quidem peccavi quàm po-

2 occultissime. tui * occultius; sed eum agrum colui semper, qui fructum ferre posset. Cum ergo in terram frugiferam semen fortè cecidisset, fructus inde ortus est, & quidem casu quodam, nullâ meâ impensâ excultiore. Peccavi tamen nihilominus, fateor, sed ducem sum naturam sequutus, quæ cum germen protulerit, mitigari posse videtur ea culpa aliquo emolumento conjuncta. Quid autem dices de illis, qui serunt inter spinas & petrosa, sine ulla spe fructûs percipiendi, qui non curant naturam pervertere, dummodo scelus eorum sit testum, ne viri boni nomen amittant? quod quidem infandum flagitium maxime sacerdotes infixit *, occulta obscœnitate inquinatos, ut casti palam videantur. At hi, si quem alienam mulierem at-

* Fortè infestis. trestantem viderint, si quid paulo liberius tentatum, exclamant scelestè factum, prohibent, puniunt, execrantur: ceterùm de exclusione * verbum nullum. Cum ergo vitia hæc

* Suspicio deesse hic vocem marium. comparo, malo detegi errorem meum hoc pacto, quod le-

* Sensus potiusculum est, quàm illorum detegi *, cum sit omnium gra-

visissimum. Sed tibi, viro optimo, ac sanctissimo, etiam quæ postulat ut legatur, regi.
 ceteris leviora videntur, gravissima appareant necesse est. Dedit tibi Deus in omni genere literarum excellentem doctrinam, præstantem virtutem, naturam à vitiis omnibus abhorrentem, dedit purum & simplicem animum, ut qui nihil habeat terreni, præter corporis societatem. Itaque, si pro tua virtute, tuæque in me benevolentia, me arguis, mones, increpas, si cupis reddere tuâ operâ meliorem, fungeris tu quidem munere perfecti & hominis & amici, quod est mihi gratissimum. Quod autem de instituendo vitæ genere scribis, ego jamdudum decrevi certum vitæ cursum, quod & proficiscor, non devians ab itinere constituto. Nolo esse Sacerdos, nolo Beneficia; vidi enim plurimos, quos bonos viros censebam, maxime autem liberales, post susceptum sacerdotium avaros esse, & nulli deditos virtuti, sed inertis, otio, voluptati. Quod ne mihi quoque accidat veritus, decrevi procul a vestro ordine consumere hoc, quidquid superest, temporis peregrinationis meæ; ex hac enim magna capitis Sacerdotum rasura, conspicio non solum pilos abradi, sed etiam conscientiam, & virtutem. Vale, & hæc, sive joco, sive serio mavis, accipe: fac, ut lubet. Ego, jocos tuos imitatus, longior fui, quàm vellem. Romæ, 10. Julii. 1433.



EPISTOLA XXVIII.

Poggius P. S. D. Francisco Philelpho suo.



TARDIUSCULUS fui in respondendo, quàm res postulabat, præsertim pusilla, & cui facillime poterat rescribi. Sed, ut nonnullos negotiorum multitudo sæpius retrahit ab officio scribendi; ita mihi e contrario continuum otium, & ab rebus agendis vacatio, quamarcemus, torpedinem quandam attulit: ut, quod diutius non feci, & incipere negligam. Acuitur ingenium exercitio, & acrius fit; otio verò ignavo pigrescit, dormitans, adeo ut ne exurgere quidem curet. Otium, in quo jamdudum versamur, ad ignaviam rediit. Veniam igitur dabis tarditati meæ. Audieram antea de libello, de quo a me petis fieri certior, sed nondum videram; non enim me admodum movent rumores imperitorum, in hujusmodi præsertim rebus, in quibus sæpius deceptus sum. Sed, acceptis literis tuis, statim postulavi libellum, eumque uno spiritu legi, ut viderem quanti æstimandus esset. Non est neque procæmium in eo, neque auctoris adscriptum nomen: ex verbis tamen suis conjicio fuisse Christianum. Liber parvulus est, paulò minor quàm Lælius Ciceronis; continet autem differentias quædam verborum, quæ synonyma videntur. Multa sunt in eo superflua, ut qui eandem rem frequenter repetat, neque magni facienda: nonnulla improbari possunt apertè, aliqua non rejicienda, sed quæ non multum adjuvent; nèque enim servantur & diligentia * curiosa. Commendandus est tamen, quisquis is fuerit, labore & diligentia, qui, quod potuit, attulit ad communem utilitatem. Incipit: *Inter polliceri & promittere hoc interest; promittimus rogati, pollicemur ultero.* Sed hoc ex * exscribi, aut describi. melioribus est. Tu videris, an eum * scribi velis: obsequar

voluntati tuæ. Vale, & tuum esse persuadeas tibi. Romæ, 16.
Kal. Novemb.

EPISTOLA XXIX.

Eidem.



CRIBIS * ad me, certio rem te factum, ineptias & deliramenta quædam adversus Philelpum divulgari per homines stultissimos, & me eorum dici auctorem. Ego quid stulti divulgent, aut loquantur, neque curæ mihi fuit unquam, neque erit, neque etiam scio, quid ii de me dicant. Unum scio, quicquid id sit, quod deliramenta, aut ineptiæ appellari possit, non esse meum, qui vel delirare, vel ineptus esse non consuevi. Nec ita, ut opinor, sum rudis, atque rerum inops, ut quæram adjumenta stultorum ad vulganda scripta mea, quæ edere & tueri satis ipse novi. Quod me non existimas ad maledicendi arma concurrisse, * verè & rectè arbitraris. *Habeturedis. Basil. p. 187. sed extra ordinem Epistolas.
Nam & jam senex non satis commodè possum currere, & remeritatis culpam effugi, * cum ita ad hanc diem vixerim, * concurre, sic Basil. ed.
ut nihil egerim (de rebus loquor gravioribus) cujus non probabilem rationem possum reddere. Si contumeliam ferre non consuevisti, cogites quoque & aliis suum esse ingenium, qui non minùs quàm Philelpus contumeliam * abhorrent. Non * Valla, p. 312. autem ita imperiosus sis, ut tibi conviciandi, maledicendi, obtrectandi licentiam concessam velis, ceteris verò se tuendi, aut maledicta tua rejiciendi facultatem ademptam. Quod verò vis, ut me purgem, vel accusem, neutrum; neque enim est opus, neque liber facere. Nam & satis sum mundus, & valetudine prospera, ut purgatione aliqua non egeam; & excusare me tanquam alicujus erroris, aut criminis reum, a quibus longè absum, stultissimum videretur. Quod ad te vis

D d iij

deferri, si quid adversum te sit scriptum, id eorum cura sit; ad quos hoc spectat; nam mea id minimè refert. Quod postremò non cupis meas inimicitias, neque ego itidem tuas; daboque operam, ut nullus mihi jure possit esse inimicus. Nam ego didici ita non homines, sed vitia odio esse habenda. Tu, qualiscumque sis, & animo & corpore rectè valeas opto. Florentiæ, die 14. Martii.

EPISTOLA XXX.

* Valla, p. 311.

*Magnifico Domino meo, Domino Leonello de Este Equiti. **

* Æmilianus
frater tuus, ac
Feltrinus.



* Valla, ibid.

Cum essem hodie in secretiori aula summi Pontificis, unà cum egregiis quibusdam viris, in quibus vir præstans, atque omni laude dignus Omiliadus * frater tuus, ac Feltrinus Eques Ferrariensis, doctrinâ & dicendi copiâ excellens; inter loquendum incidi in eum sermonem *, ut laudarem

multis verbis Titum Livium Patavinum, eumque omnibus Historicis Latinis & Græcis dicerem præferendum. Nam ne apud Græcos quidem reperitur quispiam, qui tantâ elegantia & gravitate sermonis, septingentorum annorum tam amplam materiam scribendi, tam diffusam, tam variam, tam magnificam, & populi omnium gentium domini, ac victoris, res pace & bello gestas fuerit complexus, quæ adeo excellentes & egregiæ extiterunt, ut omnibus omnium aliarum nationum, populorum, regumque longo intervallo anteponendæ esse videantur. Sentiat Plutarchus quid velit, & Græcos Latinis comparet: nequaquam tamen illos adeo extollere verborum magnificentia potest, ut non excellent nostri inter * suos, & veluti heroes inter alios judicentur. Cum igitur Feltrinus meam sententiam comprobaret, subdidi maximum luctum accessurum Latinis literis, si reliqui ejus libri

* Valla, ibid.

reperirentur, quod ego facile futurum esse arbitrabar. Cùm ille hæc tanquam vana existimaret, dixi non tantum moveri me iis, quæ nuper intellexeram prodire a Mantua, quantum assertione cujusdam docti viri, qui olim in urbe, pluribus aliis mihiq̃ narraverat se decades Livii decem vidisse, ac legisse in monasterio quodam in Dacia; quo in loco eas esse, hunc alterum postmodum retulisse dicant. Is fuit Nicolaus quidam, natione Gothus, vir vagus atque inconstans, licet admodum eruditus, qui sanctè juravit esse in quodam monasterio Ordinis Cisterciensium tria prægrandia volumina, & oblonga, conscripta literis Longobardis, & nonnullis præterea Gothicis intermixtis, in quibus continerentur decem Livii decades, quarum capita ipse legisset. Atque hoc ita asseveranter affirmavit, ut eidem fidem haberem, præsertim cùm non esset ibi aliqua causa tam impunè mentiendi. Itaque perfacilè adducor, ut existimem eas decades ibi esse, cùm nunc quoque alius testis horum librorum reperiatur, qui se quoque decades omnes vidisse asseveret. Hoc ut ad te scriberem, summopere Feltrinus rogavit. Itaque veluti argumentum epistolæ nactus sumpsi, & quidem libens occasionem ad te scribendi, præsertim cùm idem mihi asseruerit, te studiis dedium Humanitatis, Guarini nostri doctissimi viri operâ, jam doctum atque eloquentem evasisse. Quod eò mihi gratius fuit, quò pauciores sunt (de potentioribus loquor) qui vel literarum studiis delectentur, vel doctis viris; & si verum fateri volumus, excepto præstantissimo atque excellentissimo Principe parente tuo, qui complures doctissimos homines ad se conquisivit, nullos vel paucos doctos in Italia reperies (nam apud externos, potius & cibi potius, quàm doctorem ratio habetur) qui vel sint liberali aliqua disciplina imbuti, vel eos in quibus illa vigent, aliquo honore dignentur. Atqui hæc quidem causa est potissima, cur multa perversè a Principibus agantur, cùm neque ipsi sapientiæ studere velint, neque colant sapientiæ studiosos. Quamobrem gaudeo ipse mecum, tibi verò gratulor, qui tuam adolescentiam non corporis illecebris, aut voluptati, ut multi mor-

talium, dedicasti, sed studiis, & doctrinæ, quæ quoniam ad vitam bene agendam, hoc est, ad virtutem, & honestatem maximè conferunt, persevera, oro, ut cepisti, & mentem revoca ad ea, quæ te excelsum & præclarum possunt reddere. Nam, si quem decet vacare studio virtutis, Principem maximè oportet illius consequendæ curam præcipuam habere. Turpe est enim, ab iis, quibus opibus & potestate præsis, virtute aut sapientiâ superari; & , quamvis consilia amicorum plurimum soleant conferre potentibus ad deliberandum, atque agendum; tamen non egere alterius consilio, quid sit utile, quid honestum, quid liceat, quid expediat, per se ipsum cognoscere, præclarum atque egregium haberi solet, & supra communem hominum facultatem. Quare incumbe, quæso, atque invigila bonarum artium studiis, quæ tibi multarum rerum copiam subministrabunt, per quæ possis ad summam laudem & gloriam pervenire. Ego tuus sum, licet pusillus. Vale. Florentiæ. 4. Nonas Maii.

EPISTOLA XXXI.

Poggius P. S. D. Gaspari Veronensi.

* Val. pag. 311. *

* Valla, ibid.



RECEPI pridem a te literas semilaceras, atque ita corruptas multis in locis, ut vix legi possent: quod accidit culpâ portitoris, * ut puto. Verùm intellexi optimè quæ a te scribantur, plena humanitatis & benevolentiæ. Ego, mi Gaspar, vellem aliquod extare meum in te beneficium, ut, quæ mihi debere te asseris, merito meo vera essent. Nam scis nihil a me profectum, quo vel paulum satisfacere possem desiderio & affectioni erga te meæ, nisi forsan, quod viri grati solent, voluntatem officii præstandi pro beneficio accipis. Quod si agis, fateor te mihi plurimum deberes
amo

amo enim te majorem in modum, propter virtutem tuam & humanitatem; tum verò propter studiorum conjunctionem, quod est maximum vinculum amoris conciliandi. Nam, cum vidissem te dudum studiis deditum humanitatis, quibus ego quoque paulum delector, optimo etiam ingenio, & summâ diligentia, non solum bene dicendi facultatem, sed bene quoque vivendi doctrinam appetentem, complexus sum te animo statim, & præcipuâ quâdam benevolentia affectus erga ingenium tuum. Nihil tamen accidit, neque ulla data est facultas, qua meam in te affectionem ostendere possem, non quidem meâ, sed temporum culpâ: facultas tantum defuit, non voluntas. Tu vaca doctrinæ & bonæ menti, quæ sola satis dignum præmium doctrinæ videtur afferre possidentibus. Hæc scripsi manu festinâ, ne vel me superbum, vel te contemptum putares. Vale, & me præstantissimo equiti Romano Stephano de Porcariis commenda. Romæ, Kal. Februarii.

EPISTOLA XXXII.

Poggins P. S. D. Nicolao Lusco.



LITERAS, quas nuper ad doctissimum virum Cincium Romanum, & me misisti, summa cum voluptate animi legi, delectatus ingenio tuo, quod, ultra quàm anni ferant, excultum literis perspexi & dicendi facultate. Gratulor tibi, & ætati tuæ, qui talem naturam nactus sis, ut & patris clarissimi & eruditissimi doctoris eloquentiam disciplinamque repræsentes. Equidem video te eo ingenii acumine præditum, ut, si illud colueris diligentia, quâ cepisti, mirificos fructus sis nobis allaturum. Hortor itaque te, pro amicitia, quæ summa est mihi cum tuo patre, ut omni curâ ac vigilantia, prout cepisti, prosequaris eloquentiæ doctrinam,

E c

quæ tibi in omni vita magnum afferet ornamentum. Sed & hoc tibi persuadeas volo, ut non solum dicendi facultatem tibi amplectendam putes, sed etiam bene vivendi institutionem, ad quæ capeßenda omnis tua cogitatio versetur, omne tibi sit propositum in omni ætate certamen. Summa quidem utriusque rei assequendæ necessitas tibi videtur esse imposita, tum propter parentem, tum propter doctorem, quorum utriusque & virtus & doctrina laudatur. Habes enim parentem, virum egregium, atque omni literarum genere præstantem, cujus laus summa cum dignitate longè latèque diffusa est. Habes Guarinum nostrum, præceptorem atque institutorem vitæ doctissimum, atque integerrimum virum, cujus eam maximam laudem ducō, quòd virtutis curam semper conjunxit cum studiis literarum, cujus doctrina & mores, nisi tibi ipse defueris, abunde te instituere poterunt ad omnem & bene dicendi, & honestè sentiendi rationem. Vacca igitur, fili, simul literis & virtuti, atque horum imitationem ita tibi propositam arbitreris, ut tamen omnes aperte intelligant, te magis sponte tuâ erectum, quàm imitandi necessitate impulsū ad laudem & gloriam consequendam. Romæ, 13. Kal. Octobris 1433.



EPISTOLA XXXIII.

Poggins P. S. D. Guarino Veronensi, V. Cl. i



OPTIMUS adolescens Nicolaus Luscus discipulus tuus scripsit literas parenti, in quibus narrat quemdam hominem nobis notum ad te venisse, attulisseque nescio quem libellum, quem composuerat in laudem, sive defensionem sectæ Epicureorum, quæsisse insuper a te ut aliquid ederes in laudem sui operis, idque a te recusatum. Addit illum multa colloctum de me, deque Antonio Lusco, ac Cincio, ad detractionem nostram: quod ego minime sum admiratus, qui novi mores illius, ac loquendi arrogantiam. Illud admiror, unde tanta philosophandi doctrina illi innata, seu potius divinitus sit infusa, ut sectæ jam multis sæculis oblitteratæ, & pene sepultæ, atque ab omnibus Philosophis reprobata, patrocinium hic novus Apollo sibi sumpserit, qui ne summis quidem labiis aliquam partem unquam attigit Philosophiæ. Sed omnia stultitiæ patere videntur. Non est mirandum, eum qui Ciceronem arguit in arte dicendi & oratoria facultate, Aristotelem quoque, ac reliquos Philosophiæ antistites velle reprehendere. Legit enim apud Ciceronem, postquam verecundiæ fines transieris, bene & graviter oportere esse impudentem. Hunc verò a te rejectum & contemptum tanquam ridiculum hominem scribit Nicolaus. Cupio tamen a te ipso hoc, quicquid est, latius scire. Itaque te rogo majorem in modum, ut ad me perscribas hunc suum, quem tecum habuit, primum ingressum & collocationem, tum verò quid de homine sentias, & ejus doctrina, moribusque; & si quid de eo ceteri sentiant, percrepisti. Num Papiæ aliquandiu fuerit, etiam perscribe, atque

Ec ij

id vere & ex animo facias, ut quamprimum mihi nota sit tua de hoc homine sententia. Quanquam vereor, ut jocari incipiam, ne cum illo conspiraveris: ut, quemadmodum Triumviri sibi Imperium Romanum quondam partiti sunt, ita nunc Quatuor-viri, quorum tu unus es, Musarum & Academiæ regnum sibi solis partiantur, exclusis reliquis, qui saltem in familia non honestum locum tenebant: satis erit, dummodo non verrant, neque ungant. Ait quidam hujus viri, multis adstantibus, affinis, quatuor esse in Italia solos Latine linguæ principes; primum Leonardum Atetinum posuit, secundo loco te significavit, tertia in acie hunc vestrum collocavit, quartum attribuit nescio cui Leonardo. Atque hoc astutè abs te fabricatum puto: ut, cum duabus rebus summa gloria pariatur hominibus, armis scilicet, & literarum scientiâ, quo in loco olim Romani Imperii per Triumviros partitio facta exitit*, nunc in eodem a quatuor, quandoquidem Imperii non licet, montis Heliconis sortitio, atque hæreditas dividatur. Ab hoc enim viro, de quo sermo est, existimo hanc & constitutam, & præscriptam esse divisionem eorum, qui in orbis terræ domicilio literarum obtinent principatum. Fac ergo, te oro, ut, quemadmodum tunc Mæcenati & Pollii apud Augustum summus dignitatis locus fuit, ita nobis amicis, licet indoctis, aliquem esse gradum honoris apud te liceat; nam ab illo scio me exclusum iri, velut mordacem hominem, & qui multorum ineptias non possum ferre. Sed, cum novem Musæ a Poëtis esse dicantur, hi vero, quibus sortitio earum contigit, quatuor existant, duas quilibet* fortietur. Nonam, ne discerpatur, quod esset iniquum nobis aliis; qui in vulgi numerum adscribimur, oro, relinquire integram atque incorruptam: hanc nos, hebeti ingenio atque imbecillo, intactam, postquam ita libet, relinquentes, proculque adstantes, venerabimur, & colemus ut Deam, & maximi muneris loco ducemus, si quando vestimentorum simbras contingere licebit. Sed jam satis jocari sumus. Communices has cum Francisco nostro Barbaro, ut ipse quoque videat hunc vestrum quatuorviratum. Vale, & me ama. Romæ, 18. Octobris.

* Valla, ibid.

* Valla, ibid.

EPISTOLA XXXIV.

Domino Juliano Cardinali Sancti Angeli.



IMENS dudum, Reverendissime Pater, futuras nostras calamitates, atque animo prospiciens, tum vestrâ illâ divinatione, tum verò certâ quadam conjecturâ, eas tempestates, quarum jam magna initia videmus, scripti ad te epistolam perlongam (ita enim res postulabat) quam minimè ad te misi, veritus non tuam (neque enim id mores tui patiuntur) sed temporum indignationem. Licet enim nihil me moverit ad scribendum, præter publicam utilitatem, & causant communem, dubitavi tamen, ne qui aliter existimarent, & vel adulandi, vel benevolentiae captandæ gratiâ, a me scriptam arbitrarentur. Tu verò testis es mihi, & per multi alii esse possunt, longè me abhorre^{re} hoc vitii genus; neque enim ^{Val pag. 312.} unquam mea tulit naturâ, ut vel assentari, vel assentiri possem, aut honoris gratiâ, aut utilitatis; nocuitque aliquando mihi libertas verborum, nihil dissimulare, aut simulare cupienti. Sed, cum scirem dissensiones potentiorum solere esse periculosas, vestras autem periculosissimas, utpote secum perniciem etiam animarum trahentes, legissem quoque, atque audissem sapius, parva quædam contentionum momenta, ad maxima odia & certamina evalisse, & rerum publicarum everfiones, timebam ne hæc nova inter principes Sacerdotum concertatio aliquod majus periculum excitaret, cui neque tu, cum velles, neque ceteri possent obsistere. Nam principia rerum agendarum in nostro arbitrio sita sunt, cum adhuc re integrâ deliberandi & consulendi facultas datur; ubi vero negotium coëptum est, rerum humanarum imperatrix fortuna eventum exitumque dijudicat, ac metitur magis ex libidine,

ut inquit Sallustius, quàm ex ratione. Neque enim, cum prolabi cœperis, jam in tua est potestate, ubi velis, consistere. Nostrium est discutere, ut, portu consistentes, navem salvemus: cùm autem te ventis commiseris, etiam invito est eorum turbini ac viribus obtemperandum, ut vel naufragium facere gubernator, quamvis optimus, cogatur, vel, quò ventī ducant, non repugnantem oporteat proficisci. Hæc me olim præmeditantem compulerunt, ut ad te scriberem sponte meâ, nullam aliam ob causam commotus, nisi ob communis patriæ caritatem. Dolebam enim, qui tam longo tempore in Curiâ vixissem, in eum locum res nostras cogi, ut citius timere, quàm sperare aliquid possemus: quod quidem me maxime angebat. Non enim, ut plures fecerunt, adeo rei quærendæ hætenus intentus fui, ut privato periculo suffultus possem abjicere curam publicorum incommodorum. Vellem dignè adnumerari inter eos, quorum jam mœnia surgunt, quibus parva quies. Nam, quamvis conturbarer publicis Ecclesiæ nostræ adversitatibus, paterer tamen æquabilis nonnullos versari in iis malis, quæ ipsi suo studio præparassent, quorum, ut apertè loquar, inepta consilia; & si non viderem, ut Democritus ille solebat, ferrem tamen levius quæ essent a mei ipsius * incommoditate sejuncta. Verum nunc duplici torqueor mœrore. Cum enim duas habeam patrias, alteram civilem, alteram, quam mihi industria comparavit, non potest ruina unius, quæ jam imminet, semota esse ab alterius calamitate. Et certè in id discrimen jam res deductæ sunt, ut parum proficere consilia hominum posse videantur. Excitatum est enim incendium, quod nonnisi maxima ruina extinguī queat: ut satius * fuisset nunquam isthoc Concilium congregari, quàm ejus opere subsequi Italiæ vastitatem. Jam in parte, ejus castrorum, atque oppidorum direptiones, cædes, incendia, rapinæ, spolia, miserarum virginum raptus, stupra, ceteraque nefaria facinora, quæ libido militum perpetrât, ante oculos quotidie obversantur: ut dolendum sit maxime ac deplorandum nobis, Spiritum sanctum (si tamen is usquam apud nos est) adeo immutasse naturam suam, cari-

*Valla, p. 313.

*Valla, ibid.

tatemque, & dilectionem, ex quibus totus est, in odium ac malevolentiam convertisse. Nimirum diu visum est quibusdam, Italiam a bellis quiescere, quorum consilio id actum est, ut rerum novarum cupidis ministrarentur arma, quibus possent ulterius progredi, quàm communis quies & utilitas postulet. Tum enim ægritudinem pestifero morbo curare voluerunt. Nam licet multa dici potuissent apud nos curatione indigere, non tamen ea erat infirmitas, ut ære & armis essent in hunc modum curanda; nisi fortè laudandum est, velle errorem quempiam majori corrigere errore. Verum is finis erit, quem fata dabunt. Unum id conspicio futurum, ut nostris impensis aliæ * exornentur, aliæ opprimantur. Sed de * vo-
bis parva cura est mihi: Italiæ calamitas me movet, quam ^{Deesse videtur vox nationes.} video subsequi, nisi Deus providerit, per oppressionem hanc
nostram, & alterius ambitionem, cui si libuerit quantum liceat, rectè quidem erit. Hæc cum viderem prodire ex eo fonte, a quo jam antea suspicabar, decrevi mittere ad te epistolam, ut cognoscas, me non injuriâ motum voluisse tunc communicare tecum opinionem meam, & pericula ostendere, quæ videbantur futura. Tu neque priores literas, neque has posteriores ægrè feras, rogo. Si es extra noxam, aliis dictum puta: si quid te fefellit, dilige loquentem tecum ex animi *
sententia, aut quid ipse existimet, aut quid alii arbitrentur. Nam quamvis in summo dignitatis gradu te virtus tua collocarit, hominem tamen te esse scio, quem nonnulla fugiunt, multa latent: ut nequeas omnia cognoscere. Vale, & me ama, ut soles. Romæ, 5. Kal. Februarii 1433. ^{* Credo legendum de alio.} ^{* Valla, ibid.}



EPISTOLA XXXV.

* Vellate.

Poggius P. S. D. Francisco Vellate * Scriptori Apostolico.



ELECTATUS sum admodum eloquentia tua, & dicendi pondus ac suavitatem laudavi in his literis, quas mihi vir optimus, meique amantissimus Bartholomæus de Montepolitiano reddidit nomine tuo. Neque aliter debui propter amorem in te meum, cum perspicerem ea semina ingenii

tui; quæ, si excolantur, uberrimam frugem sint nobis paritura. Verum unum est, in quo prudentiam tuam gravitatemque plurimum desideravi; & ne dicam levitatem tuam, certe credulitatem sum admiratus, qui tam facilem assensum præbueris nescio quibus verbis inanibus, quæ a me nunquam prodire*. Quæ si maturitate injucundo & satis molesto. Sed quoniam ita vis, ut & te purges, & me accuses, necesse est, ut ego quoque non desim mihi. Imposuisti enim mihi necessitatem mei defendendi, in quo si lædi te aliqua re putabis, primum te ipsum culpa, qui me non necessario provocas ad hoc certamen; tum memineris, non posse me dicere, & ea, quorum me infimulas, refellere; quin pugnam adversus rationes tuas, quas quum rite possem continere, rectius tamen visum est, & amici officio convenientius, te ipsum reddere errorum tuorum certiozem. Scribis in principio epistolæ tuæ: *Nisi te amarem & diligere, non potuissem sermonem tuum non satis graviter & moleste ferre; primum, quod sapenumero, & apud graves viros minus recte de laudibus ac integritate vitæ bene-actæ, quondam magistri & patris nostri Vice-Cancellarii, ac de me ipso sentire & loqui visus es.* Ego de te ipso non nisi recte sentio, de laudibus tuis quid sentiam paulo post videbimus; de integritate illius Patris, uter nostrum rectius

* His verbis, quæ a me nunquam prodire, malim ista: sed quoniam ita vis, continuo subiungere, quum locum infanabilem, ubi nullo plane sensu legitur: *quæ si maturitate injucundo, & satis molesto, intermedium relinquere.* Nisi forte malis, deletio puncto, legere, quasi immaturitate injucunda & satis molesta.

Atius sentiat & loquatur, mox intelliges. Me autem de eo * & sentire, & loqui, falso a te opponitur. Nam de ipso (non enim pugno cum mortuis) rectissime sentio, loquorque. Tu quid de eo sentias, ignoro. Loqui te male video, & ita ut, si omnino tacuisses, melius honori & famæ illius consuluisses, cum ejus vitam bene actam, a te verò male descriptam stylo illo tuo commacularis. Sed cum te, inquis, in hac opinione persistere intelligam, de hac re ad te perscribere institui, quò clarius & apertius intelligas, vel me errasse nusquam de homine isto sensisse, vel te minus leviter & præter rationem prorupisse. Ego quoque, mi Francisce, cum te falsa in opinione esse perspiciam, magnoque in errore versari, rescribere ad te constitui, ut non solum te errasse cognoscas, sed, quod est majus, toto itinere longè devium præcipientem te egisse, neque nimis de homine illo, sed minimum sensisse, me autem non leviter, sed graviter, non præter rationem, sed summa cum ratione non prorupisse, sed pedetentim incessisse sentias. Sed hæc posterius. *Inteheris, & nimium acriter accusas, inquis, tum ignorantiam, & ineptiam meam, cum ornatum animalium in partem virtutis vendicaverim, tum quod ego & præter hominis excellentiam, ac rerum veritatem, hunc virtuosissimum, & nostrâ ætate summum virum admodum commendaverim.* Deinde, *si quid in ea ratione, quod vel laude, vel memoriâ dignum dictum sit, illud non sale & farinâ meis, sed aliorum potius dictis, & rationibus compositum fore,* inquis, neque apud prætorem cum injuria, ut ita loquar, de furto arguis. His tribus criminibus dicis te esse a me accusatum; quibus cum ita sim responsurus, primum secundo, deinde tertio satisfaciam, postea revertar ad primum; pauca tamen antea mihi de tota hujusmodi re præmittenda sunt. Legi dudum, cum essemus Genezani, orationem tuam in laudem Vice-cancellarii, oblatam mihi non sine risu à Bartholomæo Pistoriensi; ridebat enim una cum alio quodam illa eadem, quæ ceteri quoque non omnino insulsi judicarunt ridenda. Hanc uno spiritu, ut aiunt, dicendi cupidus, perlegi; &, cum non essem penitus Rhetoricæ artis ignarus (nam dicendo parum possum) obstupui te

tam longè latèque vagari verborum jactantiâ, immemorem non solum dignitatis ejus pro quo diceres, sed etiam facultatis tuæ. Itaque dixi statim (nam Poëtam, si malus est, nequeo laudare) mihi illam propter ejus ineptitudinem minime placere. Etenim quomodo ferre, qui te norit, posse putas procœmum illud, in quo tam mirifice confabularis? qui cum dicas multa ejusdem in te extare beneficia, multa benemerita; deinde altero te ab eo officio ornatum, ac propterea te ejus mores & acta demandare literis, ut apud posteros futurus sit immortalis; censesne me, aut quemvis alium, qui stomachum haberet, risum tenere potuisse? Quomodo enim illius in te tanta extant beneficia, ut eum reddere velis immortalem, cujus non solum non vidimus in te beneficia, sed ne vel parvam quidem benevolentia significationem? Non aurum, non argentum, non vestem tradidit, non opes in te contulit, non dignitatem, non aliquod vitæ ornamentum; nam alterum officium non tibi concessit, quem ne noverat quidem, sed intercessori cuidam, quem novimus, condonavit. Homo es nimium pergratus, qui cum ab illo non solum memoriâ, sed ne cogitatione quidem dignum aliquid accepisses, tantam gratitudinem præ te feras, ut ultro pro illis beneficiis, quæ nulla reperiuntur, immortalitatem ei pollicearis. Vereor ne callide sit hoc ab hoste positum, ut, a quo nihil acceperis præter spem meram, eum quoque inani pollicitatione pascere volueris, hoc est, sponsione futuræ immortalitatis, quæ longe abest a facultatibus tuis. Sed sint ampla illius vitæ præmia. Tunc te tanti facis, ut hanc tuam incompositam & inconditam fabellam profitearis immortalitatem sibi allaturam? Virgilio mehercule ac Ciceroni hoc arduum esset, & vix, ut opinor, hoc auderent spondere, quod tu homo nimium alieni liberalis te promittis daturum. Si hæc apud Barbaros, & eos, qui neque te, neque illum nossent, tam late jactares, levius videretur; apud summos verò viros ac sapientissimos, neque tuæ conditionis ignaros, tam libere profari has tuas ineptias, quanta est turpitudo? Id profectò est hoc a te consilio excogitatum, ut, cum exquisitis mendaciis,

& inanibus pollicitationibus procemium viderent refertum, reliqua illi similia existimarent. Quod tu, homo peracutus, proficiens, meditatus es illud ex iutimis artis oratoriæ præceptis, cui etiam cetera correspondent. Nam, cum animi magnitudinem ac præstantiam, liberalitatem quoque, caritatem in pauperes, pietatem, & misericordiam ejus te prædicaturum legerem, quem etiam ceremoniarum, & verum Dei cultorem affirmares, erectoque essem animo ad has virtutes audiendas, suspensum me destituis, pro tantarum virtutum copia ad vilissimum pistrinum, hoc est, ad mularum pinguum & equorum narrationem, ad mundam familiam, ceterasque ejusmodi ineptias divertens. Cum vero, de gratitudine ejus loquens, infinitis eum gratitudinis exemplis claruisse dicas, in tanta exemplorum copia ita opprimeris, ut nullum penitus enarres. Hæc & sexcenta alia, quæ postea recitabuntur, animadvertens, miraris adeo, si hanc tuam laudatiunculam omni vacuum laude, ex inanibus somniis, hallucinationibusque constitam aperte contempsisti? Et quidem, nisi id præfereris, credidissim (doctum enim hominem te putaram) non esse tuam. Quare non unum illi, aut tria, ut putas, imputavi crimina, sed nihil vacuum criminis judicavi, nec aliquid in ea laude aut memoriâ dignum, ut tu existimas, sed oblivione perpetuâ. Hoc uno tantum vitio vacas in oratione tua, ut, quod a me in te dicis congestum, nullum in ea furtum feceris. Itaque testor Deum, ut jam incipiam respondere tuis criminibus, nunquam a me dictum te furtum commississe, &, ne dum apud prætorem, sed ne apud saporem * quidem de hac re mihi in mentem venisse unquam. Bono sis animo; non spolio te propriis laudibus, non attribuo aliis parta tuo sudore; dico quæ pro illius laudibus scripsisti, te ipsum reperisse, tua propria esse: adeo ut alter in tuam hæreditatem nequeat admitti. Si quis ignarus rerum te furti accusaret, utaris licet me patrono ad te defendendum: pollicear tibi operam gratuitam; &, licet homo sim indoctior, tamen, bonitate causæ confusus, magnâ voce contendam, multis defendam rationibus, etiam apud iniquos judices, te hominem locupletem ver-

Ff ij

* Fortè *Spem* rem, ut intelligatur ne id quidem per somnum ei in mentem venisse.

borum & sententiarum copiosum, nullum furtum fecisse, non te expilasse domum Ciceronis, nihil ex ejus suppellectili attigisse, neque aliorum etiam, quos prisca ætas tulit eloquentissimos. Tua esse illa verba, tuas sententias, tuum ornatum, tuum dicendi ordinem, totam denique ex sale & farina tuis, ut ais, testabor hanc totam massam esse confatam. Addam insuper conditam esse oleo & pinguedine capitis tui, ut nullus sit tam stultus, tam audax fururus, qui ex illa verbositate pro suo vindicare quicquam audeat. Accipies, credo, cum æqua sit, excusationem meam. Nunc ad id, quod secundo loco posueram, respondendum est. Quereris me invehi in te, & nimis acriter accusare ignorantiam, & ineptiam tuam, quod animalium ornatum in partem virtutis vindicares. Ego non ignorantiam, sed stultitiam, non ineptiam, sed ineptias tuas culpo, quod ita loquaris Latine, ut intelligi non possis. Nam quid est vindicare in partem virtutis ornatum animalium? Deinde quarum belluarum, bouum-ne, an bubalorum, caprarum ac pecudum, an porcorum? tum verò quid appellas ornatum animalium? equis frænum & phaleræ sunt ornatui, bubalis cornua ampla, pecudibus lana. Postremò quid intelligis *vindicare in partem virtutis*? si liberalitas est ista, aut magnificentia, ut vis, virtutes istæ sunt, non virtutum partes. An fortasse non audes dicere, virtutem esse, sed portiunculam virtutis? Explana nobis paulum hæc tua ænigmata. Sed ego non culpo, quod animalium ornatum vindicas in partem virtutis; sed quod post ingentem cogitationem, qua ad tot virtutum nomina audientium animos erexisti, non descendas, sed præcipites te ad pingues mulas, & equos pulchros, tanquam ad insignis virtutis fundamentum. O miram laudem, & præclaram! Is, ais, multas habuit pingues mulas. Quis unquam hoc modo laudavit insignem virum? quis unquam vel stultissimus adscripsit hoc ad virtutem? stabulariorum est ista laus, qui abunde illis pabulum præbent. Cur non dixisti potius eum habuisse pinguem familiam? an quia laudi datur habere homines macilentos, quò promptius serviant; pingues belluas, quò valentius portent

onera? Rectius dixisses habuisse eum pingua armenta, aut pingues greges; laudamus enim patrem-familias saginantem porcos ad usum domûs suæ, pastorem quoque bene greges suos nutriendum. Hunc igitur si tu, propter amplum animalium numerum, ac mularum pinguedinem, laudare volebas, pastorem mularum appellare debuisti. Sed quis, te oro, docuit, hoc esse in genere laudis ponendum? Laudantur homines, opinor, propter virtutem. Quæso, inquam, quo in genere, quæve in parte virtutis, ut verbis tuis utar, hanc tuam mirificam laudem collocabis? Numquid tibi fortitudo videtur, prudentia, iustitia, temperantia? atqui cum Aristoteles, inquis, in quarto Ethicorum, & Tullius in secundo Officiorum libro, ceterique prædecesores nostri, qui laus & copiosissime de virtutibus tractaverunt, hunc apparatus sive sumptum magnificentiæ & liberalitati attribuant, ejusque excessus & defectus vitiosi sint, ut scis, nullam nec probabilem, nec tolerabilem quidem, credo, habeas causam, qua & tu ipse negare possis. Nunc te laudo, quòd non solum te oratorem nobis præbes, sed Philosophum, & quidem apprime eruditum; cujus rei profiteor me ignarum. Tu tamen non probabilem, ut dicis, sed necessariam causam hanc tuam Philosophiam inficiandi intelliges me habere. Tunc Aristotlem ita domesticum habes, ut eum dicas hunc tuum apparatus, sive sumptum belluinum, & mulas obesas, in quarto Ethicorum libro, attribuere liberalitati aut magnificentiæ? Divini quidem es intellectus, qui, quæ ab Aristotele non dicuntur, intelligas, quæ ab eo scribantur, ignores. Quid tu auderes, si Aristotelis Ethica non reperirentur? in quibus neque liberalitatem, neque magnificentiam invenies dici, hunc sive sumptum, sive apparatus animalium; liberalitas enim esse non potest, quæ sita est in erogatione pecuniarum, quæ quidem fiat in homines, non in belluarum pastum atque ornatum. Sed magnificentiam vocas. Quid hoc stultius? Repersisti ne inter multos gradus magnificentiæ locum? Illud est officium viri magnifici & liberalis, longe remotum a quadrapedum diligentia & cura; ac dicis etiam Ciceronem id depo-

Ff iij

nere in secundo Officiorum libro. Ego qui sum, non minus quàm tu, Ciceronis familiaris, nego id dicere Ciceronem, neque in ejus libris, de amplo numero equorum mularumve habendo, neque de illis saginandis ornandisque ullum verbum contineri. Sunt hæc fortassis apud illos, quos prædecessores nostros asseris de virtutibus copiosissimè tractasse. Qui sunt isti prædecessores nostri? Ego meos dico fuisse rudes, & Philosophiæ ignaros; tu recense tuos, si quem habueris Philosophum, qui tractarit de pabulo mularum, & animalium sumptu, tanquam de re spectanti ad magnificentiam. Quamquam quis, vel parum doctus Latinis literis, unquam isto modo loquutus est? Vocat Episcopus prædecessores suos, qui in eadem Ecclesia ante ipsum fuerunt Episcopi; Vice-cancellarius eos, qui antea eodem officio sunt functi; Pontifex quoque illos, qui ante se Pontificatum tenuerunt; qui, licet vir doctissimus ac sanctissimus existat, nunquam Hieronymum, Ambrosium, Augustinum, suos vocabit prædecessores. Tu verò, tanquam ex schola Philosophorum, Minervâ nutrice, educatus, Aristotelem Ciceronemque, & reliquos Philosophos tuos prædecessores appellas. Quod si tu ex eorum familia, si ex secta, si ex ordine, explana nobis hanc tuam genealogiam. Disce, oro te, saltem Latinè loqui; es in domo doctissimi sapientissimique viri Antonii Lusci: eum consule in scriptis tuis: non semper tuo ingenio confidas. Turpe tibi est ita dies noctesque versari cum viro eruditissimo, ut tantum in parvulis labaris. Sed concedamus tibi esse magnificentiam, quidquid spectat iste ornatus, quem hunc virum dicis habuisse; in epistola enim tua (nam orationem paulò post tractabimus) Cardinalis hic, inquis, amplum animalium numerum, & suæ dignitati condecens pro sui statû ornatu, ac familiæ, usûsque domûs necessitate habuit. Hæc, ad probandam illius liberalitatem magnificentiamque, a te ponuntur admodum sapienter. Num Aristoteles hoc in quarto Ethicorum libro te docuit? num tuus prædecessor Cicero? ut quæ propter decentem ornatum, & domûs necessitatem fiunt, fatearis esse ad magnificentiam? At verò Aristoteles, tuus familiaris, nisi potius

tibi assentiendum putas, a te dissentit, dicens magnificentiam magnis rebus constare, & magnitudine, prout significat nomen. Nam qui, ut verbis utar suis, in parvis vel moderatis, secundum dignitatem, expendit, non dicitur magnificus; sed, qui in magnis. Opera etiam magnifica magnitudinem habere dicit, & dignitatem. Præterea magnificus non est in propriis sumptibus, sed in communibus. Tu forsitan opinaris, magnas reddere mulas, & extentas pinguedine, quia magni fiant, esse magnifici. Ergo ii quoque magnifici dicentur, qui pro modo divitiarum suarum, porcorum, bubalorum, caprarum quoque & pecudum (nam & hæc animalia sunt) amplum & conducentem numerum habuerint. Quod si me vis fateri, quanquam ab Aristotele & tuis prædecessoribus dissentiam, tamen tui causâ fatebor. Neque ego hoc in loco hunc nostrum patrem dico non fuisse liberalem & magnificum; sed, quæ a te afferantur, nihil minus sapere, quàm magnificentiam aut liberalitatem. Atque, etiamsi Aristoteles & Marcus Tullius, alique tui prædecessores vendicarent in partem moralis virtutis, animalium amplum numerum, & mulas tuas, tamen nullam laudem mereretur homo Christianus, unus ex principibus fidei, quem tu Religionis & ceremoniarum verum appellas cultorem, qui ad normam Gentilium Philosophorum vitam suam instituisset, non ad præcepta Salvatoris nostri, cujus neque in Evangeliiis, neque aliis in libris sacris, nullum mandatum, nullum consilium, nulla mentio de his tuis virtutibus reperitur. Si autem neque a Philosophis hæc tua animalia ullo in loco in virtutibus ponuntur, neque apud Christianos pro virtute habentur, sentis nie tandem non leviter prorupisse, & audere negare, nullam posse vel parvam laudem in hunc virum derivari ex hoc tuo amplo animalium numero, & pinguedine mularum. Nam, si eum decentem habuit, & ex necessitate, ut scribis, nulla prorsus est magnificentia sui, præter decentiam & necessitatem: jam id quidem non virtus, sed vitium summum esse probatur. Quare, quoquo te verteris, vel omni laude virtutis vacat hæc tua laus, vel certe non caret vitio. At video excusationem tuam:

negas te pinguum mularum mentionem fecisse; sed quod nihil unquam prætermiserit, quod ad statum & honoris sui amplitudinem pertineret; hæc enim pro illis supposuisti. Tu verò id nobis ne nega, obsecro: multi sunt testes, quos non corrumpes. Quòd si perseverabis, tunc te accusabo apud Prætorum crimine corruptarum tabularum. Abrasisti libellum tuum, & pro mularum equorumque ineptiis, alias non minores subjecisti. Nam quæ est laus, cum nihil dicas eum egisse secundum virtutem; sed nihil prætermisisse, quod spectaret ad amplitudinem honoris sui? Tu verò, cum scias literas Apostolicas ob unum aliquod verbum immutatum pro falsis haberi, non putas tuum libellum pro corrupto accusatum iri, in quo non unum verbum, sed tres versus abrasisti? Restitue igitur nobis illam egregiam sententiam; redde mihi illas mulas pingues & equos, quorum visu admodum delector; non fraudes illum mortuum hac tua præstanti laude, quæ si bene a te erat posita, cur removisti? Si malè, cur posuisti? ut duplici errore tenereris, uno rei male collocatæ, altero pessime interceptæ? Id verò, si quid a te in philosophicis antea est aberratum, refarcitur a crimine argumentationis, tanquam de industria a te in extrema acie collocatæ. Dicis enim: „Sed cum liberalitas & avaritia invicem contrariæ sint, si ex hoc liberalem & magnificum esse negaveris, ut eum avarum concedas necesse est: quod tanquam falsum & impossibile non admittes, credo. Ad hoc problema nimis quidem auctum obmutescet etiam vir doctissimus Philosophia: Dii immortales! Stoicorum ne, qui sunt acutissimi, an Academicorum libris hoc tam falsum ac scitum argumenti genus eruisti? Aristotelem jam contemnitis, opinor, qui posuit liberalitatem virtutem esse, cujus extrema sint, prodigus & inliberalis. Tu autem ubi nam didicisti, qui non sit liberalis aut magnificus, cum avarum esse oportere? Numquid non sunt homines, qui, cum non sint magnifici, tamen nulla avaritia laborant? Numquid sunt non liberales, neque etiam avari? Ergo, si quis non avarus, est liberalis & magnificus: quo quid stultius dici potest? habes profectò aliquem secretiorem Philosophum ignotum, nobis

nobis, cujus e schola hanc profers novam scientiam philosophandi. Itaque jam vereor, ne, ut Gnathonicos ille appellari voluit, item ut Platonicos sectatores suos, ita tu (durum est, sed tamen dicam) Francisconicos hos a te deinceps Philosophos dici velis. Sed negemus hunc liberalem fuisse & magnificum, id quod tu quoque negas: sequitur eum fuisse avaram conclusionem tuam. At dicis id me non admittendum tanquam falsum, & impossibile. Ego autem id admitto, & impossibile fuisse dico. Hæc itaque ex eodem fonte sunt Philosophiæ, ex quo & reliqua. Respondi satis, ut videor, tuo secundo crimini. Nunc superest pars tertia, de qua, antequam dico, discutienda mihi sunt quædam, quæ tu, tanquam Sibyllinas sententias, in extrema acie de industria collocasti. Scribis enim existimans te nimis virum illum laudasse, teque purgans. *De rebus autem ab eo gestis, & ejus operibus, quædam sunt, quæ cum sint in oculis nostris posita, probatione non indigent; cetera verò, si quæ fortè latius aut minus verè affirmaverim, tanquam ignota mihi, aliorum fidei & conscientiæ relinquo; peccato enim & culpâ alienâ non debeo dilapidari. Præterea, quod non credo, si quid præter conscientiam copiosius, aut rei excellentiam accumulatus dictum fuerit, equo animo tolerari debet. Nam, ut scis, in genere Demonstrativo agitur, cujus finis est laudare, vel vituperare, illa autem, ut Philosophus, semper rationibus & demonstrationibus minimè probare; Et orator, cum aliquid laudare vel persuadere velit, non tantum quæ in re sunt, sed amplius quid, ad laudem & animorum conciliationem, requirit.* Hæc cum primum legi, existimavi esse responsa Phœbi, tanto verborum vario ambitu inculcantur: tamen videre videor quid velis sentire. Nimirum tu homo es, ut in reliquis, pernitium prudens, qui, cum uno errore vel levi te excusare coneris, in gravissimum incidisti: virum verò illum in tuam fidem, in tuam tutelam susceptum relinquis ac prodis; & quem paulò antè alienis, ut tu fateris, vestibus ornatum nobis tradideras, detegis & nudum relinquis, velut corniculam illam ceterarum olim avium plumis ornatam. Primum commendando pudorem tuum, qui ingenue verum fateri, quàm falsum

Gg

tueri maluisti, aperte professus te in illis tuis egregiis laudibus fuisse mendacem. Qui parvulam ob causam privatam inter sodales mentitur, habetur levis; qui inter viros graves, turpis censetur; qui coram magistratu, infamis. Quo igitur in loco est habendus, qui publice, in coetu principum orbis terræ, in maximo omnium magistratu, & eo qui proximum summo locum tenet, de re gravi ausus sit apertissime mentiri, quique, ob oratiunculam ex officina mendaciorum depromptam, profiteatur se immortalitatem concessurum? *Quod non credo*, inquis, *si quid præter conscientiam copiosius dictum fuerit*. Quid turpius, quid libero homine indignius, quàm loqui præter conscientiam? At, inquis, *quod non credo*. Quid hoc est, Dii boni, quod non credas? An non credis conscientiam te habere, aut non credis conscientiæ tuæ? Tu verò nescis conscientiam tuam, si fortasse nullam habeas? Num insulse credimus quæ pro certo non habemus? At quid est certius conscientia, quæ a sciendo est appellata? Explana nobis (Davy enim sum) hæc tua ænigmata, & me, virum pinguioris Minervæ quid sentias, aliquando doce. *Si fortè latius aut minus verè affirmaverim*, inquis. Ergo sunt hæc tuæ laudes! ex sinu Apollinis sumptæ, quas dicas minus veras fuisse. *Tanquam ignota mihi*, inquis, *aliorum fidei & conscientia relinquo*. Ergo nihil tibi credendum est, qui nullam habeas neque fidem, neque conscientiam, qua confidas, sed implores alienam. O nobilem defensionem, quam de rebus incognitis a te sumptam proferis! Ergo de rebus ignotis tam multis verbis fuisti copiosus, ut tantam operam dares ignorantia? Quid autem alienæ fidei & conscientia committis? te ne, an eum quem laudas, an libellum tuum? tu ne instantium fidem imploras ad defensionem mendaciorum tuorum? Venit hoc loco in mentem mihi illius ridiculi Sacerdotis, qui, cum prædicans Passionem Salvatoris, multaque in ea re disserens, lacrymas audienti populo movisset: ne flete, inquit, fortasse hæc non fuerunt vera. Tu itidem, nostrum patrem laudans, ne fortè audientes lacrymarent, homo pius non veras, sed fictas, non notas, sed auditas, & ex aliorum

rumoribus te laudes illas dicis sumpsisse. Itaque ridere illos potius ob tuam fabulam, quàm lacrymare ob ejus mortem voluisti. Neque verò ego illius viri insignis laudes aliqua ex parte minuo; sed doleo illius vicem, qui te tam inanem auctorem reperit laudationis suæ. Verum optime te excusas, & summa cum æquitate. *Peccato*, inquis, *& culpâ alienâ non deo dilapidari*. Est-ne hoc tuum, an alienum peccatum? Numquid, oro, non tuo nomine scripta est? Si novisti aliorum peccatum, cur recitando id pro vero, tuum fecisti? Si ignorabas, cur fuisti tam credulus rebus inanibus? cur non quaesisti diligentius? At alio pacto purgas erratum tuum. Diu hoc, ut reor, meditatus es: idque adeo conjicio ex ipsius summa rei gravitate. Dicis *in genere Demonstrativo non requiri probationes, nec Oratorem quid in re sit, hoc est quid verum sit inquirere, sed quid spectet ad laudem*. Si cæteræ excusationes tuæ invalidiores fuerunt. hæc una vel gravissima est ad instaurandam aliarum imbecillitatem. Miror tamen quòd, cum in Philosophia Aristotelem Tulliumque adduxeris in tuos testes; nunc, cum de oratoribus tractas, non aliquem ex eorum numero advocas in auxilium tuum, nisi forsân satis magnum pondus esse putas tuæ auctoritatis. Sed apud quemnam, te oro, oratorem, aut Rhetoricæ artis auctorem hoc mandatum reperisti? ubi-nam est, quæso, non requiri, ut orator probet, cum laudet; sed satis esse tantummodo laudare? Si dicendi novam artem instituis, non redarguo; si vererem imitaris, aberras longè ab illius præceptis. An tu censēs quemquam laudari, cum fictæ in eum laudes, & falsæ conferuntur? Ego me rideri existimarem, si quis me eloquentiorem Cicerone, Cæsare, Hortensio, L. Crasso, in conventu hominum prædicaret. Ironia enim est, ex qua sumitur quidam ridendi modus. Lege Ciceronem in secundo de Oratore libro; lege Quintilianum in tertio Institutionum; tum intelliges quam ridicula sit hæc tua sententia, & ab illorum præceptis aliena. Ait Cicero laudari oportere quid secundum officia quis fecerit: non dicit, quid præter conscientiam, & minus vere sinxeris. Quintiliani verba hæc sunt: *Ut desiderat autem laus,*

quæ negotiis adhibetur, probationem, sic etiam illa; quæ ostentationi componitur, habet interim aliquam speciem probationis; tum vult proprium esse laudis amplificare & ornare. Deinde, si laudamus quempiam justitiæ, fortitudinis, ceterarumque virtutum, nos oportere ait assignare singulis, quæ secundum quamque earum gesta erunt. Hæc autem laudatio tua, respondeas mihi volo, negotiis-ne, an ostentationi adhibeatur? Si negotiis, cur non probas quæ dicis? Quid respondes Quintiliano, qui contra opinionem tuam dicit ea probari oportere? si ostentationi? quid levius, quid insulsius ipsis tuis laudibus, quæ non ad veritatem a te sunt scriptæ, sed ad ostentationem? Vide quantum discepes a Quintiliano. Ille rebus vult probationes adhiberi; tu contra negas probatione opus esse, ut mentiendi licentiam assequaris. Ille ampliare & ornare res gestas; tu non solum gestas, sed ne gerendas quidem fingere. Ille quid secundum quamque virtutem factum sit proferri jubet; tu quid fieri potuerit, somnias. Legisti, ut opinor, orationem M. Tulii, quæ est de laudibus Pompeii Magni. Quid judicas? alienis-ne, an suis; propriis-ne, an communibus ornari ab eo amplissimum virum? Mentiebatur, credo, apud populum Tullius, quum illius bellicas virtutes, cum res terræ marique gestas narrabat: fingebat illa, & non quid Pompeius egisset, sed quid de illo magnifice posset dici, narrabat. Quid igitur (nam recognoscis errores tuos) num videor tibi leviter prorumpere? uter gravior auctor; tu-ne, an Quintilianus? Sentis ne hanc tuam excusationem, summam reprehensionem dici posse? Sed hæc hæcenus. Nunc tertiam jam partem absolvamus. Criminaris me reprehendisse, quòd virum virtuosissimum nimium laudaris. Hoc, cum longe absit a me crimen, te rogo, ne plus aliis de meipso credas, quàm mihi. Ego enim non te nimium, sed minimum laudasse dixi illum præstantissimum virum, nihilque minus in tua illa laudatione, quàm illius laudes contineri. Quod, ut apertius intelligas, recitemus paulum, oro, nonnulla capita tuarum laudationum. Nam, si singula vellem persequi, magnus mihi liber de tuis errori-

bus esset conficiendus. Sed, ut modum servem, brevior ero, quàm res postulet; longior verò, quàm vellem. Et quidem quid in laudibus requiratur, superius explicatum est. Quantum id a te observetur, consideremus. Scribis in fine proœmii: *Quantum studio & cogitatione assequi potero, omni diligentia elaborabo, ut hujus Patris & Antistitis vitam, non solum humana, sed etiam atque etiam divina ratione & sententia comprobata omnes intelligant.* Si hæc Pythius Apollo (solent enim esse subobscura ejus responsa) dixisset, crederem, aliquem divinum sensum includi hac ambage verborum. Cum vero tua sint, neque divini, neque humani quicquam sapiant, quid intelligas non satis intelligo. Videris tamen magna polliceri: quantum persolvas mox videro. Sed quid tu non possis, qui illi viro immortalitatem tuis scriptis promissisti? Verùm quid hoc est, quæso, *vitam divina ratione & sententia comprobata*? Ratio divina est ipse Deus. Nunquid de ejus nativitate, aliqua per Spiritum sanctum prædixit? nunquid ipsemet est eum, velut de Moyse legimus, allocutus? nunquid comprobavit eum dicens: *Hic est Filius meus dilectus*? Quid est autem, *divina sententia*? num Prophetæ, num Sacerdos Phœbi, num Sibyllini versus, num præsci Vates (horum enim dici solent sententiæ divinæ) de hoc homine, multis ante sæculis, prædicarunt? Hæc igitur præclara laus tua, qui, cum spondeas te tanta effecturum magna expectatione, nos suspiciosos inani loquacitate delusisti, & vitam illius, non solum divinâ sententiâ & ratione non comprobasti, sed, ut alii improbarent, effecisti, relinquens eum humana & ope & virtute spoliatum. Dicis nil præstantius esse virtute, laudans eam, etiam testimonio Senecæ, pluribus quàm orationi tuæ opus erat, verbis. Nam ita deficis in commemoranda vel minima virtute ejus, ut omnes ei laudes citius adimas, quàm ullam tribuas. *Virtutem hanc ut sequeretur hic pater, inquis, ad bonarum artium studia Avenionem se consulit, ubi non laboribus, non vigiliis, non calori & frigoribus parcens, tantum juris civilis studio incubuit, ut in ea corona præmio meruerit insigniri.* Ego, Latine loquaris, an barbare, nescio. Quid

est, non parcere calori & frigoribus? Eis ne plurimum molestus fuit, an advocavit ad auxilium suum? Non enim parcimus illis, vel quorum operâ utimur, vel quos punimus. Utrum odium in calorem, vel frigora exercebat? ita, opinor, æstate frigus invocabat, calorem hyeme. Quòd si vir iste Riphæas nives, aut Libyæ Æthiopizque inculta calore loca peragrasset, non pepercisse nivibus montanis, & desertis æstu locis, magna & sonora voce clamitasset. Honorifica vero hæc laus: non minor quæ sequitur. Narras enim Vicariatûs officium pro Archiepiscopo Viennensi rectissime exercuisse; tum fuisse præceptorem nepotis Clementis VII. deinde factum Episcopum Vivariensem; postea Pontificis Cubicularium; postremo assumptum in Cardinalem; & tum majorem Pœnitentiarium; tum Vicecancellarium fuisse. His enim gradibus vitam suam metiris. Adhuc a te nulla ejus virtus commemoratur; & qui eum omnia, ut virtutem sequeretur, fecisse dicis, in nullius virtutis possessione posuisti; sed tanquam nudum viatorem, cui viam te monstraturum prædixeras, in medio itinere, velut errabundum, deseruisti. At forsan facies syllogismum similem prioribus; *eum, qui per tot gradus honorum, ut dicis, ascendat, necesse est virtuosum fuisse*. Narra, inquam, virtutes, & quid secundum quamque gessit, explicata. At obmutescis, & nedum virtutis opus, sed ne vestigium quidem ejus ullum ostendis. Nonne per similes gradus honoris, & boni ascendunt, & mali? An soli virtuti hi honores tribuuntur? Dicam, quod sentio, plures aliquando fortunâ quàm virtute ad hos gradus honorum tolluntur. At hic, inquires, virtute ascendit. Hoc est quod cupio audire. Si nosti virtutes ejus, cur a te reticentur? Si nescis, cur es tam copiosus vanitatis? *O felicem & beatissimum hominem*, inquis, *per tot honorum gradus ascendentem!* Cur non felicissimum dixisti? an quia minus felicitatis, quàm beatitudinis habuit? sic opinor. Sed quomodo est ille felix ac beatissimus, cujus nullam virtutem adhuc nobis demonstraisti? At ascendit per tot honorum gradus. O te moralem Philosophum ineptissimum, qui ad felicitatem ascendi putas per hos gradus honorum,

qui non solum non præstant hominem felicem, sed sæpe reddunt vacuum felicitate. Num quis Theologus, num Seneca tuus, quem paulò ante allegabas, te docuit hos esse gradus adeundæ felicitatis? Virtute ne, an honorum gradibus felicitas comparatur? Aliud est iter ad felicem vitam, & magis arduum, quàm credas. Honores ab aliis dantur, felicitas a nobis, non absque sudore, comparatur. At in reliquis es acutior. *Accidit*, inquis, *ad hujus famæ & gloriæ immortalitatem hoc ipsum potissime*. Hactenus nullum de gloria, nullum de fama ejus verbum a te est prolatum; &, quæ antea tantâ oblivione sepulta erat, nunc, veluti ex somno expergefacta, redditur immortalis. At videamus, quid hanc famam & gloriam immortalem faciat. *Nam cum plurimi aut majorum suorum*, inquis, *potentia, aut divitiarum affluentia, aut aliarum rerum externarum ornamento, ut per singulos dies videmus, ad honores & dignitates eleventur; ipse sola sui prudentia, virtute & sapientia ad hunc amplissimum statum perductus est*. Antea sententiolas nescio quas perobscuras, & Philosophia indignas posuisti. Nunc uteris gravioribus argumentis, & maturioribus sententiis. Nimirum novum & a te adeo inventum hoc genus laudandi, ut, qui nullam hactenus de illius hominis prudentia mentionem feceris, nullam virtutem explicaris, nullum sapientiæ vestigium impresseris, nunc prudentiâ, virtute, sapientiâ, ad statum amplissimum dicas esse perductum. Nascuntur hæ virtutes tuæ, veluti fungi ex parvulo rore, adutum tuum præsto sunt, veniunt quò vocas, & non agendo oriuntur nobis, sed dormiendo. Quæ cum ita sint, tamen adhuc nullam neque laudem hominis hujus abs te audivimus expressam, neque virtutem. Sed prodeunt statim, &, veluti cohorte factâ, magno impetu crumpunt: ut verendum sit, an earum vim ferre possimus; habent enim non solum virium plurimum, sed succi & saporis. *Magnitudinem vero*, inquis, *& animi sui præstantiam, & cum his liberalitatem conjunctam, charitatem in pauperes, pietatem & misericordiam in afflictos, nemo nostrum est, qui non satis & intelligat, & aperissime cognoscat*. Magnæ sunt hæ virtutes, & dignæ memo-

riâ, ac laude sempiternâ. Primò cum prudentem, sapientem, virtuosum, malâ partitione, dixisti: nunc vocas magnanimum, liberalem, caritativum, pium, misericordem. Sed quomodo, quo ordine, qua ratione probas has in eo fuisse virtutes? nempe clarâ & apertâ, & cui refragari sit nefas. Nam continuo subjicis, probans quæ dicis: *Hic postquam ad Cardinalatus dignitatem assumptus fuit, amplam & numerosam familiam tenuit, nobilissimam quidem, & honestissimam, & omnibus jucundissimam.* Nunc incipis tandem referre quæ spectant ad memoriam nominis sui, homo sanè ridiculus. Tu ne tot tantarumque virtutum nomina in eum paulò ante accumulasti, ut ex iis omnibus eliceret hanc immensam laudem? Et quanto, inquam, pretio, quanto tempore hoc tuum inane trophæum, in quo illius laudis insignia essent, fabricasti? Nonne tyranni & viri pessimi habent amplam & numerosam familiam, &, quod tu siles, etiam ornatam? Miror, cum tantum delecteris superlativis verbis, cur non amplissimam & numerosissimam dixisti? At posuisti *omnibus jucundissimam.* Vide ne hîc parum laudis contineatur, si cum dicas *omnibus*, etiam de mulieribus intelligi velis: nam qui omnes dicit, excludit neminem. Audi nunc laudem pietatis plenam. *Hic veluti religionis, & omnium ceremoniarum verus cultor, ejus Capellam cum venerabilibus ac religiosis Sacerdotibus, & ditissimis paramentis amplissimam & honestissimam tenuit.* Hic tu, homo doctus, non eum cultorem verum, sed velut verum dixisti, hoc est, non verum fuisse eum cultorem. Nam *velut* similitudinem significat; sed quod est simile, non idem cui assimilatur: ergo non verus fuit cultor, sed veluti verus. Magnifica laus nempe, & ex eodem est fonte, quo & superiores. Utrum laudare te existimas, an vituperare, quem veluti cultorem religionis appellas? At sit ista laus, sit verus cultor: quid sequitur ex hac ampla ceremoniarum & religionis cultura? *Habuit, inquit, pingues mulas, pulcros equos, & condecetes equitaturas.* O ingentem religionis & ceremoniarum tuarum fructum! Hæc quidem verè possunt dici ceremoniæ, quæ, cum sint dictæ a carendo, non solum omni virtute careant,

reant, sed etiam umbra virtutis. Ego nunquam scieram, spectare ad religionis laudes pinguedinem mularum, aut equorum. Nunquid hæc tibi laudes videntur? An non satis intelligis, non laudari a te illum virum, sed nudari omnium laudum ornamento? Quid est absurdius, quàm qui se laudatum quempiam profiteatur, ea pro laudibus ducere, quæ si audire possit, quem laudas, pro se dici erubescat? Evolvisti certe omnium oratorum volumina, e quibus erueres hæc laudum genera tam præclara, quibus hanc proximam addas non intulsiorem. *Hic pro ejus honore, inquit, ac reverentia in primis Sedis Apostolicæ, omnem avaritiam abhorrens, Imperatoris, Regum omnium, Ducum, Baronum, Comitum, & Prælatorum quorumcunque ambaxiatoribus, amplissima semper, & sumptuosa convivia fecit.* Inepta nimium & perversa est hæc tua laudatio, atque ignominia plena. Primum, cur vituperas optimum virum, dicens eum horruisse avaritiam non propter virtutem, non propter Deum, non propter salutem, animæ; sed propter honorem suum, & Sedis Apostolicæ? Si eum summa turpitudine notare velles, quid amplius objiceres, quàm eum exhorruisse vitia, non propter honestum, sed propter honorem suum, & reverentiam alterius, hoc est timorem? Deinde qualis probatio est, exhortuisse aliquem avaritiam, qui hæc convivia fecerit amplissima & sumptuosa? Nonne & avari hoc faciunt, & quidem haud scio, an etiam ampliora, quàm reliqui? Laudas insuper gratitudinem plurimis verbis, deque sua in parentes, in amicos, in familiares, & quoscumque benevolos gratitudine, magno tractu verborum te aliquid affirmas dicturum: *qua sola*, ut ais, *præ ceteris excelluit, & infiniris exemplis claruit.* At quam laudem ei tribuis ex hac gratitudine? nempe nullam; & hæc exempla tua ita sunt infinita, ut communicari aliqua ex parte a te non possint. Etiamne hoc censēs ad laudē pertinere, ut, cum prolaturum te dicas ejus gratitudinem, cujus sunt exempla infinita, nullum prorsus a te repræsentetur? Et tu affirmas, te eum laudare, & immortalem reddere scriptis tuis, cujus a te virtutes obliterantur? Si quis ex cantoribus, qui

Hh

palam quæstum faciunt, prædiceret populo, se postridie relaturum alicujus ex antiquis heroibus virtutes, & res maximas bello gestas; deinde magnâ expectatione factâ diceret, illum aut minxisse ad parietem, aut muscas necasse; nonne convicio omnium incessetur? nonne clamoribus foro pelleretur? Quid tu censes eventurum tibi fuisse, qui tot redundantibus verbis, tot pollicitationibus te de laudibus egregii viri dicturum pollicitus, & immortalitatem concessurum, e tanto fastigio verborum descendis ad ridicula quædam & infusa, atque ab omni laudum genere remota? At in iis, quæ deinceps scribis, es forsan tolerabilior? Sanctissima ac gloriosissima ab eo facta opera non putas prætereunda. Sanè qui te primum literas docuit, mirâ imbuit copiâ superlativorum, quæ tamen collocas ex sententia. Quæ autem sunt ista opera sanctissima & gloriosissima? Unam Capellam dicis reparasse, alteram, & item tertiam fundasse, tum anniversaria constituisse, & nonnulla alia, quæ & tu nescis, & an falso a te posita sint, pertimescis? Si ergo Capellam fundasse, sanctissimum & gloriosissimum, quid erit Ecclesiam Petro aut Paulo ædificasse? quid urbes constituisse? quid nationes ad fidem Christi convertisse? nempe plusquam sanctissima aut gloriosissima esse non possunt. Scita ergo hæc laus tua, & diu multumque a te considerata, ut tot opulentis & amplis nominibus nuda quædam ædificiola subjiceres. *Sobrie*, inquis, *caste & honestissime vitam duxit, humilis, benignus, atque omnibus gratus, facilis & humanissimus* extitit. Hæc eodem, quo superiora, a te condita sunt sapore. Contentus es contextuisse longam nominum seriem, nil amplius ostendens præter inanem sonum. At laus quærit aliud, quàm linguam inanem; desiderat facta, quibus omnino carent hæc tua verborum præludia. Silent ad hæc laudes tuæ, & nobis nihil loquuntur pudore perterritæ; vident enim abs te nudas inhonestasque relinqui, non deduci in aciem armatas ad agendum aliquid eis dignum; & cum omnis virtutis laus in actione consistat, hæc tuæ otiosæ sunt, ignavæ, somnolentæ, atque oscitantes. At testaris, te ea, quæ refers, non nosse, sed ab alio quodam

audisse, quem *pro majore*, ut dicis, *robore* in testem vocas. Nunc quidem consulis, ac prospicis tibi, ut, cum diffidas tuis viribus, alios in subsidium voces. Quod si hæc causa agenda erat testibus, cur unum aut alterum, & non omnem familiam invocasti? Et quidem alii erant vel dignitate, vel auctoritate præstantiores, quos non nominas: qui vero est testis a te productus? secretarius suus? Hoc tu callide posuisti, ut, cum videremus eum esse ex familia viri, quem laudas, & ex secretioribus, tanquam suspecto homini nihil crederemus. At credamus illi: quales nobis * assert? cum jejunasse ** quales nobis assert? adde probationes.* Quadragesima, dixisse Horas Canonicas, audisse quotidie Missam. Tandem ad veras ejus laudes descendis, & quidem mirificas. Da nobis, te oro, hunc tuum novum Rhetorem, ut & nos quoque aliquid hujus falsæ mellitæque eloquentiæ degustemus. Tu laudî deputas summæ, si jejunavit Quadragesima, Horas dixit, Missam audivit? Hæc-ne tam ardua sunt, tam insueta, ut sine testibus nullam tibi fidem in his rebus commemorandis præstatum iri crederes? nimium parvi æstimas auctoritatem tuam, qui in tam levibus non putes sine advocacy credi verbis tuis. At ego te tanti facio, ut tibi soli assentiar. Quæ est autem laus id egisse hominem in insigni dignitate constitutum, quod etiam vilissimo abjectoque Sacerdoti summum esset facinus omittere? Hoc omnibus commune est præceptum Presbyteris, quod qui non servant, peccato se adstringunt gravi. Itaque quantam laudem assequitur qui ea non contempsit, quibus nisi paruisset, summa poena afficeretur? Sed audi aliam ejusdem generis præcipuam laudem. *Quod tandem in hoc Patre optimo memoria dignissimum est,* inquis, *non silebo.* Audiamus hanc laudem non silendam: fortassis non semper eris vanus. Quid hoc est memoria dignissimum? Audisse te ais ab ejus Physico, *Cum vitam quadragesimalem suæ dispositioni nocivam fore consideraret, multisque naturalibus rationibus ad eum carniæ adhortaretur, illum respondisse, malle claudi oculos suos morte, quàm legem Dei & præceptum non servare.* Nescio quid aliis accadat. Ego, quum has tuas inauditas laudes lego, nequeo risum continere. Incluta est, &

Hh ij

memoria dignissima hæc laus, quod noluit non servare mandata Dei. Debuisti addere, ut esset omni ex parte accumulata laus, non amore honesti, sed timore poenæ; adest enim Deus ultor transgressoribus legis. Audisti-ne ergo unquam hominem laudari pro re dignissima memoria, quod non maxime se adstrinxerit peccato? quod legem Dei una aliqua ex parte non est transgressus? quod servavit illud mandatum, cuius si prævaricator fuisset, & iram Dei incurrisset, & magnam hominum subiisset infamiam? Cur non dixisti, non fuisse eum furem, non sacrilegum, non lenonem, non homicidam, non raptorem, non sicarium? Siquidem laus tanta est, non obligare se ingenti crimine, ad cumulum laudum tuarum hoc quoque oportuit accedere. Credebam te ad tantam ostentationem verborum, aliquod ejus privatum & singulare opus relaturum nobis, in quo ipsius sanctitatem admiraremur. At profers coram quædam, & in usu multorum servata. Quilibet religiosus non malus has sibi laudes vendicabit; multi etiam ampliores profitebuntur, se secundum præcepta Ecclesiæ jejunia servare summa cum abstinencia, audire Missam, dietim celebrare, non negligere Horas, interesse divinis Officiis. Addent multi, se in stramentis cubare, nunquam carnes edere, uti cilicio, carnem affligere, ne insurgat adversus spiritum; qui si tibi laudandi essent, magnas nobis tragœdias excitaras. Vides igitur, quemadmodum ad hunc locum a te non laudetur hic noster Pater, sed omni laude nudetur? Ausculta vero hanc continuam universæ orationi conclusionem tuam. *Videris igitur Patres, inquis, quot virtutes, quot denique sanctæ operationes, una hora, cum vita hujus præclarissimi Cardinalis periere. Hanc auream sententiam in fine reservasti, ut superioribus esset condimento. Prodeat, oro te, aliquando nobis hic tuus Philosophus, quo magistro, uteris tam gravibus sententiis; & ceteri quoque permulti, ne sis tu solus sapiens, aliquid in Philosophia cupiunt rescire. Ego quidem scire abs te velim, qua ratione virtutes cum hoc homine perierunt, & sanctæ operationes. Si omnes una periere, quid nobis miseris relinquitur? quis amodo erit bonus, si*

virtutes amisimus? & si sanctæ operationes perire, quis jam salvabitur? Excellit ista reliquas laudes; miranda est enim ejus viri virtus, cujus cum vita omnes virtutes perierunt, & bonæ operationes; omnes enim perierint necesse est in eo, in quem omnes conjecisti. Magna est in genere humano facta jactura, siquidem virtutibus privati sumus. Miror, cur hoc non deploraveris, cur non fueris questus te omni virtute destitutum, cur non lamentatus, te amodo nil boni operis facturum. Hic pedem figere te oportuit, hic erigi signum eloquentiæ tuæ. Audiavi aliquando homines perire, virtutes vero & bona opera esse immortalia; nam si hæc nobiscum morerentur, quod præmium esset bonis futuræ vitæ constitutum? Redi aliquando ad te, quæso, & vel sero disce Latine rite loqui; turpe est enim, Oratorem Philosophumque in levibus errare, qui non fallatur in gravibus. Intellige tandem, quid ex hac tua ratiuncula subsequatur. Si virtutes cum bonis & sanctis viris pereunt, jamdudum cum Petro & Paulo, reliquique Apostolis perierunt: ex quo, secundum tuam sententiam, nullam in hoc nostro Patre fuisse virtutem necesse est. At etiam laudi summæ tribuis, quod profectus est Constantiam, unionis causâ. Hoc & multi alii, neque Cardinales, sed pauperes, & majori cum molestia fecerunt. At dixisti, magnis cum sumptibus & expensis, magno apparatu, & honesta familia. In eodem luto hæsitas. Quid hæc propriæ laudis habent? Habuit, unde id fieret, & multi ampliores sumptus fecissent, si tot pecuniis abundassent. Multa sunt alia, quæ prætereo, ne sim longior: quanquam sentio, in his quoque me modum excessisse, & propemodum fuisse longiorem, quam requirat epistola. Sed tanta fuit copia laudum tuarum, quibus oblectabar, ut paucioribus nequiverim respondere. Illud tamen nulla ratione est prætermittendum, quod in extremo fere posuisti orationis tuæ: quo in loco laus est egregia, & superioribus conveniens. *Postremo, ut finem faciam aliquando, inquis, cum virtutes & optimæ vitæ acta, quæ propemodum beatum hominem faciunt, & reliqua.* Paulò superius hunc insignem virum felicem & beatissimum propter suas

Hh iij

virtutes appellasti : nunc quasi diffusus aut suis virtutibus , aut laudibus tuis , scribis , quasi ad te revertens , & priora retrahens , virtutes & bene actam vitam non beatissimum efficere , sed propemodum beatum , hoc est , ne beatum quidem , sed quasi ; hoc enim prope significat beatum. Ista , inquam , est illa laus , quam in extremo actu , veluti perfectiorem posuisti ; ut , quem nuper in cœlum , tanquam beatissimum collocabas , nunc dubitans , & pedem referens , detrahas ex vita beatissima , & propemodum beatum dicas , contentus si non fuerit beatus , at saltem proxime ad beatos accedat. Hæc , ut de commiseratione tota sileam , in qua non fletum , sed risum excuteris etiam mœstis & severis , sunt illæ laudes tuæ , quibus te nimium confidis ornasse probatissimum virum. At illius virtutibus conduxisset magis , te mutum fuisse , quàm tam verbosum , qui male narrando , & pejus fingendo , virum suâ sponte ornatum adeo dehonestas , ut satius fuisset ejus famæ esse omnino mortuam , quàm his tuis ineptis laudibus reddi , ut dicis , immortalem. Tu ergo , Franciscè , non ego , minus recte sentis , & loqueris de gravissimo viro ; de quo cum ista perverse loquaris , recte sentire nullo modo potes. Tu ejus laudes in opprobrium , gloriam in ignominiam , famam etiam in infamiam convertisti , atque ita evertisti ejus vitæ integritatem , ut jam per te integra stare non possit. Verum quoniam justas & magnas te laudes in illum conflasse contendis , hoc a te quæro , veras ne , an falsas te scripsisse laudes dicas. Si falsas ; quid hoc turpius , quid absurdius , quid iniquius , quàm virum suis abundantem virtutibus , fictis & conquistis laudibus ornare ? sin veras ; cur non tueris illas ? cur non defendis ? cur non perstas in sententia ? quid te in illius dedecus te minus vere locutum testaris ? Et tu istas laudes existimas , & non everisionem honoris sui , qui , cum hunc Patrem tanta verborum ambitione extuleris , ut nullis , nisi superlativis nominibus ad illustrandum suum nomen uterere , postmodum , præter conscientiam & minus vere , hoc est , falso de eo te scripsisse audeas confiteri. Omnes , mihi crede , mallent , & ego in primis , majorem in modum a te vitupe-

rari, quàm laudari hoc modo. Nam, cum laudes tuæ opprobrium pariant, necesse est, ut, si quis a te vituperetur, non infamiam, sed decus & laudem consequatur. Respondi criminibus tuis: nunc quid me roges in calce epistolæ tuæ consideremus. *Quamobrem, Poggi mi*, inquis, *pro communi honore & amicitia nostra te rogo, atque ob reverentiam illius ordinis, ac plurimorum benevolentiam, quos sibi posteros hic Pater reliquit, obsecro, ut his tuis sermonibus finem imponas; & quæ pleno ore, & abundanti sermone, fide tamen bona prorumpis, aliquando æqua ratione & modestia quadam, ut, cum vis, mos tuus est, commensurare & temperare velis.* Video quid me rogas ob plurimorum benevolentiam, quos hic Pater posteros sibi reliquit: verum quid sentias, ignoro. Quid hoc est, quos reliquit hic posteros? præsentef-ne, an futuros intelligis? Nam & qui sunt, & futuri ad multa tempora, posteri sul dici poterunt, siquidem posteros, qui post eum futuri sunt, vocas. Et reliquit sibi posteros: quos, inquam? me quoque sibi posterum reliquit, omnesque, qui ubique sunt terrarum, qui post eum morientur? Horum ne causâ, an eorum, qui post nos nascuntur, me vis commensurare, quæ loquor? Sed jam dixi, qui meus fuerit sermo de oratione tua, modestus quidem, & non alienus a nostra amicitia: obsequor tamen voluntati tuæ. Tu nunc audi preces meas. Ego te, mi Franciscè, pro honore illius Patris nostri, pro ejus fama, pro ejus vitæ integritate, & pro benevolentia eorum, quos sibi posteros reliquit, te oro atque obtestor, ut hunc tunm libellum vacuum laudibus illius viri, hanc tuam orationem non pleno ore, sed vacuo, non in honorem ejus, sed in dedecus editam, hanc tuam excusationem, in qua & te & illum excusas plurimum, comburas, laceres, retractes, & vel aliis hanc partem relinquant, vel tute aliam meditere; neque tanto afflatu, tam inani sermone conculces hujus optimi viri famam, quæ evolasset in cœlum, nisi, amputatis alis, teneretur constricta vinculis orationis tuæ; quæ, ut liberior vagetur, tolle hanc, precor, & illam liberam relinque. Ego virtutes illius admiror, laudibus suis delector, honorem amplector: tu, si idem sensisses,

vel cum melius tractasses, vel reliquisses intactum. Postremo ago tibi ego quoque gratias, quòd me provocasti, excitans a somno. Hoc autem genus exercitationis scias esse carissimum mihi, cujus facultatem si sæpius mihi dederis, agam reddamque tibi gratias ampliores. Vale, & me ama, amicoque accipias animo, quæ a me scribuntur. Romæ.

EPISTOLA XXXVI.

Poggius P. S. D. Leonello Estensi, virtutis cultori.



ONNULLIS factum est occupatiunculis meis, ut tardius, quàm vellem, responderem literis, quas ad me perhumaniter atque amice scripsisti. Magnum sane præmium atque acceptissimum nullâ impensâ sum consecutus. Quid enim mihi charius, quid optabilius esse potuit, quàm tanti ac talis viri benevolentia? Itaque gaudeo majorem in modum me ad te scripsisse, quod mihi tantum lucrum attulerit: quanquam non mea epistola, quæ minimi est æstimanda, sed tua singularis humanitas, & præstans animi natura mihi præstitit, ut me inter tuos, non dicam amicos (nam id nomen est gravissimum, & in tam dispari fortuna vix potest cadere) sed obsequentes, benevolos, adnumerari velis. Sunt profecto appetenda, atque amplectenda studia humanitatis, quibus ad dilectionem hominum, ad amorem conciliandum, ad ipsum virtutis cursum permaxime incitatur. Horum in institutione & cultu, quum te intelligam plurimum diligentia atque operæ posuisse, gratulor non solum mihi, sed atati quoque nostræ, in qua is Princeps exortus est, qui & literis nostris sit magnum lumen allaturus, & doctis viris futurus adjumento. Elucebunt enim studia nostra, collocata in tam egregio, tam excellenti ingenio. Viri quoque discendi cupi-

cupiditate incensi acrius incumbere doctrinæ studiis, cum existimabunt sibi in tua virtute subsidium certissimum & tutum refugium constitutum. Mirum est videre, mi Leonelle, quantum * hæc studia humanitatis, hoc est, moralis Philosophiæ ornamentum, obsolescant * penes Principes ac dominos nostros. Rari vacant literis, & si qui ad eas se contulere, ii omnes deferuntur ad eas facultates, quæ aut opes, aut dignitates, aut quæstum aliquem pollicentur. Nostra hæc pauci sequuntur, & ii soli, qui egregia quadam animi indole elati, majorem virtutis, quàm externarum rerum curam susceperunt. Sed quòd hoc rarius videmus contingere, eò habetur laudabilius, in magna præsertim fortuna, in ætate adolescentis, in vita occupatissima, in summa rerum licentiâ, quæ etiam corroboratos quandoque labefactare solet. Non humani, sed divini potius ingenii esse videtur, inter tot curas, tot occupationes, tot audiendi respondendique molestias, quæ animum tuum distrahunt, te tamen tantum discendi studio asscutum, ut eos, qui in eo universam ætatem consumpsere, summo cum otio & quiete, elegantia & dicendi copia antecellas. Audieram de te multa variis ex hominum sermonibus: sed existimabam illos aut adulandi, aut extollendi, ut sit, causâ, aut, quod ita propter suam in te observantiam putarent, paulò progredi longius, quàm veritas postulare. At verò perlectis literis tuis, & tuâ, ut Scipio noster testatur, manu conscriptis, longe te superiorem illorum sermonibus judicavi. Nihil his literis elegantius, nihil ornatiùs, nihil jucundius dici potest. Itaque nullus jam mihi est relictus exhortationi locus, sed laudi potius & gratulationi. Non enim nostrorum hominum, sed prisecam illam, & probatam dicendi suavitatem atque eloquentiam repræsentas. Fruere igitur hoc tuo immortalis bono, quod & Dei benignitas dedit tibi, & tu-te tuâ industriâ comparasti. Vale, & me ama. Florentiæ, pridie Kal. Julias.

*Val pag. 313;

* apud.

EPISTOLA XXXVII.

Domino Juliano Cardinali Sancti Angeli.^aValla, p. 314.

EXHORTATUS * sæpius, atque impulsus a te quodammodo tum verbis, tum etiam literis, reverendissime ac præstantissime Pater, ut aliquem certum vivendi cursum deligerem, ad quem dirigerem finem vitæ, adhæsi aliquando tandem consilio tuo. Nam cum duæ viæ essent propositæ, quibus hæc ætas nostra dedi solet, altera sacerdotii, altera sæculi; a sacerdotio autem natura mea semper abhorruisset, solitudo vero mihi esset invisa, applicui tandem animum ad conjugium, hoc est, ad civilem vitam. Non nego, pacatorem a multis, quietioremque existimari vitam priorem, procul ab omni molestia constitutam, sibi soli vacantem, atque otiosam, quam multo plures propter opulentiam atque opes sequuntur, quàm propter religionem, aut sanctimoniam morum; amplitudo enim Beneficiorum quæritur, non recta vivendi ratio. Etenim pulcrum inter mortales putatur, excellere inter alios dignitate, soli atque observari a multis, abundare divitiis, quibus utaris ad cultum vitæ atque amplitudinem. Pulcius autem habetur ea consequi absque labore, & parva temporis mora: siquidem ad punctum, & horæ momentum, tanquam nascuntur fungi, qui ad clerum spirant, dignitate; maximas assequuntur: ut sæpissime, quem antea veluti ignavum quendam atque abjectum despexeras, ignobilem ac rusticanum, postmodum tanquam deum quempiam venerari & colere cogaris; & qui nuper rudis erat, stupidus, atque indoctus, unico Pontificis verbo, doctus, prudens, nobilis vulgo existimetur, licet parum a priori natura inimutatus. At verò qui didiceram quàm graves essent eæ digni-

tates, quàm onerosa Beneficiorum susceptio, quantumque in se pondus contineret aliorum cura, magnum timorem incutiebant ea, quæ a priscis Ecclesiæ doctoribus traduntur. Nam quum acceperim a sanctissimis viris, quos legi, ad quem usum Ecclesiarum divitiæ sint deputatæ, neque manducare debere non laborantem, & eummet victu & vestitu contentum esse debere; me autem cognoscerem ineptum ad eum laborem, victum vero & vestitum aliunde, licet laboriosius, comparari posse, satius certe duxi, non quidem contemnere superiorem vitæ institutionem, sed posteriorem scitari, quæ aptior meis moribus videbatur. Et sane illa celebrior, meliorque militia est, in qua majora merita consequi homines possunt, si tamen ita militant, ut religio, & susceptum munus præscribit. Sed ego, qui me, qui meas vires, & quid agendo possem diutius pensitavi, veritus sum me & in eam aciem committere, in qua vel turpiter cedendum esset, vel cum periculo animæ succumbendum. Itaque, quum ad sæcularem vitam animum induxissem, in ducenda uxore id consilium præcipue consequutus sum, quod maxime a doctis & sapientibus viris laudari solet. Non enim divitias, quæ plurimos obcœcant, in deligenda uxore perquisivi; non statum civitatis, ad quem multi anhelant; non potentiorum sustentacula, quibus permulti inhærent, appetivi; sed honestatem, probitatem, virtutem, quam maximam omnium dotem, quæ a parentibus tradi queat, sapientissimi tradiderunt. Cum ergo nota & perspecta mihi esset adolescentis cujusdam ex nobili familia, quæ nondum decimum octavum annum excesserat, egregia indoles, pudicitia, atque ex virtutes, quæ in optima ac præstantissima juvene requiruntur; mores autem spectatissimi probarentur ab omnibus: ratus hanc esse dotem omnium pulcherrimam*, quamvis formosior esset, quàm ætas mea postularet, tamen, cum scirem ita educatam atque institutam esse a teneris annis, ut formam honestas, speciem pudor, pulcritudinem virtutes plurimæ antecellerent, duxi eam uxorem, & quidem ex animi mei sententia. Nam in ea

ita consolor*, atque ita acquiesco in diem *magis, ut Deo gra-

*Valla, p. 313.
& 314.

tias agam continuo, qui, cum semper antea mihi plus tribuit, quàm delicta mea paterentur, tum vero hac in uxore ita consuluit quieti meæ, ita mihi egregie satisfecit, ut nihil penitus sit, quod in ea amplius requiram. Zucharus olim dicere solitus fuit, cum aliquod obsonium ad unguem laudare volebat, id esse tale, ut, si aliter conditum esset, futurum non fuisset bonum. Iidem mihi accidit in uxore, quæ talis existit, ut nihil sibi vel adesse cupiam, vel abesse. Atqui ea causa extitit, cur fuerim tardior in scribendo, quàm voluissem. Est commune proverbium, rarum, vel nullum potius ex novis maritis infra annum uxoris non pœnitere. Pontifex constituit mihi semestre. Sed, quum jam quintum mensẽ egres-
sus sim, uxor autem probatior fiat in dies, mihiq̃ue jucundior atque obsequentior, certus sum, nullum deinceps locum pœnitentiæ futurum, cum certa quadam conjectura reliquum tempus ipsis oculis videar videre. Spero etiam, Dei gratiam mihi non defuturam in posterum. Nam qui mihi fuit propitius, tum quoque, quum tanquam devius aberrabam, nunc, cum rectum iter ingressus sum, accumulabit in me misericordiam suam. Quicquid tamen acciderit, quicquid fors tulerit, nunquam recte fecisse pœnitebit. Hæc cum tua caritate volui communicare, ut in eo, quo lætor & gaudeo, tu quoque, qui me plurimum diligis, voluptatem aliquam capias. Scio, majora quadam ad tuam sapientiam scribi debere: sed etiam sapientissimi viri animum quandoque relaxare a rebus seriis consueverunt. Oro ergo, ut hanc legas epistolam, cum otium suppetet, joci gratiâ. Vale, & me, ut soles, ama. Bononiæ, die 26. mensis Maii, 1435.

EPISTOLA XXXVIII.

Poggius P. S. D. Franciſco Mareſcalco Ferrarienſi.



SCRIPSI olim diverſis in locis ac temporibus plures epiſtolas ad Nicolaum Nicolum Florentinum, virum clariffimum, & mihi, ab ipſa mea adoleſcentia, ſummâ neceſſitudine ac benevolentia conjunctum. Ex ſcriptæ ſunt a me variis de rebus domeſticis, ac privatis noſtris, prout occaſio temporum, ac negotiorum conditio ferebat, quum in ipſas conjicerem, quicquid in buccam venerat: ita ut etiam verba quædam vulgaria, quanquam jocandi cauſâ, inferantur. Neque enim ſolùm commendabam epiſtolis, quæ agebantur a me, aut non agebantur; ſed etiam, tanquam ad me alterum ſcriberem, curas & cogitationes meas. Scripſi autem illas ex tempore, ut plurimum, & manu veloci, ut reſcribendi neque otium eſſet, neque voluntas: quo accidit, ut exemplaria earum nulla apud me remanerent. Neque enim ſcripta mea unquam magni feci, neque facio, tunc maxime cognoscens quàm parum dicendi facultate poſſim, cùm, ſumpto calamo, animum ad ſcribendi curam accommodavi: in quo perſepe ita mihi ipſi deſum, ut rudis, atque ingenii inops mihi videar in ſcribendo, cum non ſolum ſententiæ aliquando, ſed etiam verba deficiant, licet diutius quid dicam investiganti. Verum, quum intelligerem nonnullos, ſive commotos benevolentia, ſive leviora quædam ſectandi ſtudio adductos, epiſtolas meas, qualeſcumque ſint, tum quærere diligenter, tum libenter ac ſtudioſe legere, rogatus a multis, ut eas conquererem, ac in volumen conjicerem ad communem rudium utilitatem, ſatiſfeci, & quidem ex parte, amicorum voluntati: non quidem ut exiſtimem aliquo in pretio illas apud do-

Etos futuras, sed ne negem perentibus, quod parvo labore exsolvi queat. Itaque cum Pontifex nuper esset Florentiæ, sumptâ facultate, perquisivi apud Nicolaum, qui aliqua ex parte illas diligenter servaret, quasdam ex eis literis, quas olim ad eum misissem, dedique operam, ut per Librarium meum transcriberentur. Licet autem multæ deessent, quas memineram me olim scripsisse, quæ videri poterant paulò politiores, nolui tamen, ut aliarum amissione, literarum quoque, quas repereram, memoria tam cito aboleretur. Unde parvum libellum ex his confeci, ut esset, unde, qui vellet, in otio vel legendi, vel ridendi materiam sumerent. Hoc autem volumen, quamvis indoctum, & haud magnæ rei hominem repræsentare videatur, tamen, qualecumque id sit, mi Francisce, tibi mittere decrevi, & docto homini, & mihi amicissimo, qui meis epistolis plurimum delectaris, ut & amorem in me tuum augeas, & hoc quasi stimulo quodam legendi, ad majora quædam, hoc est, ad imitandam, a qua longissime absum, priscorum eloquentiam inciteris. Leges igitur, quum tempus vacuum nactus eris a majoribus negotiis; &, si qua in re inter legendum offenderis, dabis veniam vel ignorantix, vel verbositati. Vale.



EPISTOLA XXXIX.

Poggins P. S. D. Nicolo suo.

EDEGI in parvum volumen* nonnullas epi- *Valla, p. 314

stolas, quas olim ad te scripsi. Id destina-
re constitui ad quendam Franciscum Fer-
rariensem, & epistolam addidi in princi-
pio, cujus copiam ad te mitto. Verum
desunt nobis multæ ex iis, quas ad te mi-
seram ex Gallia & ex Germania¹, & item

ex urbe, antequam proficiscerer ad Gallias. Ex quidem erant,
ut mihi videor, elegantiores, & quæ mihi aliquid honoris
afferrent, propterea quod in eis continebatur inventio diver-
sorum operum, quæ in lucem meâ diligentiam vendicavi;
cum essent antea abstrusa, & in tenebris ac latibulis ignota.
Quare te oro atque obsecro, ut eas conquiras diligenter,
quoniam apud te esse confido. Cum dudum quasdam mihi
tradidisses, atque ego eas quærerem ab te, de quibus nunc
loquor, dixisti nescio quem habuisse a te perplures, quas
cum reddidisset, te illas mihi traditurum. Cura ergo diligen-
ter, ut illas mihi adinvenias, perlustra bibliothecam tuam, &
omnes scripturas pervolve; & si quas reperis extra Italiam
scriptas, exceptis Britannicis, quas habeo, ad me transmit-
tas, rogo; addam enim ad priores, antequam legentur. Id
erit & tibi, & mihi non contemnendum. Postquam enim
nonnulli meas epistolas pluris, quàm dignæ sint, æstimant,
& a me illas quotidie postulant, volo eis, quoad possum, sa-
tisfacere, cum nobis aliquid honoris hoc aut nominis possit
adjicere, nullo cum detrimento. Itaque adhibe diligentiam
nunc, cum te domi contines ob hos calores immoderatos,
ad eas epistolas pervestigandas. Nos hic recte valemus, & tu
quoque vale. Bononiæ, die xi. Julij.

EPISTOLA XL.

Poggius P. S. D. Valasco Portugallienſi, V. Cl.



Si tantum ingenio, aut dicendi facultate
valerem, ut, quem scribis, essem gradum
eloquentiæ consecutus, satisfacerem, &
quidem libens, desiderio tuo, mi suavis-
sime Valasce; ut scilicet aliqua perbrevia
præcepta tibi traderem, quibus ad eam,
quam concupiscis, laudem oratoriam per-
venires. Verum & ego rudis, atque indoctus mihi videor
ad scribendum, de re præsertim difficili, mihiq; non ad-
modum nota; & hæc eadem ab exquisitissimis ingeniis sunt
diffuse tradita: ut, si tibi illa non satisfaciant, frustra ego
coner obstrepere auribus tuis, ac patefacere stultitiam in
scribendo meam. Quid enim est ad dicendi artem, ac stu-
dium spectans, quod ab illis sit omissum, aut non elimina-
tum, atque perfectum? Quicquid arte, quicquid exercitatione
percipi & tradi potest, dilucide ab illis est explicatum: quos
si quis legerit, si quis imitatus fuerit, non est ut egeat aliorum
adjumento. Hi tibi & dant præcepta, quibus instituiamur,
& summa utuntur in scriptis suis eloquentia. Quintilianus
artem eloquentiæ diligentissime profecutus est. Cicero autem
noster & artem perfecte tradit compluribus suis libris; & ora-
tionibus, quas permultas edidit, exercitationem adfert ad
ea, quæ scripsit, præcepta. Philosophia etiam multis volu-
minibus ab eo ornata est, & Latinis literis exposita. Quare;
si te præceptis quibusdam institui cupis, non rivulos conse-
ctari debes, sed ipsum fontem perquirere, ex quo haurias
quantum libet. Hac in re tamen, ut tibi aliqua ex parte sa-
tisfactum putes, hoc brevissime præceptum tibi a me esse
yelim. Est M. Tullius omnium, qui unquam fuerunt, futu-
ri-ve

ri ve sunt eloquentissimus, cum in iis, quæ ad artem oratoriam spectant, tum ad institutionem & doctrinam vitæ moralis. Eum igitur, qui princeps est, inter omnes, suadeo frequenter legas; primum libros eos, qui ad instituendum oratorem sunt accommodati; deinde orationes, in quibus exprimitur vis omnis atque ars oratoris; deinceps libros ejus omnes in Philosophia. Ita eloquentiam cum sapientia conjungens, consequeris id quod ipse testatur in Bruto, qui studet eloquentiæ, eum & prudentiæ operam dare; non enim vir improbus esse, & haberi eloquens potest. Sed tum quid opus fuit, ut ad me ires pro iis rebus, quarum tu ipse es copiosissimus? siquidem tua epistola, qua te instrui certâ viâ ad oratoris ubertatem petis, tum verborum copiâ referta est, tum gravitate sententiarum; ita vero eleganter scripta, ut, in eo quod quæris, alios excellere videaris. Nihil enim in illa abest, quod quivis disertus aut copiosus amplius desideret. Itaque potius tentandi causâ, quàm consilium exquirendi, te eam scribendi curam sumpsisse puto. Quocumque tamen egeris animo, gratissimum mihi fuit provocari abs te literis, quo aliquod argumentum ducerem ex tuis verbis scribendi ad te, quem summopere diligo. Ex quo enim tecum sum collocutus, sensi te virum doctum atque eloquentem, dignumque existimavi, quem omnes, qui studiis humanitatis delectantur, diligant, & charum habeant; & eò magis, quò in iis oris ortus es & educatus, in quibus vel rarum eloquentiæ vestigium versatur. Vale, & me ama. Bononiæ.



EPISTOLA XLI.

*Poggius P. S. dicit Scipioni Episcopo * Mutinensi.*

*Valla, p. 314.



*Valla, p. 314.

CUM verbis * tecum agere potuissē, mi
jucundissime Pater, ea quæ literis sum
scripturus, tamen cum verba cito de-
fluant *, & minorem auctoritatem habe-
re videantur, decrevi in hoc meo lau-
dandi munere, epistola potius, quàm
sermone uti, apud te præsertim, qui
scriptis meis, quamvis nullius operæ pretii *, plurimum dele-
ctaris. Etenim, si ad alium quempiam ex his notis nostris si-
milis dignitas delata fuisset, hæsitarem * paulum in scribendo,
veritus gratulandum. ne sibi * existimarem, an potius condo-
lendum. * Nam si dignitas hujusmodi nihil præter opulentiam
ac tumorem quandam, ut multis contingit, secum afferat,
nescio qua in re sit opus nostra gratulatione, quippe qui ejus-
modi curam sumimus erga illos, quibus aliquid boni conti-
gisse arbitramur. Quum autem quidam honoribus in se col-
latis abuti consueverint, & deteriori se vitæ tradere, inge-
miscendum est, illos peccandi facultatem ac materiam con-
secutos. Interrogatus Socrates olim, beatum *ne ac felicem
putaret quandam prædivitem hominem atque opulentum:
Nondum, inquit, cum eo sum collocutus. Non enim ex divitiis,
aut principatu, sed ex animo possidentis æstimabat hominis
felicitatem. Multos quidem vidit nostra ætas, qui altiori gra-
du, ac magistratibus affecti, ex licentia, atque affluentia re-
rum nequiores multo evaserunt; nonnullos vero, qui, cum
antea viri solertes, industrii, studiosi literarum, & ingenii
perspicacis haberentur, post susceptam amplitudinem digni-
tatis, socordia, desidia, ignavo otio torpescerent, ad pastum *,
ac somnum, veluti mutum animal, vacantes; quidam hu-

*Valla, p. 315.

militatem in superbiam, frugalitatem in luxum, liberalitatem in avaritiam, charitatem in odium converterunt. Solent aliqui causari fortunam, quod inopiâ victus impediuntur a studiis & virtute; at iidem simulatque ad majora conscendunt, bonorum abundantia a bene agendo retardantur, quibus non bono, sed malo dignitas & divitiæ extiterunt. Horum omnium vicem, stultus fuerit, si quis gratulandam, ac non potius defendendam putet; quum eas res, quæ bene vivendi incitamenta præbere debuissent, ad errandi ac delinquendi facilitatem transfulerint. Imitantur ii quidem malos artifices, qui ex materia pulcra ædificium turpissimum struunt. At vero mihi, cui tua virtus nota est, & longâ consuetudine perspecta; qui non adumbrata signa aliqua tuæ probitatis & prudentiæ, sed impressâ vestigia percepi; licet vere, & ex animo gratulari tum felicitati tuæ, tum vero maxime * virtuti, qui bonis initiis rectum iter ingressus, sis talenta tibi credita cum magno fœnore Domino redditurus. Non enim emendicatam precibus, non suffragiis comparatam, non concessam ambitioni dignitatem consecutus fuisti, sed integerrimis moribus, spectatæ probitati, virtuti cognitæ attributam: quod certior sum, in hac novæ dignitatis accessione, ardentior tibi mentem ac desiderium, ad rectam, atque exquisitam quandam vivendi normam, futura. Nam quod majus tibi onus esse injunctum sentis, eò te reddes contentiori animo ac voluntate ad exsuperandas difficultates omnes, quæ bene agentibus propositæ videntur. Adest * acre tibi ingenium, adsunt studia * Valla, ibid; literarum, quibus ab ineunte ætate deditus exitisti, adest omnibus in rebus continentia, summa modestia, atque animus a vitiis liber. Abes longe a vitio eorum, qui se ortos ad voluptatem putant. Tum eximia ac præstans natura, tum sacræ Scripturæ jugis lectio tibi præstiterunt, ut non vulgari ac nota Episcoporum via, eorum dico, qui pluris dignitatem faciunt, quàm bonitatem, tibi ducas proficiscendum *, sed multò exquisitiori ac perfectiori, quæ sit ceteris tanquam verum sanctitatis exemplar. Nam quid tibi deest eorum, quæ in optimo Antistite requiruntur? Tu consilium in deliberando,

K k ij

prudentiam in agendo, in perficiendo diligentiam, in decernendo æquitatem adhibere potes. Tu humanitate, benevolentia, charitate facile ceteris præstas: tibi mores præstantissimi summam laudem contulerunt: ut, nisi tu-te ipsi desis, omnia alia accumulate tibi adesse videantur. Non disputabo nunc (hæc enim tu ipse melius nosti) quid Episcopum deceat, quod ejus sit officium, quæ actio, quod munus. Nam Paulus Apostolus, pluresque ex illis sanctissimis, quos frequenter tractas, viris, tibi abunde suppeditant mandata, quibus Episcopi & Sacerdotes pareant, qui Deo, non mundo cupiunt servire. Multa certe præcepta tradunt, plures afferunt difficultates, quibus Præfusi astringantur; honorem vero illum maximo premi onere asservant, neque Episcopum esse, qui præesse cupiat, sed prodesse. Dispensatorem bonorum Ecclesiæ, cui præsit, esse dicunt, positum in quadam veluti specula, ex qua aliis consular atque opituletur. Denique tam multa onera in eum congerunt, ut Chrysostomus scribat in Epistolam ad Hebræos, mirum esse, si Rectorem aliquis salvetur. Illud vero constanter affirmo, unum quoddam esse onus omnium maximum. Nam, quum omnes difficultates, quæ Sacerdotibus imminant, animo evolveris, nulla gravior, nulla magis ardua occurret, quàm suscipere multarum animarum curam. Grave est, subire onus medendi morbis animi, qui occulti ac latentes ut plurimum esse solent; gravius reddere rationem alterius vitæ; gravissimum vero alterius delictorum debitorem teneri, proque delinquente apud Deum puniri. Vide quid sentiat alio in loco Chrysostomus. *Sacerdos, inquit, etiamsi bene propriam dispensaverit vitam, ceterorum vero negligenter curam habuerit, cum perniciosus in gehennam vadit.* Hæc mihi admodum ardua videntur, plurimoque labore ac sudore plena, neque cujusvis esse hominis, sed bene instituti ad vitam, & accepti Deo. Etenim, si dispensator quispiam in magna familia laboriosum ducit accepti atque expensi accuratam rationem ferre, & in ea multos occupat dies; quam si in plures annos differat, vix suas rationes etiam apud eos, qui persæpe faluntur, explicare in singulis potest; quandoque autem, cum

incuriosius se habuerit, in carcerem truditur; quid ei contingere arbitremur, qui non unius alicujus fundi aut familiæ dispensationem, sed amplissimæ civitatis, magnæque patriæ rationem reddendam suscepit, ubi non tantum pro rebus actis, sed neglectis quoque atque omissis apud eum, qui nequit falli, tabulæ ac codices erunt proferendi? Mihi quidem terror ac tremor quidam injicitur, hæc & plura alia, quæ in mentem veniunt, consideranti, quæ certe me olim deterruerunt, sive ex imbecillitate ingenii, sive negotii timore, a sacerdotii officio ac cura, suaseruntque ut eligerem sæcularem vitam. Tibi autem, cui amplior animi virtus, singulare ingenii acumen, fervens voluntas, talia adjumenta subministrarunt, ut quantumvis arduas res & consilio obire, & ratione perficere facillime queas, scio futura esse levia, quæ ceteri gravissima solent judicare; quoque majus certamen sit tibi propositum, eò audentius atque enixius explicaturum tuas vires adversus mundi hujus colluctationes. Nihil est enim tam difficile, quin volenti facile fiat. Quamvis virtutem sapientissimi tradant in arduo collocatam, facilis tamen ad eam est ascensus, si quis animum recte intenderit ad iter pervestigandum. Nolo consiliis quibusdam prudentum apud te uti, ne videat diffidere sapientiæ tuæ: hoc tamen pro nostra amicitia admonuisse te velim, ut, cum tanquam sponsa quædam spiritualis sit tibi condonata, quacum vivas, quacum Deo fructum uberem parias, illam solam tibi enutriendam, ornandam, colendam, neque ullam præterea amplius appetendam, seu querendam, quantumvis sit opulentior, putes. Nisi enim hanc propriam esse existimaveris, quæ a te divelli, aut amoveri per totam ætatem nequeat, nunquam sincere animum in ejus cura poteris desigere; neque enim suis rebus fuerit contentus, qui inhabitat alienis. Attamen, cum tanta in te sit doctrina, quanta in viro peritissimo ac doctissimo esse potest, cum sacrarum Literarum studio quotidie incumbas, cumque ea, quæ tibi agenda sunt, jamdudum legendo perceperis, jam non eges alterius adminiculo ad rectam vivendi legem atque institutionem. Scis te esse Episcopum, hoc est, non tuarum re-

rum, sed aliarum præmeditatore; scis te pascendis ovibus destinatum, scis te præpositum curæ publicæ utilitatis, scis tibi illius vestigia imitanda, qui se Pastorem esse bonum professus est. Quæ omnia cum mente atque animo defixa teneas, cumque ad omnes ejusmodi labores non solum obeundos, sed etiam superandos, omnes tuas cogitationes crexeris, verissime, atque optimo jure tibi gratulandi occasionem assumpsisti; quum susceperis id munus, quod & viventi summam laudem, & mortuo æternam sit gloriam præ-

statutum. * Valla, *ibid.* * Vale. Bononiæ.

EPISTOLA XLII.

Poggius Valasco Portugalensi, sal.



* Valla, *ibid.*

* Valla, *ibid.*

ASCIO malitiâ ne feceris, an oblivione, quod nulla in re satisfecisti mihi in iis, quæ teneris. Scis quo labore & diligentia rem, quam sollicitabas, * consecrerim; non facile tamen adducor, ut credam te obliviosum fuisse, in re præsertim tam recenti. Ego tecum sum usus summa fide, & benivolentiâ: tu, si perfidiâ uteris mecum, feres abunde præmium iniquitatis. Cave ne me hac vice fraudes; nam acues ingenium meum ad ulciscendam injuriam; non enim hanc fraudem tam apertam inultam feres. Ego in re pecuniaria jacturam faciam: tu in fama & honore, quæ bonis viris sunt chariora pecuniis. Idcirco debitum solve, & quam primum; aliàs * te notum reddam non solum domesticis, sed externis. Certe mecum ipse recogitans fidem in te meam, nescio, etiamsi impudentissimus omnium esses, quo vultu, qua facie, qua inverecundia abieris, ut non solum nummis, quos pollicebaris, sed ne verbis quidem gratiam mihi referres. Sed me continebo paulum, quoad respondeas: quod si distu-

leris, aut si tergiverferis, tuâ infamiâ ac dedecore, quæ etiam Regi tuo, & Concilio per me nota erunt, mihi satisfactum putabo. Bononiæ.

EPISTOLA XLIII.

Poggins P. S. D. Fernando Didaci, V. Cl.



UM audissem jamdudum a plurimis, quibuscum est mihi frequens consuetudo, te esse virum doctissimum, atque omni literarum genere præstantem, studiosissimum vero earum literarum, quæ spectant ad studia humanitatis, summâ statim te sum complexus benevolentia. Accessit ad eam augendam, quod quidam mihi retulerunt, te cum voluptate legere epistolias meas, quamvis parvo sint æstimandæ. Quod autem pluris facio, quàm reliqua omnia, quodque ad amorem me etiam excitavit, multi affirmant, te ad variarum multiplicumque rerum scientiam adjunxisse etiam studia probitatis ac virtutis, neque minorem te laudem ex ejus cultu, quam ex literis reportasse: qua in re permagnum adeptus es doctrinæ atque ingenii fructum. Etenim qui id suis studiis assequuntur, ut eis urantur, tanquam instrumentis ad honestum ac decorum illud, quod laudatur a Philosophis, capessendum, ii mihi videntur egregium atque excellens præmium ex suis vigiliis reportare. Quibus vero multarum rerum scientia attulit irritamenta, aut fomenta vitiorum, jam præstaret illos rudes fuisse, quàm doctos, mutos potius quàm eloquentes. Idcirco enim bonæ artes repertæ fuerunt, ut illis instrueremur, quid agendum esset, quidve omitrendum; ut per earum exhortationes optimis moribus instrueremur. Hæc est causa, cur sapientes velint, postremam, cui vacandum sit, debere esse moralem Philosophiam, tanquam perfectioris cujusdam vitæ præcepta

& institutiones continentem. Quum igitur ex literis summam omnium rerum doctrinam sis consecutus, virtus autem boni viri tibi nomen indiderit, commotus sum ad te toto ex animo diligendum. Scis enim, virtutem tanti esse, ut nos ad eorum etiam, quos nunquam vidimus, benevolentiam compellat. Cupiebam aliquid ad te scribere, quo tibi mea erga te voluntas notior fieret: sed nulla se hactenus occasio tulit, qua daretur scribendi facultas. Nunc verò, quum Lupus Roderici, admodum mihi familiaris, qui olim quasdam meas epistolas, quæ ad te deferrentur, scripserat, se velle ad te ire mihi significasset, rogassetque, ut aliquid ad te literarum darem (quod pergratum esset tibi futurum) sumpsi ex suis verbis veluti argumentum quoddam ad te scribendi, ut, posteaquam coram verbis fieri nequit, absens per literas me tibi deditum esse cognoscas. Non sum hoc primordio usus exquisito quodam genere literarum, quemadmodum ad insignem virum scribentem decebat; sed rudi quodam, veluti internuntio, & ex tempore proficiscenti, nullo cum apparatu. Hic & tibi Poggium offeret, licet pusillum hominem atque imbecillum, & præsto * omni in re satisfacturum pro facultatibus nunciabit. Vale, & me, quando id mutuum fit, ama. Bononiæ, 3. Kal. Novembris.

*Valla, *ibid.*



EPISTOLA XLIV.

Poggins P. S. D. Francisco Marescalco.



NIL est, mi Francisce, quod libentius agerem, quàm scriberem ad te sæpius, quem scio mihi a micissimum. Sed impedior pluribus negotiis, in quibus scriptura opus est, ut aliquando nil magis sit mihi molestum, quàm scribere. Hoc fuit causæ, cur non responderim nonnullis epistolis tuis.

Nunc vero, quum tertia a te epistola mihi reddita sit, sumpsi calamum, ne viderer vel contemnere amicitiam nostram, vel negligere mandata tua. Postulas a me volumen epistolarum, quas scripserim ad Nicolaum. Ego jamdudum id fecissem, nisi expectassem quasdam alias ad eum epistolas, quæ defunt volumini, paulò quàm ceteræ uberiores. Binis jam literis oravi Nicolaum, ut illas ad me mitteret; at ille omnium negligentissimus, qui sua tarditate cochleam superaret, neque misit epistolas, neque verbum rescripsit ullum, me suspensum detinens, qui non audeo volumen edere, priusquam illæ adjiciantur. Scias me tamen scripsisse ad te epistolam, quæ erit prima omnium, inscripta, veluti quoddam procemium. Ejus copiam ad te mitto, ut intelligas, me non immemorem promissi, & re & verbis, quoad potuerim, satisfecisse voluntati tuæ. Et si enim sum admodum pusilli ingenii, tenuissimæque facultatis, conor tamen non solum respondere officio de me bene meritis, sed etiam provocare ad promerendum. Pessimum est vitiorum omnium ingratitude, quam qui sequitur, turpissimum omnium haberi debet; neque enim Deum colere, neque amicitiam aut benevolentiam hominum potest, qui fuerit ingratus. Sed hæc hætenus. Si vis hos quaterniones, ut sunt dissoluti, curabo, ut ad te deferantur: fin

L I

* Forſe ex-
pſo.

vero expectare vis, quoad volumen perficiatur, ac ligetur; æge ut lubet; tibi enim illud dicavi, prout cognosces exempla. * Tu vale, & quid fieri a me velis, perſcribe. Bononiæ, pridie Kal. Decembris, manu feſtinâ. Gaſpari noſtro plurimam ſalutem dicito verbis meis.

EPISTOLA XLV.

Poggius P. S. D. Lippo ſuo, V. Cl.



MOO cùm domum noctu rediſſem, offendi literas tuas, & ſimul libellos, quos remiſiſti. Retulit inſuper quidam ex doctis, illum qui detulerat, dixiſſe, ſe poſtridie mane ad te velle proficiſci: ſi quid vellem reſpondere, ut præſto id eſſet. Itaque, licet opus eſſet exquiſito quodam genere literarum, ad virum præſertim eloquentiſſimum, ſumpſi tamen calamum, ſcripturus pro temporis facultate quicquid in buccam veniret, ne tibi parum reſpondere viderer in officio reſcribendi. Scio moris eſſe eorum, qui primum ad amicos ſcribunt, accuratioribus quibuſdam literis uti, ad oſtendendam, ſi quam in eis videri volunt, vel eloquentiam, vel doctrinam. Si cui autem id eſſet neceſſarium, ego is eſſem qui ſcriberem ad eum, qui ſuis in literis uſus eſt ſummâ dicendi copiâ & gravitate, niſi tibi notæ eſſent, quæcumque illæ ſint, copioſæ & facultates meæ. Verum aliàs diligentius, quum otium erit, & res requiret, literis colloquar tecum: nunc, ut tempus poſtulat. Epiſtola tua mihi ſummam attulit voluptatem, cùm videam te ita inſtitutum ſtudiis humanitatis & eloquentiæ, ut, ſi in eis perſeveres, magnâ ſis laude & gloriâ futurus. Non loquor tecum (neque enim natura id mea patitur) adulandi gratiâ, ſed quod ita & ex animo ſentiam. Ea eſt in te facultas dicendi, ea ubertas,

is ornatus orationis, ut paucos legerim (pace eorum dixerim) qui tibi sint anteferendi, vel elegantia, vel suavitate. Itaque, si rem mihi gratam, si tibi, tuoque ingenio dignam, si tuæ naturæ accommodatam cupis facere, quicquid temporis tibi subripere potes, colloca & consume in his literarum studiis, quæ & ad eloquentiam spectant, & ad sapientiam. Vir magnus, mihi crede, evades, si perseverabis. Me autem scias esse tibi propter tuas virtutes amicissimum, adjuturumque esse, si cetera deficient, saltem cohortationibus. Plura ne scribam, & summum frigus, & uxor impediunt. Silius Italicus non est apud me; dimisi enim Florentiam meam supellectilem. Cum huc redibis, poteris universam scrutari, & ex ea sumere quicquid libuerit. Vale, & me ama. Bononiæ, die 13. Decembris.

EPISTOLA XLVI.

Poggins P. S. D. Lippo suo, V. Cl.



VDIUSTERTIUS cum ante coenam scripsissem ad te epistolam paucis verbis, quam erat ad te allaturus quidam, qui ad me unâ cum tuis literis libellos meos attulerat, dedissemque eam librario meo, qui ferme continuo domi manet, ut illi redeunti, prout pollicitus fuerat, traderet; percunctatus nunc a librario, comperio epistolam non esse ad te delatam, & quidem nuncii tui culpâ, qui revertendi curam omisit. Nolens igitur perire lucubratiunculam meam, non ut aliquid æstimanda sit, sed ne me negligentem judices in rescribendo, curavi per alium ut tibi redderetur. Si autem putassem, hoc biduo scribendi spatium mihi dandum fuisse, aliquid exarassem fortasse uberius ac diligentius. Sed quicquid id est, accipias, oro, loco pignoris meæ erga te be-

Ll ij

nevolentia, quæ permagna est tum humanitate tuâ, tum meâ voluntate contracta, qui diligo & amplector eos, quos video excellere ingenio, & suavitate dicendi. Vale, & me ama. Die 16. Decembris, noctu.

EPISTOLA XLVII.

Poggins P. S. D. Benedicto Aretino, viro doctissimo.



LURIMUM delectatus sum tuis ad me literis, mi Benedicte, & simul sum admiratus ingenii tui acumen; qui, cum tantam operam impenderis juri civili perdiscendo, ut inter doctissimos ejus artis viros digne annumerari possis, ita tamen eloquenter, ita ornate, ita facunde ad me scripsisti, ut non minorem ex eloquentiæ facultate, quàm ex legum doctrina laudem, meâ sententiâ, merearis. Est profecto indicium egregii animi, & ad literarum studia bene instituti, duas res, quarum utraque difficilis est atque ardua ad percipiendum, ita esse complexum, ut parem te reddideris illis etiam, qui in alteram tantum omnem suam operam contulere. Immensum quiddam est juris civilis perceptio; tum propter rerum varietatem ac sententiarum, cum plures inter se dissideant legum scriptores; tum vero maxime propter commentantium infinita pene volumina, quæ mentes legentium diversis implicant opinionibus, ita multis ac superfluis verbis diffusa, ut ea sola ætatem etiam cervorum consumerent ad legendum; quorum tractatio & molesta est (absunt enim ab omni cultu orationis, ut priscos illos Jurisconsultos, eloquentissimos viros, nunquam legisse appareat;) & tanta est sententiarum contrarietas, tanta verborum cavillatio, ut percipiendæ veritatis viam præcludere videantur. Eloquentiam vero quàm non facile consequamur, hinc licet perspicere, quod omni in tempore,

omni in ætate, pauci reperti sint, qui jure possint appellari eloquentes. His in facultatibus quum te conspiciam majorem in modum profecisse, gratulor tibi, qui vires ingenii in eo collocaris exercitio, quo & honori & utilitati possis confutere. Nam legum scientia opes ac divitias tribuet, necessarium vitæ humanæ præsidium; eloquentiæ autem adminicula maximum ornamentum afferent, & ipsa quoque admodum accommodata ad excolendam atque exornandam scientiam juris civilis. Neque vero est, quod te moveat communis error multorum, qui, pecuniæ gratiâ, jura ad injuriam convertunt. Semp̃er malorum copia bonos numero superavit, & vetus est sententia, *omnia præclara rara*. Omnes ferme ad juris doctrinam accedunt, lucri cupiditate, & quæstus causâ: quod cum sit tanquam præcipuus finis discuntibus propositum, eam justitiam veram esse ducunt, quæ sit quæstuosissima. Ita non æquitatis rationem ullam habent, sed nummositatis, cum ad id solum vacent, quod sit eis studiorum suorum & vitæ finis constitutus. Ubi vero lucrum abest, tum demum jus habetur pro injuria. Non, quid justitia requiratur, attenditur, sed quid emolumenti controversia possit asserre. Itaque melior ratio illa ducitur, quæ fuerit ditior atque opulentior. Ut plurimi negotiatorum parum quid in lucro proficiunt, nisi admodum mentiantur, ac fallendo mercaturas suas verbis extollant, sic magna pars Jurisperitorum parum utilitatis se putat posse consequi, nisi justitiam mendacio, æquitatem verborum præstigiis subvertant. Ita non ad juris, aut legum præscriptum, sed arbitrium dantis, aut porrigentis munus, disputant atque altercantur. Verum tu, quem excellens animi natura non magis ad literarum, quàm ad virtutis cupiditatem incendit, ex hoc communi doctorum grege, nulum * esse existimas, quod fuerit idem sejunctum ab honestate. Nolo autem, ut te redigas ad normam & instituta quædam ejus Philosophiæ, quæ felicitatem sola constituit in virtute; civilem enim vitam capeissentibus multa sunt præter eam necessaria: quanquam Philosophorum plures fuerunt qui appetiverunt, quàm qui contempserunt divitias. Vox vero ad

* nullum ju-

paupertatem cohortantium magis ore laudanda est, quàm re experiunda; nam durissimum est ac molestissimum, egenum atque inopem esse, adjumenta vitæ ab aliis demisso vultu petentem. Cum laudarem olim noti cujusdàm, qui in diem acceptis eleemosynis viveret, paupertatem, dicens illam liberam atque expeditam multiplicibus molestiis vacare, quibus reliqui implicarentur: *Vera sunt*, inquit, *amice, quæ a te dicuntur; sed tamen paupertas multis incommodis ac suspiriis referta est.* Neque veto est, ut verearis, ne rite consulendo, aut justitiæ favendo depresso jaceas, aut non reliquos longe antecedas & divitiis & dignitate. Multo majus atque acceptius est, boni & justì viri, quàm docti aut callidi nomen possidere. Maximi semper virtus etiam ab improbis habita est, quæ æstimatur, veneratur, colitur etiam ab invitis. Neque enim fieri potest, ut de quo confirmata jam sit virtutis opinio, non & honore, & auctoritate, & commodo ceteros antecellat. Quamòbrem primum, ut facis, virtuti a te dandam operam censeo, tum indulgendum totis viribus legum studio, deinde addenda esse his eloquentiæ ornamenta. Hæc te jacere non sinent, sed crigent altius, & in summo dignitatis atque honoris gradu collocabunt. Sed hæc tu melius potes cognoscere a sapientissimis viris, quorum in lectione continuo versaris. Quod autem in epistolæ tuæ principio & me collaudas ob doctrinam, atque eloquentiam, & meam operam tibi profuisse, ac propterea te mihi plurimum debere affirmas, vellem, ut amice scribis, ita & vere scribere contigisset. Sed tua in me benevolentia plus tibi de me, quàm requirit veritas, persuasit, & rem parvulam posuit summi beneficii loco. Nam ego homunculus sum rudis atque impolitus; rem vero admodum tenuem gratitudo animi magnam facit. Est quidem grati animi officium, non tantum beneficii, quantum voluntatis propensæ ad beneficentiam, rationem habere: quæ quoniam in me fuit, facile patior, non pro officio, quod nullum extitit, sed pro mea in te affectione mihi abs te gratias agi. Vale, & me, ut coepisti, ama. Bononiæ, die 10. Decembris.

EPISTOLA XLVIII.

Poggins P. S. D. Rinurio suo.



IDEO quid sentias de Podagrigo nostro, & ejus ministris. Certe sunt mendacissimi, nullaque iis fides præstanda, cum toties fuerint mentiti. Ego eis, aut eorum similibus, nihil credere decrevi. Summa benevolentia, quam habeo ad * Archiepiscopum Pisanum, quocum mihi jam ve-

*Valla, p. 316.

rus est ab ipsa adolescentia consuetudo, me coëgit, ut ad eum scriberem tam serio, quæ videbantur esse in honorem suum; non quidem meâ causâ, cujus ea nihil referebant *, sed suâ, cujus honori & famæ consultum volebam. Scis etiam quæ optimâ fiunt mente, quandoque interpretari iniquius a multis, & præsertim ab iis, qui se læsos putant. Non debet esse molestum Archiepiscopo, si sit certior eorum, quæ sibi obijciuntur, vera ne sint, an secus; nam vera possunt corrigi, negligi vero & purgari falsa. Sed tamen danda est opera, ne aliquam veluti causam demus ad minus recte sentiendum de nobis. Id recte fieri putatur, si neminem læseris, ne in parvis quidem rebus; sed tamen Cincius mihi dixit, sibi a gubernatore optime satisfactum; & cum sibi mihi que injuriam factam sciat, etiam si id casu aliquo accidisset, se esse sibi amicissimum. Neque vero ait, se unquam dixisse quædam, quæ scribis dici, ab eo esse dicta. Sed est nequitia hominum quorundam, ut, cum videant aliquam oriri inter notos similitudinem, conentur ferere mendacia, quibus ad inimicitiam perveniatur. Sed hæc hætenus. Locutus sum cum Gregorio de rebus tuis. Is suadet, ut venias; nam asserit Camerarium dicere, se tibi nunquam defuturum. Itaque suadeo idipsum & ego. Si is fidem servat, proderit tibi; si tergiversabitur, nihil oberit; nam

*Valla, p. 317.

apud nos vel legendo, vel obsequendo, melius eris, quàm Romæ. Veni igitur; &, cum hîc eris, colloquemur unâ; &, ut spero, fara viam inueniem. Multi sunt in Curia rudes & impudentes, quibus tamen nihil deest, nullo minus tibi. Vale, & me commenda Gubernatori. Bononiæ, die 15. Februarii.

EPISTOLA XLIX.

Poggins. P. S. D. Leonardo Aretino, V. Cl.



IR eloquentissimus, tuique amantissimus; Candidus noster Mediolanensis, misit ad me quendam libellum, in quo scriptæ sunt epistolæ duæ; altera Alphonſi Hispani ad Archiepiscopum Mediolanensem; altera sua, qua illi epistolæ responderet. Rescribit ille epistolæ tuæ, persistans in sententia. Candidus hoc indigne ferens, suscipit defensionem tuam, illumque acriter arguit. Loquitur Hispanus, ut mihi quidem videtur, admodum moderate. Tu tamen, quid uterque afferat facultatis ad rem, de qua agitur, legendo intelliges. Laudandæ sunt ejusmodi disceprationes, cum vacant contumeliâ, exercendi ingenii gratiâ susceptæ. Mitto igitur ad te libellum. Tu, si videbitur, respondebis Candido, agesque gratias pro sua erga te benevolentia; nam amici officio functus est. Vale, & me ama, ut soles. Bononiæ, 4. Idus Aprilis.



EPISTOLA

EPISTOLA L.

Poggius P. S. D. Feltrino Bojardo, Equiti Ferrariensi.



MITTO ad te oratiunculam, quam petis, scriptam a me in laudem Nicolai nostri. Nequam tamen satisfaciet tibi, cum neque mihi placeat. Sed volui, reliquis tacentibus, aliquid loqui vel ineptum, quod alios ad dicendum excitarem. Ægre equidem ferebam amicos suos, doctos præsertim, tandiu silere in causa tam honesta & digna, in qua aliquid excuderent ad memoriam tanti viri. Ipsi tamen sunt fortasse prudentiores, qui res suas edunt maturius ac elimatius: ego vero, stultorum more, quamprimum exprimo quod in buccam venit, & qui primus ad dicendum surrexi, opinor datum iri veniam infantæ meæ; malui enim inepte, quàm nihil scribere. Quod si cetera displicebunt, id saltem gratum esse debet, affectio ac pietas mea erga amici memoriam celebrandam. Cum laudatiunculam hanc transcripseris, remitte exemplar, & simul quid de ea sentias, fac me certiolem; magni enim facio iudicium tuum. Vale. Puer meus recte se habet a morbo, a quo jam convaluit. Bononiæ, 29. Maii.



EPISTOLA LI.

Poggii P. S. D. Guarino suo.



AURENTIUS de Prato præstantissimus; atque humanissimus inter medicos nostræ civitatis, est conjunctus mihi summâ benevolentia, ut inter nos major esse non possit. Is habet filium optimum adolescentem Sassarum, admodum deditum nostris studiis, in quibus evasit doctissimus.

Est singularis ingenii, & vitæ continentissimæ, ita ut mores superent vim ætatis. Quum Latinis sit plurimum eruditus, cupit adjicere ad doctrinam suam etiam cognitionem Græcarum literarum, quibus etiam paulum operam dedit. In hoc suo tam honesto desiderio non solum cohortandus est, sed etiam adjuvandus. Itaque, quum ad te proficiscatur discendi causâ, suscipe eum, oro, tuâ solitâ humanitate, & veluti filium erudias. Rem gratissimam facies patri, viro optimo, & doctorum omnium amicissimo. Adolescenti suppeditabis materiam ad laudem & gloriam comparandam: tu autem optime collocabis beneficium, instruendo hunc, qui sit vir insignis tuâ operâ futurus. Mihi vero facies rem ita gratam, ut quicquid in istum conferes officii & doctrinæ, id in meipsum collatum putem. Si ergo Poggii tui apud te honestæ preces valent, fac, te rogo, ut is intelligat has literas sibi plurimum profuisse. Annumeret ipsum inter filios tuos; aliquando enim plus laudis & voluptatis percipimus ex iis, quos bonis artibus educamus, quàm ex illis, quos procreavimus; cum illos voluntas, hos necessitas nobis tradiderit sublevandos, ut in aliis opera & pietas nostra laudetur, in aliis vis naturæ. Vale, &, si me amas, Sassarum quoque, ut pariter ames, velim. Scripsi nuper post obitum Nicolai nostri epistolam quandam

ad Carolum Aretinum, in qua dolui de morte sua. Postmodum, quum viderem nullum ex amicis aliquid scribere ad laudem suam, præstari ei munus, quod solum defunctis potest concedi. Edidi oratiunculam funebrem, in qua etsi non omnes suas laudes expressi, eas tamen, quæ tunc in mentem venerunt, stylo complexus sum, licet paucis; non enim multis utendum est verbis apud aures multorum ita delicatas, ut nihil probeant, nisi quod eloquentiam Ciceronis repræsentet. Epistolam ergo & oratiunculam tradidi Augustino de Villa tibi deferendas, ut eas legas quum otium erit. Nam licet parum culta sit oratio; quia tamen virum olim tibi amicissimum laudat, certus sum, quæ scripsi, te, etsi non mea, at saltem causâ mortui probaturum. Vale, & quid de eis sentias, rescribe. Bononiæ die 6. Junii.

EPISTOLA LII.

Poggins P. S. D. Francisco Barbaro, Equiti insigni.



IGNIFICAVI nuper per epistolam Carolo Aretino dolorem, quem suscepi ex morte Nicolai nostri, viri, ut nosti, præstantissimi inter ceteros nostræ ætatis viros. Expectabam vero in dies, ut aliquis ex his nostris doctoribus scriberet aliquid in laudem ejus, qui fuit doctis omnibus amicissimus.

Et quidem æquum erat, quempiam eorum, qui scribendo possunt, aliquid cudere, saltem exercendi ingenii gratiâ, in memoriam illius. Sed, quum viderem, nullum, quod scirem, id munus suscipere, arripui ego calamum, & inter multas occupationes cum publicas, tum privatas, paucis complexus sum, quæ ad ipsius commendationem spectabant: qua in re nihil mentitum me esse profiteor, nihil in eum contuli alienum suis moribus & doctrinâ. Summa enim fuisset impuden-

M m ij

tia, voluisse mendacem esse apud eos, penes quos semper vixerat, & oratio habetur. Quin potius vereor, ne parum cumulate recensuerim, quæ in ejus laudem verissime dici posse videbantur. Sed ea relinquo eloquentioribus, qui copiose & ornate cogitationes suas mandare literis possunt. Ego, mulierum more, quarum subita consilia prudentiora habentur, quicquid in mentem venit, primo impetu expressi, relinquens aliis uberem, si voluerint, scribendi facultatem. Cum autem sciam, te fuisse Nicolao, dum vixit, summo amore conjunctum, arbitror te libenter lecturum, quæ ad ipsius nominis famam pertineant. Itaque tradidi Hermolao nostro, viro humanissimo, & epistolam & oratiunculam, quas describi, & ad te deferri procuraret. Leges igitur illas, quum tempus otium tibi suppeditabit; & licet res parvi sit æstimanda, si auctorem consideres, tamen propter Nicolai memoriam tradas ceteris legendam; non enim, si satis digne pro Nicolai virtute a me scriptum non est, idcirco ejus nominis memoria est obliteranda: quanquam oportuerat laudes ejus, qui eloquentissimus extitisset, pari eloquentiâ fuisse descriptas. Sed ego, quod vir esmeæ tulerunt, officium præstiti, reliqui ornatius scribendi curam suscipient. Vale, & tuum mihi de epistola arque oratione verum & ex animo judicium perscribe. Bononiæ, die 10. Junii.



EPISTOLA LIII.

Poggins' Valasco.

XPECTAVI diutius, quàm tua perfidia ferebat, ut mitteres pecunias, quibus me fraudasti. Tenuerunt me suspensum quidam Portugalenses, qui adsunt in Curia, rogantes, ut æquo animo ferrem, quoad eis responderetur, quum se dicerent de hac re ad te scripsisse. Sed qui non es veritus per summum nefas decipere præsentem, multo magis absentem delusurum te cogitavi. Neque me spes fefellit. Nimum es impudens & fraudulentus, qui amicum, qui socium, qui in te confidentem, tam nequiter tuis verbis fallacibus decepisti. Si scivissem, te olim fuisse Judæum, nequam tibi assem credidissem; nam nulla spes est habenda in eo, qui legem priorem fefellit, ut præderet posteriorem. Neque Judæus, neque Christianus, utramque fidem pro nihilo habuisti: non ut nostram fidem sequereris, Christianus effectus es, sed ut, tuâ posthabita, quæstum faceres ex ea, quam e mentitus es, fide. Deus te perdat, pro fide infidelis. Si in priori fide perseverasses, erubuisses proximum tam turpiter fraudare. Ergo Christianus evasisti, ut fraudandi ac delinquendi licentiam tibi concessam putares. Parvus es corpore, sed nequitia maximus. Non jam amplius differam, quin patefaciam omnibus scelus tuum. Mistos facio nummos, qui tecum erunt in animæ perditionem; tecum mihi res erit, quem patefaciam iis, qui te non norunt. Locutus sum cum Episcopo Portugalensi, cui propter suam virtutem displicuit tua fraus, atque ægre tulit, cum qui oratoris regii nomen usurpat, tam turpi notâ regni sui gloriam maculasse. Bononiæ, die 17. Junii.

M m iij

EPISTOLA LIV.

Poggins P. S. D. Guarino suo, V. Cl.



ERI, cum revertissem ex Florentia, vir doctissimus Aurispa noster reddidit mihi tuas literas, quas legi summa cum voluptate; sunt enim refertæ humanissimis verbis, & singularis erga me amoris significatione. Sed hoc jamdudum mihi ipse persuasi, me a te unice & diligi & amari: ut, quamvis grata

mihi sit hæc tuæ in me affectionis commemoratio, tamen nihil novi abs te afferri videatur. Placet admodum, meam intercessionem apud te tantum valere, ut, quos tibi commendando, omni benevolentia atque officio complectaris. Oratiunculam nostram funebrem a te & Mæcenate nostro probari, summe lætor. Etenim, si ille pulcrum ducebat laudari se a laudato præsertim viro, cur non & ego summa jucunditate afficiar, commendari scripta mea a doctissimis & probatissimis viris? non enim imperitorum virorum judicium, sed eruditorum, auctoritatem solet rebus afferre. Itaque, licet eam orationem cognoscam multo inferiorem tuâ commendatione, tamen tali testimonio vires & robur apud legentes summat necesse est. Sed hæc hætenus. Mæcenas noster magna me de spe, quam de eo conceperam, dejecit. Loquor tecum aperte. Si tantum tribuit indoctis, quantum doctissimis, si eodem animo improbos probosque complectitur, si nihil inter vitia & virtutem discernit, si infames & scelestos ornat ac fover, jam ipse illis similis evadat necesse est. Nam aut *ἀνδραγαθῶν ἰσχυρὸν**, & *καὶ κατὰ τὴν ἀρετὴν*, & *ἐν αὐτῇ ἀγαθῶν ἐπιλογῇ* inter bonos & malos, aut *ἐμμετρῶς* illis, quos probat, quorum utrumvis tali viro indignum videtur. Quî enim aliter fieri potuit, ut monstrum informe, horrendum, omnibus notum, cujus fla-

* aptius hic
i. v. Repono
itaque *ἀνδραγαθῶν*
τῶν κατὰ τὴν ἀρετὴν.

gitia in vicis etiam decantantur, adeo extulerit, adeo in finem, ut ita dicam, receperit, ut etiam optimo ac continentissimo viro plura minime tribuisset? Doleo propter Mæcenatis famam, quæ admodum læditur apud doctos, quibus summa levitas videtur, adeo prolapsum esse, ut, quæ dignitas summis & egregiis viris in testimonium honoris tradatur, eam hic levissimo ac impurissimo histrioni, in signum turpitudinis, in notam ac maculam equestris Ordinis, concesserit. Atqui errat Mæcenas, si laudes plebeculæ hac ratione aucupatur, si popularis levitatis auram sequitur. A doctis & probatis viris dicta ac facta nostra commendanda sunt. Hi sunt qui nos possunt extollere, quorum laudes firmis radicibus nituntur. Sed quæ rerum monstra scribuntur, dii boni! adeo se oblitus est homo noster, ut etiam ingentia dona, magnæque præmia, ut ille gloriatur, literis largiatur. Tuum est, Guarine, monere illum, ut se retrahat, ut se contineat, ne fiat vulgi fabula. Etiam apud majores ista narrantur summa cum derisione. Si tibi videtur, legito ei has literas; amice enim scribo, & ex veritate. Scripsi hæc manu festinâ. Vale. Bononiæ, die 5. Julii.



EPISTOA LV.

Poggius P. S. D. Petro de Monte, Protonotario, V. Cl.



RECEPI, unà cum mulieribus tuis, literas quoque jucundiores quodammodo ipsis mulieribus, certe mihi suaviores; multa enim disputant de re uxoria; quæ quoniam te magis aliorum verbis, quàm re ipsâ cognovissè, atque audissè credo, missâ facio, neque eis respondebo, quæ tibi incognita esse arbitror. Ego quidem, qui periculum feci eorum, quæ in uxores scripta legeram, secundum ferme annum transgressus, summam voluptatem, præcipuam animi quietem ex conjugio percepi: qua in re tantum absum ab illorum opinione, qui uxorem ducendam minime putaverunt, ut eos ad eam sententiam magis natura perversa, & moribus a communi consuetudine abhorrentibus, motos atque inclinatos fuisse arbitrer, quàm mulierum culpâ. Hominem siquidem in communem usum, atque in publicam utilitatem procreatum esse sapientes volunt, quæ maxime duo in conjugio servantur. At nonnulla difficilis reperitur? id quoque in pluribus hominibus accidit, neque tamen propterea repudiantur a consortio mulierum. Quod si quis studia literarum per eas impediri putat, vivat licet in solitudine, ut libet, atque orbitate. Equidem Socrates, Plato, Aristoteles, multique præterea Philosophorum principes duxerunt uxores, neque ideo indoctiores evaserunt, aut a Philosophiæ studiis recesserunt. Multas secum molestias dicuntur asferre uxores; sed multò pluribus ac majoribus nos servuli afficiunt, instabiles atque infidi. Quum enim ad tempus servant, more metreticum, non hominem respiciunt, sed præmium: quod si absit, velut aves alium agrum quærunt, in quo sit uberior victus

videtur. Uxor vero curarum ac voluptatum conscia, tecum lætatur ac condolet, tibi respicit *, cum quo usque ad extremum diem novit se esse futuram, mœstum solatur, lætanti arridet, totamque se accommodat ad viri sui voluntatem. Quod si absque uxore vitam agas, aut ancillarum superbiam, aut famulorum petulantiam atque insolentiam subire oportet, qui, te flente, rident, ridente, tristantur, rodunt opulentum, pauperem contemnunt. Melior ergo & laudatior vita habita semper illorum, qui nuptiis vacarunt, quàm qui uxore caruerunt: utilior certe est, & reipublicæ accommodatior. Ego quidem in diem consolor magis, posteaquam in conjugio vixi, mihiq; persæpe succenseo, qui tam sero rectum viendi iter recognovi. Sed hæc hætenus. Munera tua fuerunt uxori acceptissima; pulchra enim sunt & venusta. Mihi autem nihil acceptius potuisses facere. Digna quidem sunt quæ mittantur a te, ac deferantur non solum ad Poggium, sed ad majorem virum. Ago tibi, meo atque uxoris nomine, gratias, & quidem ingentes: uberiores uxor, quæ vestem confecit, in qua forsân aliquid dignum conjugio moliemur. Tu vale mei memor. Bononiæ, die 18. Julii.

* Melius
prospicit.



EPISTOLA LVI.

Poggius P. S. D. insigni viro Leonello Equiti Estensi.



UPER cum in camera Pontificis esset sermo inter quosdam de epistolis Hieronymi, atque ego duo volumina ex eis pulcherrima me habere dixissem, subdidit quidam ex adstantibus, se mihi obtulisse pro illis octoginta aureos, neque tamen habere potuisse. Atqui, inquam ego, quondam Cardinalis sancti Xysti pluribus verbis sæpius me rogavit, ut eos codices sibi traderem, seque pollicitus est ex eis centum aureos daturum; præterea se loco muneris eas epistolas habiturum. Et forsan tum precibus, tum pretio motus vendidissem, nisi absterruisset me Nicolaus de Nicolis, qui tum censoriâ illâ suâ objurgatione multis verbis me retardavit, asserens id infirmi, atque abjecti animi, ac penitus alieni a literis signum fore. Quare permotus decrevi epistolas apud me continere. Hæc sentiens vir doctissimus, mihiq; amicissimus Aurispa noster, dixit te summe cupere habere similes epistolas in supellectili tua. Iraque admodum rogavit, ut vellem eas tibi vendere, neque in pretio ullam moram, aut dissensionem futuram. Ego, cum aliquandiu restitissem, decrevi tandem obsequi voluntati suæ, eo tamen pretio, quod aliàs oblatum erat, hoc est, ducatorum centum. Rogatu ergo Aurispæ misi pro codicibus, quos mecum habeo. Tua ergo res sit, velle aut nolle libros habere: utrum decreveris, æque mihi gratum erit. Non enim inopia illos a me abstraho, sed tibi satisfaciendi cupiditate. Hoc tamen affirmo, non esse in universa Italia, qui duobus codicibus aut plures habeat, aut pulciores epistolas, aut magna ex parte emendatiores. Eques tuus Reatinus, cum huc antea

ostentationis causâ accessisset (volebat enim omnibus esse notam stultitiam suam) dixit cuidam Ferrariensi, te sibi ostendisse literas, quas scripseram ad Guarinum de rebus suis. Hoc non existimo fuisse verum; attamen abs te scire cupio, an hac in re, sicut & in reliquis assolet, sit mentitus. Is postmodum iterum rediens, nonnullis quærentibus, se iturum dixit ad patrum: nonnullis vero, te illum destinasse Florentiam pro oratore. Periturum se e vestigio existimaret, si ullum verbum non mendosum, non fallax, non confictum prodiret ex ore suo. Veritate plenus est; nunquam enim aliquid veri protulit lingua ejus. Vale, Bononiæ die 24. Julii.

EPISTOLA LVII.

Poggins S. P. D. insigni Principi Leonello Equiti Estensi.



IR doctissimus Aurispa noster dedit mihi nummos aureos, quos misisti, & simul retulit, visum esse nonnullis, codices illos non esse tanti æstimandos; sed misisse te loco muneris quicquid dares præter æstimationem. Miror tam æquos librorum licitatores Ferrariæ repertos, tanquam ibi esse soleat excellens quædam librorum vendendorum officina, ut tam recti inveniantur, atque exercitati viri in auctione libraria. Profectò qui ita judicarunt, aut nunquam vendidere codices, aut perraro emerunt. Similes vero eos nunquam aspexisse certe scio: ut ridiculum videatur, recte potuisse æstimare rem, quam nunquam antea viderunt. At verò in hac Curia quoque, ubi & Florentiæ & librorum, & emptorum ac venditorum major est copia, secus multis videtur. Veruntamen quod das, libens accipio, sive pretio, sive dono id fiet. Nihil enim mea refert, ut inquit Terentianus ille, dum potiar modò. Quicquid autem largitum te credis, est mihi

N n ij

gratissimum, non tam te ipsâ, quæ parum quid est, a tali præsertim viro, quàm spe te deinceps ampliora daturum; est enim consuetudo bonorum Principum, qualem te esse videmus, perseverare in eo, quod bene cœperunt. Itaque magnasum in spe, te postquam ingressus es iter largiendi, progressurum ulterius in officio liberalitatis; præsertim erga eum, qui & libenter accipit, & a te libentissime. Utaris ergo sapius hac tua munificentia, quæ quidem rectius collocabitur, quàm apud thraſonem illum, qui proculdubio jamdudum esuriret cum illa sua magniloquentia, nisi in militiam, tanquam in asylum suæ inopiæ, confugisset. Quod autem de literis ostensis fuerit mentitus, non est mirum, mihi præcipue, qui novi Proteum illum ita totum ex mendaciis confictum, ut continuo se putaret interiturum, si quid verum proferret. Quum enim mendacia plus sibi ad hanc diem profuerint, quàm docendi ludus, aut antiqua militia, aut ars memoriæ, digna res est, ut in eo se exerceat, quod sibi intelligit profuisse. Vale, & me, ut soles, ama. Bononiæ, die 15. Augusti.

F I N I S.



INDEX

IN HISTORIAM DE VARIETATE

FORTUNÆ.

Littera N notas indicat.

A



Bailardus filius Humfredi
Principis Normannorum,
pag. 54.

Adamantum inveniendorum
ratio apud Indos, 145.

Adena urbs, 139

Ædes Castoris & Pollucis, 11. Miner.

vz, *ibid.* Telluris, 12. Concordiæ

ibid. Mercurii, 13. Junonis Lucinæ,
ibid.

Æthiopia, 150

Æthiopes vitæ longissimæ, 150. Quæ-

dam de eorum Religione & moribus,
ibid. & seq.

Agriensis Episcopus contra Turcas pu-
gnans, nunquam postea apparuit, 118.
& in not.

Ala filia Roberti Frisii Comitis Flan-
driæ, uxor Rogerii I. 54. N.

Alberada prima uxor Roberti Principis
Normannorum, 54. N. Ab eo-
dem ob consanguinitatem dimissa,
ibid.

Albenigarus mons, 145. Adamantes
pignit, *ibid.*

Alexander V. Pontifex Bononiæ mo-
ritur 59

Alexandria a Petro Rege Cypri capu-
gnatur, 48. & N.

Alidosius Ludovicus urbem Imolam pro
Ecclesiâ iusto imperio tenet, 71.

Eandem urbem amittit, *ibid.* Me-
diolanum ducitur, *ibid.*

Amadeus Sabaudix Dux, Basileæ Pon-
tifex creatur, 99.

Anacletus Pseudo-Pontifex Rogerium
Siciliæ Comitem, primum Siciliæ Re-
gem creat, 55. N.

Andamania auri insula, 130. Eam incol-
lunt Anthropophagi, *ibid.*

Angli quo anno primum in Britanniam
migrarunt, 40. & N.

Angliæ Regnum ex Saxis, Anglis & Ge-
ris constitutum, 40. Ejus initium, *ibid.*

Laudatur, *ibid.*

Antonini columen cochlea, 19. Tem-
plum, 11.

Anthropophagi Andamaniam auri insu-
lam incolunt, 130

Apollinis templum, 13

Apulia subacta ab Humfredo Norman-
norum Principe, 54

Aqueductus Romæ quot, 16

Aragonum Rex *Alphonfus*, 105. A Johana
Regina Neapolit. in filium adopta-
tus, in auxilium accitur, *ibid.* Arci-
bus maritimis præficitur, & Regnam
egregie defendit, *ibid.* Regno præest,
ibid. Mutato Reginz animo Regno
pellitur, 106. Irâ inflammatus magnâ
classe instructâ Neapolim capit, *ibid.*

In Hispaniam redit, *ibid.* Mosliana

N n iij

depopulatur, *ibid.* A Joanne Antonio Urmino, Principe Tarentino, ex Sicilia accessit, *ibid.* Caietam obsidens capitur a Januensis, *ibid.* Ad Philippum Mariam Mediolani Ducem deducitur, a quo benigne excipitur, 107. Initio federe cum Mediolani Duce in Regnum Neapolitanum redit, *ibid.* Per intestine factionem Caietam capit, *ibid.* Capuam, Averfam, & Neapolim secundum expugnat, *ibid.* Solus Regno potitur, *ibid.*

Arcus Romæ quot, 15
Aretium a Carolo Principe Dytraghino occupatur, 56
Arotani flumen ita piscibus refertum, ut manibus prehendi possint, 142
Ava urbs, 133. 134.
Aversa urbs a Rannulpho Normannorum Duce condita, 53. Ab Alphonso Aragonum Rege capta, 107.
Augusti dictum de urbe Roma, 10. Sepulchrum, 12.

B.

BACHALI, sacerdotum genus, apud Indos, 138. 141.

Bajazet in ferream caveam a Tamerlano conclusus, 36

Baldochia civitas, 127

Bandam insula, 136

Baptisollis arx, 109

Barbora portus, 132

Basileense Concilium, 95

Bathech insula, 131

Beda in historia Gentis Anglorum deceptus, in assignando adventu Anglorum in Britanniam sub Marciano duce, 40. N.

Bentivolus Johannes Bononiz dominus, 75. federe cum Florentinis conjunctus, *ibid.* per suam clementiam ac lenitatem erga populum sibi perniciem affert, *ibid.*

Bergonium a Francisco Carminiola expugnatur, 104. Venetis traditur, *ibid.*

Bernabos cum nepote Joanne Galeatio Mediolanum tenet. 62. Brixiam, Cremonam, Parmiam & Placentiam occupat, *ibid.* quatuor suscepit liberos, *ibid.*

ejus bellum cum Florentinis, quibus Mintatem oppidum ab incolis proditum cedit, *ibid.* Urbano V. Pontifici restitit, *ibid.* per colloqui speciem a nepote capitur, & in custodiam traditus interit, *ibid.*

Bizenegalia, 128. & N.

Bonifacius I. X. mittit in Angliam Legati nomine Petrum de Boico Episcopum Aquisensem, 42. creat Cardinalem Balthasarem Cossam, 52. Vide Cossam.

Bononia, 63. Bononiz moritur Alexander V. Pontifex, 52.

Boico (Petrus de) Episcopus Aquisensis, 42. & N. a Bonifacio I. X. in Angliam Legatus mittitur, *ibid.* sacris vestibus a Richardo II. donatur, 42.

Brachius Perusinus per civiles Perusinorum factiones denuo pulsus, 71. Ob res egregie gestas Dux Equitum & petendum a Johanne Pontifice declaratur, 74. Perusium obsidet, *ibid.* Carolum Malatestam capit, *ibid.* ad Regnum Neapolitanum animum adjicit, *ibid.* Aquilam obsidet, ubi occiditur, *ibid.* ejus cadaver Romam allatum & obiectum feris, *ibid.*

Brammones Philosophi & Astrologi apud Indos, 130. & N. 142.

Brixia a Bernabovo occupatur, 62. expugnatur a Francisco Carminiola, 104.

Bucicaldus, 64. N. ejus jussu Gabriel filius spurius Joannis Galeatii capite Genus plectitur, *ibid.*

Buſſetania, 132

Burgundiz Dux occiditur, 48

Butillus Urbani VI. nepos, 56. 72. claudens a Genuensibus conducit, ut Regnum Neapolitanum invaderet, 57. Genuam fugere cogitur, *ibid.* ejus calamitates post Urbani mortem, 80.

C.

CÆSARINUS Cardinalis S. Angeli, vide Julianus.

Cahila urbs,

Calabria devicta a Roberto fratre Humfredi Principis Normannorum, 54.

INDEX

187

Calacatia nobile Perfarum emporium,

118.

Calamia urbs, 129. Not. S. Thomas ibi
martyrium fuit, *ibid.*

Cambaleschia, 134

Camerinum a Nicolao Fortebrachio
obsessum, 105.

Capuz Princeps *Jordanus*, 51

Carazolus *Othius* iussu Joanne II. Nea-
polit. Reginz Joannem Ducem Venu-
finum interficit, 103.

Carminiola (*Franciscus*) belli gloria cla-
rus, 103. obscuris parentibus natus,
porcos pavit, *ibid.* ab equite rapi-
tur in castra, vivente adhuc Medio-
lani Duce seniore, *ibid.* Philippo Du-
ci Mediolanensi ad propellendos ex
urbe hostes precipuam operam præ-
stat, 104. à Philippo exercitui & bel-
lo præficitur, *ibid.* Trecium, Bergo-
mum, Brixiam, Cremonam, Parmam
& Januam in suam potestatem redi-
git, *ibid.* ejus iustitia ac severitas, *ibid.*
ob nimiam felicitatem rerum, in invi-
diam Philippi incurrit, *ibid.* abdicat
imperio exercitus Venetias petit,
ibid. Auctor est Venetis, ut contra
Philippum pro Florentinis arma ca-
pian, *ibid.* bello præficitur, *ibid.* Bri-
xiam expugnat, *ibid.* Ducis Mediola-
nensis exercitum profligat, *ibid.* eun-
dem ad pacem petendam compellit,
ibid. in altero bello, quod Venetorum
classis prælio fuit inferior, accitus
Venetias capite damnatur, *ibid.*

Carolus V L. Rex Francorum, 46. ejus
pugna cum Flandris ad Rosbecam,
46. 47. & N. amens factus, *ibid.*

Carraria familia, 65. Patavii primaria,
67.

Carrariensis senior (*Franciscus*) primus
Patavio imperat, 67. laudatur a Pet-
zarcha, *ibid.* ejus bellum contra Vene-
tos, 68. sedus icit cum Rege Hun-
gariz & Genuensibus, & pacem init
cum Venetis, *ibid.* & N. Modortiz
obit in carcere, *ibid.* N. Franciscus
Carrariensis junior dictus Patavium
capit, 68. Veronam, *ibid.* arma mo-
ver contra Vicentinos, 69. amittit
Veronam, *ibid.* a Venetis strangula-
tur, *ibid.*

Castoris & Pollacis Aedes; 11

Catalani Jano Cypri Regi in auxilium
veniunt, 50. primi in pugna contra
Soldanum distinguunt, *ibid.*

Cathaium, 134

Cati volantes ubi, 137

Catignola (*Franciscus*) Picenum subigit,
25. varia oppida Romanz Ecclesiz
expugnat, *ibid.* Eugenium IV. ad pa-
cem compellit, *ibid.* Vexillifer Ro-
manz Ecclesiz declaratur, *ibid.* Re-
cuperat Ecclesiz Romanz oppida a
Nicolao Candola devicta, 23.

Cavalcaboves Cremonz *Domini*, 70. de-
cem ex hac familia ad cenam invitati
occiduntur a Gabrino Cremonensi, *ibid.*

Caudola *Jacobus* dux belli creatur ab Eu-
genio IV. Pontifice adversus Martini
Pontificis nepotes, 89. 90. pecuniâ
corruptus deficiit ad hostes, *ibid.* fac-
dere conjungitur cum Joanne Duce
Venusino, 103.

Cendergharia urbs, 139. & N.

Cerdicius Rex primus Anglorum, 40. N.

Cernove insula, 131

C. Cestii sepulchrum, 2. & N.

Christiani S. Thomz quinam sic appel-
lati, 139. N. iidem Nestoritæ dicti,
ibid. & quare, *ibid.*

Christianorum centum & quadraginta
millia ad Themas Diocletiani fabri-
candas adhibita, 15

Ciampa urbs, 136

Cimbron quid, 48. Utrum Marii an Do-
mitiani trophæa? 2. N. Celsus Citra-
dinus primum ea detexit, *ibid.*

Circus Agonalis, 18

Clodovzus primus Rex Francorum Chri-
stianus, 45. Remis a S. Remigio bap-
tizatur, *ibid.* N.

Cocym urbs, 137

Coerare antiquitus pro curare, 8. & N.

Coliseum, 17

Collicuthia urbs, 138. & N.

Coloen urbs, 136

Colonguria, 138. & N.

Columaz cochleæ Trajani & Antonini.

12.

Combahita urbs, 138. 131. in hujus
urbis regione, sardonius lapis reperi-
tur, *ibid.*

Cometes, 65. quoties apparet, calamita-

INDEX.

282

ceps Normannorum, 54. & N. Neapolitani Comitit Nazonis prodicione occiditur, *ibid.*

Durianum quis fructus, 131

Dyrrachinus (*Carolus Princeps*) ex Hungaria in Italiam ab Urbano V Pontifice vocatur, 56. Acretum occupat. *ibid.* Regnum Neapolitanum ingressus fundit hostes, *ibid.* Reginam Johannam captam pulvillo ori superinjecto ad mortem compellit, *ibid.* Regni Neapolitani partem Butillo Urbani V nepoti falso promittit, 57. Hungariz Regno potiri in animo habens, occiditur, *ibid.* Duos filios relinquit, 58. Johanna hæres Regni, Ladislao fratre mortuo, declaratur, *ibid.*

E

ELIPSIS, 86
Elephantos capiendi ratio apud Indos, 132. 133.

Eugenius IV. Pontifex, 86. & seq. Martini Pontificis nepotibus bellum infert, *ibid.* Belli ducem declarat Jacobum Caudolam, qui pecuniâ corruptus ad hostes deficit, *ibid.* & 20. Nicolaum Stellam copiarum ducem creat, qui pariter contra Pontificem se convertit, *ibid.* Francisco Car:agno:la iter per Picenum ita concedit, ut nihil moveat, 91. Pontifex fallitur, qui cernens multa a Caignola Romanæ Ecclesiæ diripi oppida & capi, de pace agit, Caignolam Ecclesiæ vexilliferum declarans, *ibid.* Metuens populi Romani contra se seditionem, veste monachi indutâ, naviculâ clam Ostim devehitur, & inde Florentiam concedit, 93. Romæ Sigisfundo Imperatori coronam imponit, 93. Jo:annis Cometani consiliis ad Regnum Neapolitanum animum adjicit, 94. Ferrariam petit Concilii celebrandi gratiâ, 97. Basileæ Pontificatu dejicitur, 99. avidus Europæ ab Infidelibus liberandæ, bellum parat contra Turcas, 117. peste coactus Florentiam transit Fer-

Franciscum Comitem conspirat, 110. Nicolaum Parvulum in auxilium acersit, *ibid.* Multa oppida recipit, *ibid.* Florentiâ Senas, & paulo post hinc Romam adit, *ibid.* Moritur, 64. N. 121.

F

FELTRIUS Franciscus Urbini Comes, 108. Opem fert Venetis, *ibid.*

Florentia, 60. ibi moritur Joannes XXII. Pontifex, *ibid.*

Florentinum Concilium, 95. hujus litoria, *ibid.*

Fortebrachius Nicolaus Eugenium Pontificem bello laceffit, 105. dum Camerinum obsidet, occiditur, *ibid.*

Fortuna quid sit, 26. 27. & seq.

Francorum gens laudatur propter defensos Romanos Pontifices & Fidem Catholicam, 41. 46. Francorum Regni initium, 45. & N. Francorum nomine Christiani designati, 46. & N.

Julii Frontini liber a Poggio repertus, 16.

G

GABRINUS Cremonensis Cavalcaboves ab se ad carnem invitatos interimit, 70. Cremonæ potitur, *ibid.* capitur, & in carcerem ducitur, 71. capite damnatur, *ibid.*

Galeatus Joannes, 63. literatos coluit, *ibid.* liberalis erga viros nobiles in cægestate versantes, *ibid.* regis virtutibus præditus, *ibid.* ejus tria bella cum Florentinis, *ibid.* omnem fere Lombardiam subigit, *ibid.* tres relinquit filios, *ibid.* & N. ante ejus mortem comes apparet, 65

Galeatus Joannes Maria Joannis Galeatii filius, 64. ob imperii asperitatem in templo S. Gothardi interficitur, *ibid.* N.

Galeatus Philippus Joannis Galeatii filius repente obit, 64. N.

Galeatus Gabriel filius Spurii Joannis (C) Genuæ capite obruncatur,

- Joannes Galeatio, *ibid.*
 Genua expugnatur a Fran. Carminiola 104
 Genuenses capiunt Jacobum patrualem
 Petri Regis Cypri, 50. Genuam per-
 ducunt, & detrudunt in turrim, *ibid.*
 & N. cum Venetis bello certant, 50.
 N. fœdus ineunt cum Francisco Car-
 rariensi seniore, 68.
 Gidda portus, 139
 Gingiber ubi reperitur, 128. unde ex-
 trahitur, *ibid.*
 Gisulfus Princeps Salernitanus, 54. N.
 Gregorius XII. ab Innocentio VII. Car-
 dinalis creatus, 6. de Pontificatu deji-
 citur Pis & Constantiæ, 61.
 Guid. Relinquit vitiis omnibus infi-
 gnem, *ibid.* & 115.
 Guinifius Paulus, 76. tyranni mores se-
 quitur, *ibid.* ejusdem fœdus cum Flo-
 rentinis, *ibid.* ob fœdus violatum Flo-
 rentini eidem bellum indicunt, *ibid.*
 captus unâ cum filio ad Philippum
 Mariam Mediolani ducem mittitur,
 & in carcere perit, *ibid.* & N.
 Gentilis Petrus ex familia Varani capite
 mulciatur, 111

H

- H**ADRIANI moles, 19
 Henricus Imperator, 67
 Henricus V. Angliæ Rex Francis bellum
 infert, 48. Parisium capit, *ibid.*
 Henricus Dux Herefordiæ frater patru-
 elis Richardi I. L. 44. Declaratur Rex in
 ejus locum, *ibid.* Richardum in carce-
 rem conjicit, *ibid.*
 Historiæ utilitas, 1
 Honorius Pontifex, 55
 Humfredus Princeps Normannorum, 54.
 universam Apuliam subigit, *ibid.* Abai-
 lardum filium habet, *ibid.*

I

- J**ACOBUS Marchiæ Comes ex stirpe
 Regia Francorum in Regnum Nea-
 politanum accitit a Joanna Regina,
 58. invitâ Reginâ se Regem appellat,
ibid. Reginam in custodiam tradit, *ibid.*
 excitato populi tumultu in arce obfi-

- detur, & Regno ejicitur, *ibid.*
 Jacobus patruelis Petri Regis Cypri a
 Genuensibus capitur, 50. Genuam per-
 ducitur, *ibid.* & N. in turrim detru-
 ditur, *ibid.*
 Janus Rex Cypri a Saracenis capitur,
 50. auxilium a Christianis Principibus
 implorat, *ibid.* persolutâ grandi pecu-
 niâ redit in Regnum, *ibid.*
 Java avis, 135. hoc nomine duæ insu-
 læ, *ibid.*
 India quot in partes divisa, 139
 Indorum mores & Religio, 139. & seq.
 Innocentius VII. vide Gregorium XII.
 Joanna I. Regni Neapolitani Regina, 56.
 Andream virum suum turpi morte
 afficit, *ibid.* Florentiam fugit, *ibid.* in
 Regnum redit, *ibid.* ejus mors, *ibid.* N.
 Joanna II. Neapolis Regina, 52
 Joanna Caroli byrrachini soror vidua
 hæres Regni Neapolitani, 58. nubit
 Jacobo Comiti Marchiæ, *ibid.* con-
 tempta & cullodiis sepe, *ibid.*
 Joannes XII. vulgo XXIII. vide Cos-
 tam.
 Joannes patruelis Petri Regis Cypri in-
 terficitur, 50. N.
 Jordanus Capuæ Princeps, 53. N.
 Jovis Statoris templum, 13
 Julianus Cardinalis S. Angeli, 95. ei-
 a Martino Pontifice cura Concilii Ba-
 sileensis demandatur, *ibid.* ab Euge-
 nio Pontifice mittitur ad componen-
 dam pacem inter Reges Poloniæ &
 Hungariæ, 117. & N. in bello con-
 tra Turcas occiditur, 119. & N.
 Junonis Lucinæ ædes, 23
 Jurisjurandi ratio triplex apud Indos,
 146. 147.

L

- L**ABBEUS Philippus deceptus in sta-
 tuenda die mortis Martini Pontificis,
 86. N. idem correctus, 100. N.
 Ladislaus pubes adhuc Regno Poloniæ
 succedit, 116. ab Hungaris creatur
 Rex, *ibid.* bellum suscipit contra Tur-
 cas, 117. multas nationes subigit, *ibid.*
 ab Infidelibus occiditur, 118.
 Lapis sardonius ubi reperitur, 128
 Larinus lacus, 64

INDEX.

291

Ludovicus Cardinalis Patriarcha Aquileiensis ab Eugenio IV. ad bellum contra Franciscum Comitem administrandum eligitur, 121.

Ludovicus Dux Aurelianensis occiditur a Burgundia Duce, 47

Ludovicus Rex Hungariz, 57

Ludovicus ex stirpe regia Francorum Joannem Neapolis Reginam opprimunt, 105. Regnum Neapolitanum ingreditur annuente Martino Pontifice, *ibid.* obtinet provinciam Calabria, *ibid.* a Joanna Regno præficitur, 106. moritur Renato fratre hærede Regni instituto, *ibid.*

Lupi M. Antonii sepulchrum, 10

Luscus Antoninus Poggii amicus & a secretis Martini V. & N.

M

MACINUM provincia, 131
Malabar, 129. & N.

Malatetta Carolus capitur a Braccio Perusino, 74

Malpuria urbs, 129. & N.

Marahatia urbs, in qua ligni aloës, aurum, argenti, & gemmarum magna copia, 131

Marcanda Tamerlani Regia, 37

C. Marii dictum de se, & de Carthagine, 6. & N.

Maximus V. Pontifex, 5. & N. 85. 86. 89. Basileæ Concilium indicit, 95. hujus curam mandat Cardinali S. Angeli, *ibid.* Decreta varia ante ejus mortem, 86. 87. ejus mors, *ibid.* N.

Mafius Thomæ supplicio affectus, quod arcem S. Angeli Columnenſibus tradere voluit, 100

Mazzerius (Philippus) Cancellarius Regni Cypri, & Francisci Petrarchæ amicus, 49. N.

Mediolanum, 61. 62. & *passim*.

Melancota, 138. & N.

Mercurii ædes, 13

Metellæ Q. Cæcilie sepulchrum, 19

Minervæ ædes, 11

Moenia Romæ quando & a quibus Pontifi-

N

NEAPOLIS urbs antiquitate illustris, 51. 52. ab Alphonsio Rege Aragonum capta, 106. 107.

Nempeai, 134

Nestoritz & Nestorini qui, 129. & N. 138. 139. 141.

Nicolaus V. Pontifex, 122

Nicolaus Venetus, 126. de ejus in Indiam peregrinatione; *ibid.* & *seq.* ut se, uxorem ac liberos servet, fidem Christianam abnegat, *ibid.* veniam impetrat a Nicolao V. *ibid.*

Nicosia urbe Saraceni potiuntur, 51

Nilus, 149. ejus situs, *ibid.* & in Præfatione quarti libri hujus Historiz.

Normanni quando in Italiam adveniant, 52. 53. & N. Turtinum cognomento Scitellum sibi præficiunt, 53.

Novaria, 64

O

OBELISCI quot Romæ, 10

Odeschiria urbs, 129. & N.

Otho III. ex familia Parmensi, 69. Placentiam, Parmam, Rhegium captas diripit. *ibid.* ejus crudelitas, 70. Marchionem Ferrariensem bello laceſcit, *ibid.* per speciem fœderis in colloquium evocatus perimitur, *ibid.*

P

PACHAMURIA, 128

Pacis templum a Vespasiano constructum, 10

Paluria urbs, 138. & N.

Pancovia, 135

Pantheum, a quo & quo tempore conditum 10. & N. ejus trabes æneæ, *ibid.* pondus ejus æris, *ibid.*

Papia, 64

Parisiorum urbs antea Lutetia dicta, 45. propter loci amoenitatem a Clodoveo Regni sedes delecta, *ibid.* N.

Parma, 61. a Bernaboe occupata, 62. 69. a Francisco Carminiola expugna-

- deficiunt. *ibid.* & 98. in Langobardiam recedit, 109. ab Eugenio Pontifice in auxilium contra Franciscum Comitem accersitur, 100
- Patavium, 66. 67. suis legibus & institutis vivit, *ibid.* capta a Mastino Scalligero seniore, *ibid.* filii culpā amissa, *ibid.*
- Pelagonda, 129
- Perfide fides & iurandum, iuraque societatis sanctissima, 128.
- Petrus Rex Cypri Saracenis bellum infert, 50. Egyptum aggreditur, Alexandriam expugnat, 49. cogitur Cyprium redire, *ibid.* rursus contra infideles copias colligit, *ibid.* a fratre interimitur, *ibid.*
- Piccininus Nicolaus, vide Parvulus.
- Pisanus Antonius laqueo suspendi iussus a Cardinali Cornetano, 112
- Pisces Arotani fluminis, qui manu tenet, in scfrim incidit, deponens sanatur, 148
- C. Publii sepulchrum, 8. N.
- Placentia a Bernabov occupata, 62. 67.
- Poccus Oddo Vice-Camerarius Martini Pontificis, 101
- Poggus a Secretis Nicolai V. Pont. 1. N. Diodorum Siculum & Xenophontem latine interpretatus est, *ibid.* & 3. decipitur in assignando initio Regni Francisci, 45. & in historia Normannorum, qui primum in Italiam profecti, 51. in prædonum potestatem venit, 92.
- Pompeii theatrum, 18
- Pons Caligulae, quo Capitolium Palatio conjunxit, 22
- Portus urbis Romæ triginta septem, 13
- Prodigia, 65. 86. 87.

Q

QUADRELLIS (Aufchetillus de) primus ex Normannis in Apuliam proficiscitur cum suis fratribus, 12. N.

R

RANNULPHUS Normannorum Dux Averfam urbem condit, 13

- Remi sepulchrum, 19. N.
- Rhegium, 64. 69
- Richardus 1. L. Rex Anglorum, 41. uxorem duxit Annam Vincellai Romanorum Imperatoris filiam, *ibid.* N. expeditionem suscipit adversus Scotos & Hibernos, 41. 42. impietatis flagitia perpetrat, 41. N. ejus liberalitas erga duos viros equestri ordinis & erga Episcopum Aqueensem Bonifacium I. X. Legatum, 42. 43. Thomam Glocestriz Ducem morte afficit, 43. Henricum Ducem Herefordiz in exilium mittit, *ibid.* & N. ab eodem Henrico evocato per proceres obsidetur, Regno spoliatur, & in carcere fame assumitur, 43. 44.
- Ridus Antonius Cardinalem Cornetanum capit, 113
- Robertus Frisius Comes Flandriz, 54. N.
- Robertus Humfredi frater Principis Normannorum, 54. propter astutiam Piscardus cognominatus, *ibid.* & N. Calabriam & Siciliam sibi subdit, *ibid.* Græciam & Africam bello lacescit, *ibid.* obtinet Comitatum Apuliz tutelæ nomine anno 1056. *ibid.* N. ob consanguinitatem dimittit primam uxorem Alberadam, *ibid.* ducit Sikelgaitam Gysulphi Salernitani Principis sororem, *ibid.* ex secunda uxore Sikelgaita habet Rogerium filium, qui ei post mortem succedit, *ibid.*
- Robertus Normannus, 52. primus cum Richardo in Apuliam profectus secundum Poggii sententiam, *ibid.*
- Robertus Puppilii Comes Joannis Galeatii partes sequitur, 109. pace composita ad Florentinos redit, *ibid.* filium relinquit tutelæ Florentinorum, ad quem deficit Nicolaus Piccininus, *ibid.*
- Rogierius 1. 54. N. uxorem ducit Alam filiam Roberti Frisii Comitiss Flandriz, *ibid.* N. quando obiit, *ibid.* N.
- Rogierius Siciliz Comes, Dux Apuliz, 55. N. Anacleto pseudo-Pontifici favet, *ibid.* ab Anacleto primus Rex Siciliz & Regni Neapolitani Rex declaratur, *ibid.* in Africam transit, Tripolim & Tunisim capit, *ibid.* a S. Bernardo tyranni & usurpator corona regis appellatur, 55. N.

Roma laudatur, 6
 Romanorum mos ætate Poggii antiqua
 marmora & monumenta in calcei usum
 convertendi, 12. in hanc consuetudi-
 nem *Æneæ Silvii* epigramma, *ibid.* N.
 Romuli templum, 11

S

SACRARIUM Senatûs Theodosii
 tempore, 12
 Saillana insula, 130
 Sandai insula, 136
 Saraceni bello læcessiti a Petro Rege Cy-
 pri, 50. Janum ejusdem insulæ Regem
 capiunt, *ibid.* secum adducunt, 51.
 Nicollia urbe potiuntur, *ibid.*
 Sardonius lapis ubi reperitur, 118
 Saturni templum, 13
 Scafusa oppidum, 60. Huc concedit Jo-
 annes X X I I. Pontifex, *ibid.*
 Scalæ familia primaria Veronæ, 65. cen-
 tum ferme ac septuaginta annos Ve-
 ronæ dominio potita, *ibid.* hujus fami-
 liæ Principes a cane cognominati,
 66. Antonius Scaliger, *ibid.* cum Pa-
 tavinis bellum gerit, *ibid.* in eum Dux
 Mediolani arma movet, *ibid.* Venetias
 fugere cogitur, *ibid.* fratrem occidit
 Bartholomæum, ut solus teneat, *ibid.*
 & N. Veneno e vita tollitur, *ibid.* e-
 jus nimia solitaria vita arguitur, 67.
 ipse quoque suam calamitatem solita-
 riæ vitæ tribuit, 67. Martinus senior
 Patavium sibi subdit, & amittit stu-
 præ a filio muliere, *ibid.*

Schafma sub Urbano VI. 56. 79
 Scitellus *Tuscanus* Dux a Normannis e-
 lectus, 53. & N. veneno necatur, *ibid.*
 Seclutera insula, 138
 Semenda avis moriens incumbit igni sua-
 vissime canens, rursus ex cineribus
 nascentis, 147
 Sepulchrum C. Publicii juxta Capito-
 lium, 8. id Publicio honoris virtutis-
 que causâ permissum, cum locus se-
 pulcræ in urbe esset vetitus, *ibid.* &
 N. C. Cestii prope portam Ostien-
 sem, 9. & N. a Francisco Petrarcha
 descriptum, *ibid.*

tellæ, *ibid.* M. Antonii Lupi, 20.
 Sicilia devicta ab Robertto fratre Hum-
 freddi Principis Normannorum, 54
 Sigismundus Imperator Senis sædus inuit
 cum Eugenio IV. 92. Romam ad co-
 ronam suscipiendam petit, 93. qua
 die hoc factum, 92. N. quando coro-
 nâ ferreâ Mediolani redimitur, *ibid.*
 N. Eugenio promittit se ipsius partes
 secuturum contra Basileense Conci-
 lium, 93.
 Sikelgaita soror Gisulfi Salernitani Prin-
 cipis, secunda uxore Roberti Prin-
 cipis Normannorum, 54. N.
 Silvii *Æneæ* epigramma in Romanos mar-
 morea monumenta in usum calcei con-
 vertentes, 12. N.
 Soldanus Ægypti Rex contra Janum Cy-
 pri Regem bellum parat, 50. Janum
 capit, & hujus fratrem interficit, 51.
 Statuæ quot Romæ Poggii ætate, 10. 11
 Stella (*Nicolaus*) dux copiarum Marti-
 ni Pontificis, qui postea ab eo des-
 cisit, 90
 Sufinaria provincia, 136

T

TABULARIUM publicum veterum
 Romanorum temporibus in Capito-
 lio, 8. & N. idem Poggii ætate re-
 ceptaculum salis, *ibid.* institutum a
 Paulo V. *ibid.*
 Tamerlanus, 26. ejus victoria de Baja-
 zete, *ibid.* cum Annibale compara-
 tur, 37.
 Tancredus Dux Apuliæ, 54. N.
 Taprobana insula, 127. 130
 Tartalia dux belli haud ignobilis, 110.
 cum eo Joannes Cornetanus stipendia
 meret, *ibid.*
 Tarvisum captum a Francisco Carra-
 rienfi seniore, 68. idem Veneti recu-
 perant, *ibid.*
 Telluris ædes, 12
 Templum Pacis a Vespasiano constru-
 ctum, 10. Romuli, 11. Antonini, *ibid.*
 Vestæ, *ibid.* Saturni, 13. Apollinis,
ibid. Jovis Statoris, *ibid.*
 Tauri in Tauris, 2. & N.

Thermæ, earumque numerus, 14. & N.
 S. Thomæ corpus ubi asservatur, 14.
 & N.
 Torpedo piscis, 148. ejus effectus, *ibid.*
 Trajani columna cochlea, 19
 Treccium expugnatum a Francisco Car-
 miniola, 104
 Triciorum gens antiqua, 107. Fulgino
 & multis oppidis Romanæ Ecclesiæ
 nominæ præstet, *ibid.* Vide Conradus.
 Tripolis capta a Rogerio Siciliæ Comi-
 te, 15
 Tunis ab eodem capta, *ibid.*
 Turcæ Christianos vincunt, 117. & seq.
 Turres Romæ Poggii tempore trecentæ
 septuaginta novem, 23
 Turræ familia, 61

V

VAVODA Joannes Turcas vincit,
 116.
 Varanus Petrus capite mulcatur, 111
 Varvaria civitas, 142
 Veneti & Genuenses bello inter se cer-
 tant, 50. N. contra Ducem Mediola-
 nensem bellum gerunt, 104. Carmini-
 olam capite damnant, *ibid.*
 Venetus Nicolaus: vide Nicolaus.
 Venuſinus Dux Joannes, 102. a Joana
 II. Regni Neapolitani Senefcallus ap-
 pellatus, *ibid.* Regno Neapolitano
 præstet, *ibid.* Alphonsum Aragonum Re-
 gem contra Ludovicum in auxilium
 adſciſcit. 103. Jacobum Caudolam ſe-
 dere ſibi conjungit, *ibid.* Reginz juſſu
 cœna rediens interficitur ab Oſtino
 Carazolo, *ibid.*
 Vercellæ, 64

Verona, 65. 66
 Vetzæ templum, 11
 Ugolinus e gente Triciorum, 107. vide
 Conradus.
 Ugonius de flavionibus urbis correctus,
 14. N.
 Vicanus Jacobus occiſus, 112
 Vicecomitum familia, 61. ejus initium
 a Jovio deducitur a temporibus Fri-
 derici Enobarbi, *ibid.* N. Ghibellinæ
 factioni favet, 61. pulla Mediolano re-
 dit ope Friderici Imperatoris, *ibid.* ad-
 verſariam habet familiam Turrei, *ibid.*
 Mediolano imperat, *ibid.*
 Vicentia, 66
 Vicentini ſe Venetis dedunt, 62
 Virgili verſus de Capitolio, 6
 Urbanus V. Pontifex, 62
 Urbanus VI. 56. ſchiſma ſub eo, *ibid.*
 Joannæ I. Reginz Neapolis inſenſus,
ibid. in Italiam vocat Carolum Dyr-
 rachinum, *ibid.* Butillus ejus nepos,
ibid. & ſeq. fabuloſum eſt, cum, audita
 Dyrrachini morte, gaudio exultaſſe,
ibid. & 56. 72.
 Urſinius Joannes Antonius dictus Princeps
 Tarentinus, 106. a Joanne Corneta-
 no capitur, 112.
 Uxores ubi cum maritis comburantur;
 quo magis funera honeſtentur, 128

X

XEITONA, 134

Z

ZEBED animal miri odoris, 151

ERRORES SIC CORRIGENTUR.

P Aginâ 13. lineâ 11. monet, lege movet. 29. 20. maixmum, maximum. 61. 10.
 in Notis, ætati, ætate. 71. 6. anno 1406. debet eſſe in margine. 100. 12. in
 N. quadrifaria, quadrifariam. 107. 26. aviſtor, auctor. 110. 5. in N. tom. 3. col.
 896. lege tom. 2. ad ann. 1446. 112. 7. ad defectionem, ad deditonem. 119. 8. vi-
 geſimo, vigefimo. 129. 19. Mneſius, Menefius.

PRIVILEGE DU ROY.

Louis par la grace de Dieu Roy de France & de Navarre, à nos amez & feaux Conseillers les Gens tenant nos Cours de Parlement, Maîtres des Requêtes ordinaires de notre Hôtel, Grand Conseil, Prevôt de Paris, Baillifs, Seneschaux, leurs Lieutenans Civils, & autres nos Justiciers qu'il appartiendra; Salut. Notre bien amé ANTOINE-URBAIN COUSTELIER Libraire à Paris Nous ayant fait supplier de luy accorder nos Lettres de permission pour l'impression d'un Livre qui a pour titre *Poggii Bracciolini Florentini Historie de varietate Fortune, & ejusdem Epistola LVII.* Nous avons permis & permettons par ces Presentes audit COUSTELIER de faire imprimer ledit Livre en telle forme, marge & caractère, conjointement ou séparément, & autant de fois que bon luy semblera, & de le vendre, faire vendre & debiter par tout notre Royaume pendant le temps de trois années consecutives, à compter du jour de la date desdites Presentes; faisons défenses à tous Libraires, Imprimeurs & autres personnes, de quelque qualité & condition qu'elles soient, d'en introduire d'impression étrangere dans aucun lieu de notre obéissance; à la charge que ces Presentes seront enregistrées tout au long sur le Registre de la Communauté des Libraires & Imprimeurs de Paris, & ce dans trois mois de la date d'icelles; que l'impression de ce Livre sera faite dans notre Royaume, & non ailleurs, en bon papier & en beaux caractères, conformément aux Reglemens de la Librairie; & qu'avant que de l'exposer en vente, le manuscrit ou imprimé qui aura servi de copie à l'impression dudit Livre, sera mis dans le même état où l'Approbation aura été donnée, es mains de notre tres-cher & feal Chevalier Garde des Sceaux de France le sieur Floriau d'Armenonville, & qu'il en fera ensuite remis deux Exemplaires dans notre Bibliothèque publique, un dans celle de notre Château du Louvre, & un dans celle de notre dit tres-cher & feal Chevalier Garde des Sceaux de France le sieur Fleuriau d'Armenonville; le tout à peine de nullité des Presentes, du contenu desquelles vous mandons & enjoignons de faire jouir l'Expo-

qu'il leur soit fait aucun trouble ou empêchement ; Voulons qu'à la copie desdites Presentes, qui sera imprimée tout au long au commencement ou à la fin dudit Livre, soy soit ajoutée comme à l'original ; Commandons au premier notre Huissier ou Sergent de faire pour l'exécution d'icelles tous actes requis & nécessaires, sans demander autre permission, & non-obstant clameur de Haro, Chartres Normandes & Lettres à ce contraires : C A R tel est notre plaisir. D O N N É à Paris le vingt-neuvième jour du mois de Janvier, l'an de grace mil sept cens vingt-trois, & de notre Regne le huitième.

DE S. HILAIRE.

Registré sur le Registre V. de la Communauté des Libraires & Imprimeurs de Paris, page 292. n^o. 435. conformément aux Reglemens, & notamment à l'Arrest du Conseil du 13. Aoust 1703. A Paris le 11. Janvier 1823. BALLARD, Syndic.

VA1
1541642